

دیوان  
جوهر المصائب

جلد سوم  
بانهات

از قریب  
تائب تبریزی

جوهر المصائب

جلد سوم

ND  
۵۰۲۰۱۷

۱۵۰۰ تومان

### ذکر ولادت حضرت رسول اکرم ﷺ

رسالت چرخینین باش وئردی خورشید درخشانی  
 گوزل نوريله یکسر ایلدی دنیانی نورانی  
 آدی یرده محمد (ص) گویده احمد مصطفیٰ مشهور  
 طفیلی ایلین از نفسینه بو کون و امکانی  
 او ایل که عزم ویرانی بیت اصحاب فیل ایتدی  
 یاغوب احجار سجیل ایلدی هر تک تکین فانی  
 همان ایل صبحدن بیر آز قاباق جمعه گونوندیدی  
 قدم قویدی جهانہ ایلدی آفاقی نورانی  
 همان ساعتده ابلیس لعین طرد اولدی گویلردن  
 ووروب تیر شهابیله قوغوبلار آل شیطانی  
 هامی بتخانه لرده دوشدی بُتler سرنگون اولدی  
 تاپوبلار سرنگون توپراقلار اوسته لات و عزّانی  
 یخلدی دوشدی هم دورت کنگره ایوان کسرادن  
 مداین ده شکسته گوردی گوزلر طاق کسرانی

هامی آتشکده هر یرده تک تک اولدولار خاموش  
 دوشوب وارونه هر بیر مملکتده تخت سلطانی  
 هامی شه لر اوگونه لال اولوب گفتاردن قالدی  
 داخی بیر شهده اولموب صحبت و گفتار امکانی  
 نه قالدی علم کاهنده نه اولدی سحر ساحرده  
 ثولوب زایل او گونه یر یوزونده سحر عنوانی  
 او دم دریاچه ساوه باتوب بالمره خشک اولدی  
 ستایش ایلین لر قالدیلار مبهوت و حیرانی  
 او وادی سَماوَه کیم نچه ایل گورمه میشدی سو  
 سو آخدی دوتدی سرتاسر همین خشکیده صحرانی  
 قریش اعراب ایچینه تاپدی تفضیل اولدی آل الله  
 نه چون ایتیمشدیلر مسکن اوگونه بیت اعلانی  
 روایت وار اوساعته او مولود سعادت مند  
 قدوم پاکیه ایتدی مُزین سطح غبرانی  
 ائدوبدور صاق آله تکیه صولون سمت گویه دوتدی  
 ائدوب دُرج دهان پاکی دُر و گوهر افشانی

دگوبدور بیریره لعل لبی نطقه گلوب گویا  
 ائدوب اقرار توحید خدای حی و یکتانی  
 اولوب بیر نور ساطع شرق و غرب ایله ایشیق لاندی  
 آناسی بر ملا گوردی قصور شام ویرانی  
 ایشتدی آمنه خاتون که بیر قائل ندا ایلر  
 بالاندور اشرف مخلوق وار چوخ عزّت و شانی  
 محمّد(ص) قوی آدین مولودیوین امر الهی دور  
 بودور سوق ایلین حقّه مجازی اهل دنیانی  
 او طفلی حضرت عبدالمطلب آلدی آغوشه  
 باسوب از باغرینا جان تک اولوب بو ذکر عنوانی  
 خدایه حمد بی پایان سپاس بی قیاس اولسون  
 که لطفیله عطا ایلوب منه بو طفل زیبانی  
 بیله خوش رنگ و بو - دلبد - کیم گهواره صدرینده  
 سیادت تاپموش اطفال جهانه واردی رُجحانی  
 گلردی رأفتی جوشه اُپردی گل تک ایگلردی  
 ائدردی ردّ آناسینه گنه اول غنچه رعنانی

بو اُپماق بو محبّت بو علاقه بو آلوب وئرماق  
 سالور یاده بالاسیله رباب زار و گریانی  
 او دم که اوخلانوب اصغر امامین آلّری اوسته  
 آلوب زینب ربابه ردّ قیلدی اوخلی قربانی  
 رباب آلدی او طفل شیرخواری جان تک آغوشه  
 باخوب دولدوردی اشک حسرتیله چشم گریانی  
 گوروب گل غنچه سی خندان اولوبدی غنچه چاقینده  
 گلوب بلبل کیمی شور اوستونه اولدی نوا خوانی  
 دیردی حلقینی پیکان بیچن عطشان بالام ایوای  
 ایچن ای سو کیمی اوخلی بوغازیندان آخان قانی  
 آنان اُسون علی گئتدون سو امّیدیه میدانه  
 عجب سیراب اولوب گلدون کباب ایتدون بو نالانی  
 گوروردی حرمله جان اوسته سن جانیم سنه قربان  
 مُرّوتسیز بوغازوندان ووروب اوچ شعبه پیکانی  
 ایله بوس ایلوب تشنه بوغازوندان سولی پیکانی  
 بوغازدا بوسه که یوخدور آنان اُسون علی جانی

گوزون آچ گوزلرون قربانیم بیر بیله ناز ایتمه  
 گوزوندن سالما بیله بو پریشان خانه ویرانی  
 سُودوم اولمادی اولدون یوخسا روگردان علی مَندن  
 گذشت ایله یوخودی منده آج لیقدان سود امکانی  
 منی نامهربان ساندون مگر سالدون بیله گوزدن  
 کُسوب اُفت علی یاندرما چوخ بودیده گریانی  
 اگر سن دویموسان مندن علی من دویمارام سندن  
 دویار یوخسا بالاسیندان آنا ای جسمیمین جانی  
 ایاق دوتما قیلیقین من آرزو ایلردیم عمرومه  
 بو حسرت ایله درد اولدی دلیمده یوخدی درمانی  
 او دم که شه الی اوستونده گئتدون قانلو میدانه  
 منیم اوردایدی فکریم تانولور بو امر پایانی  
 ایله ای ماه پاره جلوه ایتدون گون الی اوسته  
 پوزوب شام اهلینی اُز حالیه آغلاتدون اعدانی  
 گَندنه نالیه دشمن منی امّیدوار ایتدی  
 دیدیم سیراب ائده لر ایمدی عطشان غنچه عطشانی



ولیکن سعدین اوغلی سسلدی یا حَرَمَلَه دورما  
 دایانما گون الی اوستونده اوخلا نجم رخشانی  
 ایشتدیم تا او فرمانی قریلدی قلیمین بندی  
 سنون اوخلانماقون بولدوم یوزه توکدوم جگر قانی  
 بو چولده هر آنا بزم نگاره گوندروب بیر گل  
 گُلوم یوخ منده تقدیم ایلدیم بیر غنچه خندانی  
 بوگون دینه وئروبدور چوخ آنالار چوخ اوغول قربان  
 اُلوردوم خجلتیمدن هر گورنده جمع ثکلانی  
 ایوون آباد اوغول یاخشی منی غمدن خلاص ایتدون  
 سوسوز قانه بویاندون سرفراز ایتدون بو نالانی  
 اولار نورس جوان لار وئردیلر من صودامر قربان  
 آنالاردان آپاردیم امتیاز و فخر شایانی  
 اگرچه درد هجرانوں اَلونجه سینه می داغلار  
 ولی بیر نکته وار آرام ائدر بو قلب سوزانی  
 منیم تک بیر آنا هاردا گچوب اُز شیرخواریندن  
 وئروب سرباز دین ششماهه بیر طفل لب عطشانی

ال اوسته اوخلانوب جان وئرماقون ای صودامر سرباز  
 اولار عالمده سربازان دینه درس عنوانی  
 آلا سرباز جان بازان دین سرمشقینی سندن  
 دوتار دینی مُقَدَّم ترک ائدر فکر سر و جانی  
 سوسوز قانه باتوب یورقون دوشوب بویاتماقون آخر  
 آییلدار خواب غفلتدن تمام اهل دنیانی  
 سنون بو انقلاب اکبروں ای صودامر اصغر  
 ائدر رسوای عالم تا جهان وار آل سفیانی  
 عجیبه انقلاب ایتدون وئروب جان یاخشی نام آلدون  
 سنون وار خدمت شایانوں تحسین شایانی  
 آپارسون سیل کفر ایستوردی قرآنی بو صحرا  
 ئوزون غرق ایلدون قانه - قوتاردون لیک قرآنی  
 رضای خلقی «تائب» خدمتونده ایلمه منظور  
 فقط هر حالده سن دوت رضای حیّ یکتانی  
 سنه باخما ائدر بیر عده بی فرهنگ استهزا  
 اولار گورمَزَلَه حَقّی کور ائدوبدور جهل و نادانی  
 سنه احسان ائدوبدور طبع گویا ذات بی همتا  
 اونا شکرانه دولدور حق سوزیله بطن دیوانی

موضوع وفات حضرت رسول اکرم ﷺ

تائید حقّیله گوتوروب کلک خوش نگار  
عبرت یولیله من ائدرم دفتره نگار  
دنیا ی دونه باغلاما بل سفله باز دور  
دل وئرمه بو دنی صفت و دونه زینهار  
از بس دنی دی نفس دنی طبعی چوخ سور  
عالی سرشت نفسیله اولماز او سازگار  
مین رنگیله بویانما معاشیندن اتری سن  
پیشه ایله قناعتی دوت نفس خواری خوار  
هر کسده اولسا روح قناعت عزیز اولار  
اهل طمع اولان اولی ذلّتله دچار  
بو روزگار بو قلمونیدی چون ازی  
یکرنگی ترک ائدوبدی اولوب رنگ سازه یار  
وسعت وئروبدی باطله هر عهد و عصرده  
ایلوب حقیقت اهلینه دنیانی تنگ و تار  
ترک ایله رنگ رنگیله، همرنگ اولماقی  
یکرنگ راه حقّی دوت اول اوردا رهسپار

همرنگ رنگ رنگ لر اولسان جهان ده  
رنگ دیانتون گئدر البتّه زینهار  
ایتمه ئوزون هر آینه پابند خارجی  
تقلید خارجی ده ضرر وار چکیل کنار  
سوء تفاهم اولماسون ای داوران عدل  
کوتاه فکر ایلمیون سیز منی شمار  
من بو ترقیات بشردن دیمم قاچون  
یوخسا ترقیات دیانتله نفی اولار  
تنها ترقیاتی دوتوب آتما دینوی  
دینونده اولسون ای مترقی بزرگوار  
تووام دیانتیله تدیّن اولا اگر  
دنیا آتار بو وضعی بهشت برین اولار  
بی دین ترقی ایلماقون وار نه ارزشی  
وورسان همین او یولدا ولو گام صدهزار  
دینون تداومینده بیر آزدا قدم گوتور  
بو سوزده واردی اهل ترقیدن انتظار

قرآندا آیہ نازل ائدوب ذات ذوالجلال  
 کفار حیلہ سیندن اماندور قاچون کنار  
 دین دشمنیلہ اولمیون عالمده همصدا  
 قرآن دین یولیلہ گئدر مرد هوشیار  
 از دشمنوزی قادر قهار دشمنون  
 یار یگانه ازأزوزه وئرمیون قرار  
 خوش دل دیوب وئرهلله سیزه عاقبت فریب  
 بیر بیله دوستی سیزه مین باب درد آچار  
 ال تاپسالار همی دیل آچالار هم ال سیزه  
 ایتمزله ظلم ایتماقا سیزدن فروگذار  
 تصدیق ایتمیون بو کذائی تمدنی  
 ایلر پیمر مدنی اوندان احتذار

۱-سوره ممتحنه آیه ۲ یَا أَيُّهَا الَّذِينَ آمَنُوا لَا تَتَّخِذُوا عَدُوِّي وَعَدُوَّكُمْ  
 أَوْلِيَاءَ أَنْ يَتَفَفَّؤْكُمْ بِكُونُوا لَكُمْ أَعْدَاءُ وَيَبْسُطُوا إِلَيْكُمْ أَيْدِيَهُمْ وَ  
 أَلْسِنَتَهُمْ بِالْإِسْوَاءِ - الخ.

سن قهقراده سن نه ترقی ده بینوا  
 اضلال محضدور بو ترقی بو کار و بار  
 تحریف ائدوب کتابلرین چون مسیحیان  
 علت اودور که ئوزلری یولدان چخوبدیلار  
 قرآنی سنده گوزله که تحریف ایلمه  
 ایلرسن اوندا ازأزیوی ذلته دچار  
 قرآن ازی کتاب الیهیدی نقصی یوخ  
 حکم خدادی حکمی قوانینی استوار  
 نازل اولوب پیمر ذیشانہ بو کتاب  
 پیغمبرین الیلہ تاپوب بیله انتشار  
 قرآن یولوندا چوخ چالشوب ختم انبیا  
 کفاردن گوروبدی فزون رنج و انزجار  
 گاهی ائدوبله طعن و شماتت او سروره  
 یولدا توکوبدولر ایاقی آتداگاه خار  
 گاهی او عقل کله جنون نسبتی وئروب  
 کاذب دیوبله گاه او صدیقہ آشکار

کُفَّار گه وئروبله بد اخلاق ليق نشان  
 خُلقِ عظیم صاحبين ایلوبله سنگسار  
 بیر داش گلوب اوتوردی جَبین منیرینه  
 آنی یاریلدی سجده گهی اولدی زخمدار  
 قان آخدی باتدی قانه جمال مُنوری  
 باخ صبره صبر قیلدی او سلطان بُردبار  
 درگاه حیّ داوَره عرض ایتدی یا رحیم  
 رحماً هدایت ایله که ناداندیلار بولار  
 ملّت او تاجداره اذیت ائدوب مدام  
 ایلوب دعا او ملّتی هر لیل و هر نهار  
 مسموم ایتدیلر نچه دفعه او سروری  
 آخر دوشوب ایاقدان او پیغمبر کبار  
 گلدی او فخر نوع بشر اولدی بستری  
 دنیانی آز قالب ائده ترک اول بزرگوار  
 زهرایه از وفاتینی اعلان ایلدی  
 زهرادن آلدی صحبت هجرانی اختیار

هجران غمین سالوب ئورگه گلدی رفته  
 حالی پوزولدی دولدی گوزی اولدی اشکبار  
 فرمایش ایتدی فاطمه جان بیله آغلاما  
 سن آغلینده من گلورم درده زینهار  
 صبر ایله آغلاما منی بیر بیله داغلاما  
 ای نور دیده بو باشوین چوخ بلاسی وار  
 اَمّت آپارمیوب قاپوین احترامینی  
 ایتموب هَلّه ایوینده جسارت سنه شرار  
 اود وورمیوبدیلر قاپوا یانمیوب قاپون  
 دیوار و در وجودیوه وئرموب هَلّه فشار  
 سیلی گوروب یوزون هَلّه اولموبدی نیلفام  
 مسمار سینه وی هله ایتمیوبدی زخمدار  
 حَقّون آلینمیوبدی الوندن جفائيله  
 من سیز اولونمیوبدی سنه ظلم بی شمار  
 دوزدور که فاطمه سنی اَمّت چوخ اینجیدر  
 بیر بارهده و لیک سنه بیر نوید وار

احضار قیلدی فاطمه‌نی باس‌دی باغ‌رینا  
 دین‌دیردی خوش‌دلیله ائدوب زینت‌کنار  
 بیرده گتوردی قویدی دوداقین قولاقینه  
 آهسته سَمعینه دیدی گویا او شهریار  
 چوخ تیزلیقیله مُلحق اولارسان قزیم منه  
 بیله پوزولما آغلما چوخ اولما دلفگار  
 بو مُژده‌نی آلاندا اولوب شاد فاطمه  
 آرام دوتدی اودلی دلینده سونوبدی نار  
 هر دم وئردی ضعف رسول‌خدايه یوز  
 آثار مرگ اولوردی جمالینده آشکار  
 ناگه قاپو دُوگولدی چخوب دیشره فاطمه  
 گلدی قاپو دالیندا دوروب حالتی نزار  
 فرمایش ایتدی کیمسن ارادون ندورسونون  
 وئردی جواب قاصدَم ای معدن وقار  
 محبوبدن حبیبه واریم‌دور رسالتیم  
 ضمن عیادت‌یله اولار نکته آشکار

زهرا بو یوردی باب کباریم مریض‌دور  
 ممکن دگول عیادت سلطان تاج‌دار  
 صوت مُهیبله دیدی وارد اولام گرک  
 ایتدی او صوت‌یله دل زهرانی بیقرار  
 چوخ مُضطرب قیتدی پیمبر حضورینه  
 عرض ایتدی ماجرانی او محزون و دلفگار  
 فرمایش ایتدی او ملک‌الموت دور قزیم  
 ایلر او عمر رشته‌لرین پاره تار تار  
 زهرا اودور که یاری سالار آیری یاردن  
 ایستگ‌لینین الیندن او ایستگ‌لی‌سین آلا  
 قارداشی قارداشیندن آتادان از اوغلونی  
 هر بیر آنانی قزدان اودور ایلین کنار  
 هر خانمان چراغینی خاموش ائدن اودی  
 شمع عزا ائدن اودی ایولرده شعله بار  
 بر هم ائدن اودور هامی بیر عیش و عشرتی  
 عیشی پوزار هر ایوده عزا بزمی قوردورار

گوزده قویان اودور هامونین آرزولرین  
 قویماز اولاه جهانده بیر کیمسه کامکار  
 لذتلی آلان اودی هر بیر مذاقدن  
 شیرینی تلخ ائدندی تاپوب صیت و اشتهار  
 هر بیر یارانمیشی اودی کیم قبض روح ائدر  
 باخماز گدادی، یا شه دارای اقتدار  
 باغلی دگول اونا قاپیلار وارد اولماقا  
 واردور یولی هامی ایوه بی نشر اختیار  
 ساخلار ولی سنون قاپوون احترامینی  
 ایستر اجازه سندن او مأمور کردگار  
 گلموش قزیم یقین منیده قبض روح ائده  
 دعوت ائدوب سنون آتاوی مهربان نگار  
 بو سوزده وئردی ضعف رسول خدایه یوز  
 گورسندی گل یوزونده علامات احتضار  
 دوزدی جبینه قطره به قطره ثلوم ترین  
 یعنی که باغلورام سفر آخرتله بار

جان اوسته مصطفای باشی اوستونده مرتضا  
 قرآن اوخوردی معنی قرآنه اشگبار  
 زهرا دیردی وا اَبتا شور و شینيله  
 گوزدن توکردی عارضینه دُرّ شاهوار  
 صاقدان حسن صولوندا حسین ابن فاطمه  
 هر تک تکی سزیلدویوب آغلاردی زارزار  
 بیر پنج تن یغشیدیلای بویرده بیر یره  
 کرب و بلاده بیرده بو امر اولدی برگزار  
 اول ساعتی که دوشدی آتیندان حسین یره  
 لب تشنه دلشکسته بدن خسته زخمدار  
 الله عمامه حاضر اولوب جدی مصطفای  
 باشی آچوخ آتاسی علی شیر کردگار  
 مسموم زهر کینه امام حسن گلوب  
 زهراده خَم قدیله او دشته ائدوب گذار  
 جمع اولدولار حسین یخیلان یرده پنج تن  
 فریاد واحسینيله دللرده آه و زار

زهره نه حاله قالدی ایا صاحب الزمان  
 حلق حسینی گوردی اُپر تیغ آبدار  
 دُوزمَز آنا گوره، بالا قاتل الینده دور  
 خاصه حسین و فاطمه، پی مطلبه آپار  
 دوشمز غلط دیسم که گوزل اللرین ائده  
 زهرا گوزونه حایل او پیغمبر کبار  
 تا گورمه سون او صحنه جانسوزی فاطمه  
 گورسه او حالی فاطمه نی یاندرار یاخار  
 معناده گلدی ختم رسل مرتضا بتول  
 هم مجتبا حسین کیمی مظلوم روزگار  
 زینبده گلدی سَس وئره زهرا آناسینا  
 ساز ایتدی ئوزگه صحنه او زهرا یه یادگار  
 تک گلمدی گتوردی حسینون بالالارین  
 بیرده حسینی صاق گوره اول عده سوگوار  
 بی کس امامی دوره لیوبلر بیوک کچیک  
 گویا گلون کنارین آلوب دسته هزار

غمگین ترانه باشلادیلار خوش ترانه لر  
 حلقه ووروب اویرده عزا بزمی قوردولار  
 بیر صحنه گوردولر اونی واضح دینمرم  
 کشف ایتماقا او مطلبی من قیلام اعتذار  
 واردور بوقدر هاموسی سسلندی وا حسین  
 فریاد و شیونیه دولوب دشت و کوهسار  
 بعضی اوشاق هراسه دوشوب یومدی گوزلرین  
 بعضی یانا یانا ائدوب اول عالمه نظار  
 ایش بیریره یتشدی نه اولدی، بوقدر وار  
 وا عَمَّتْا دیوبله او اطفال گلعدار  
 آچدی حسین تشنه جگر عاطفی گوزون  
 فرمایش ایتدی دورما باجی بوردا زینهار  
 گئت خیمه گاهه سن باشیم اوستونده آغلاما  
 دوره شماتت اهلیدی دشمنلریم باخار  
 اولام شهید عشق سوسوز کوی عشقه  
 قانیه ایلرم بو بیابانی لاله زار

من کربلانی کرب وبلا ایلرم باجی  
گئت شهر شامه سنده ایله حقّی آشکار  
سجاد عابدینی آپار اوردا منبره  
سفیانانی ایتماقا رسوای روزگار  
آل یزیده مدح علی ایلسون بیان  
کابینه یزیدی ائده جمله تارومار  
«تائب» چکیلدی آخر صحبت چتین یره  
یازما قوتار کلاموی بر وجه اختصار  
طبعون گلوب تلاطمه طغیان ائدر قلم  
گوزله کُمیت طبعوه چوخ وئرمه اختیار  
چوخ دولدوروبدی دفتر اعمالوی گناه  
قیل اعتصام دامن معصوم هشت و چار  
بلکه او خاطره سنی الله بغیشلیه  
ایتسون جزاده اهل بهشتیه همقطار

ضربت خوردن حضرت مولی الموالی علی علیہ السلام  
علی بن ابیطالب در محراب عبادت

سجده گهده یاره لندی شاه عشق  
قانیله دولدی عبادتگاه عشق  
نقش اولدی توپراقدا بلا برنامه سی  
تفسیری گلدی کربلا هنگامه سی



آلدی بیر یاره او شهدن صبر و تاب  
توپراقا دوشدی یارالی بوتراپ  
آخدی قان رخسارینی ایتدی خضاب  
قرمزی جامه گیندی شاه عشق  
سجده گهده یتدی ضربت باشینه  
اگلشوب کاری جراحت باشینه  
قویدی بیر تاج شرافت باشینه  
قرمزی قانیله شاهنشاه عشق




عشق یول تاپدی دل آگاهینه  
 وئردی از عشقین نشان دلخواهینه  
 یاره لی دوشدی عبادتگاهینه  
 بیله ایتدی اقتضا دلخواه عشق  
 گل وجودی دُوندی لرزان، یپراقا  
 اولمادی طاقت دونه صولدن صاقا  
 باشد ا یاره قویدی آنین توپراقا  
 سویلدی یا عشق و یا الله عشق  
 ویردی جبریل امین بیله ندا  
 تاپدی بالله صدمه ارکان هدا  
 سجدهده قانه بویاندی مرتضا  
 اهل عشقی ایلدی آگاه عشق  
 باغبان حالین بولوب گل یوزلیلر  
 باشی اوسته گلدی آغلار گوزلیلر  
 عَنَدلیبانه او شیرین سوزلیلر  
 باشلیوبلر نوحه جانکاه عشق

باشینی آلدی دیز اوسته مجتبا  
 آغلادی مظلوم دشت کربلا  
 لیک عباس ایلدی محشر بپا  
 گون یوزینه یوز قویاندا ماه عشق  
 بو عیادت بیله حالت بو یارا  
 سالدی یاده بیر حسین کربلا  
 دوشدی مقتله یارالی مُقتدا  
 کربلانی ایتدی قربانگاه عشق  
 «تائباً» دوت بو حسین دامانینی  
 یاز کتابه درد و غم عنوانینی  
 اشگیله یو نامه عصیانوی  
 تا گذشت ایتسون سنی الله عشق

حضرت علی بن ابیطالب علیه السلام در محراب خونین

ضربت لیلر سجده ده میر ثقلینی  
دلده بابا وای قویدولا آغلار حَسینینی




ظاهرده باتوب قانینه حیدر یارالاندی  
شمشیر مُرادِی اوتوروب سر یارالاندی  
معناده ولی قلب پیمبر یارالاندی  
باشدان یارالی گورجاق او شاه حَرَمینی  
محراب عبادتده او مَجروح سر اولدی  
ضعف اوز وئروب اول چهره دین گل کیمی سولدی  
آئیندان آخان قانيله شهلا گوزی دولدی  
گورموب داخی اول دیده حق بین طَرْفینی  
جبریل امین بيله ندا ووردی او ساعت  
اللّٰه قسم صدمه تاپوب رَکن هدایت  
باش سجده ده قانه بویانوب شاه ولایت  
کلثوم ایشتحاق اوجالوب شیون و شینی

کلثومه زبس درد و مصیبت اثر ایتدی  
جاری یوزونه گوزلری خون جگر ایتدی  
مظلوم حسین و حَسَنی باخبر ایتدی  
گوندردی آتاسی باشی اوسته حَسَنینی  
قان ایچره حسن تاپدی شه عالمی خسته  
اَوَلده دولاندی باشینا قلبی شکسته  
گوتدی یارالی باشینی آلدی دیزی اوسته  
دیندیردی دانشدیردی امام الثَّقَلینی  
عرض ایتدی بابا کیم سنون آرامون آلوبدی  
شل اولسون او آل کیم سنی بو حاله سالوبدی  
قربانون اولوم بس نیه رنگون سارالوبدی  
دولموش نیه قانيله بوگوزلر حَدَقینی  
بسکه حَسَنون تیر محن قلبینی اویدی  
ایوای بابا وای ذکر ایلدی آغلادی دویدی  
آئینه اسلاميله بیر یوزیوزه قویدی  
قاتدی آتاسی قانینه اشک تر عینی

ایستکلیر اطرافین آلوب زار و دلافکار  
 دولدوردی بولود تک گوزون عباس وفادار  
 قوینوندا الی دوردی مصیبت زده دلزار  
 چوخ حسرتیله آغلادی آغلادی حسینی  
 پیچیده کلیمه اولوب ایتم رجاسی  
 حمل اولدی ایوه شیرخدا باشد یاراسی  
 زینب پوزولوب عرشه چخوب داد و نواسی  
 گورجاق یارالی فاتح بدریله حُنینی  
 بیر زخم آتادا گوردی گلوب شیون و داده  
 یارب نئجه دُوزدی بو خانم کرب و بلاده  
 گوردی که حسین قتلینه ایلوبله اراده  
 مجروح یخوبلار او کریم الابوینی  
 «تائب» نظر مغفرتون اولسا خدادن  
 دُنبالهرو اول پادشه کرب و بلادن  
 ساخلار سنی هر حالده هر مَشی خطادن  
 سن دوت رُوش کوکب بین القمرینی

آخرین فرمایشات حضرت مولی الموالی علیہ السلام  
 در شب بیست و یکم خطاب به فرزندان

من فدا اولدوم نمازه حق کتمان اولماسون  
 پایدار اولسون نماز انکار قرآن اولماسون



من نماز اوسته بویاندیم قانه دوشدوم زخمدار  
 کسب ائده اهل نماز عالمده مندن اعتبار  
 تا نفس وار دوشمیه مؤمن نمازیندن کنار  
 دینینه بی اعتنا دین اهلی بیر آن اولماسون  
 دینه یاندیم اودلی دلدن سوز و ساز آیریلمادی  
 بو دیلیمدن ذکر حَیّ بی نیاز آیریلمادی  
 هر دل شب هر سحر مَنَدَن نماز آیریلمادی  
 تا نماز اهلی نمازه سست ایمان اولماسون  
 نائل اولدوم دین یولوندا خدمت شایانه من  
 دینی دوتدوم آشنا دنیا سوزون بیگانه من  
 شمع دینه ایلدیم از جانیمی پروانه من  
 ایله یاندیم ایله بیر پروانه سوزان اولماسون

ئوز حیاتیمده جهانه حقّی اعلان ایلدیم  
 عمریمی هر حالده من وقف قرآن ایلدیم  
 عاقبت از جانیمی قرآنه قربان ایلدیم  
 ایله قربان اولدوم اصلا ایله قربان اولماسون  
 من دیدیم جاری اوله، لازمدی هر احکام دین  
 خلق اوله محکوم هر حکم ایتسه قرآن مبین  
 ایتمیه قانون قرآنه تجاوز مُشرکین  
 حکم قرآن بسدی اجرا ئوزگه فرمان اولماسون  
 من دیدیم هر کس موافق اولماسا قرآنیه  
 دامن قرآنه چنگین وورماسا ایمانیله  
 روبرو دور هر ایکی دنیا مبین خسرانیله  
 ایله بیر خسران که هرگز ایله خُسران اولماسون  
 من دیدیم قرآن دیور عورته لازمدور حجاب  
 ایلسون عورت کیشی بیریر لریندن اجتناب  
 داندی بو حکمی قطامه سالدی کونه انقلاب  
 ایله قان توکدوردی عالمده اونا قان اولماسون

من دیدیم قانون قرآن پایدار اولسون گرک  
 دین اموراتینده عامل مرد کار اولسون گرک  
 دین ایشیندن نامسلمان لار کنار اولسون گرک  
 مُسلمینین سرپرستی نامسلمان اولماسون  
 من دیدیم دینی مسلمان لار گرک خوار ایتمه سون  
 مُسلم و کفار آلی بیریر لرینه یتمه سون  
 زیر بار ظلمه عالمده مسلمان گتمه سون  
 آگمه سون کُفاره باش مخذول دوران اولسون  
 من دیدیم مسلم گرک شرعین بناسین یخماسون  
 نقشه کُفاریله اسلامیانی سخماسون  
 ذره جه قانون قرآندان کناره چخماسون  
 دستگاه کفریله هم عهد و پیمان اولماسون  
 تابع قرآن گرک دیناره دینی ساتماسون  
 طرح قانون ایلیوب قانون دینه قاتماسون  
 یاتماسون اسلامیانی یأسیله یوخلاتماسون  
 دهرده جمعیت قرآن پریشان اولماسون

دین ده اولسون مسلمان لار گرک چوخ چوخ بصیر  
اولماسون لار اهل کفره کورکورانه اسیر  
ایتمه سون بی دین لر تا ئوزلرین خلقه امیر  
حکمران قرآنیانه آل سفیان اولماسون  
گتیه سون اسلامیان غفلتله خواب غفلته  
اختیارین وئرمه سون هر عنصر بی غیرته  
فاسق عنصر چکمه سون تا خلقی تحت بیعتّه  
جبریه حیثیت و ناموسی تالان اولماسون  
مسلمین از قامتیندن رخت غیرت سویماسون  
کفره همدست اولماسون قرآن و دیندن دویماسون  
مشرکین اسلام آدیه دین ده بدعت قویماسون  
اهل دین بدعتلریله خانه ویران اولماسون  
پایمال از حقینی اهل حقیقت ایلمز  
عزت نفسین آتا نماز میل ذلت ایلمز  
دین یولوندا باش وئرر کفار بیعت ایلمز  
کفر مذهبدن دیر اسلامه سلطان اولماسون  
بو نماز اوسته منه تاپموش بو عالم اختصاص  
جانه دویموشدوم بو عالمده عجب اولدوم خلاص

یاره لن دیم سجده ده گلدی آله منظور خاص  
تا که حقیقه منیم مسموع بهتان اولماسون  
آخر عمریمدی بیر آز وقت فرصت ایلمز  
فرصتیمجه سیزلره بیر شمه صحبت ایلمز  
چوخ اهمیت نمازه من وصیت ایلمز  
تا نمازه سیزده بیر سستی و نسیان اولماسون  
سیزلره مندن وصیتدور آدای واجبات  
عمده سی حج و جهاد و صوم دور رد ذکوة  
الله الله الصلوة الصلوة الصلوات  
وای او نفسه بو نمازه اوندا ایمان اولماسون  
اولمیون قرآندان ئوزگه بیر کتابه پای بند  
ایلیون قرآندان استقبال شایان دین پسند  
قبل از آن که ئوزگه لر قرآندان اولسون بهره مند  
تا سیزه سرمایه تحقیر و خذلان اولماسون  
یتمدی عمر و مده نقصان ذره جه ایمانیمه  
عامل اولدوم صدقیله ذکر ایتدیقیم عنوانیمه  
حق دانشدیم ابن ملجم باتدی ناحق قانیمه  
نه روا نادم او شوم و سست پیمان اولماسون

سجده ده ووردی باشمدان بیر یارا دست مَجاز  
 فی الحقیقه وئردی بو یاره منه چوخ امتیاز  
 من نماز اوسته یخلدیم قائم اولسون - تا - نماز  
 تا دم محشر نماز احکامی پنهان اولماسون  
 فخر دور قربان دین اولماق بیزوخ آل خلیل  
 یاره لندی سجده ده باشیم قانیم اولدی سیل  
 سجده ده باش بو حسینیمده اولار تشنه قتل  
 نیزه ده تکبیر سویلر سجده نقصان اولماسون  
 قائلو باشیله اولار نیزه باشندا سرفراز  
 شوریه قرآن اوخور هر یرده با لحن حجاز  
 بولدورر خلقه اودور قربان قرآن و نماز  
 تا که قرآن و نمازین حقّی کتمان اولماسون  
 «تائباً» نازل ائدوب قرآنی حیّ لم یزل  
 اعتصام ایت چکمه هرگز دامن قرآندان ال  
 باخ گوزل فرمانینه احکامینه ایله عمل  
 تا سنه روز جزاده خصم قرآن اولماسون

زبان حال حضرت امام حسن علیه السلام خطاب  
 به حضرت امام حسین علیه السلام در عزای پدر بزرگوار

حسین اگرچه گران گلور فرقت شه لافتی سنه  
 بیله پوزولماسن آغلاما آغلاسون گرک ماسوا سنه  
 آغلیان لار اولسون فدا سنه  
 صبر ایتسون الله عطا سنه



دایان آتام اوغلی طاقتون سینه دن بیله غارت اولماسون  
 دوتولما ابر بهار تک گوزلرون سرشکیله دولماسون  
 گل گلستان مرتضی گل کیمی یوزون بیله سولماسون  
 اولور بو باغریم چو غنچه قان ایلرم نظر بر ملا سنه  
 گلون سالوب گتسه باغبان دوزدی حسرتیندن گلی سولار  
 سولان گله باخسا عندلیب غنچه تک دلی قانیله دولار  
 یارالی دیل لرله اوخشیوب اودلی قلبیله نغمه ساز اولار  
 یوزون سولور اوخشوری باجیم چون هزاره خوشنوا سنه

ئور کده آرتسا غمون گرک یر گوی اهلی یکسر ملول اولا  
 گوزون اگر اشکیله دولاهامی گوز بولود تک گرک دولا  
 یوزون اگر سولسا گل کیمی گلستان و گل لر گرک سولا  
 سن آغلاسان شور یله گرک ماسوا اولا همصدا سنه  
 بیله پریشان دل اولماقون اودلی سینه ده قویموری دُزوم  
 دولی گوز یله باخاندا سن ابر تک دولور اشکیله گوزوم  
 سن آغلینده دُز نومرم قلیم اودلانور آغلورام اُزوم  
 ایله مؤثر دی حالتون هر باخان یانور یا اخا سنه  
 وار ایله بیر عالمون سنون ختم انبیایه حبیب سن  
 ایله بیر اسرار سنده وار سرّ حقه سرّ عجیب سن  
 یامان گونونده بو اُمّتین در دینه حسین بیر طبیب سن  
 عزیز سن ایله بیر مقام ایل یوبدی الله عطا سنه  
 اگرچه قلبون یارالیدور بو یاراسینین یو خدی مرهمی  
 ئورک یانور آغلادور سنی یار فرقتی مرتضا غمی  
 ولیک صبر ایله آغلاما سَنَسَن آغلادان اهل عالمی  
 اولار گویون آلتی سربه سر حشر اولونجاما تمسرا سنه

بو غمده دُز صبر ایله دایان آغلاما بیله هایها ئیله  
 شکسته دلدن سز یلداما اُفت ایتمه نی تک نوا ئیله  
 بو اودلانان قلبه سالما اود بیله ناله وا ابا ئیله  
 قباقدار وار بیرگونون گلر آغلار اُز آتان مرتضا سنه  
 او ایله بیر گوندی عالمی یان دیران یاخان ماجراسی وار  
 وفاسی یوخ بی وفالرین دشمنین سنه چوخ جفاسی وار  
 آتام عزیز ی بو باشوین ماجرای کرب و بلاسی وار  
 او یرده واردی قیامتون کربلادی دارالبلا سنه  
 او باغبانسان او دشته حسرتیله اودلی دلون دولار  
 اَسَر ایله صرصر خزان شاخه لر سینار گل لرون سولار  
 گَیَر قرا عندلیب لر نوبهار باغون خزان اولار  
 دوشه لله سرگشته چوللره ساخلیه لله قارداش عزا سنه  
 اولا اگر «تائب» سنون خدمتونده بیر حسن نیتون  
 خدا یاندا قبول اولار هر نه بیش و کم اولسا خدمتون  
 غمون یوخ آباد اولار یقین هم بو عالمون هم قیامتون  
 عطا اندر مالک جزا موقَف جزاده جزا سنه

خطبه حضرت زهرا علیها السلام  
در مسجد النبی ﷺ در مورد فدک

مرتضاد فاطمه کسب اجازت ایلدی  
حقین اثبات ایتماقا مردانه همت ایلدی



چادر عصمت باشندا عصمت پروردگار  
چیخدی ایودن مسجده گوزیاشلی اولدی رهسپار  
گوستروب هر بیر قدم گوتدوقجا بیر دنیا وقار  
خاکراه مَقْدَمین مَرهون مَت ایلدی  
طی راه ایتدیقجا طاهایه یگانه یادگار  
ایتدی گوزلرده مجسم مصطفانی آشکار  
گوردی هر کیمسه خرام نازینی بی اختیار  
یاد ختم الانبیا مَشیین او ساعت ایلدی  
گرچه گوردی هر گورَن انسیّه حَورا گلور  
چادر عصمت باشندا عصمت کبرا گلور  
مصطفایا عطرین آلوب اَمّا دیدی طاهایا گلور  
جلوه گر گوزلرده طاهانی او نکهت ایلدی

گلدی یتدی مسجده قلبینده آه پُر شَرَر  
وارد اولدی مسجده ریحانه خیرالبشر  
مِنْبَر پیغمبره حسرتله بیر سالدی نظر  
صبرینی بیرمَنْظَره تاراج و غارت ایلدی  
گوردی پیغمبر یرینده اگلشوب اول دنلی  
یادینه دوشدی آتاسی مهر و رَأفت معدنی  
اودلانان قلبی یانوب دلدن اوجالدی شیونی  
گل یوزه گوزدن نثار اشک حسرت ایلدی  
آغلادی بیر حالیه دخت رسول تاجدار  
حال خُصّاری پوزوب سلب ایتدی دلّردَن قرار  
اهل مسجد نالیه گلدی هامی بی اختیار  
یاندی هر بیر دل سزیلتی ایله شدّت ایلدی  
ئوزگه بیر عالم او دم مسجده اولدی آشکار  
گوئیا ایلوب اوگون رحلت رسول تاجدار  
نالّه وا مصطفایه دُولوب هر بیرکنار  
سینه لَرْدَن ناله لر تاراج طاقت ایلدی



جلب اندوب وقريله، خلقی دختر خیرالبشر  
 سس یاتوب اولدی جماعت از یرینده مُستقر  
 انتظار صحبت زهرا اولوبلار سربه سر  
 خطبه سین آغاز اول خاتون عصمت ایلدی  
 ایتدی حَمْدِ حق ازل ناموس حق کبریا  
 سایدی سست عنصلره توحید حیّ لایرا  
 سویلدی مطلق بد اندیشه، وئرر حق بد جزا  
 خوش آلاز پاداش هر کس حَقّه طاعت ایلدی  
 ایلون مَدَنظر اعمالوزی چوخ یاتمیون  
 بیر اولون بیدار حَقّی باطليله قاتمیون  
 حکم حَقّی دانمیون دنیا به دینی ساتمیون  
 سلّم اولون هر بیر اوامر ذات قدرت ایلدی  
 من یگانه یادگار حضرت پیغمبرم  
 طاهره اسم شریفم دور بتول اَطهرم  
 دُرّ دریای حیا بحرِ ادبده گوهرم  
 خالق عالم منی کانون عَفّت ایلدی

من او بانوی عفاقم عَفَّتیم یوزده نقاب  
 عصمت اللّهم منه عصمتدی بیر ستر حجاب  
 یرده مَرْضیّه اولان منصوره گویده انتخاب  
 حق منه لطفاً بو اَلقابی کرامت ایلدی  
 فاطمه مشهور آدیم، زهرای زهرا شهرتیم  
 باطناً حورا اولان انسیّه ظاهر صورتیم  
 عنصر خاکی گورورسوز نوردور ماهیتیم  
 خلق نور حَقّدن خَلّاق خلقت ایلدی  
 بَضْعَةُ منی دیوب حَقّیمده باب تاجدار  
 حُرّه و معصومه ام صَدّیقه ام والا تبار  
 صدق مَحْضَم من، منه مطلق صداقتدور شعار  
 کیم دیر زهرا صداقتدن بَرائت ایلدی  
 اَيُّهَا الْأَنْصَارِ آمادور نیر چرخ هدا  
 عالمه نور نُبُوتله سالان ضوئ و ضیا  
 ایلین ظلمات کفری گون کیمی نوری فنا  
 دهری روشن سالدوقی نور نبوت ایلدی

سبز دگولدوز باغلادوز پیمان رسول اللهیه  
 راه دینده ایتماقا خدمت دل آگاهیه  
 بس ندن دینه باخورسوز دیده اکراهیه  
 سیزلری کیم بیله کور و بی بصیرت ایلدی  
 گرچه گتندی خلق ایچیندن اول رسول تاجدار  
 یر یوزونده لیک اونون قرآنی قالدی یادگار  
 جهلدن مطلق او قرآندور ائدن خلقی کنار  
 باخدی هر کس حکمینه درک سعادت ایلدی  
 بیر کلام الله دور بو مُصَحَف پروردگار  
 ایلسه هر کس قرائت دردینه درمان اولار  
 رهنما و قاضی مخلوقدور کامل عیار  
 نقصی یوخ هر امر کیم قرآن کتابت ایلدی  
 اونداکه دویدی آتام دنیای بد بنیان دن  
 ایلدی دعوت قبولی حضرت جانان دن  
 اهل بیتیم سویلدی اولماز جدا قرآن دن  
 از کتاب و عترتین با هم وصیت ایلدی

ای جماعت مصطفی باب کُباریمدور منیم  
 گل آدی سرمایه عزّ و وقاریمدور منیم  
 هر ایکی دنیا مَبَاهَات اعتباریمدور منیم  
 انبیایه حق اونی ختم رسالت ایلدی  
 وار یادوزدا جهل ایلردی حکومت سیزلره  
 خلقه سیز آزار ائردوز خلق اذیت سیزلره  
 هتک حرمت ایلماق اولموشدی عادت سیزلره  
 سیزلری گلدی آتام آخر هدایت ایلدی  
 درس اخلاق اورگدوب تعلیم قیلدی دلپسند  
 قویمادی وَحْشِيَّتَه اولسون جماعت پای بند  
 عالم انسانیتدن خلقی ایتدی بهره مند  
 سیزلری آزاده از قید جهالت ایلدی  
 تا جهانداران ایلدی رحلت رسول مُمتحن  
 نعشینی یرده قویوب تشکیل وئردوز انجمن  
 سند یروب از عهدوزی اولدوز نه تیز پیمان شکن  
 روحوزی نه تیز مُسَخَّر جاهلیت ایلدی

وار یادوزدا باشوزا سالدی آتام حق سایه سین  
 خم غدیرینده بیان ایتدی ولایت آیه سین  
 سیز ندن یخدور سکوتیله ولایت پایه سین  
 آیۀ اَکْمَلْتُ تَحْکِیمَ ولایت ایلدی  
 بو مگر رسم وفادور ای گروه نابکار  
 ایلدوز بیرده جهاندا جاهلیّت اختیار  
 نولدی بیله حقّی داندوز حقّدن اولدوز کنار  
 جهل و کُفره سیزلری کیم بیرده دعوت ایلدی  
 بو کتابی که گتورموش مصطفای مُمتحن  
 کیمدی آیاتین هوای نفسیله تفسیر ائدن  
 کیم دیور محروم دور زهراى اطهر اِرتدن  
 هانسی آیه بو سوزه آیا دلالت ایلدی  
 وئرمز اصلا بیر کسه رخصت او قرآن مبین  
 جَعَلَ اَندُوبَ بَیرسوز آتام قولونجا آچسون اَز دَیلین  
 حکم قرآنی دانوب اَما او مردود و لعین  
 بیله بیر جعل حدیثه بوردا سبقت ایلدی

ایّها الانصار ایلور فاطمه سیزدن سؤال  
 بو قحافه ارثی اولسون بو ستمکاره حلال  
 لیک زهرايه حرام ارث رسول ذوالجلال  
 سیر ائدون کیم دینه بیربیله خیانت ایلدی  
 آیه به آیه قرائت ایلایوم قرآنی من  
 بیر گورون نه حکم ائدور قرآن حیّ ذوالمِنّ  
 منکر قرآن اولوب بو مُلحد دور زمن  
 دوندی ارث آیاتینی بیربیر قرائت ایلدی  
 سوزلرین خلقه یتوردی چوخ گوزل عنوانیله  
 صورته معنایی سالدی آیۀ قرآنیله  
 حَقّین اثبات ایلدی قانع ائدن برهانیه  
 خلقی قانع بانوی مَهْدِ بلاغت ایلدی  
 غیظیله باخدی او بی شرمه بویوردی دلفکار  
 روز محشرده گریبانون دوتوب ای کین شعار  
 حَقّیمی آلام همین موقوفده سندن آشکار  
 اوندا آنلارسان که نه قدرت حکومت ایلدی

یوز شباب یثربہ دوتدی دیدی هشیار اولون  
ای جوانان مدینه یاتمیون بیدار اولون  
چوخ خموش اگلشمیون عالمده مرد کار اولون  
حقّی باطل گورموسوز اهل ضلالت ایلدی  
وار جوانلوق جانلاروزدا قوللاروزدا اقتدار  
بل لروزه تیغ تیز و جانشکار و آبدار  
ایلیون دامن همّت لر کمرده استوار  
فاطمه سیزدن قیامه استعانت ایلدی  
ایلدوز اولده نه یاخشی قیامی اختیار  
عاقبت تاپدوز نه وضع پستیله سیز انقطاع  
سیزلرون آینده زی گورم زبون و خوار و زار  
اوندا آنلار سوز سیزه نه خواب غفلت ایلدی  
دلنشین نطقیه زهرا آلدی دللردن قرار  
یوزلرینده اولدی احساسات دینی آشکار  
حلقه ووردی اشک گوزلر دولدی چون ابر بهار  
مسجدین اهلین گلوگیر ایله حالت ایلدی


بیر تشنج یوز وئروب تحریک اولوندی شیخ و شاب  
آز قالب مسجده سالسون اهل مسجد انقلاب  
ملحد اول گوروب اوضاعی دوتدی اضطراب  
تیتزدی برگ خزان تک خوف و وحشت ایلدی  
ایستدی پرده چکه حق اوسته اول خانه خراب  
ایتدی صدیقه بیان صدقیله فوراً مجاب  
تاپمادی حق سوز قبایلنده او بد فطرت جواب  
ایستدی شاهد او دم زهرا اجابت ایلدی  
حاضر ایتدی دورت نفر شاهد او بانوی جنان  
بیر علی بیرده ایکی نورس گل گلزار جان  
شاهد اولدی هم ایکی نورسته گل هم باغبان  
بیرده أم ایمن اول امره شهادت ایلدی  
چاره سیز قالدی بو صورتده او غداردنی  
بازدی رد اولسون فداک زهرا یه دینین دشمنی  
مهر ائدوب رد ایتدی زهرا ی بتوله نامه نی  
چخدی مسجدهن ایوه زهرا عزیمت ایلدی

شاد و خُرَّم یول گئدردی دختر خیرالورا  
 جانیة توش ایتدی یول اوسته اونی امر قضا  
 عرض اندوب یا فاطمه کشف ایله نولدی ماجرا  
 نه اولوب صدیقه صدقیله حکایت ایلدی  
 بولدی تا واضح ندور مطلب او شوم کین شعار  
 سویلدی یا فاطمه وئر نامه نی ایلوم نظار  
 نامه نی ردّ ایتمدی اما رسوله یادگار  
 بی حیا دشمن او دم ئوزگه جسارت ایلدی  
 من دیمم نولدی که اولدی زار و خسته فاطمه  
 من دیمم قالدی نه حاله دلشکسته فاطمه  
 واردی بوقدری یخلدی توپراق اوسته فاطمه  
 توپراق اوسته ضَعف او خاتون قیامت ایلدی  
 ضعف ائدنده دُخت فخر خاندان هاشمی  
 آلدیلار اطرافینی فوراً زنان هاشمی  
 دوتدولار قولتوقلاریندان بانوان هاشمی  
 تک تکی مظلومه زهرا یه اعانت ایلدی

دورین آلموش وئردیلر صورت حیا معناسینه  
 دوشمه سون بیر گوز بتولین قامت طوباسینه  
 بو خانم لار بیر گلیدی کربلا صحراسینه  
 شمر او دم که زینب کبرایه جُرأت ایلدی  
 گوردی بیر عالم سکینه قاتدی قان گوز یاشینه  
 سسلدی وا عَمَّتْ اشکی آخوب اُز باشینه  
 دور رقیه سال گلن بیر مَعَجَر عمم باشینه  
 خسته حالت عمّه می ظلم عداوت ایلدی  
 «تائباً» قرآن یولوندا واردی چوخ جدیتون  
 مُتَّقِیْ اول تا هم آرتسون عزّتون هم قیمتون  
 اولماسا تقوی اگر یتمز قبوله خدمتون  
 بو سوزی الله قرآندا کتابت ایلدی

وصیت حضرت زهرا (علیها السلام)  
خطاب به حضرت علی بن ابی طالب (علیه السلام)

عم اوغلی گل ترک ائدورم حسرتیله دنیانی  
تلاوت ایله لطفیله باشیم اوسته قرآنی  
بو جان وئرن وقتده آل باشمی دیزون اوسته  
جان وئروم من خسته



منیم نئجه گل کیمی باخ گور سولان یوزوم واردی  
بهار ابری تک دولان بیر دولی گوزوم واردی  
بو غصّلی سینهده چوخ غصّلی سوزوم واردی  
ائدوم بیان دلدّه اولان محنت فراوانی  
دولار بهارده بولود گوزلریم کیمی دولماز  
سولار گلستانده گل بو یوزوم کیمی سولماز  
خزان اولار باغ و چمن من کیمی خزان اولماز  
خزانه یتدی ظلمیله عمریمون گلستانی

بتوله گل لطفوی بر صورت کمال ایله  
بو سینهدن رفع غم و محنت و ملال ایله  
یتوبدی جان دوداقیمه حقوی حلال ایله  
گذشت قیل اولسا اگر خدمتیمده نقصانی  
اوگون که اهل کین منه ظلمیله یارا ووردی  
یارالی اودلی سینه می درد و غصّه دولدوردی  
گل بهشتیدیم منی باد ظلم سولدوردی  
گلیمه گلچین اجل آچدی دست تالانی  
عم اوغلی قرآن سسوه فاطمه اولا قربان  
نه خوش دوشر ایلپه سن بیر تلاوت قرآن  
آلا او قرآن سسوی جان وئره بتول آسان  
دیلون فداسی گل اوخی باشیم اوسته قرآنی  
جهاندا گلزار غم و درده باغبان اولدوم  
بوکولدی سر و قامتیم قامتی کمان اولدوم  
سارالدی سولدی گللریم منده باغریقان اولدوم  
گوزومدن آخدی عارضه دم به دم جگر قانی

اگر دولا واردی یری دهر شور و شینیمدن  
 علاقه می چون اوزورم هر دو نور عینیمدن  
 حسندن آیریلانمورام خاصه بو حسینیمدن  
 اولاردیلار فاطمه نین جسمده اولان جانی  
 او باغبانم که چکوب حدسیز ریاضت من  
 بو گل لری بسله میشم وئرموشم طراوت من  
 بوگون سنه تاپشورورام بیربه بیر امانت من  
 گوز اوسته ساخلا بو ایکی گل جمال زیبانی  
 دوزنمرم بالالاریم رنگی گل کیمی سولسا  
 مزارده من آغلارام گوزلری اگر دولسا  
 بو خاطریم درده گلر گر اولار ملول اولسا  
 جان ای عم اوغلی جان سنون جان بالاریم جانی  
 بلای کربلاسی وار بو حسینیمون بولم  
 اونون سراغینه دوشوب کربلایه من گللم  
 تاپوب یارالی گوزونون قانینی اُزوم سیللم  
 ئوزونده گل او دشته تاپ او تشنه قربانی

حسین دوشن یرده گلوب ناظر بلا اولام  
 قوروب او یرده بزم غم صاحب عزا اولام  
 قزیم دینده وا حسین منده همصدا اولام  
 محبتیم وار اونا تک قویمارام اونالانی  
 بو سوزی «تائبا» سنه یازدیروبدی رضواندوست  
 بهشت اهلیدور یقین هر کس اولسا وجداندوست  
 بهشت ایسته سز اولون سیزده دین و قرآندوست  
 خدا سیزه ایتسون عطا گلستان رضوانی

وصیت حضرت صدیقه طاهره زهرا ای مرضیه  
خطاب به حضرت علی علیه السلام

جان اوستیم گل ای منه جانان عم اوغلی  
اگلش باشیم اوسته اوخی قرآن عم اوغلی  
آغلار گوزوم واردور منیم گیزلین سوزوم وار  
بیریر سنه گل ایلیوم اعلان عم اوغلی



یوخ طاقتیم دردیم گران دور ناتوانم  
قلبیم یانوب لاله کیمی من باغریقانم  
بیر آز زمان اما سنه من میهمانم  
تز گتسه خوشدور هر گندن مهمان عم اوغلی  
لطفون منه شامل شه گردون جلال ایت  
قلبیم سنقدور سینه دن رفع ملال ایت  
از حَقَّوَه ویرم قسم حقون حلال ایت  
ای عارضی آئینه ایمان عم اوغلی

من بیر گلم گلشن منه باغ رسالت  
خار جفا اما آچوب دست عداوت  
بو قوللاریمدا وار هله نقش جسارت  
بو حاليله وئررم بوگون ده جان عم اوغلی  
وئردیم ملال و محنته یر گوز ایویمده  
دشمن دیدی طعنيله بعضی سوز ایویمده  
دوگدی منی اهل عداوت از ایویمده  
سالدی ایاقدان ظلم بی پایان عم اوغلی  
بیر اودلی دل مینلر غم و غصه گوتوردی  
هر تازه غم کهنه غمی گلدی ایتوردی  
عُصَم چوخ اولدی دردیمی آخر یتوردی  
دویدوم داخی جانه من نالان عم اوغلی  
ووردی دیمم جانی منه ظلميله سیلی  
اولدی منیم بو حالیمین عمده دلیلی  
واردور هله سولموش یوزومده رنگ نیلی  
بو ظلم اولدی مرگیمه عنوان عم اوغلی



من بیر گلم غم رنگیمی ایتدی پریده  
 جانی جفاسی قدیمی ایلوب خمیده  
 ترک ایلرم بو عالمی آخر شهیده  
 درک ایلرم من محضر جانان عم اوغلی  
 گرچه اُزوم بیر نوگل باغ صفایم  
 اما سولوب پژمرده باد جفایم  
 از مرگیمه بوگون اُزوم دلدن رضایم  
 تسلیم ائدم جانانه خوشدور جان عم اوغلی  
 گل گور نئجه گل تک منیم سولموش یوزوم وار  
 آغلار بولود تک بیر دولی آغلار گوزوم وار  
 لطف ایله سن عرض ایلرم نچه سوزوم وار  
 تا قالماسون دلدن سوزوم پنهان عم اوغلی  
 آل اوزمه لی اولدوم بوگون نچه گلیمدن  
 خاصه حسن تک بیر گوزل نور دلیمدن  
 مشکلدی آیریلماق حسین تک سویگولومدن  
 آیریلماق اوندان دردیله بوآن عم اوغلی

ایستکلیدور زهرایه بو نور دو عینیم  
 دویدوم نه من اوندان اودور وار شور و شینیم  
 دویدی نه مندن سوگولوم نازلی حسینیم  
 گل تک سولار بو نوگل رضوان عم اوغلی  
 من ایلرم مدفن بو شهر مصطفانی  
 اما حسینیم وادی کرب و بلانی  
 گر ایسته سه گوگلون سنون بو مهلقانی  
 بیرگون گئداخ منله اونا مهمان عم اوغلی  
 اوردا حسینون بیرگونی چوخ غمفزادی  
 عاشورادی اما اُزی پُرماجرا دی  
 اوردا اوگونه زینبه محشر به پادی  
 وار ئوزگه سرّ اوردا شه خوبان عم اوغلی  
 بیر گوندی کیم چوخ شورش و غوغاسی واردی  
 هر بیر غم اوستی محنت عظاماسی واردی  
 تشکیل جانفرسای عاشوراسی واردی  
 اوغولوم اولار از قانینه غلطان عم اوغلی

يَا نَامَ هَمِينِ هَنَگَامَه نِي قِيْلَامَ مُمَثَّل  
 گَلَمَه اَلِي بَوَش بَاشِي اَوَسْتَه شَاه اَعْدَل  
 اَحْسَان اَيْلَه اَلَدَه گُتُور بِير جَام سَوْگَل  
 قَوِيْمَا حَسِيْنِيْم جَان وَثَرَه عَطْشَان عَم اَوْغَلِي  
 گَل بَاشِي اَوَسْتَه آغْلَاسَن قَان آغْلِيَوْم مِنْ  
 سَن سِيْنَه دَاغْلَا شُورِيْلَه دَل دَاغْلِيَوْم مِنْ  
 سَن بَاخ حَسِيْنُون گُوزَلَرِيْنِي بَاغْلِيَوْم مِنْ  
 سَن نُوْحَه بَاشْلَا مِنْ اَنْدُوم اَفْغَان عَم اَوْغَلِي  
 سَن وَاي اَوْغُول (دِي) وَاي غَرِيْب کَرِيْلَا مِنْ  
 سَن وَا شَهِيْدَا (دِي) دِيَوْم وَا مُحَبَّتَا مِنْ  
 زَيْنَب دِيْسُون اِيْوَاي حَسِيْن وَا زَيْنَبَا مِنْ  
 مِنْ آغْلِيَوْم اَوَلْسُون قَزِيْم گَرِيَان عَم اَوْغَلِي  
 «تَائِب» يَاز آغْلَا گَزْ هَامُو بَزْمِ عَزَانِي  
 آغْلَا خَدَادَن آل بَرَات کَرِيْلَانِي  
 گُئْت اَوْپ نَجْفَدَه قَبْرِ شَاه لَافْتَانِي  
 زَهْرَا دَلِيْنَجَه (دِي) سَنَه قَرِيْبَان عَم اَوْغَلِي

ذِکْر شَهَادَتِ حَضْرَتِ فَاطِمَه زَهْرَاءِ ٱلْعِزَّةِ  
 وَ سَوْگُوَارِي حَضْرَتِ زَيْنَب ٱلْعِزَّةِ

بَار اَلْمِيْلَه بُوکُولُوب قَامَت زَهْرَا  
 يَتْدِي بُوکُولَن قَامَتِيْلَه رَحَلَت زَهْرَا  
 گُوزْدَن گُوزَل اَطْفَالِيْنِي مِيْن دَرْدِيْلَه آتْدِي  
 اُز زَيْنَبِيْن اَآخِر اَنَاسِيْز قَزَلَارَا قَاتْدِي



دَوْلْدِي گُوزِي اَوْلْدِي يُوْزُوْنُون رَنْگِي پَرِيْدَه  
 عَمْرِي گُونِي بَا شَه يَتَشُوب قَدِّي خَمِيْدَه  
 دَنِيَادَن اَو مَظْلُومَه خَانَم گُئْتْدِي شَهِيْدَه  
 گُئْتْدِي اُزِي قُورْتُولْدِي غَمِيْن دَلْلَرَه سَالْدِي  
 دَنِيَادَه هَامِي دَرْدُوْبِلَا زَيْنَبَه قَالْدِي  
 سِيرِيْن قُوتَارُوب چَرخ حِيَا بَدَر کَمَالِي  
 گُون تَک يَتَشُوب اَوَّل شَب عَمْر زُوَالِي  
 بَاش وَثَرْدِي اَو دَم زَيْنَبِيْنُون غَصَّه هَلَالِي  
 بَاشْلَانْدِي بِلَالِي خَانَمِيْن دَرْد و بِلَاسِي  
 بَاجَادِي دِيْسَم يَتْدِي غَم کَرَب وَبِلَاسِي

خلقتده ائدوب وضع خدا مهر بناسین  
 گل اوسته چکر صاحب گل خار جفاسین  
 ایستر آنالار قزلارینی قزلار آناسین  
 قز از آناسیندان آنا قزدان دونه حاشا  
 خاصه آنا زهرا اوله، قز زینب کبری  
 قزلار آنالاردان دونه بولمزله بو دوزدی  
 زینب ال اوزوب فاطمه دن بس نئجه دوزدی  
 الله ئوزی عالمدی آل اوزدی نئجه اوزدی  
 اوزدی آیینی دوزدی شرار غمه یاندی  
 جسمیندن ایله بولدی که روحی آرالاندی  
 اهل دله گزلین دگی واضحدی بو مطلب  
 صبر ایتدی آنا آیریلقیندا نئجه زینب  
 نه نوع آنا تابوتینی سالدی یولا یارب  
 سالدی یولا تابوتی دالینجا گوزی قالدی  
 قلیبنده آنایه دیمه لی چوخ سوزی قالدی

حقلیدی علم اوج مصیبتده ساچیدی  
 حقلیدی پوزوب حالین اگر باشین آچیدی  
 تابوت دالینجا آنا وای دلدہ قاچیدی  
 نه سزیدی یارب نه خانم باشینی آچدی  
 دوزدی آنا تابوتینون آردینجا نه قاچدی  
 زهرا قزی دوزدور که دُونَمَزْدی آنادن  
 آردینجا گئندنمزدی ولی کثر حیادن  
 آغلار گوزی حسرتله سپردی سو قفادن  
 قالמוש مُتحیرِ ایکی مشکل آراسندا  
 جاگیر ایکی حسرت اودی بیر دل آراسندا  
 دوردی دولی گوزلی بیر آنا آردیجا باخدی  
 هجران اودی یاندیردی یانان قلبینی یاخدی  
 یاندی ثورگی گوز یاشی گوزدن یوزه آخدی  
 حسرت آلی قوینوندا او مظلومه قیتدی  
 یوزده آنا سیزلیق توزی پوزقون ایوه گتتدی

اولدی ایووه وارد غمیله مظهر زهرا  
گوردی که یریندن یغیلوب بستر زهرا  
بوش گورجاق آناسی یرینی دختر زهرا  
ایله پوزولوب نالیه گلدی اودلافکار  
احوالینه قان آغلادی مطلق در و دیوار  
زهرا دولانان یرلری گوردی او وفالی  
غم ایتدی گلوگیر آخوب اشک ملالی  
ایوده دایانا بولمدی چخدی او بلالی  
گلدی قاپونون دوردی دالیندا اوزی سوزلی  
گوزلوب آتاسیله حَسَنینی دولی گوزلی  
دوردوقجا پوزولدی دیمه احوالی دوزلدی  
یولدا گوزی تیر غمیله قلبینی دلدی  
ناگه آتاسیله ایکی قارداشلاری گلدی  
گوردی حَسَنین اشکی وورور موج گوزونده  
وار گرد یتیمی اولارین سولموش اوزونده

باخدی آتیه دُوندی گوزی بیر دولی ابره  
آغلار گوزیله عرض ائدوب اول معدن صبره  
تاپشوردون آنامی باباجان سن نئجه قبره  
زهرا سنه بیر جانیدی جانان نئجه دویدن  
دُزدون نئجه سولموش یوزونی توپراقا قویدون  
بیر عمر یانام واردی یری گر بو سوز اوسته  
یاتدی نئجه توپراقلارین آلتندا او خسته  
آل یاره قولاق یاره لی پهلوسی شکسته  
نیلی یری وار قامتینون صاق و صولوندا  
سیلی یری یوزده اثر قَمچی قولوندا  
بیر گنج حیا ایلموسن ای بابا مدفون  
هیّهات گوره مثلینی بو دیده گردون  
مین گوهر غم دلدی گئدوب قَبْره او دلخون  
دلخونیدی مین لر ثورگی قان ایلوبودی  
چوخ دلیری قان گوزلری گریان ایلوبودی

بولمزدیم آنام گون کیمی آخشام باتاجاقدی  
 بولمزدیم آنام تیز منی گوزدن آتاجاقدی  
 تک قبرین ایوینده نئجه من سیز یاتاجاقدی  
 حسرت زده ایلوب ئوزونه قاتدی علینی  
 اودلی ئورگین داغلادی آغلادی علینی  
 شاه آغلادی شهزاده لری داشدیلا بیردن  
 هم ناله اولوب سس چکوب آغلاشدیلا بیردن  
 دله آنای ذکری قوجاقلاشدیلا بیردن  
 بیر سمتده زینب ئورگین تیر غم اویدی  
 بیر یاندا حسینله حسن یوزیوزده قویدی  
 قزلار آنای یاسینده قورار ماتم اساسین  
 زینبده شروع ایلدی زهرانین عزاسین  
 گتدی دوشه دی رسم عزا ئیله لباسین  
 باخجاق دوشنن جامیه زهرايه نشانه  
 اوخشاردی یانقلی دیله چوخ یانایانه

سویلردی اولان باشی بلالی آنای ایوای  
 پهلوسی سنق سینه یارالی آنای ایوای  
 مظلومه آلن یاسلی عزالی آنای ایوای  
 سن نخل وفا میوه لری دردین آپاردون  
 قبره ازویله ئورگون دردین آپاردون  
 ایوای منه، نه تیز بو قزوندان آنای دویدون  
 تندن دیریلیق رختینی آفاقده سویدون  
 قورتولدون ئوزون لیک یرونده منی قویدون  
 سنسیز قزیوی دوره له سون جور و جفالر  
 بیر زینب اولای بیرده هامی درد و بلالر  
 سن دویدون اگر مندن آنایان نه سوزوم وار  
 من دویمادیم اما بولوسن سنده گوزوم وار  
 سانما غم هجرانوه سینمده دوزوم وار  
 همدم منیله گوزده کی قانیاش اولی سنسیز  
 ایوای آنای ذکری منه یولدش اولی سنسیز

سَنَلَن گیدن عزّت آنا بیرده گَلَه هیّهات  
 سَنَلَن اولان عالم دوشه بیرده آلَه هیّهات  
 زینب بیر آچیق قلبیله بیرده گوله هیّهات  
 آنلار آناسیزلار بو سوزی ئوزگه سی بولمَز  
 یعنی آناسیز قزلارین اصلا یوزی گولمَر  
 من سَن دولانان یرلری حسرتله دولانام  
 گورم یریوی بوش آنا دلدن یارالانام  
 نسکللرون اودلار منی نار غمه یانام  
 حقیق دی یانام دردِ دلیم اولدی دواسیز  
 قالدیم صِغر سنّیله عالمده آناسیز  
 «تائب» نَقَدَر عمرده اولسا سَنه فرصت  
 غفلت ایلمه آل رسوله ایله خدمت  
 بو خدمت اولور رونق اسلام و شریعت  
 بو شرطیله که خدمتون الله سُون اولسون  
 بیر یول که گئدورسن ئوزی قرآن دین اولسون

زبان حال امام حسن مجتبیٰ علیهما السلام  
 خطاب به حضرت ابی عبدالله الحسین علیهما السلام

ایچدیردیله گل زهر عداوت منه قارداش  
 جان اوسته سن آغلا منه منده سَنه قارداش  
 سن سویله که مسموم جفا وای حسن ایوای  
 منده دیوم ایوای یارالی جان وئرن ایوای



گل باشمی آل بیرجه دیزون اوسته وفالی  
 حالیمدن ائدوم تا سنی بو حالده حالی  
 گوروار نه بلاسی باشیمون باشی بلالی  
 فوراً بوله سن دردیمی احوالیمه باخسان  
 حالون پوزولار گر پوزولان حالیمه باخسان  
 زهر آتشینه گرچه ایچوب بو سوی یاندیم  
 اود دوشدی یانان قلبیمه یاندیم یارالاندیم  
 یاندیم یارالاندیم داخی من جانه دایاندیم  
 قِسْمَتِدی منه زهری ایچوب جانه دایانماق  
 اما سَنه نَهر اوسته سوسوز قانه بویانماق

گل لب لبریمه بیرجه یانا یانه نظر سال  
 مسموم دودا قدا دوزولن قانه نظر سال  
 لعل لب آرا گوهر غلطانه نظر سال  
 ظاهرده یانان لب لبریمه قاندی دوزولموش  
 معناده منیم مرگیمه عنواندی دوزولموش  
 مشکل دونه حسرت گجه میز گوندوزه قارداش  
 آز قالدی آجل رشته عمری اوزه قارداش  
 گل بیرده بوصون دمه قویاق یوز یوزه قارداش  
 اول دم فرقتده گوزل عطرون آلوم من  
 قول بوینوما سال، بوینوا قول بیرده سالوم من  
 من بیر گلیدیم گتدی بهاریم چمنیمده  
 گورسندی مین آثار خزان پیره نیمده  
 ایل لرله غریب وطن اولدوم وطنیمده  
 ظاهرده منه ملک مدینه وطن اولدی  
 باطنده وطن اولمادی بیت الحزن اولدی

دوز گلمدی گردونه حسین جان حسنیله  
 من دردیه مونس، هامی درد اولدی منیه  
 از عمریمی وئردیم باشا مین لر مَحْنِیه  
 قورتولدوم ازوم، گنما قیمون وقتی آزالدی  
 نه دردوبلا واردی حسین تک سنه قالدی  
 دشمن سنده من کیمی ظلم علن ایلر  
 آغلار گوزیوه عالمی بیت الحزن ایلر  
 قویماز سنی شهرونده جلای وطن ایلر  
 لابد دوشه سن ایلدن اوزاق داغ داشا قارداش  
 چوللرده وئرسن گونون عمرون باشا قارداش  
 غم یولداشیسان حالیم اولوبدور سنه معلوم  
 من گتملیم دل یارالی غصه لی مسموم  
 ای حق گئدن الدن اولان من کیمی مظلوم  
 هر حالده قارداش حسنی سچمه ئوزوندن  
 اطفالیمه ایله آتالیق سالما گوزوندن

من دویمادیم آفاقدہ گل یوزلولریمدن  
 ایمدی دوشورم آیری شیرین سوزلولریمدن  
 چوخ چوخ نگرانم بو دولی گوزلولریمدن  
 مَندَنصَورا قویما دولا چوخ گوزلری قارداش  
 رَأفَتَلَه یَتیش گر اولا هر سوزلری قارداش  
 اطفال منه گورنه یانایانه باخوللار  
 حسرتله سالوب اود بو دل و جانہ باخوللار  
 چِیگنِیَنده بویونلاری یتیمانه باخوللار  
 باخدیقجا گوزی یاشلو یانایانه حسینیم  
 باغیریم دُونوری حسرتیله قانه حسینیم  
 تک تک اولارین قیدینه سن قال آتام اوغلی  
 مَرَهَم یارالی دللرینه سال آتام اوغلی  
 بو قاسمی دیندیر ئورگین آل آتام اوغلی  
 باغیمده گل تازهدی قویما سولا قاسم  
 غمگین اولارام قبرده غمگین اولا قاسم

باخمازلا که اطفال، یتیمیم قالار آغلار  
 بی شرم عدو بیرده یانان قلبیمی داغلار  
 نعشیم یوزونه روضه پیغمبری باغلار  
 قویمازلا گئده روضه پیغمبره نعشیم  
 تابوتده یتیمیش اوخ آلا پیکره نعشیم  
 صبر ایله حسین اولما ایله وقتده دلگیر  
 راضی دگولم جَنگ اولای صاحب تدبیر  
 قویما چَکَه عَبّاس او هنگامده شمشیر  
 گر چَکسه قَلج غزوه خونین اولی قارداش  
 اوندا حرم جَدیمه توهین اولی قارداش  
 خورشیدین الی ماه درخشاین الینده  
 دست حسنی هیکل احسانین الینده  
 سلطان بلا شاه شهیدانین الینده  
 زینبده باخوردی که حسن گوزلری آخدی  
 حسرتله آخان گوزلری اطفالینه باخدی



یعنی یتشوب موسم هجران گندورم من  
 دین اوسته ائدوب جانیمی قربان گندورم من  
 خلوتگه جانانیمه مهمان گندورم من  
 بو آیریلیقی گلدی اجل بینده سالدی  
 بیرده منی گورماق بالالار محشره قالدی  
 بو حالده بی طاقت اولوب داشدی اوشاقلار  
 یکباره وئروب سس سسه آغلاشدی اوشاقلار  
 گوز یاشلی او ساعتده قوجا قلاشدی اوشاقلار  
 آشگین بالالار خون دله قاتدی او یرده  
 قاسم هامونی آغلادی آغلاتدی او یرده  
 یوز دوتدی بنی هاشم او دم شاه حجازه  
 تشیع اولونا نعش حسن وئردی اجازه  
 سوی حرم جدینه حمل اولدی جنازه  
 یثربده صدا دوشدی حسن ایلدی رحلت  
 تشیعینه شهر اهلی گلوب ایتدیله شرکت

بیر یاندا حسین قلینی غم تیری دگر دی  
 بیر سمتده عباس یوزه اشگین آردی  
 بیر یاندا یتیمان حسن داده گلردی  
 مملویدی فریاد و نوائیله مدینه  
 دولموشدی بوتون وا حسنائیله مدینه  
 مروان گتوروب ظاهره بیرکینه تازه  
 یول باغلادی نعش شه بطحا و حجازه  
 گئتسون حرم جدینه قویموبلا جنازه  
 بو وضعی گوروب بیریره دگدی او جماعت  
 یثربده قیام ایلدی اوضاع قیامت  
 بو منظره چوخ ایتدی بنی هاشمی دلگیر  
 گوزلر قزاروب غیظه گلوب جمله سی چون شیر  
 عباس علی آلدی آله قبضه شمشیر  
 عباسی گوروب جوشه گلوب تازه جوانلار  
 اما نه جوانلار هاموسی جوهر جانلار

بیریاندا آلوب تیغ آله دیندار جوان لار  
 بیرسمتده آماده اولوب دینی دانان لار  
 آل اوسته او ساعت آلینوب تیر و کمان لار  
 بیردن قویولوب سخت کمان اوستونه اوخلار  
 یاغدی او گوزل جان جهان اوستونه اوخلار  
 پَر آچدی هوا اوسته نچه ناوک پَران  
 بالیده لَنوب تک تکی سسلردیله قان قان  
 آخر اوتوروب نعلش امامه نچه پیکان  
 تابوتده اوخلار گلوب اوخ اوسته ساچیلدی  
 گل تک بدن وجه حسن گوزگوز آچیلدی  
 گوردی که حسین شرم یوخ اتباع جفاده  
 قان لار توکولر ایلسه گر جنگه اراده  
 از قارداشینون سالدی وصایاسینی یاده  
 ایتدی او وصایایه عمل سرور شیعه  
 امر ایلدی حمل اولدی حسن نعلشی بقیعه

قویدوردی یره نعلشی نوا عرشه اوجاتدی  
 حسرتله گوزون اشکیله دولدوردی بوشاتدی  
 سانسیز اوخی قارداش بدنیندن چکوب آتدی  
 آتدیقجا دیدی اوخلی یارالی بدن ایوای  
 مظلوم آلن باشی بلالی حسن ایوای  
 بو حال منیم دل غمیمی چوخلادی قارداش  
 دشمن بیزی بوگونه عجب یوخلادی قارداش  
 من باخدیم اولار پیکریوی اوخلادی قارداش  
 دُزدوم دیدوقون تک یوزومه گوزیاشی دُزدوم  
 الله ئوزی عالمدی که دُزدوم نئجه دُزدوم  
 بیر قبر حسین قازدیروب اول معدن صبره  
 دولدوردی گوزون ایتدی مثل بیر دولی اَبَره  
 قارداشی قویوب قارداش، الیه ئوزی قبره  
 وَجِه حَسَنی آچدی قرا توپراقا قویدی  
 حسرتله حَسَن وای دیدی چوخ آغلادی دویدی

سویلوب اولان ای ظلمیله مسموم اَلن ایوای  
 حقّیندن اولان دهرده محروم اَلن ایوای  
 حقّی گئدن الدن ئوزی مظلوم اَلن ایوای  
 قویدی اوز اوزه توپراق او وَجِه حَسَنیله  
 مَنده قوتارام عمری گرک وا حَسَنیله  
 عالم یری وار اودلانا گر بیر بو سوزومدن  
 سندنصورا دنیا نئجه دوشمز بو گوزومدن  
 دنیانی سُوم بیرده گلر یوخسا یوزومدن  
 بیر یوز که ائدوب ناز او گل ییپراقا قارداش  
 قویدوم اَز اَیمله او یوزی توپراقا قارداش  
 هجرانوه قارداش دیمه سینمده دُوزوم وار  
 سینمَدَن اَلان اولسا اگر چوخلی سوزوم وار  
 سندن بولوسن دویمادی دل سنده گوزوم وار  
 اَلَدَن سنی گلدی بو اَجَل اَلدی حسن جان  
 گئتدون سنون آردونجا گوزوم قالدی حسن جان

انسیتیمز مجلسی دوشمز اَله قارداش  
 سن تک کیم اولار دَرِدِ حسینی بوله قارداش  
 هیهات حسین شاد اولا سنسبز گوله قارداش  
 مینلرله بهار اولسا دوتولموش دل آچیلماز  
 سولدی حسنی گل بو حسینی گل آچیلماز  
 چخماز بو یادیمدان که عدو حقّوی اَلدی  
 اودلی ئورگون نسکلی اودلاردله سالدی  
 دردون دیمدون درد دلون سینده قالدی  
 باخدون منی یاندوردون او دولموش گوزویله  
 درد دلوی قبری آپاردون ئوزویله  
 وردی یارالار قلبوه بیر عده منافق  
 ظاهرده سنه باطناً اشراره موافق  
 طغیان ایلیوب اولدولا سابقره لاجق  
 قلبون آجی دللرله غمین ایتدیله قارداش  
 آخرده سنی خانه نشین ایتدیله قارداش

سن روحمیدون تار دلیم مہریوہ بستہ  
 از روحیمی دفن ایلدیم ای قلبی شکستہ  
 دوزمز ئورگیم چوخ گلرم قبریوین اوستہ  
 آتام سنی تا جسمده جانیم اولا قارداش  
 بو شرطیلہ دشمندن امانیم اولا قارداش  
 قارداش او قدر واردی علاقہ سنہ مندہ  
 تیز تیز گلرم قبریوہ بو شهر خزنہ  
 دشمن منی قویماز قالام افسوس وطنده  
 حسرتلہ سالار ئیلدن اوزاق داغ داشا سنسیز  
 باشہ وئررم عمریمی غربتده وطنسیز  
 یات خاک بقیع آتداسن ای سینه یارالی  
 اما بو حسینون دوشہ جاق سندن آرالی  
 بکطحالیدی آخر اولاجاق کرب وبلالی  
 گورما قلیقمون گر باشوا دوشہ ہواسی  
 گل کرب وبلایہ وار عجب ذوق و صفاسی

گل کرب وبلایہ باغ و گلستانینہ سیرایت  
 گل صاحبینون سو تک آخان قانینہ سیرایت  
 دین اوستہ او یتیمشایکی قربانینہ سیرایت  
 باخ گور نہ قدر قوچ قوزی قربانی یخوبلار  
 سو اوستہ نچہ سرو خرامانی یخوبلار  
 «تائب» بو قدر وئرمہ گلن طول کلامہ  
 ال ساخلا یتور سوزلریوی بوردا تمامہ  
 ہمت ایلہ گئت مدفن سلطان انامہ  
 بیر سال ازیوی قتلگہ کرب وبلایہ  
 اول نوحہ سرا اوردا شہ کرب وبلایہ

## ذکر ولادت حضرت سید الشہداء علیہ السلام

موج اندوب دریای لطف حضرت پروردگار  
 دُرُج عصمتدن گلوب دنیاہ دُرُ شاهوار  
 گوهر بحر حیا دور دُرُ گنز پُربہا  
 جوهر مهر و وفادی هر عوارضدن کنار  
 وجہی وجہ اللہ باقی معنی اللہ نور  
 ایلین نور جمالی عالمینی نوربار  
 باش و ثروب شرق شرفدن سَوم شَعبان دہ  
 نَیر چرخ جَلالت مہر گردون وقار  
 شیرۂ جان پیمبر سرو بستان علی  
 نوگل گلزار زہرا شہر عشقہ شہریار  
 ذات پاک حقہ نازلو سوگلی یعنی حسین  
 ای اولا قربان او شاه عشقہ جان مستعار  
 بو او شاه عشقدور قویجاق تراب اوستہ قدم  
 ایتدی یمن مَقَدَمیلہ گویلرہ یر افتخار

بو او شاه عشقدور کیم گلشن توحید دہ  
 گل کیمی گولدی خزانین ایلدی دائم بہار  
 بو او گلدور گل خجل نشو و نماسیندن اونون  
 عطرین آلموش گل لراولموش مشکیز و مشکبار  
 بو او گلدور لاله پر خون داغ قلییندن اونون  
 بو او گلدور غنچہ لر لعل لبیندن شرمسار  
 بو او گلدور گلشن فردوس رشک ایلر اونا  
 شب نمیندن گل لری ایلر طراوت اختیار  
 بو او گلدور عالمی دولدور موش عطر عشقیلہ  
 عطر عشقی وار اونون تا واردی دور روزگار  
 تَرَبَتیندن ایمیدہ مهر و وفا عطری گلور  
 کربلاہ بیر آییق قلبیلہ گر ایتسن گذار  
 اولموری قسمت گندوب بیر تَرَبَت پاکین اُپم  
 گرچہ مدہوشم آلوب عطرین اولام من ہوشیار  
 دور ائدم جَمعیلہ بیر ششگوشہ قبرین باشینہ  
 ایلیم جان تک صَریح پاکینی زیب کنار

یوز ضریحینده دیم اول شهریاره درد دل  
 دردیمه درمان ائده اول خسرو گردون مدار  
 بو حسین ابن علی دور لطف ائدر زوآرینه  
 درگهیندن دست خالی سائلی ایتمز کنار  
 بو حسین ابن علی دور جمله نومیده رجا  
 دهرده شاه و گدادور لطفینه امیدوار  
 بو حسین ابن علی دور مسّ ائدوب قونداقینه  
 فطرس آزاد اولدی ایتدی کسب عالی اعتبار  
 بو حسین ابن علی دور کیم ولادت ساعتی  
 وئردیلر زینت بهشته جشن اولوندی برگزار  
 امر اولوب لعیایه گویا مصدر لاریبدن  
 باشه یغ بیر عدّه حوریّه بو دمده زینهار  
 دودمان عصمت کبرای حقّه قیل هبوط  
 خدمت ایت زهرايه تحصیل ایله شأن افتخار  
 بو او لیادور که زیبا آختاران اهل بهشت  
 ایلیردی صورت زیبای لعیایه نظار  
 بو او لیادور که یتیمش مین کنیزی واردی حور  
 هر کنیزین از لوقوندا عارض زیباسی وار

بو او لیادور که یتیمش مین اونون وار غُرفه سی  
 جمله مرجان و جواهردن تاپوب نقش و نگار  
 بو همین لیادی که نور جمالیندن اونون  
 هر نه وار موجودی فردوس و جنت نور آلا ر  
 نچه حوریّه باشندا شوقیله ایتدی نزول  
 خانه زهرايه گلدی اولماقا خدمتگذار  
 فرشدن زهرا باخوب خالی گوروب از منزلین  
 خجلتیندن گورستودور اوندا حال انکسار  
 ناگهان بیر حور جنتدن او دم ایتدی هبوط  
 گندی جنتدن بساط جنت اول و الاتبار  
 فرش ائدوب بیر وضع احسنله بتولین منزلین  
 اگلشوب فرش بهشت اوسته دوتوب لعیا قرار  
 اولدی لعیا قابله گلدی بو دنیا یه حسین (ع)  
 نه حسین پروردگاره سوگلی نازلی نگار  
 ویردی آب سلسبیلله حسین شست و شو  
 یتدی بو امریله آب سلسبیلله افتخار  
 ایلدی گل پیکرین مندیله جناتیله خشک  
 اُپدی گویچک گوزلریندن مهراً اول چشمی خمار

ایله گویچک گوز که فخریله اُپه لعیا اونی  
 نه روادور دولدورا قانیله قوم کین شعار  
 آه اوساعتدن که آتدی بیر شقی سنگ جفا  
 ایـلدی آئینه ایمانین آنین زخمدار  
 آنینون قانی آخوب دولدوردی چشم نازینی  
 ایتدی گلرنگ عارض گلفام ثاراللهی ثار  
 آئینی پاک ایتماقا پیراهنین ایتدی کنار  
 قلب عالم قلبی گون تک اولدی ناگه آشکار  
 بیر گمانیله بیر اوخ آلدی اله بیر سنگدل  
 اوخ نئجه بیر اوخ سه شعبه جانشکار و زهردار  
 راست قوررتولدی کماندان پَر آچوب گویده گلوب  
 قلب قلب عالمه اگلشدی تیر جانشکار  
 اوخ دگنده قلبینه بیر ذکر بسم الله ائدوب  
 یوز سپهره دُوندروب اول شهر دینه شهسوار  
 عرض قیلدی شاهد اول بو حاله ای رَبِّ جلیل  
 ئولدورور پیغمبر اوغلون تشنه بوقوم نِقار  
 من دیمم زهرا عزیزین سالدی نه حاله او اوخ  
 یا نئجه قلبیندن اول تیری چکوب آتدی کنار

وار بو قدری هم کورکده هم یارالی سینده  
 گوز آچیلدی اوخ یریندن آخدی قان میزاب وار  
 دوتدی او چوندا او قانی شاه دین آتدی گویه  
 ساخلادی گویده او قانی قدرت پروردگار  
 گلمه دی بیرده او قاندان قطره ده اصلا یره  
 قالدی بیر خونین شفق گویده حسیندن یادگار  
 دوتدی او چوندا دوباره یاخدی گل رخسارینه  
 خون آیلله خضاب اولدی جمال شهریار  
 سویلدی از جَدیمه بیله ملاقات ایلرم  
 قاتلیم کیمدور نشان وئرم رسوله آشکار  
 اوخ دگول بو اوخ گتورموش یار دعوتنامه سین  
 ایلرم منظور بو پیکانی من پیک نگار  
 گلدی ووردی بو ورم لَنموش دله بیر نیشر  
 قلبیمین قانین بوشاتدی راحت ایتدیم اختیار  
 «تائباً» گتیه دولانما ئوزگه بیر درباره سن  
 جان سنون جان بو حسین درباری یوز دوتما کنار  
 هر نه ایسترسن او دربار همایونیده وار  
 دُنیوی و اُخروی شَأْن و شرافت افتخار

در وصف یگانه رادمرد و اسوه غیرت و دیانت  
و عشق جاودان رهبر آزادگان امام حسین علیہ السلام


حسین در بشریت یگانه انسان است  
حسین مظهر عدل است و داد و احسان است  
حسین آینه غیرت است و حیثیت  
حسین سرور احرار و رادمردان است  
حسین عزت دین و حسین شوکت دین  
حسین پیکر وجدان و چهر ایمان است  
حسین روح هدایت، حسین نور ازل  
حسین مشعل توحید ذات یزدان است  
حسین رهبر آزادگان و بیداران  
به نام عشق حسین اول است و پایان است  
حسین قافله سالار فوج جانبازان  
حسین درگه پیکار مرد میدان است  
حسین جوهر فرهنگ و گوهر و دانش  
حسین تیر به چشم جهول و نادان است

حسین روح صفا و فدای کوی وفا  
به راه دین و شریعت یگانه قربان است  
حسین عارف کامل سرآمد عرفا  
حسین شمع شبستان بزم عرفان است  
حسین جان جهان و به دیدگان مردم  
فدای او همه جانها که طُرفه جانان است  
حسین جان به کف و سرفراز بر سرنی  
حسین قافله سالار سربداران است  
حسین عشق و محبت فروغ فتح و امید  
در آسمان وفا آفتاب تابان است  
ز جان و سر بگذشت و به زیر بار نرفت  
بیان نمود که این شیوه مسلمان است  
چرا که جان طلبد سر به راه دین ندهد  
کسی که بر سر او شور دین و قرآن است  
بگیر درس وفا «تائب» از حسین عزیز  
که این مرام به نام حسین عنوان است



ذکر شخصیت و حیثیت و همت و شہامت  
واز جان گذشتگی امام حسین علیہ السلام

او کس کہ امت پیغمبر اولسون  
گرک شاه شهیده یاور اولسون



حسین شائیمدی پیغمبر دیوبدی  
حسین جانیمدی پیغمبر دیوبدی  
قانی قانیمدی پیغمبر دیوبدی  
حسین آدی گرکدور از بر اولسون  
تانیتمدی ختم پیغمبر حسینی  
ائدوب مهریله زیب بر حسینی  
بوله هامی گرک رهبر حسینی  
حسین لایقدی خلقه رهبر اولسون  
حسین قلبه صفاذکری شفادی  
حسین معمار مأوای وفادی  
حسین ویرانگر کاخ جفادی  
گرکدور زنده نام اول سرور اولسون

علم ایتدی حسین شور اوسته قامت  
نه قامت قامت شور قیامت  
و ثروب باش و ثرمدی اما رضایت  
امیر اهل قرآن کافر اولسون  
دیدى مسلم اولان ایمانی دانماز  
مسلمان شیوه انسانی دانماز  
مسلمان آیه قرآنی دانماز  
دیمز عورت گرک بی معجز اولسون  
بو نطقی ایتدی عاشوراده ایراد  
که قطع اولسون گرکدور دست بیداد  
اسارتدن گرک خلق اولسون آزاد  
بو سوز سرلوحه هر دفتر اولسون  
قانیله ایتدی توپراقدا کتابت  
جهاد راه دین درک شهادت  
اولار مرده حیاتینده شرافت  
گرک هرگون بیان بو سوزلر اولسون

حسین آرتوردی بوی و رنگ دینی  
 یاراتدی مرگی، مینلر هنگ دینی  
 دیریتدی قانيله فرهنگ دینی  
 که زنده دانش و دانشور اولسون  
 جهان حیراندی عالی نهشتیندن  
 ائدر تقدیر عالم خدمتیندن  
 گلور بو سس حسینون تربیتیندن  
 گرکدور واژگون ظالم لر اولسون  
 مسلمان اهل ظلمه یاور اولماز  
 مسلمان هم مرام کافر اولماز  
 گئدوب بازیچه بازیگر اولماز  
 گرکدور ضد هر بازیگر اولسون  
 جهاندا سست عنصر کامه یتمز  
 مسلمان میل راه ذلت ایتمز  
 مسلمان زیر بار ظلمه گئتمز  
 ولو قانه بویانسون بی سر اولسون  
 حسین بو یولدا یار یولداش وئروبدی  
 گوز اُرتوبدور اوغول قارداش وئروبدی

جانیندان آل اُروب دورباش وئروبدی  
 که آزاد امت پیغمبر اولسون  
 حسین کونه سالوب اسلام برقی  
 دو توبدور نور پاکی غرب و شرقی  
 حسینون مکتبینه یوخدی فرقی  
 اگرچه اکبر اولسون اصغر اولسون  
 گوروب پژمرده قرآن گلستانین  
 اوباغه سویرینه وئردی قانین  
 بهاره دوندروب دینین خزانین  
 دیدی قوی تازه گلر پرپر اولسون  
 جهاندا «تائب» اهل تمیز اول  
 حسینون عزتین ساخلا عزیز اول  
 حسینه عارفانه اشکریز اول  
 گرکدور معرفتله گوزتر اولسون  
 واروندور «تائب» چوخ چوخ گناهون  
 حضور حقه وار روی سیاهون  
 حسیندور روز محشر دادخواهون  
 (دی) یالوار شافعون اول سرور اولسون

## آرزوی زیارت کربلای مُعَلّا

گنه بو خلق آراسندا نه شور و غوغادی  
 باشندا چو خلارینون شور عشق پیدادی  
 او شوريله چوخی وار ترک خانمان ائدوری  
 دوشوب اونون باشینا شوق کربلا گئدوری  
 حسینّه بسکه اورکدن اولوبلا وابسته  
 گئدللّه گونده بو زوّار دسته به دسته  
 فصیح لحنيله هر لحظه سسلنور چاووش  
 حسین حسین دیوری خلقی ایلور مدهوش  
 ندا وورور آچیلوبدور او باغلانان یوللار  
 حسین زیارتینه هر طرف گئدور زوّار  
 واروزدی یتماقا میلوز اَبَد سعادتینه  
 گلون منيله گئداخ کربلا زیارتینه  
 خوشا او کیمسیه کیم لطف حق اولوب اونایار  
 گئدنلريله حسین قبرینه اولور زوّار  
 هزار حیف که گوگومده قالدی بو حسرت  
 حسین زیارتی بو وقفه اولمادی قسمت

میسّر اولمادی یارب بوئیل تدارک ائدم  
 گئدنلره قاریشوب منده کربلايه گئدم  
 گئندمدیم گوتورّم توشه قبر اطهردن  
 من التماس دعا ایلرم کیدنلردن  
 فدا قدم لروزه‌ای حسین زوّاری  
 او یرده یاده سالون سیز من دِلا فکّاری  
 منّه که اولمادی قسمت او قبر ششگوشه  
 چکون منیم عوضیدن او قبری آغوشه  
 او بیر مزاری میر هدا یاتوب اوردا  
 سالان عراقده شور و نوا یاتوب اوردا  
 باخان سویا سو کنارینده حسرتيله سوسوز  
 قتیل خنجر شمر دغا یاتوب اوردا  
 آلان متاع بلایانی نقد جانيله  
 ائدن خدائيله بیع و شرا یاتوب اوردا  
 دوشن یارالی قوم اوستونده قانینه غلطان  
 دگن وجودینه سانسیز یارا یاتوب اوردا

فدای دین ایلین نفسینی وفائیه  
 وجودی هسته نخل وفا یاتوب اوردا  
 بلا دیارینی بیر لاله زار ائدن قانی  
 بهار دینه وئرن خوش صفا یاتوب اوردا  
 اولان پیمبره ایستکلی مرتضا اوغلی  
 سرور سینه خیرالتسا یاتوب اوردا  
 قویان قیامت اولونجا مکر بو شیعه لری  
 ائدن بو عالمی ماتمسرا یاتوب اوردا  
 ائدن هامی گونی اهل عزایه عاشورا  
 غمینده هریر اولان کربلا یاتوب اوردا  
 ایاقی آلتی اولوب بیر مطاف زوّاره  
 جوان لاله رخ و دلربا یاتوب اوردا  
 دوداقی غنچه قدی سرو گوزلری شهلا  
 گل اوزلیدور اُوزی گلگون قبا یاتوب اوردا  
 بیان و خلقی پیمبر آدی علی اکبر  
 جمالی آینه مصطفایاتوب اوردا

جزاده شیعه جوان لارینا شفاعت ائدن  
 امید سیزلره بیر مُرتجا یاتوب اوردا  
 جنون عشق ایلین فرقتینده لیلانی  
 سالان چوله آناسین بر ملا یاتوب اوردا  
 منای عشقی قزل قانیله مُزین ائدن  
 بلا خلیلینه اَوّل فدا یاتوب اوردا  
 بهار گلشن لیلاده بیر قزل گل اولان  
 قرار قلب شه نینوا یاتوب اوردا  
 آتاسی سینه سین ایلوبدی گاهواره حساب  
 سوسوز اَلن سودامر بیر بالا یاتوب اوردا  
 ایله سوسوزدی اَمَر ایمدی ده لب لعلین  
 دیر مُدام آتا لایلای اونا یاتوب اوردا  
 او غنچه گلدی سالوبدور اونی طراوتدن  
 جفای خار خدنگ جفا یاتوب اوردا  
 آنادان آیری دوشوب سودامر زمانینده  
 باسوبدی باغرینا مظلوم آتا یاتوب اوردا

امامتین گونون اللہ ینون اوستوندن  
 ستاره وار آخوب مطلقا یاتوب اوردا  
 بوغازدا اوخ یاراسی سینه سینده حسرت سو  
 ایچن سو تک ستمیله دما یاتوب اوردا  
 او بلبلیدی گل فاطمه بوداقینده  
 اولوب خموش دوشوب بی صدا یاتوب اوردا  
 رقیه نی ایلین هجر ایوینده درده دچار  
 غمینده رنگین ائدن کهربا یاتوب اوردا  
 او آستانه حبیبی یازوب دولار دربان  
 تاپوب مقامی عجب ایتقا یاتوب اوردا  
 یاخین لیقیندا اولوب دفن سایر شهدا  
 تاپوبدی تک تکی یر جابجا یاتوب اوردا  
 او یر جوان لارا چوخ حسرت آرتوران یردی  
 سولوب گل چمن مجتبا یاتوب اوردا  
 جوان لارین ثورگی قان اولان همان یردور  
 گل اوزلی لاله کفن کدخدا یاتوب اوردا


جنازه سین بزیوب خونچا کیمی گل یارالار  
 بدن یارالیدی باشندان باشا یاتوب اوردا  
 ازی اولوبدی علی اکبر یله هم مسلک  
 آناسینا آناسی همصدا یاتوب اوردا  
 باتوبدی قانینه طوی گورمین بو دنیا ده  
 الینده واردی اونون قان حنا یاتوب اوردا  
 عجب دگول اولوب اول دشت مشک و عنبر خیز  
 شکنج زلفی اولان مشکزا یاتوب اوردا  
 دیولله غم گتورن طوی اطاقی واردی اونون  
 گورن خیال ائدر اول مهلقا یاتوب اوردا  
 گورن او حجله نی بی اختیار درده گلور  
 عروس مرغ دلی گوئیا یاتوب اوردا  
 کنار علقم اولوب رشک گلشن جنت  
 نه چون گل چمن مرتضا یاتوب اوردا  
 همین یری بوریوب دور شمیم مهر و وفا  
 اولان وفالیکره رهنما یاتوب اوردا  
 وفا سپهرینه گون آل هاشمین قمری  
 دوتان جمالینی خونین غطا یاتوب اوردا

او روضه ده هامونون مشکلی اولار آسان  
 او صاحب ید مشکل گشا یاتوب اوردا  
 (دی) دردیوی او علمداردن دواسینی آل  
 تمام درده وئرن خوش دوا یاتوب اوردا  
 مریضون اولسا اگر سال اورا شفاسینی آل  
 وئرن تمام مریضه شفا یاتوب اوردا  
 خلوص نیئيله ایسته از حوائجوی  
 ائندن حوائج خلقی ادا یاتوب اوردا  
 ادب ملاحظه قیل اوردا گوزله غرق اولاسان  
 ادب سفینه سینه ناخدا یاتوب اوردا  
 ووراندا ال سویا هر دم اونا سلام ایله  
 سو اوسته اللری تئندن جدا یاتوب اوردا  
 او با وفا ازی سقادی جان وئروبدی سوسوز  
 اولوب مخالف نفس و هوا یاتوب اوردا  
 گئندن قدم به قدم عالم مساواتی  
 بولن حسینیله نفسین سوا یاتوب اوردا  
 ائندن فرات سویون هیبتی گل آلوده  
 غضبه نایب شیرخدا یاتوب اوردا

دیولله شهدن علمداری آیریلوبدی نندن  
 واریدی غذری تاپوب انزوا یاتوب اوردا  
 سکینه سو دیدی ممکن اولمادی آپارا  
 اودورکه شهدن ائدر چوخ حیا یاتوب اوردا  
 دگوب سو مشکینه اوخ زحمتی گئدوب هدره  
 اولان علم قدی غمدن دوتا یاتوب اوردا  
 اوقدراوخ وورولوب جسم با شرافتینه  
 آچوب پر اوج وفاده هُما یاتوب اوردا  
 صداقتی چوخودی ترجمان وئروب گوزونی  
 دولی گوزیله سویا باخماقا یاتوب اوردا  
 قویان بیرئیل سوسوزون حسرتیله یولدا گوزون  
 پناه عترت آل عبا یاتوب اوردا  
 زیارت ایتماقا یولدا شلارون گئدور «تائب»  
 همین یره که او صاحب لوا یاتوب اوردا  
 بو وقفه همت ایله گئت قوی از قرا یوزیوی  
 همین یره که شه کربلا یاتوب اوردا

حضرت مسلم رحمۃ اللہ علیہ

من مسلم ایقوم سپہدار حسینم  
هم مسلک و هم مذهب و همکار حسینم  
هرچند که مدّتی اوزاق قالموشام اوندان  
دل شور و وروب هاردا که سوز سالموشام اوندان  
دل وئرمیشم اوّل اونا دل آلموشام اوندان  
قلیمده یاریلسا گنه دلدار حسینم



بو قلبیمه انوار خدانی او سالوبدی  
سلطان محبتدی گوگول ملکین آلبودی  
عکس رُخی آئینه قلیمده قالوبدی  
روشن دلیله واله رخسار حسینم  
من اوردایام هاردا اول اول خسرو خوبان  
هر سوز دیسه عیناً او سوزی ایلرم عنوان  
جاناندی حسینیم منه جانیم اونا قربان  
من صدق و صفائیه وفادار حسینم  
گرچه اوزولوبدور آلیم ایمدی از ئیلمدن  
اما اوجالور یاخشی نوا نای دلیمدن

دوشمَز او علی اوغلی حسین آدی دلیمدن  
دیلدّه کسّیلّه میثم تمار حسینم  
پیغمبری تهدید ایلین وقتده کُفّار  
یاتموشدی فراشینده عموم حیدر کرّار  
نفسین اونا ایتموشدی وقایه او وفادار  
بو نِسَبَتّه من حیدر کرّار حسینم  
بو قدر داشا باسمیون ای قوم اوزاقدان  
داغ تک دایانوب قاچمارام البتّه قاباقدان  
یتمز خلل ایمانیمه دوشمده ایاقدان  
پرورده دین سرو سمنبار حسینم  
قربان اولا عاشق یارا جاندا یارا خوشدی  
پیکان بلا غصّه لی قلبی یارا خوشدی  
تک الله ادی دلده یسم چوخ یارا خوشدی  
یاریم ابی عبداللّه ع، اُزوم یار حسینم  
قان قطره سی وار گرچه بو عطشان دوداقیمدا  
حق سوز آخوری لیک بلاغت بولاقیمدا  
سوزلرده آقام قولودی قالموش قولاقیمدا  
افکار او یادان تابع افکار حسینم

مرجانہ نین اوغلی تانوسوز نسل جفادی  
 اما کہ حسین ابن علی روح وفادی  
 اسلامہ فداکاری معنای صفادی  
 اللہ دان اُتور، مندہ فداکار حسینم  
 اللہ قوشونوندا سرو سردار حسیندور  
 حق قافلہ دہ قافلہ سالار حسیندور  
 دین روحیدی اسلامہ طرفدار حسیندور  
 تا وار نفسیم مندہ طرفدار حسینم  
 زہرا بالاسی وئردی منہ بادۂ عشقی  
 چکدیم باشا لاجرعہ می سادۂ عشقی  
 سرمست دولانام باشاباش جادۂ عشقی  
 مستانہ گزن عاقل ہشیار حسینم  
 اما یرہ سیز بادۂ پیمانی توکورسوز  
 اللہی دانوب حرمت قرآنی توکورسوز  
 مہمان چاغروب ایودہ قوناق قانی توکورسوز  
 فکر ایلموسوز خادم دربار حسینم

آیا بوقدر توطئہ برپا نیہ لازم  
 من ئوللم ازوم بیلہ تَقلاً نیہ لازم  
 بیر بی کسی ئولدورماقا غوغا نیہ لازم  
 مین شوقیلہ قربانی دادار حسینم  
 پابند جفا خط وفا اوستہ دوزولمز  
 ایودہ قوناقین ئولدوری، بد یمن اونی بولمز  
 هرکس قوناقین ئولدورہ هرگز یوزی گولمز  
 آخر قوناقام من سیزہ سردار حسینم  
 توکسز قانیمی صوندا پشیمان اولاجاقسوز  
 جمعیت آرا جمع پریشان اولاجاقسوز  
 دنیادہ دہ عُقبادہ دہ گریان اولاجاقسوز  
 ئولدورمیون ای قوم هوادار حسینم  
 از یارہ وورون تَنَدہ سزیلدار یارام آغرور  
 وار سوزشی سونمز نقدر من وارام آغرور  
 یوخدور سوروشان تا دیم آیا ہارام آغرور  
 گوزگوز آچیلان جسمیلہ خونبار حسینم



یارہم گل آچار قرمزی خلعت گیرم من  
دل قانی حسین شوری باشمدا ییرم من  
منظور شفا ئیلہ حسین وای دیرم من  
هر درده دوا دور آدی بیمار حسینم  
غربت زده نین سینہ ده قالماز دُزوم آغلار  
احوالیمہ قان بو بدن گوزگوزوم آغلار  
بو حالده احوال حسینہ گوزوم آغلار  
باشدان آتوب از فکریمی غمخوار حسینم  
بوللم یانا جاق عاقل و فرزانه حسینہ  
قان آغلیہ جاق یادیلہ بیگانه حسینہ  
یرگوی اولاجاق جملہ عزاخانہ حسینہ  
من حال حیاتینده عزادار حسینم  
«تائب» دیمہ کہ کرب و بلا اولموری قسمت  
زہرا بالاسین ایلہ سن اوردا زیارت  
از آدی گلن بزمہ گلر حتماً او حضرت  
گئت آغلا (دی) من ہمدَم زوار حسینم

### احوالات حضرت علی اکبر رضی اللہ عنہ

چون کربلا ده عرصہ اولوب شاہ دینہ تنگ  
دامان شاہہ اکبر شہزادہ ووردی چنگ  
اُپدی آتا ایاقینی عرض ایلدی بابا  
دنیا داخی منیم گوزومہ اولدی تار و تنگ  
دشمن آلوبلا دور و برون ازدحامیلہ  
دریا کیمی قوشون ووروری موج ہنگ ہنگ  
گویا گلوبلہ معنی قرآن قتالینہ  
اسلام آدیله فرقہ بی عار و نام و ننگ  
گوردوم سنون بو حالوی دویدوم حیاتدن  
شیرین حیات باللہ اولوندی منہ شرنک  
مرآت حقنما دلیوی قوم دل سیاہ  
سندیرماقا دو تو بدیلا ال لردہ جملہ سنگ  
بو ننگبار زندہ یقین وار نہ ارزشی  
خوشدور عروس مرگ آلا آغوشہ تنگ تنگ  
واردور بو شور باشدا کہ قربان دین اولام  
وئر اذن سال یولا منی ای شاہ بی درنگ

بیر ملتّی که جنگه چخوبلار خدائیله  
 منده ائدوم بو قومیله راه خداده جنگ  
 اولماز دوروب باخام سنی یالقزلیه بوگون  
 قومی که دوتموش آینه دللرینی زنگ  
 خوشدور یارا بییم سولا گل تک بو گل یوزوم  
 تا گلستان دینه وئره قانیم آب و رنگ  
 عنقایم اوج عزّته پرواز ایچون منه  
 خوشدور که پیکریمده چاتا پَرپَره خدنگ  
 خوشدور آنام قرا گیه ماتم نشین اولا  
 من جان وئرم بو دشته احیای دین اولا  
 فرمایش ائتدی اکبره سلطان تاجدار  
 ای نور دیده صبر ایله چوخ اولما بیقرار  
 بو کربلا منا، بو مناده منم خلیل  
 سنده ذبیحی، ای دل بی صبریمه قرار  
 قربان دین اولماقا آماده سن اگر  
 من مانع اولمارام سنه ای معدن وقار

بو سَهلدور که گتماقیوا مانع اولمارام  
 قربان دین اولماقیوا قیلّام افتخار  
 هر چند سن گوزومده منیم نورسن علی  
 دیزلَرده طاقتم دِل خونینده اختیار  
 سن سرو بوستان امید حسین سن  
 سَنسن حیات گلشنیمه نوگل بهار  
 بو قامتون گورَنده بوگیلوم صفا تاپور  
 بو قامتونده شور قیامت اساسی وار  
 سن نوردیده مَرْدُمک چشم سن منه  
 قویماز علاقه من سنی گوزدن قویام کنار  
 اَمّا بو وقتده اوزورم دامنوندن ال  
 میدانه ایلورم سنی شوقیله رهسپار  
 قرآن و دین خطرده دی امداده سسلوری  
 سَس وئر سَسینه اول گِلّه دین خدایه یار  
 قرآن یولوندا قانه بویانماق فریضه دور  
 گئت سنده بویولیله ئوزون ایله جان نثار

دینون آغیردی قیمتی جان نقدینه آلوب  
 جدیم آتام ویروب بیزه بو دینی یادگار  
 بو قوم ایستوری ایلیه دینی مَلَعَبَه  
 بلکه پوزوب اساسینی ایتسونله تار و مار  
 بیزده گرکدی رونق دین اوسته جان قویاخ  
 دینین ائداخ بناسینی قانیه استوار  
 جَدِّیْمْدَن ارثدور بیزه قربان دین اولاخ  
 ای جَدِّیْمِن شبیهی گل اندام و گلعدار  
 آل خلیلدن ای اولان سَوْمِیْن قَتیل  
 نسل مَحْمَدِیْن ای اوّل فدای یار  
 حکمت ایکی 'فدانی ازل زنده ایستدی  
 تا فرقه سنون گله بو تاج افتخار  
 شایسته بو شرافتی بیر نَسْلَه گورمَدی  
 الا که نسل احمد محموده کردکار  
 جوشه گلوب محبّتی بیردن آچوب قولون  
 اول نوجوانی جان تک ائدوب زینت کنار

گل تک گل اوزلی اوغلونی بیر اُپدی ایگلدی  
 اکبر شیمی قالدی مَشامینده یادگار  
 قربانینه ایلَه اُزی زینت ایلدی  
 گتدی اُپَه اُپَه یولا سالدی او شهریار  
 سالدی یولا جوانینی سلطان نشأتین  
 باخدی اوغول دالینجا دولی گوزلی اشگبار  
 اشگ روانیله سپوب آردینجا سو دیدی  
 بو قومه شاهد اول ئوزون ای ربّ کردکار  
 بو نوجوان که جدّی پیمبر شبیهیدور  
 بو قوم کافرله بوگون روبرو اولار  
 هرکس جمال جدّینه ایتسیدی اشتیاق  
 ایلردی گل جمالینه بو اوغومون نظار  
 گر اختیار ایتسه حجابی، جمال گل  
 عطرین وئرر گلاب بودور رسم روزگار  
 یعقوب ایتورسه یوسف سیمین عذارینی  
 پیراهنیدن ایگلر اونون عطرینی آلار

پیغمبر یله جنگه چخوب بو سپاه کین  
قاتل اولور شبیه رسوله بو اهل نار  
اکبر گئرددی اشک مداد یله شاه دین  
گویا ائدردی صفحه رخسارینه نگار  
گئت ای غزال چین بلا خوشخرام اوغول  
صیاد کین کسوب یولون ایتسون سنی شکار  
گئت دین یولوندا قانونی توکسونله اشقیا  
أز قانونیله ایله بو صحرانی لاله زار  
گللم او لاله زاره تماشایه من اُزوم  
قلیم صفالی وجد کمالیله اشکبار  
چون باغبان او یرده اُپوب ایگلرم سنی  
أز باغریما باسوب ائدرم ناله چون هزار  
قویام سولان جمالویله بیرده یوز یوزه  
خون جمالویله جمالیم خضاب اولار  
شهزاده آچدی فاصله اول شهر یاردن  
وقریله اولدی عازم میدان کارزار

گلدی دایاندی قوم ظلامیله روبرو  
گفتاره دل آچوب او بُرومند ماهرو  
فرمایش ایتدی سیزلره ای قوم عار اولا  
مسکن گوروم جزاده سیزه قعر نار اولا  
سیز گئتموسوز ندن بوقدر خواب غفلته  
ننگوزدی یاتماقوز نه قدر روزگار اولا  
اسلامسوز ندن یولوزی بیله آزموسوز  
سعی ایلوسوز که ملت اسلام خوار اولا  
سیز ادعای دین ائدوسوز، دینه یانموسوز  
لازمی اهل دین اولان دینه یار اولا  
هوشه گلون عوض ایلون خط سیروزی  
مُسلم گرک تاپا یولونی هوشیار اولا  
سوندورماقا تلاش ائدوسوز نور حق سیز  
تا سرپرست خلقه گلوب اهل نار اولا  
آیا روادی سیز آتاسوز حق رضاسینی  
سیزدن رضا یزید کیمی بد شعار اولا

آیا روادی کیم اولاً خانه نشین حسین  
 اما یزید کفرشیم کامکار اولاً  
 سیز ایستوسوز یزیده حسین بیعت ایلیه  
 حاشا بو امر جاری اولاً برقرار اولاً  
 آیا روادی میلجه رفتار ائده یزید  
 بیر صاحب اختیار او بی بند و بار اولاً  
 اول بی حیانی ایلیه سوز، سیزده تقویت  
 ای سیز کیمی بیر اُمت قرآنه عار اولاً  
 وئرمز اجاره شرع نبی آل هاشمه  
 طغیان ائده یزید اولار اهل نظار اولاً  
 بو آل هاشم اگمیوب اگمز یزیده باش  
 باشلار ولو بو چولده بدندن کنار اولاً  
 سر سلسله حسیندی بو آل هاشمه  
 سلطان دین گرک او گوزل شهریار اولاً  
 پیغمبر اوغلیدور بو حسین وار لیاقتی  
 قرآنیان امیری بو والاتبار اولاً

ساقی کوثر اوغلیدی دوزمز گوره گوره  
 سلطان یزید کافر و مشروبخوار اولاً  
 منده حسین فاطمه نین اوغلی اکبرم  
 کیمدور نصیبی من کیمی بو افتخار اولاً  
 کیمدور اولاً آتاسی آتامه منیم نظیر  
 کیمدور باباسی من کیمی صاحب وقار اولاً  
 کیمدور که شأن جدی چاتا شأن جدیمه  
 یا جده سی حبیبه پروردگار اولاً  
 من مکتب حسینده تحصیل ایتموشم  
 بوللم که جان بو دینه گرک دور نثار اولاً  
 بوللم گرکدی قانیم اولاً سو کیمی سبیل  
 دینون بناسی قانیميله استوار اولاً  
 بوللم که سیل خون گرک آخسون بو دشته  
 کفرین بناسی رخنه تاپوب تار و مار اولاً  
 من باش و جان قویام بوگون احیای دین ایچون  
 قرآن تاپوب نجات بو دین پایدار اولاً

بوللم گرکدی قان آخا دین گلستانینی  
 سیراب ائده خزانى دونه نوبهار اولا  
 دین اوسته اوخ قلیج ائده صدپاره جسمیمی  
 قانیم آخا بو کرب و بلا لاله زار اولا  
 دین باغبانی خار آراسندا گلین تاپا  
 نعشیم یاندا نوحه سرا چون هزار اولا  
 من جان به کف بو عرصه میدانه گلیمیشم  
 باک ایتمزم ولو بو قوشون صد هزار اولا  
 بو اشتباهی ترک ایلون انتباهیله  
 تا سیزلره سعادت دارین یار اولا  
 شهزاده گوردی موعظه ایتمز قبول اولار  
 آل آتدی چکدی غیظیله شمشیر آبدار  
 بیر کارزار باشلادی قوم شراریله  
 گویا علیدی بدرده اهل نقاریله  
 هرکس گلوب قباقینه قدین ائدردی راست  
 مقتول اولاردی تیغ گج آبداریله

از بس قلیج ووروب یورولوب شبه مصطفی  
 هم یوز وئروب عطش اونا دلده شراریله  
 یوز قویدی خیمه گاهه او دلخسته تشنکام  
 گلدی حضور تاپدی سوسوز شهریاریه  
 عرض ایتدی ثقل آهن الیمدن قرار آلوب  
 گلدیم حضوریه بو دل بیقراریه  
 بیرده بابا منی بو سوسوزلوق هلاک ائدر  
 یارای جنگ یوخ دل بی اختیاریه  
 احسان ایله بو تشنیه بیر جرعه اولسا سو  
 بو لطفون اولسا خوش گلی پروردگاریله  
 تشنه امام کامینه آلدی اوغول دلین  
 گوهر قرین اولوب، او لب لعلباریه  
 گوردی اوغول آتاسی سوسوزراقدی، خشک لب  
 دریادن آیری دوشدی بالق انکساریله  
 دلدوردی گوزلرین دیدی جان ای سوسوز بابا  
 یاندیم دوباره حالوه بو استناریله

شہزادہ شہ الیندن اُپوب احترامیلہ  
 آیریلدی مہربان آتادان اعتذاریلہ  
 میدانہ یوز قویوبدی دوبارہ او تشنکام  
 جنگ ایتدی قوم تیرہ دل و نابکاریلہ  
 ووردی داغیتدی قویمادی قالسون او قومده  
 نہ مَیمَہ نہ میسرہ بیر کارزاریلہ  
 صحرای کربلانی دوتوب بانگ الحذر  
 تاریک اولوب هوا یوزی گرد و غباریلہ  
 سعداوغلی گوردی جنگ ائدور ایلہ او نوجوان  
 گویا کہ مرتضادی گلوب ذوالفقاریلہ  
 سسلندی عار اولا سیزہای قوم بد مآب  
 مغلوبسوز بو بیر نفرہ صدہزاریلہ  
 اوخ یاغدیرون بو مَظہر پیغمبر اوستونہ  
 تنگ ایلین بو عرصہنی بو شہسواریلہ  
 گلدی اوتوردی قان ایچن اوخلار وجودینہ  
 شہپر آچوب ہمای شجاعت وقاریلہ

هر بیر اوخی چکوب بدنیندن آتوب ووروب  
 ایتدی شکار خصمی همین جان شکاریلہ  
 پیکان وورولدی بسکہ شیبہ پیمبرہ  
 بی حال اولوب او زخم تن بی شماریلہ  
 بیلہ دیردی ئوز ئوزونہ شوق و ذوقیلہ  
 باشہ یتوردون عہدیوی ایثار ثاریلہ  
 زندان تَندہ تنگہ گلوب طایر روان  
 ایستر اوچا محبت دیدار یاریلہ  
 اقبال تاج عشق سنون باشوہ قویوب  
 معراج عشقہ رَفَرَفِ والاتباریلہ  
 هر تیغ کہ دگور سنہ گویا - دَر - دلہ  
 مطلق ووروللا حلقہ وصل نگاریلہ  
 بو یر منای عشقدی سندنہ ذبیح سن  
 قان لُجَّہ سیندہ دوش بو تن زخم داریلہ  
 زہرا آنان گوزتلور اونا تز یتور ئوزون  
 باخما تیکوب آنان یولا گوز انتظاریلہ

ضعف عارض اولدی سالدی آتین بوینونا قولون  
 یاتدی آت اوستونه عدم اختیار یله  
 حیران گئدردی صاق صولا میدان ده عقاب  
 بلکه اونی خیامه آپارسون کنار یله  
 هر عده نین ائدوب قباقدان عبور عقاب  
 یاره ووراردیلار اونا دست شراریله  
 چوخ یاره وورددیلار اونا آخر او ماهرو  
 دوشدی عقابدن، بدن زخم دار یله  
 آتدان یره دوشنده او مجروح تشنکام  
 سسلوب حزین صدا ئیله ای باب السلام  
 درک ایله صون نفسه یارالی جوانوی  
 گل گور نئجه یخوبلا بو آرام جانوی  
 گلچین آلی آچوبددیلار گلزار عمریوه  
 خندان ائدوبددیلر بو گل ارغوانوی  
 دل بُردَه وی یخوبلا بو دلدادگان کفر  
 گل آل کنار یوه بابا از دلستانوی

سولدوردولار بهارده بو عُمر وین گلین  
 دوندردیلر خزانه سنون گلستانوی  
 گل باشین آل دیز اوستونه بیر دردینه یتیش  
 دیندیر بوصون نفسه بو شیرین زبَانوی  
 جانیمدی جانون ای بابا قانیم سنون قانون  
 جانون چخوب توکوبدیلر توپراقه قانوی  
 یالقیزلیوبدی اکبریوی هر یتن وورور  
 دلدن سالوبلا بو یارالی پُر توانوی  
 باغریم اولوبدی قان بابا قان ایچره دوشموشم  
 ای باغریقان کناره چک از باغریقانوی  
 لب تشنه الدورولله شبیه پیمبری  
 پیغمبر اوغلی تاپ بو پیمبر نشانوی  
 گل یوسف مدینه وی تاپ قعر چاهدن  
 یعقوب تک عذاره توک اشک روانوی  
 مجروح اولان غزالوی اوچی آیلندن آل  
 اللرده قویما ای بابا روح روانوی



سن باخ بو حاليله منه منده باخوم سنه  
 دولدور بوشات او دیده گوهر فشانوی  
 قوی یوزیوزه منيله سن آغلا من آغلیوم  
 بلکه بو آغلاماق آلا سوز نهانوی  
 ایله دعا که ایلیه قربانلیقا قبول  
 جانان بی مثال بو آرام جانوی  
 صدچاک اولان جنازه می قیل خیمه گاهه نقل  
 قویما ایاقلار آتدا قالا مهربانوی  
 عمم آنام باجیم داخی گورمزله صاق منی  
 قیل باخبر بی بیم کیمی بیر همزبانوی  
 بیزدن صورا بی بیم گله جاق نعشیم اوستونه  
 یغسون باشا گلنده هامی نوحه خوانوی  
 گلسونله باشیم اوسته او بیر دسته نوحه خوان  
 شوريله اوخشاسونلا سنون نوجوانوی  
 گلسون آنامدا بو باشیم اوسته یانایانا  
 بیر نوحه باشلاسون بویاسون زلفینی قانا

آلدی حسین خیمه ده اکبر صداسینی  
 بولدی از اوغلونون باشینون ماجراسینی  
 اولدی سوار مرکب او سلطان نشأتین  
 میدانہ یوز قویوب تاپا ئوز دلرباسینی  
 بیرقدر گلدی گوردی که سرگشته دور عقاب  
 حیران گزر ولی ایتوروب دست و پاسینی  
 بیر حاليله جلو قریلوب برگ زین چونوب  
 چرخ وفادی لیک سالوب مهلقاسینی  
 باشند ایاقه قانینه غلطان دی قان آخور  
 سویلور او حالی صاحیینون ابتلا سینی  
 یعقوبی یوسفیندن ائده باخبر گلور  
 یاخמוש یوزه نشانه گتورמוש دماسینی  
 گویا گوروبدی یوسفی زندان چاهه  
 رمزاً بیان ائدور دل آلان ماجراسینی  
 گتندی عقاب دوشدی اونون آردیجا گلوب  
 تاپدی خلیل عشق او اعظم فداسینی

اَمَّا نَجَّةٌ يَخْوِدِيلاً مَجْرُوحٌ وَخَسْتُهُ دَلْ  
 زَنَدَانِ چَهْدَه يوسف مصر بلاسينى  
 بىر گلستان عشقدى گل جسمى گوئيا  
 چون غنچه زخم تير وئورور خوش صفاسينى  
 دوزموب ئورک اگيلدى او دم قويدى يوزيوزه  
 دلدن اوجاتدى عرشه اوغول وای صداسينى  
 آلدی باشين ديز اوستونه پوزقون شکسته حال  
 دیندیردی خوش دليله گل اوزلى بالاسينى  
 گوردی که شاهزاده ده یوخدور جوابه حال  
 سانسيز يارا اليندن آلودور قواسينى  
 شه توکدى حسرتيله سرشک روانينى  
 ايتدى عوض او حالده طرز بيانينى  
 دوشدون نه تيز خسوفه سن اى مه جمال اوغول  
 تاپدی بو عمروين گونى نه تيز زوال اوغول  
 باتماقليقون تيز اولدى سحر اولدوزى کيمى  
 اى عمرى آز دلينده اولان چوخ ملال اوغول

من باشون اوسته سن منه ایتمورسن اعتنا  
 بيله اوزانموسان نَدَن اى باکمال اوغول  
 معلوم اولان بودور که يارالى دولانموسان  
 چوخ چوخ يورولموسان داخى یوخ سنده حال اوغول  
 من دلشکسته نون سَسينه بارى وئر جواب  
 گل بىر دله غريب آتاوين گوگلون آل اوغول  
 بيرجه نولور على آچاسان قان دولان گوزون  
 بىکس آتاوه بىر باخاسان لامحال اوغول  
 دنياجه تک بو بىر باخيشين واردى آرزشى  
 اى گوزلری باخشدا پيمبر مثال اوغول  
 هر ياره کيم دگوب سنه مَن جانہ آلموشام  
 بو قان منيمکيدور توکوب اهل ضلال اوغول  
 جان اوسته روحيمى گورورم روحيم آيريلور  
 پيکر دوزر مگر تاپا روح انفصال اوغول  
 بىر باغبان کيمى دولانوب گل سراغينه  
 تاپديم سَنى بو حاليله اى نونهال اوغول

دور قدیوه دوباره تماشا ائدوم سنون  
 ای سرو قامت چمن اعتدال اوغول  
 قامتدی بو حسینه قیامت قیام ائدوب  
 آری همین بو محشریدی ایده آل اوغول  
 دوزدور جوانی گئتسه الیندن یانار آتا  
 یاده سالوب سزیلدار او دلد ملال اوغول  
 بو قلیمی منیمده جوان داغی یاندرورور  
 حقیمدی آغلیم سنه گر ماه و سال اوغول  
 اما سنه چوخ آغلامارام عمر و مون گلی  
 هر چند واردی سینده بو اشتعال اوغول  
 آلدن بالام گئدوبدی بو دینیم که گتمیوب  
 باقی قالب کتاب حق ذوالجلال اوغول  
 اولدون فنای محض بو دینون بقاسینه  
 من ایلرم ثنای حق لایزال اوغول  
 بو آرزومیدی سنی قربان دین ائدم  
 چاتدیم او آرزومه من ای خوش خصال اوغول

دنیا گوزی سنون کیمی قربانی گورمیوب  
 بیرده سنون مثالوی گورسون محال اوغول  
 کیمدور که پرورش وئره سن تک جوان اوغول  
 دینه سوسوز فدا ایلیه بالمال اوغول  
 باخدوقجا من بو حالتوه ایلرم فرح  
 دیدم سروردن توکر اشک زلال اوغول  
 بو گوزیاشی که گوزدن آخور اشک غم دگول  
 اشک سروردور آخوری اتصال اوغول  
 دین اوسته شکری وار که باتوب قانه سربه سر  
 بوقاش بوگوز بویوز بوگوزل خط و خال اوغول  
 شق القمر نشانه سی فرقونده وار سنون  
 زخم سرون اولوب سنه تاج جلال اوغول  
 بو سرزمینی قانون عجب لاله زار ائدوب  
 بو دشتدن صفا آپارور اهل حال اوغول  
 آگوننده کی بو آغ کفنون لاله رنگ اولوب  
 دوتقون نور کبری آچور اول رنگ آل اوغول

سَنَسَن گوزوم ایشیقلیقی دیدمده مَرْدُمک  
ای چین ملک دینده مشکین غزال اوغول  
مجروح یاتما بیلہ بو صحراده نازیلہ  
دورموش سنی شکار ائده مین بد سگال اوغول  
دور یاتما تا سنی آپاروم خیمه گاهه من  
گوزلور یولون آنان توکوری اشک آل اوغول  
سن گتمه سن بی بون گلی میدانہ شوریلہ  
دُوزَمَز محبتیندن او زهرا مثال اوغول  
نازلی رقیه حسرتیلہ گوزتیکوب یولا  
سالماز آدین دلیندن او شیرین مقال اوغول  
امر ایلدی آتا او بیابانده تاپوب  
بین عبادہ خیمه لره انتقال اوغول  
لیلا گورنده اکبر گلگون قبا سینی  
بو دللریله سسلدی عطشان بالاسینی  
ای آسمان حسنده بیر ماهرو اوغول  
مه یوزده هاله زلف تر و مشک بو اوغول

شانه ووروب بو تل لره سالدیم نظامه من  
نظمین پوزوب بو طایفه کینه جو اوغول  
هاردا کمنده سالدیلا بو اوچولار سنی  
زیبا غزال چین بلا مشکمو اوغول  
قائلو ستاره لردی دوزولموش جبینوه  
یا اگلشوب ألوم تری ای ماهرو اوغول  
جسموندی بو ورق ورق اولموش جفائیلہ  
یا گلدی بیر طبق داغیلوب موبه مو اوغول  
باشدان آخوب بو طلعت زیباوی قان دوتوب  
وئرم ازوم بو اشکیمیلہ شست و شو اوغول  
هانسی انا منای محبتده آل ازوب  
قربان وئروبدی سن کیمی بیر نیک خو اوغول  
بو آرزومیدی سنی قربان دین ائدم  
صد شکر دلدہ قالمادی بو آرزو اوغول  
بیر نکته وار ولی گلوری چوخ گران منه  
قربان دینیدون سنه وئرموبله سو اوغول  
بو نسکلون ألونجه منی یاندرار یاخار  
دلدہ قالار بو سوزش دل توبه تو اوغول

بیر جسمه بیر بیلہ یارا وورماق سزا دگول  
 وورموش ندن بو قدر بو قوم عدو اوغول  
 واجب بولوبدولر بیلہ معلوم اولور سنه  
 یاره ووروبدی هرکس اولوب روبرو اوغول  
 صدچاک اولوب یارا ئیلہ گل پیکرون سنون  
 مژگان چشمیلہ ائدرم من رفو اوغول  
 باشندان گچوب آناوی سرافراز ایلدون  
 ای نشأتینده منه خوش آبرو اوغول  
 دشمن اگر گوزل باشوی وورسا نیزیه  
 آردینجا من دوشوب گزرم کوبه کو اوغول  
 مینلر بهار اگر اولا گولمز منیم یوزوم  
 ای خلقی نیک، وی ازی خلقی نکو اوغول  
 سندنصورا گل ایگلرم گلستان ده  
 دولدورسا عالمی گل خوشرنگ و بو اوغول  
 گل صحبتی دوشنده سنون صحبتون سالوب  
 سندن همیشه من ائدرم گفتگو اوغول  
 «تائب» گلر جهانہ حسین تک نه بیر آتا  
 اکبر کیمی نه دینه فدا ماهر و اوغول

زبان حال حضرت قاسم بن حسن علیہ السلام  
 در حال وداع خطاب به مادرش

یاواردیم عجز ایلدیم شاه حجازہ آنا  
 قانہ بویانماقیما آلدیم اجازہ آنا  
 فرمان یازوبدی آتام دین اوستہ قانہ باتام  
 قربان ائدم ازومی شاه حجازہ آنا



خوشدور که ہمرہ اولام حق یول گئدنلریلہ  
 دین اوستہ جانلارینی قربان ائدنلریلہ  
 سن ہم نشین اولاسان اوغلی ئولنلریلہ  
 بیر عمر تاب ائدہ سن سوز و گدازہ آنا  
 خوشدور آلہ آتامون منظورینی گتورم  
 بو چولده قافلہ عشقی گئدوب یتورم  
 اکبر کیمی بدنه سانسیز یارا گوتورم  
 ہمرنگ اولام او گل گلزار نازہ آنا

لیلادن ایمدی گرک سرمشقیوی آلاسان  
 بوگون آلونله کفن بو قامته سالاسان  
 من قائیمه بویانام سنده مَلَر قالاسان  
 لیلا کیمی یته سن بو امتیازه آنا  
 من شایقم آناجان درک شهادتیمه  
 ایله دعا یولا سال احسن دی همّتیمه  
 اکبر آناسینا باخ دوز درد فرقتیمه  
 عمرونجه عادت ایله هر سوز و سازه آنا  
 مندن آل اوز آناجان من ترک ایتلمیم  
 احباب دوشدی یولا آردینجا گتملم  
 یول گوزلور ایمدی اولار اونلاره یتلمیم  
 راز اهلی یتمه لیدور چون اهل رازه آنا  
 لازمدی سینهمه اوخ سنبل کیمی دوزوله  
 صدچاک اولاد بدّنینم عضو عضودن اوزوله  
 بو قاره تللریمین قانی یوزه سوزوله  
 گلرنگ ائده یوزومی اول خون تازه آنا

بیله ایتیرمه آنا سن ایمدیدن ازیوی  
 من ئولمه میش پوزولوب آزما بیله سوزیوی  
 یول اوسته دور او زمان دولدور بوشات گوزیوی  
 گورسن عموم گتورور قانلو جنازه آنا  
 بوللم که اولمیه جاق فرصت بو چولده سنه  
 شوریلّه اوخشیه سن بو نامراد ئولنه  
 بیر عمر گئت آناجان آغلا و طنده منه  
 شرح ایت مُصیبتوی اهل حجازه آنا  
 بو خانوادیه سال «تائب» دخیل ئوزیوی  
 دست عطالرینه تیک صدقیله ئو گوزیوی  
 چوخ آجری وار سنه یاز دفترده بو سوزیوی  
 یالواردیم عجز ایلدیم شاه حجازه آنا

ذکر ولادت حضرت قمر بنی هاشم  
ابوالفضل العباس علیه السلام

صفا گوروندی علی گلشن بهارینده  
گل وفا آچیلوب صحن لاله زارینده  
قدم جهان قویوبدور مہ بنی هاشم  
گزن وفائیلہ دائم وفا مدارینده  
اولان جهانده اون یددی منصبه صاحب  
أزی فقیه دیاننده کار و بارینده  
امام اولاولا بیر مُجتهد ابوفاضل  
بیانی کامل اولان قول اختصارینده  
أزی عفیف آدی زینت کتاب ادب  
ادب رعایت ائدن روز و روزگارینده  
وزیر جنگ و علمدار جیش کربوبلا  
حسینون آرخاسی کربوبلا دیارینده  
بتول قزلارینون تشنه کام سقاسی  
یتن سعادتہ سقالیق افتخارینده

آلان فراتی سو آلدہ حسینی یاد ایلین  
سو ایچمیوب، یخیلان تشنه سو کنارینده  
جسیم جُثّه وجاهتده ماه، زهره جبین  
هلالی قاش گوزی حیدر باخیش نظارینده  
حسین قیافه حسن صورت و علی صولت  
قدی چو سرو سهی عشق جویبارینده  
آخوب قزل قانی تاریخ کربلانی یازان  
دبیر خط حسینی از اشتهارینده  
جمالی گلدی لب لعلی غنچه عرفان  
که معرفت یارانوب چهر نور بارینده  
حیا و شرم أزی شرمنده دور حیا سندن  
ائدن وقاری خجل وقریلہ وقارینده  
خبر وئریلدی شه لافتایه گلدی ایوه  
تاپوب مسرت و شادی او ایو حصارینده  
باخوب نه گوردی که ام البنین یاتیردوبدی  
او قمری شرفی عشق شاخسارینده

گورن دیر دیه سن بس چهارده شبه ماه  
 یاتوب حیا گونونون نازيله کنارينده  
 دولانديروب گوزوني انتظاريله باخوري  
 گوزتلوري ايله بول، يول او انتظارينده  
 يولا باخور نگران گوزلري قالبودا  
 جمال ياري گورور ديده خمارينده  
 بو نکته که ائدورم شرح اشتهايدور  
 يوخومدي بو سوزون اصرار اعتبارينده  
 نه گوردولر او زمان ناگهان حسين گلدی  
 گورنده لطف و عنایت او يار، يارينده  
 حسينون عطرين آلوب گلدی رقتی جوشه  
 سرشک حلقه ووروب چشم اشکبارينده  
 قانادلانوب اوزادوب اللرين حسینه طرف  
 که يعنی قويدی ئوزون قارداش اختيارينده  
 بو رمزيله دیدی قارداش سنه فداکارم  
 ائدوب وفاسینی اعلان او اختبارينده

علی او قدی رسانین اوزون قولون اُپدی  
 سرشکی موجه گلوب چشم دُر نثارينده  
 خطاب ایلدی آغلار گوزيله، بو ال دور  
 قلم اولوب دوشه جاقدر بلا دیارينده  
 همین بو آلدی که چوخ چوخ حسینه خدمت ائدر  
 آغیردی قیمتی چوخ پیش کردگارينده  
 نه تک علی بو الی دورت امام ائدوبدور بوس  
 اولوبلا تک تکی صراف اونون عیارينده  
 علی اُپنده همین ال صحیح و سالمیدی  
 یارا یوخودی حسینون اوجان نثارينده  
 حسین اُپنده ولی پیکریندن آیریدی  
 دگولدی لاحق اونون جسم زخمدا رينده  
 سنون الون دیدی یرده منیم بلیمه الیم  
 بلیم سنوبدی غم و غصّه زیر بارينده  
 الیم بلیمه دُونوب قانه قان اولان گوگولوم  
 حسین قلبین آلان یوخ بو انکسارينده



حسین نه حالده دی قارداشی ئولن اولسا  
 بولر نقدر وار اود قلب پر شرارینده  
 گوزون فداسی او قانلو گوزونله باخ نئجه گور  
 قالوب حسینون الی قلب داغدارینده  
 دیدی که نوکریوین قان دولوبدی گوزلرینه  
 سؤر جمالوی گورسون از احتضارینده  
 ألون فداسی ئوزون سیل بو گوزلریم قانین  
 باخوم سنه نفس واپسین شمارینده  
 قوی ای بلالی او زهرا اپن یوزون یوزومه  
 ئولم گوزلدی یوزوم از آقام عذارینده  
 خجالتم منی بیرده آپارما خیمه لره  
 بو سرو قامتی قوی عشق جویبارینده  
 سوسوز بالالاریوین من باخانمارام یوزونه  
 قالوبلا گوزلری یولدا سو انتظارینده  
 سزادی کیم سوسوز اطفالدن خجل سقا  
 دوشوب یاتا یارالی تشنه سو کنارینده

گلوب گورن دیه، ایوای خجل ئولن ایوای  
 حیا تری دوزولن چهر شرمبارینده  
 حسینه عاشق اولان لار بلا چکر «تائب»  
 جفای خصم گورر سیر روزگارینده  
 وورالا دل یاراسی، دز جفا ائدولله دایان  
 چوخ استقامتون اولسون عدو فشارینده  
 بو امتحاندی گلوبدور قباکه سنده چالیش  
 خجالت ایتمه ئوزون پیش کردکارینده  
 سوزون یازاندا گوزتله خدا سون سوزی یاز  
 قویوب بو قدرتی حق کلک خوش نگارینده  
 حسادت ایلمه سومز حسودی حی قدیر  
 حسوده سود اولاهیهات کار و بارینده  
 حسود اولار ایله بدبخت ئولر حسد اوسته  
 گئدر او حاليله غمگین یاتار مزارینده

زبان حال حضرت قمر بنی هاشم علیه السلام  
خطاب به امام مظلوم علیه السلام

گل آتام اوغلی گوزومده گوز یاشیم قان اولدی گل  
قوللاریم دوشدی سو مَشکیم تیرباران اولدی گل



باغبانیمسن منیم، مَن سَرو سَروستانوم  
ریزه خوار خوانوام پَرورده احسانوم  
درک ایله قارداشوی قارداش سنون قربانوم  
گل کیمی سَروون ایاقدان دوشدی خندان اولدی گل  
فارغُ التَّحْصیل دانشگاه دینم گر اُزوم  
سن منه استاد دانشگاه سن دوزدور سوزوم  
گوزلَرَم استادیمی یرده یوزوم یولدا گوزوم  
سَن سُون تک قارداشون قرآنه قربان اولدی گل  
مُرشدیم سن وقف دور بو عمروم اِستدلالوه  
سَن سن استقلال دین آندا اولسون استقلالوه  
مَن او استقلاله قربانم فدا اجلالوه  
شاهدیم مقطوع ایکی تک دَسَتِ عدلان اولدی گل

گنتدی دین اوسته قولوم اَمّا یقینیم گیتمدی  
آخدی قانیم سوکیمی شَرع مُبینیم گتتمدی  
گنتسه باش شکر ایلرَم باش گنتدی دینیم گتتمدی  
ادعا اِثباتیمه بو حال عنوان اولدی گل  
آلوشام تعلیم ئوزوندن دینده هر عنوان اولا  
کاش هر عنوانه مین جانیم اولا قربان اولا  
من دوشم بی جان بقای دین اولا قرآن اولا  
سوز یرین آلدی بو ساعت سُود و قوم آن اولدی گل  
گرچه آیریلدی بو چولده رشته جانندان آلیم  
لاعلاج اولدوم اوزولدی بیله هر یانندان آلیم  
چخمادی چوخ شکر قیلّام دین و قراندان آلیم  
دینه قربان اولماقیم دنیا به اعلان اولدی گل  
اولدی رفتاریم ازل سن باغلیان پیمانیه  
سن گئدن هر بیر یولی طّی ایلدیم ایمانیه  
حفظ قرآن اوسته ایتدیم سعی باش و جانیه  
جان شیرینیم نثار دین و قرآن اولدی گل

ای شه اسلام وی فرزانه لر فرزانه سی  
 ای منیم جانیم محبت شمعوین پروانه سی  
 چخمادیم پیمان دن سندی بو جان پیمانه سی  
 پرلریم اثبات حق اوستونده سوزان اولدی گل  
 آختاروردوم بيله بیرگون روزگار دین ده  
 باغ آمالیم گل آچسون نوبهار دین ده  
 جان وئرم تشنه رکاب شهریار دین ده  
 شهریارا جان نثارون قانه غلطان اولدی گل  
 خوشدلّم درک حضور شهریار اولسون منه  
 دلدّه دردیم چو خدی گلسون غمگسار اولسون منه  
 درک ائدوب باش چکماقی بیر افتخار اولسون منه  
 انتظارونله منیم باغریم دولی قان اولدی گل  
 ای جلال و عزّتون حیرانی اوهام و عقول  
 وی خلیل سرزمین کربلا یا ابن الرّسول  
 گل دعا قیل ایلسون قربانوی الله قبول  
 سو یانندا دینه قربان بو لب عطشان اولدی گل

ای هامی آمال قربان تک سنون آمالیوه  
 حسرتم صون دمدّه دیدار جمال آلیوه  
 عطریوی آلسام سورونم گللم استقبالیوه  
 جمع حسّ شامم قارداش پریشان اولدی گل  
 جعفر طیار تک آل تاپدی بو لشکر منه  
 تیر پَرّان ووردی چوخ قوم کین گُستر منه  
 ایتماقا پرواز اوخلار وئردی بال و پر منه  
 کربلاده جعفر ثانی نمایان اولدی گل  
 گرچه بو عالی سعادت درک ائدوب قارداش منی  
 آز قالور باشیم ائده مسکن فراز نیزه نی  
 بيله بیر موقعده قویدوم حیف قارداشسیز سنی  
 خانه صبریم بو اصل اوستونده ویران اولدی گل  
 «تائباً» عبّاس نام آور کیمی مردانه اول  
 دینون اورگش بول وظیفون عاقل اول فرزانه اول  
 دور شمع دین ده پرواز ایله پروانه اول  
 یان، حسینی سسله دی جان دینه قربان اولدی گل

زبان حال حضرت سید الشهدا علیه السلام  
در بیان قمر بنی هاشم علیه السلام

آج گوزون ای سرسپاهیم قلبیمین یاراسی قارداش  
اهل بیت مصطفانین تشنه لب سقاسی قارداش  
❖❖❖❖❖  
سن فرات اوسته دوشوبسن تشنه لب آلقانه غلطان  
بی خبرسن خیمه لرده شور حشر اولموش نمایان  
گوزلوری یول خردا قزلار سینه سوزان دیده گریان  
عرشه اوج ایلر او جمعین ناله آلماسی قارداش  
تاسسون گلدی خیامه من بیر ئوزگه حاله قالدیم  
دلده ایوای قارداشیم یول قان دولان میدانده سالدیم  
تلدن آشدیم مشامه ای گل اوزلی عطرون آلدیم  
گوردوم عطرونله دولوبدور کربلا صحراسی قارداش  
هر قدمده عطرون آلدیم قانلو صحرانی دولاندیم  
که صولاگه صاقه حیران یوللانوب گاهی دایاندیم  
ال لرون گوردوم کسيلمیش آتش حسرتله یاندیم  
بولدوم اولموش قطعه قطعه پیکرون اعضاسی قارداش

بیر بلالی باغبانم نه گلستان نه گلیم وار  
بیر غریب باغریقانم نه قیلم نه ئلیم وار  
یالقزام دنیاچه اودلی سینه ده، درد دلیم وار  
سن منیم ارخام ئلیم سن قلبیمین یاراسی قارداش  
ای منیم آرام جانیم جسمده روحیم ابوالفضل  
یاتما نازيله اویاندور روح مجروحیم ابوالفضل  
کشتی امید زینب با وفا نوحیم ابوالفضل  
دوره می گورنه دوتوبدور درد و غم دریاسی قارداش  
بيله موقعده حسینون دردیله دمساز ائدورسن  
وصلته پایان وئورورسن فرقتی آغاز ائدورسن  
گوز آچانمورسان وفالی یا حسینه ناز ائدورسن  
ای چراغ بزم عمریم دیده شهلاسی قارداش  
بی کسم بی اقربایم دوروبر دشمن یارالی  
حالیمه یوخدور یانانیم حالیمه یان سن یارالی  
سس سسه وئر آغلاشاق بیر سن یارالی من یارالی  
صورتیه دوشسون بو چولده عاطفت معناسی قارداش


ال لرون ای شیر پنجه اشقیا ظلميله سالموش  
 پیکرون یورقون یارالی سانه گلّمز یاره آلموش  
 دورنجه گور حسرتيله اللّريم قوینومدا قالموش  
 ای اولان آجام رزمین شیر بی پرواسی قارداش  
 سن یخلدون سو یانندا ای وفالی سروقامت  
 گورسنوب بی کس حسینه شور محشردن علامت  
 دورگنڊاخ تشنه اوشاقلار خیمه ده ایلر قیامت  
 عرشه قالخار فرد فردین بانگ واویلاسی قارداش  
 ای سپهر هاشمی نین طلعتاً رخشنده ماهی  
 سن منیم سرلشکریم سن قزلاریم پشت و پناهی  
 دور اماندور قویما یالقیز بو اوغولسوز پادشاهی  
 تک دی اطرافین دو توبدور سربه سر اعداسی قارداش  
 بیر دانش مین قوت آلسون اودلی دل تک بیر سوزوندن  
 ردّ ائدوم پیکان ظلمی هم سلیم قانی گوزوندن  
 بوینوا بیر من سالوم قول هم اُپوم قانلو یوزوندن  
 ای اولان مرآت ایمان عارض زیباسی قارداش

دوزدی گلشنده سولار گل سن کیمی سولماز وفالی  
 پیکری بیر بیله زخم خاريله دولماز وفالی  
 گل اولار خندان سنون تک برگ برگ اولماز وفالی  
 گل آدوندور اهل عالم بلبل شیداسی قارداش  
 «تائبا» دنیا یه گلّمز بو ایکی قارداش نظیری  
 نشأتین شاهی حسیندور تشنه لب سقا وزیری  
 دست خالی اولماسان یاز بو رثای دلپذیری  
 آچ گوزون ای سرسپاهیم قلبیمون یاراسی قارداش



## زبان حال حضرت اباعبدالله (ع) در بالین برادر

قارداشون پوزولدی گور جاق بیله حالی سَنده قارداش  
سَنده گوزلرون بیر آچ گور وار نه حال منده قارداش



تا سَسون خیامه گلدی یاندیم اوندا داده گلدیم  
یاندی سینم اودلی قلبی تیر حسرتیله دلدیم  
دیلده گل آدون وفالی دُوزمَدیم هرایه گلدیم  
عطر جانفزاوی آلدیم تل دن اَنَنده قارداش  
عطریوی آلا آلا من کربلا چولون دولاندیم  
صاق صولا غمیله حیران گه گندوب گهی دایاندیم  
گوردوم اللرون کسيلموش یرده دور علاوه یاندیم  
بولدوم اللره دوشوبسن اللرون گورَنده قارداش  
باشون اوستونه یتونجه گوز یاشیمی قانه قاتدیم  
اوخلی پیکرون تاپاندا ناله می گویه اوجاتدیم  
چکدیم اوخلاری یاراندن بیر به بیر کناره آتدیم  
قلبیمه اوتوردی مین اوخ هر اوخی چَکنده قارداش  
بو یارالی گل وجوده اگلشوب نظاره سالدیم  
یاره اوسته یاره گوردوم منده قلبه یاره آلدیم

قارداشی ئولنلر آنلار اوندا من نه حاله قالدیم  
کیم بولر اولار نه حالت قارداشی ئولَنده قارداش  
دوزدی باغبان ائدر غم گلستان خزان اولاندا  
بلبلون یرینده باغه زاغیله زَغَن دولاندا  
ناامید اولار چَمَنَدَن طُرفه گل لری سولاندا  
خار الینده لیک دُوزمَز ئوز گُلون گورَنده قارداش  
قارداشون وفالی قارداش چاره سی داخی آزالموش  
دود آهی اودلی دلدن عرش طاقینه اوجالموش  
دور بَلیم سنوبدی سنسيز اللریم بلیمده قالموش  
قَدیمی بوکوبدی نالَن خیمیه گلنده قارداش  
ای وفالی چوخی دردیم دردیله شراکت ایله  
من اوغولسوزام غریبم حالیمی رعایت ایله  
یوخ منه ائدن حمایت دور ئوزون حمایت ایله  
سالما بو حسینی گوزدن بیله وقت سنده قارداش  
سن امیر لشکریم سن من غریب پادشاهم  
لشکریم سنوب بو چولده بی معین و دادخواهم  
من سنی پناه بوللم گرچه عالمه پناهم  
تک سَنه پناه گتدوخ قزلاریمدا منده قارداش

وار نه طایفم قبیلیم نه منیم ئیلیم بو چولده  
 نه سَسیمه سَس ویرن نه واردی همدلیم بو چولده  
 سنده تشنه جان وئورورسن گلموری بلیم بو چولده  
 روحیمی منیم آلورسان بیله جان وئرنده قارداش  
 سن کیمی وفالی قارداش واردی تا جهان تاپولماز  
 آغلیان گلر سنه چوخ من تک آغلیان تاپولماز  
 چوخلاری یانار آنان تک لیک بیر یانان تاپولماز  
 حقی وار اگر ئولونجه آغلاسا وطنده قارداش  
 فاطمه آنام ائدوبدور بیر بنای بیت الاحزان  
 اُز بالالاریله اوردا دائماً اولوبدی نالان  
 اوغلوون دوتوب الیندن بی بنین آنان پریشان  
 وار نقدر آغلیر اول کُلبه حَزَنده قارداش  
 بو بلالی چولده سنسیز غنچه گللریم سولالار  
 گوزلری دولی بولود تک اشک آلیله دولالار  
 قالمارام من اولماسان سن قزلاریم اسیر اولالار  
 قوللاری ستمله محکم باغلانار رَسَنده قارداش

کیم گوروب سو اوسته سقا تشنه جان وئره یارالی  
 سرو تک دوشه ایاقدان جسمی قان وئره یارالی  
 پیکرینده هر یارا بیر گل نشان وئره یارالی  
 وار نه بیله گل نه بیله سرو بیر چَمَنده قارداش  
 سن یخلدون ای وفالی کامه قزلاریم چاتمانماز  
 گوزلرین یولا تیکن لر سینه حسرتین آتانماز  
 سن دوشوب یارالی یاتدون بیرده قزلاریم یاتانماز  
 اَمَن و استراحت اولماز آلِ بوالحسنده قارداش  
 کامه چاتمیان لار ایمدی عین مقصده چاتالار  
 سهم و صولتون هراسین سینه دن داخی آتالار  
 قورخودان یاتانمیلر مطمئن اولوب یاتالار  
 گورسَر عیان بشارت فرقه فِتَنده قارداش  
 ای وفالی قامتوندن جامه وفانی سویما  
 دویمیوب حسین سندن سنده اوندان ایمدی دویم  
 ارخاسیزدی بی کمک دی تک بو قانلو چولده قویما  
 قان توکن گورور حسینون هریانا دوننده قارداش

تک نه باشون اوسته من تک اودلی در ددل دین وار  
 خیمه لرده سوزلی چو خدور بيله حالی بولمین وار  
 گوز تیکوب یولا رُقیم تک یولوی گوزلین وار  
 انتظاریدی قزیم من آیریلوب گلنده قارداش  
 بولموری هله سوسوزلار مَشکه اوخ اندوب اصابت  
 بولموری دوشوب ایاقدان ظلميله بو سرو قامت  
 من غریبه بو یخیلموش قامت ایلوب قیامت  
 قزلاریمدا محشر ایلر حالوی بولنده قارداش  
 نه قویور منی علاقه قارداشیمی ترک اندوم من  
 حَمَلینه نه واردی امکان نه علاج وارنیدوم من  
 نه اولور قویوب یر اوسته گل جنازه وی گندوم من  
 نه یوزیله تک گندوم من خیمه گئندنه قارداش  
 «تائب» واروندی اُلفت اهل بیت عصمتيله  
 آل بَرات کربلا گئت کربلايه هَمّتيله  
 نهر علقم اوسته ذکر ایت بو سوزی جماعتيله  
 قارداشون پوزولدی گور جاق بيله حالی سنده قارداش

زبان حال امام حسین علیہ السلام  
 در بالین حضرت ابوالفضل علیہ السلام

ای سو یانندا سوسوز قانه باتان یارالی  
 بو چولده قارداشینی گوزدن آتان یارالی  
 آج قان دولان گوزیوی سورتمه یره یوزیوی  
 دلدۀ اولان سوزیوی ایله بیان یارالی



گور سَنَمَه میشدی که سن قارداشوی آتاسان  
 بو آشنای غمی بیگانه قاتاسان  
 من باشون اوسته دورام سن نازیله یاتاسان  
 بيله سالوبدی ایشی دور زمان یارالی  
 هج بیر شهید اولانون بیر بيله یوخ یاراسی  
 وار قانلو پیکریوین گورم که چوخ یاراسی  
 چوخ یاندرور منی بو آئیندا اوخ یاراسی  
 تیر غَمَه دلیمی ایلور نشان یارالی



تا پدون سعادت ئوزون سن ای جوان رشید  
 آلدون فراتی سوسوز اولدون سو اوسته شهید  
 دشمن لر ایچره منی قویدون فرید و وحید  
 یالقیز منم بو قدر سفیانان یارالی  
 حسرتلریله دونوب قانه شکسته دلیم  
 الدن الیم اوزولوب یوخدور قَبیلَم ئیلیم  
 چارم داخی آزالوب سنسیز سنوبدی بلیم  
 بار غمیله اولوب قَدیم کمان یارالی  
 رسماً نوازش اولار داغ جوان گورنه  
 تسکین دل وئریلر هر قارداشی ئولنه  
 تسکین دل یرینه قارداش گوللَه منه  
 چوخ چوخ شماتت ائدر بو کوفیان یارالی  
 جسمیمده روحیمیدون ضوء و ضیاء گوزوم  
 سنسیز اویان نئجه گور شامه دونوب گونوزوم  
 چکمز او قدر زمان گللم دالونجا ئوزوم  
 جسمی چکر دالیجا گئتسه روان یارالی

الدن آلوبلا منیم سن تک برادریمی  
 گریان ائدوبله بوگون بو دیده تَریمی  
 دور گورقویوبلا نئجه قوینومدا اللریمی  
 گوزدن یوزه توکرم آشک روان یارالی  
 سندنصورا نقدر دنیا یوزونده قالام  
 لازمدی ناله ائدم بو امتیازی آلام  
 مشکل گوزل آدیوی دلدن وفالی سلام  
 من ایلرم گل آدون وردزبان یارالی  
 مندن روا دگی سن قارداش بیله دویاسان  
 رخت علایقی بو تندن بوگون سویاسان  
 بی کس حسینوی سن بو چولده تک قویاسان  
 ای قید قارداشینا دائم قالان یارالی  
 سنسیز سوسوز بالالار کامه نه نوع چاتار  
 یاددان نئجه چیخادوب باشندان سو فکرین آتار  
 آل رسول نئجه آسوده بیرده یاتار  
 اطفالیمه سنیدون آمن و امان یارالی

ایمدی سوسوز بالالار بیر بیرله صحبت ائدر  
سو صحبتی سالوبان فکر سقایت ائدر  
اما رقیّه گوزی یولدا قیامت ائدر  
گوزلر سنون یولون اول شیرین زبان یارالی  
فکرون بودور خیمه بو مشکوی آپاروم  
دور اشک آلیله یو مشکوی آپاروم  
نه نوع قانه باتان سو مشکوی آپاروم  
بو حالی نه یوزیله ایلوم بیان یارالی  
«تائب» حسین درینه سالدون عجب ئوزیوی  
وار اجری صدقیله گر نظم ایله سن سوزیوی  
سوز یاز حقیقتیله دولدور بوشات گوزیوی  
تا سوزلرون اوخوسون هر نوحه خوان یارالی

### زبان حال حضرت علی اصغر علیہ السلام

گلموشم اللرون اوستونده بو میدانه بابا  
صودامر وقتی فدا اولماقا قرآنه بابا  
❖❖❖❖  
سسون آلدیم بابا گهواره ده آچدیم گوزومی  
یاندیم احوالووه آلدی ئورگیمدن دوزومی  
دلده لبیک بشیکدن یره سالدیم ئوزومی  
ناصر اولماقلقا سلطان شهیدانه بابا  
شایقم سیر مقامات وفا ایلماقا  
ئوزومی محوره صدق و صف ایلماقا  
صودامر جانیمی دین اوسته فدا ایلماقا  
جان دن دینی مقدّمی مسلمانانه بابا  
گرچه سنّیمده صغیرم بابا بیر صودامر  
آلون اوستونده سوسوزدان لبعلی امرم  
صف سربازی اسلام ده زرّین کمرم  
خدمتیم اعظم اولارسن کیمی سلطانه بابا

دین و قرآن گورورم سسلوری امداده سنی  
 گتوروب شوره او انگیزه بو صحراده سنی  
 اصغرون تک قویا حاشا بیله اثناده سنی  
 وقف ائدوب جانین او انگیزه شایانه بابا  
 ائدرم فتح ئوزومی خلقه نشان وئرماقيله  
 حق سوزون قانیميله شرح و بیان وئرماقيله  
 تازه جان دینیمه وئررم باباجان وئرماقيله  
 جانه متندی گله هر نه بلا جانه بابا  
 سیل کفرایستوری طغیان ائده قرآن آپارا  
 ریشه سیندن قوپاروب نخله ایمان آپارا  
 قویمارام دین گئده هرچند منی قان آپارا  
 دینی قورتارام ئوزوم غرق اولارام قانه بابا  
 دولدوروب عالم امکائی بابا ناله دین  
 سولدورار گلشنینی یاغماسا گر ژاله دین  
 قانیمی سپ گویه یرده گوره لاله دین  
 دوندَره بو چولی بیر گلشن ایمانه بابا

من تَقَلّا ائدرم دینده بدعت قویانا  
 یوز گوزوم بوردا ولو ظلميله قانه بویانا  
 اوخلانوب یوخلیم اما بو جماعت اویانا  
 دین ساتوب ائتمیه لر خواب ذیلانه بابا  
 منی شوره گتوروب باشدا اولان شور و شغف  
 جان به کف سوق ایلیوب قانلو بو میدان طرف  
 الون اوستونده باتوب قانه ائدم کسب شرف  
 اولا سرمشق هامی محترم انسانه بابا  
 خُرد سالم من اگر ای شه اقلیم بلا  
 تاپموشام لیک الون اوستونده مقامات علا  
 وورار اصغر گوزه اکبر، اوجا یرلرده بلا  
 صدق ائدر ایمدی منیم حالیم او عنوانه بابا  
 من بابا شاخه ایماندا سولان غنچه گلم  
 سالما گوزدن منی ترک ائتماقا شایان دگولم  
 گلیمشم کامه چاتوب اللرون اوستونده ئولم  
 آنام آغلار قالی هر چند یانا یانه بابا

عهدناموندا بو عنوان اولوب ای جان جهان  
 قوزی قربانون ائده دینوه جانین قربان  
 او سوزون اوسته واران سینسادا پیمانه جان  
 قویمارام من یتیشه نقض او پیمانه بابا  
 من بابا نقش مهمی بوگون ایفا ائدرم  
 بویانوب قانیله دین امرینی اجرا ائدرم  
 آل سفیانی ایله دهرده رسوا ائدرم  
 باخیلار نفرتیله امت سفیانه بابا  
 اولدوزام گون الی اوستونده بو چولده آخارام  
 آخارام ئوز باباما حسرتیله من باخارام  
 ید احسانویله تللریمه قان یاخارام  
 حسرت انگشتون ائدر تللریمه شانه بابا  
 وئردی هر بیر آنا قربان برازنده بوگون  
 قویمارام هرگز آنامی اولاشمنده بوگون  
 تشنه لب دینیمه قربان اولارام منده بوگون  
 تا یتوررم آنامی عزت شایانه بابا

دعوتیم واردی بوگون ترک سر و جان ائدرم  
 درک مهمانی خلوتگه جانان ائدرم  
 جامه می ائوگومی قانیله الوان ائدرم  
 وار نیازیم بیله بیر خلعت الوانه بابا  
 «تائب» شور حسینی گتوروب شوره سنی  
 نظم قیلدون هدف اصغر غنچه دهنی  
 بیرده یاز دفتر اشعارده بو سرسخنی  
 گلیمیشم اللرون اوستونده بو میدانه بابا

زبان حال امام حسین علیہ السلام  
در شهادت حضرت علی اصغر علیہ السلام

پایانه یتوب عهدیله پیمانیم الهی  
اوخلاندی الیمده قوزی قربانیم الهی



بیر الدہ بالام یارب آلوب بیر آلہ قرآن  
گندیم بوگون اثبات حق ائتماقلیقاً عنوان  
قرآنی دانوب ایلدیلر ظلمده طغیان  
دوتسون بو ستمگرلری قرآنیم الهی  
سولموشدی الیم اوسته بو گل غنچه مینو  
آهسته مَلردی دیه سن بچه آهو  
یاندی سوسوزوندان بیر ایچیم وئرمدیلر سو  
باخدیم اونا یاندی دل سوزانیم الهی  
هریانه فراتین سویی دریا کیمی آخدی  
یاندیردی بالامی بو سوسوزلوق اودی یاخدی  
آغلار گوزیله گه سویا گاهی منه باخدی  
ایچدی قانینی اصغر عطشانیم الهی

صحرای بلا تاپدی بَزک گل لریمیه  
عَبَّاسیمیه قَاسمیه اکبریمیه  
آرتدی بَزگی غنچه دهن اصغریمیه  
جَنّاته وورار طعنه گلستانیم الهی  
قانه بویانوب تشنه بو بیر گوهر نایاب  
دین گلشنینی ائتدی قیزیل قانیله سیراب  
بیرگون اولی بوگلشن آچار مین گل شاداب  
اعلان اولونار مقصد پنهانیم الهی  
بیر یرده کی چوخ گرم اولا بازار محبت  
کالایه خریدار اولا ذات احدیت  
کالانی الیمده ساتوب آلام دولی قیمت  
محشرده شفاعت اولی عنوانیم الهی  
نازلی بالامین یتدی بهارینده خزان  
سولدوردی اونی باد خزان غنچه زمانی  
بیر سرخ گلابه بویادی کرب وبلانی  
باتدی او گلابیله بو دامانیم الهی

آز سَنیله نسل لری عالمده چوخ اولدی  
 واردان ال اوزوب نغمه سو دلدہ یوخ اولدی  
 سیراب ائدن آخردہ سه شعبه بیر اوخ اولدی  
 باخدیم اونا یاندی دل بریانیم الهی  
 ئیلسیز قالانا یاور و غمخوار تاپیلماز  
 من ئیلسیزه اغیار آرا بیر یار تاپیلماز  
 فریاده یتن یوخ داخی دلدار تاپیلماز  
 فریادیمه یتن ای حق مَنانیم الهی  
 دوز عشقیله دوتدوم سنی عرضیم یالان اولماز  
 سنده منی دوت بی کسی یاده سالان اولماز  
 دردیم نه دی غصَم ندی دلدن آلان اولماز  
 ای درده یتن دردیمه درمانیم الهی  
 بی یاورم اغیار آرا یاده سالانیم یوخ  
 انصاریم الیمدن گندوب اصلا قالانیم یوخ  
 نازلی بالامین نعشین الیمدن آلانیم یوخ  
 قالموش الیم اوسته قوزی قربانیم الهی


قونداقی قوجاقیمده شرار غمه یانام  
 بو قانلو چولی صاق صولا حسرتله دولانام  
 گه صاق صولا خیرتله گئدوب گاه دایانام  
 خوناب توکر دیدۀ گریانیم الهی  
 اوخلاندی بو آهو باخیشیم ظلمیله ئولدی  
 حشره کیمی آغلار آناسی بو سوزی بولدی  
 غنچه دوداقی قاچدی باخوب بیر منه گولدی  
 آغلالتدی منی غنچه خندانیم الهی  
 بو عرصیه یول شیعه لر ای کاش سالییدی  
 بیر قیدیمه بو قانلو بیاباندا قالیدی  
 رأفتله الیمدن قوزی قربانی آلیدی  
 آباد اولیدی دل ویرانیم الهی  
 یاخدیم یوزونه قانینی خوش صحنه یاراتدیم  
 زلفین بویادیم آرزش قربانی چو خاتدیم  
 اوجومدا همان قانی دوتوب من گویه آتدیم  
 ساخلا او قانی چرخده یزدانیم الهی

یوز دوندروب ایمدی هایانا عزم ائدوم الله  
 چارم کسیلوب چاره ندور بس نئدوم الله  
 گلمز بو یوزومدن که خیامه گئدوم الله  
 یوخ دورماقا، یوخ گتماقا امکانیم الهی  
 خیمه قاپوسین ایمدی کسوب آغلار آناسی  
 فکر ایلوری سیراب اولونوب نازلی بالاسی  
 بولمور بوغازیندا وار اونون کاری یاراسی  
 بیروح دوشوب فدیة بیجانیم الهی  
 کیم واردی هرایه گندوم ایتسونله حمایت  
 خرگاهه سالوم یول چکورم چوخلی خجالت  
 میداندا دولانسام منه ایله شماتت  
 بیشرمدی چوخ دشمن نادانیم الهی  
 مندن نه دونر درد و بلا، من نه بلادن  
 اعداده جفا جودیله، دویمازلا جفادن  
 فریاد جفاکاری بیشرم و حیادن  
 دیوان ائت ئوزون داور دیوانیم الهی

سئنددی نئیم وار منیم ای وردزبانیم  
 وئردیم سنون اوغروندا نیه گلدی گمانیم  
 یوخدور قالانیم ایمدی مگر بو باش و جانیم  
 قربان ایلیم من سنه جانانیم الهی  
 من «تائبم» آگاه حسینی شرفیمن  
 گر تیر شماتت یاغا دورت بیر طرفیمن  
 حقدور هدفیم دونمرم اصلا هدفیمن  
 قربانندی الهی هدفه جانیم الهی  
 من «تائبم»، الله، بولورم چوخدی گناهیم  
 تکمیلدی پرونده سنگین سیاهیم  
 وئررم قسم اصغر جانیناسینه ده آهیم  
 عفو ایله ئوزون واردی نه عصیانیم الهی

## زبان حال حضرت ربیب علیہ السلام

بیچن حلقینی پیکان، بلالی بالام ای وای  
ایچن سو یرینه قان، یارالی بالام ای وای  
یارالی بالام ای وای بلالی بالام ای وای



بیچوب تشنه بوغازون سولی ناوک پیکان  
آندوب قرمزی قانون سوسوز لبلرون الوان  
آنان اولسون او قانه باتان لبلره قربان  
اادن باغریمی آلقان ملالی بالام ای وای  
یانوردون سوسوزوندان سن ای غنچه نازیم  
ئولوردون شه الینده اولان وقتده عازم  
سوسوز حلقیوه وورماق سولی تیر نه لازم  
بو ظلم اولمیوب عالم اولالی بالام ای وای  
باخاندا سنه قلبیم یانار نسکلیم آرتار  
اُپوبدور بوغازوندان ایله تیر جفاکار  
آنان اُپماقا قالموب بوغازوندا بیر آثار  
یارالی بالام ای وای بلالی بالام ای وای

علی اوچ گنجه گوندوز صودوم اولمادی یاندون  
سوسوزدان ایله یاندون داخی جانه دایاندون  
ال اوسته گندوب آخر سوسوز قانه بویاندون  
ئولن دلدۀ سو فکر و خیالی بالام ای وای  
او غنچیدون علی جان منیم گل بودا قیما  
یاتاردون بودا قیما دوداقون دودا قیما  
قالوبدور بالا ایمدی یرون بوش قوجا قیما  
دوشن ئوز آناسیندان آرالی بالام ای وای  
دیردیم علی اصغر آز آغلا منی داغلا  
ولی طالبم ایمدی دور آغلا بالام آغلا  
آنان گوز یاشینی گور، یوزه گوز یاشی باغلا  
اادن آغلار آناسین عزالی بالام ای وای  
سنون تک علی بیر گل گلستان ده سولماز  
قیزیل قانیله صاحب گلین دامنی دولماز  
منیم تک تۀ دلدن یانان بلبللی اولماز  
قالان بلبللی شور و نوالی بالان ای وای




بالاسی ئولن آهو نئجه کیم مَلَر آغلار  
یوزه گوزیاشی گوزدن سزیلدار الر آغلار  
آنان ایله سزیلدار نوایه گَلَر آغلار  
اولان چینِ شریعت غزالی بالام ای وای  
سنون تک بوغازیندان علی اوخلانان اولماز  
یانار حالووه چوخلار منیم تک یانان اولماز  
هامی گوز سنه آغلار ولی ئوز آنان اولماز  
ئولونجه اولاجاقدور مقالی بالام ای وای  
گئندنه گل نازیم پریشانیدی حالون  
سارالموشدی سوسوزدان گوزل عارض آلون  
گلندنه تاپوب اما صفا رنگ جمالون  
اولان قانيله گلگون جمالی بالام ای وای  
اویان گور نئجه تیر بلایه سپرم من  
باشون اوسته گوزومدن یوزه سو سپرم من  
حیا اولماسا مانع یوزوندن آپرم من  
بی بوندن اوتانور بو حیالی بالام ای وای  
علی باشندان ایاقه قیزیل قانه باتوبسان  
سالوب قرمزی اُنوک هامی کامه چاتوبسان

یتوب عین مرامه آنان گوزدن آتوبسان  
آتان گوزدن آناسین بلالی بالام ای وای  
دیردیم اولی بیرگون علی سن دل آچارسان  
او غنچه دوداقيله گولرسن گل آچارسان  
دوتوب بلکه ایاق بیر قباقیمجه قاچارسان  
ایاق دوتماقا حسرت یارالی بالام ای وای  
سراغ ائتدون علی جان ئوزون بزم وصالی  
گیوب قرمزی گئتدون همین بزمه یارالی  
آنان قالدی ئولونجه گونی باشی قرالی  
آناسی گونی باشی قرالی بالام ای وای  
صودوم اولمادی آجلیق توان قویمادی سنده  
دئدیم صودامریم یات گمان یوخ صوده منده  
بو قلبیم یانا جاقدور اوشاقلار صودامنده  
سالان سینه مه آتش او حالی بالام ای وای  
عجب نوحه ده «تائب» گوزل شرح بیان وار  
الون ساخلا اگر چه سوزونده جریان وار  
(دی) شاهبیتی دوباره که بو جمله ده جان وار  
بیچن حلقینی پیکان بلالی بالام ای وای

## ذکر وداع امام حسين عليه السلام

گل حسين ايستور قتاله رهسپار اولسون باجي  
جان وئروب جانان يولوندا کامکار اولسون باجي



قارداشون عهد ايليوب تشنه قيزيل قانه باتا  
کربلا توپراقينه دين اوسته ئوز قانين قاتا  
کام آلوب خنجر دمينده عين مقصوده چاتا  
جان قويوب کوی وفاده جان نثار اولسون باجي  
خوشدی سينمده اوخ اوسته اوخلاری دشمن ساچا  
ياره لردن قان آخا بو رنگ رخساريم قاچا  
گلشن سينمده ياره اگلشه گلر آچا  
قانيمله قتلگاهيم لاله زار اولسون باجي  
عالم اسلام گلشن من يارالی باغبان  
چولقيوب بو گلستاني گوررم آفات خزان  
قانيله وئرم بو پوزقون گلشنه آب روان  
سولمين گلر وئروب دائم بهار اولسون باجي

حکم قرآنی دانوب بيرعه قرآندان کنار  
ايستوری قرآنيانی ايلسون عالمده خوار  
باش وئروب بير نحويله قرآنی قيللام پايدار  
تا دم محشر بو قرآن پايدار اولسون باجي  
گوندرن قرآنی حق پروردگاريمدور منيم  
حُرمتين حفظ ايلماق عمده شعاريمدور منيم  
اولماقا قرآنه قربان افتخاريمدور منيم  
خوشدی گر شامل منه بو افتخار اولسون باجي  
بو کتاب الله، بوگون مندن استمداد ائدر  
ساکت اگلشسم اولار جدیم آتام سعي هدر  
وئرمه سم قرآنه سس قرآن و دين الدن گئدر  
من گندوم احکام قرآن برقرار اولسون باجي  
جان به لب دور پيکر دين تازه بيرجان ايستوری  
چوخ اولوب تضعيف تزريق ائتماقا قان ايستوری  
با وفا قان بذل ائدن بير تشنه قربان ايستوری  
بو حسينوندن گرک ايثار نثار اولسون باجي

ال تا پا ایستور حقیقت اهلینه اهل مجاز  
 اگدیروب باش ایلیه تسخیر ارکان نماز  
 اگمرم باش باش وئروب اوللام جداده سرفراز  
 قویمارام اهل نماز عالمده خوار اولسون باجی  
 گر ئولم هند اوغلونا امکان قدرت وئرمم  
 مسلمینه سرپرست اولسون رضایت وئرمم  
 ساربانه وئرمم ال من دست بیعت وئرمم  
 اللریم خوشدور بیلک لردن کنار اولسون باجی  
 ایستوری هند اوغلی چکسون مسلمینی بیعت  
 اهل قرآندان آلوب بیعت یول آپسون بدعت  
 دوزمرم هرگز بو امره وئرمم تن ذلته  
 قویمارام هند اوغلی صاحب اختیار اولسون باجی  
 آلموشام ئوز درسیمی اول کلاس دین دن  
 بو عقیده مدور دونم حاشا بیله آئیندن  
 ئولماق افضلدور حیات تیره و ننگیندن  
 گر دالی آلسام بیله عنوانی عار اولسون باجی

محو دینه چوخ تلاش ایلر یزید پست و دون  
 ایلیوب محکم بنای کفری اول نفسی حرون  
 بو بنانی ایلمز ویران مگر بیر سیل خون  
 سیل خونیه گرکدور تارومار اولسون باجی  
 منده محو کفره بوگون سعی شایان ایلرم  
 دینیمه دنیاده پشتیانلوق اعلان ایلرم  
 سیل خونیه بنای کفری ویران ایلرم  
 تابنای دین و قرآن استوار اولسون باجی  
 دین اولار مظلوم پشتیانلوق اعلان ائتمه سم  
 جان فنا فی الله فدای دین و قرآن ائتمه سم  
 دین بقا تاپماز اگر ترک سروجان ائتمه سم  
 من بویاتام قانه دینه اشتهار اولسون باجی  
 گتماقیمدا وار منیم بیر عمده مطلب آغلاما  
 ئولماقیمدا وار باجی احیای مذهب آغلاما  
 بو یول اوسته قارداشون آغلاتما زینب آغلاما  
 نه پوز احوالون گوزون نه اشکبار اولسون باجی

ظاهراً اولموش حسینہ باب حسرت افتتاح  
 قالموشام بی کس بوگون ای بانوی فوز و فلاح  
 یوخ رکابیمدن دوتان سن حاضر ایله ذوالجناح  
 دوت رکابین شاه بی لشکر سوار اولسون باجی  
 نازنین قیزلار گوزی یاشلی دوزولموش صاق صولا  
 بو یول اوسته بوندان آرتوخ خوش دگول گوزلر دولا  
 قیزلارین گل آل الیندن بو حسینی سال یولا  
 وقت گچدی رهسپار کارزار اولسون باجی  
 سن باجی مهر و محبت شمعیله پروانه سن  
 مقتله گلشن جنازه ام اوسته یانه یانه سن  
 قیزلاری جمع ائت گلنده باشیوه میدان سن  
 سنله هم ناله، هامی خرد و کبار اولسون باجی  
 قتلگاهی قیل عزاخانه عزادار اول منه  
 روضه باشلا گل یانیقلی دیل لرله شیونه  
 باشلاسون بیر نوحه سس وئرسون رقیّمده سنه  
 بو عزا مرسوم تا وار روزگار اولسون باجی


من شهید اوللام یتوررم کونه اصل مطلبی  
 قانیمیله ایلرم محکم بنای مذهبی  
 حفظ ایله مندنصورا سنده شئون زینبی  
 دُر شدایدده دلونده اصطبار اولسون باجی  
 زینبیم مندنصورا بی حد مصیبت وار سنه  
 دستگیر دشمن اولماق وار اسارت وار سنه  
 دل یاراسی طعن دشمن وار شماتت وار سنه  
 ایله موقعلرده قلبون بردبار اولسون باجی  
 من شهید اوللام بتوله ای یگانه یادگار  
 دوز آنام زهراکیمی قیل سنده صبر و اصطبار  
 غم هجوم آور اولاندا داشما حفظ ایله وقار  
 سنده زهرا تک گرک حفظ وقار اولسون باجی  
 من شهید اوللام که هند اوغلی مرّامه یتمه سون  
 مسلمینه نامسلمان لار حکومت ائتمه سون  
 سنده سعی ایله منیم قانیم آراده گئتمه سون  
 بیر قیام ایله که حقیق آشکار اولسون باجی

من شهید اول جاق باجی سن آچ لوای نهضتون  
ناصر اول قارداشوا نهضتده اولسون شرکتون  
نصرت قرآن و دیندور بو حسین نصرتون  
نصرت ایله ناصرون پرورگار اولسون باجی  
من شهید اوللام که دین احکامی کتمان اولماسون  
سن اسیر اول لیک احوالون پریشان اولماسون  
دینه تبلیغات تکمیل ایله نقصان اولماسون  
تحت تأثیرونده تا هر بیر دیار اولسون باجی  
کوفه ده گورسن باشیم قرآن اوخور تفسیر ایله  
ئوز آتام شیرخدا تک حق سوزون تقریر ایله  
دلنشین نطقونه افکاری ایله تسخیر ایله  
تا جهان واردور او خطبن یادگار اولسون باجی  
شامده گورسن یزید دون اولوب مست و خراب  
وار سیزه قصد عتابی سینما، سنده قیل عتاب  
آچسا دل هدیانه سندیر مجلسینده وئر جواب  
قویما چوخ اول بی حیا بی بندوبار اولسون باجی

اولمادی امکان آتام شیرخدای داوره  
شامده گئتسون یتورسون حق سوزون ناحققره  
شامه گئت گئتسون بالام سجّاد اوردا منبره  
منبرینده حق جدیم آشکار اولسون باجی  
بیر بیانیله دانشسون محشر ائتسون آشکار  
وَقَرْدَن سالسون یزیدی ایلسون عالمده خوار  
خلق گورسونلر بنی هاشمده وارنه اقتدار  
هندین اوغلی تا حضوراً شرمسار اولسون باجی  
اوندا که شامی مُسَخَّر ائتدون ای زهرا شیم  
آلماقا عالی نتیجه سن گوتور عالی قدم  
وور گلن ویرانه شامه حسینی بیر علم  
خلقه حَقَانِیْتِیم تا آشکار اولسون باجی  
«تائب» ائتدون نظم منظور عزیز بو تراب  
اولسا لِلّاهِی وئرر اجر و خیر خدای مستطاب  
یاز دوباره دفتره ائتدی حسین بیله خطاب  
گل حسین ایستور قتاله رهسپار اولسون باجی

زبان حال امام مظلوم علیه السلام  
خطاب به تیری که به قلب شریفش نشست

ئور کدن چیخماقون ممکن دگول انجیتمه جان ای اوخ  
پر آچ ئوز آچدوقون بیر یاریه اول سایبان ای اوخ



یول آچدون حقّه، حقّون وار، پر آچدون تیز پر گلدون  
بیوک طوفانلی عمرین شرحین ائتدون مختصر گلدون  
الونده نامه دعوت گتوردون خوش خبر گلدون  
بيله بیرنامه ایستر سن کیمی نامه رسان ای اوخ  
بو چولده بی کسم گوردون اودور سن قیدیمه قالدون  
منیم دل دردی می آلماقلیقا بو سمته یول سالدون  
گلوب یاخشی اوتوردون قلبیمه بو گویلومی آلدون  
صفا وئردی بو قلبه سن کیمی بیر دلستان ای اوخ  
اگرچه ظاهراً بیر قان توکن دلدوز پیکانسان  
حقیقت عاشق جانباز ایچون بیر پیک جانانسان  
آدوندور جانستان اما حسینه راحت جانسان  
حسینی ایلدی راحت سنون تک جانستان ای اوخ

یانارلی داغ اکبر ایله یانیدردی بو نالانی  
داموب قان باغریما دوتدی ورم بو قلب سوزانی  
یتیشدون نیشترووردون بوشالدى قلبیمون قانی  
منی ناراحت ایلردی گر آخمازدی بو قان ای اوخ  
توخوندون قلبیمه هرچند کاری اولدی بو یاره  
ولیکن تازه دن بیر روزن آچدون کوی دلداره  
او روزندن دوشوب چشم دلیم عکس رخ یاره  
وجودیم محو عشق حُسن یار اولدی اینان ای اوخ  
داخی من محو عشق دوست اولدوم جان نه لازم دور  
شهادتدن سوا بو دردی می درمان نه لازم دور  
توکولسون قوی بو قان قربان دینه قان نه لازم دور  
ثبوت ایلر وفامی قانیم اولدوقجا روان ای اوخ  
نه مدّت دور ائدردی جوش قلبیمده اولان بو قان  
داشیدی ایلیدی کربلاده بیر بیوک طوفان  
اولیدیم غرق او طوفاندان چیخیدی کشتی قرآن  
عجب گلدون بو طوفانی یاراتدون بو زمان ای اوخ

گزرديم چوللری مدّتی بو فکر و خیالیه  
یوزوم گلنار اولا بو قانلو چولده خون آلیله  
یاخوب رخساریمه دل قانیمی قانلو جمالیله  
ملاقات ایلرم ئوز جدیمه وئرم نشان ای اوخ  
حضوراً سرگذشت حالیمی شرح و بیان وئرم  
بو سانسیز یاره‌نی ئوز جدیمه جسمیمده سان وئرم  
منه کیم قاتل اصلیدی بی‌پرده نشان وئرم  
بولور جدیم که قاتلدور فلانیله فلان ای اوخ  
اُردیم آرزو بو باش و جان قربان دین اولسون  
بو باش جان وئرم‌اقیم سرمشق جانبازان دین اولسون  
فنا فی‌الله اولوم محکم بوگون بنیان دین اولسون  
یتوردون عین منظوره بو قربانی عیان ای اوخ  
دوتولموشدی بو قلبیم من یتیشمیشدیم داخی جانه  
نه یاخشی قلبیمی آچدون یتوردون وجد شایانه  
ملاقات ایلرم دلشاده، آچیق قلبیله جانانه  
دیر بو حالیمه احسن حبیب لامکان ای اوخ

نوای واحسینیه بو دشتی گرچه دولدوردون  
ضعیف اولموشدی دین تزریق خون تشکیلینی قوردون  
بو چولده پیکر دینه حسیندن قان آلوب ووردون  
بو قان قرآن و دینه وئردی جان جاودان ای اوخ  
اگرچه نامه «هندی» ائدوب تائب سنی مأمور  
سوزون تعقیب قیلدون دوشدی اما وصله ناجور  
اُدر اول سالخورده خاطرینه حق ئوزی مأجور  
جوان روحیله سویلوب مطلع سوزده بیان ای اوخ  
یازوب سوزلر گوزون هندی یازار چوخلار ئوزی اولماز  
یازورسان سنده «تائب» یازدوقون سوزلر گوزی اولماز  
سوزون هر قدر شیرین اولسادا هندی سوزی اولماز  
سوزونده واردی جان عنوان ائدوب انجیتمه جان ای اوخ

شهادت حضرت سيد الشهداء عليه السلام

او دم که یخدیلا عطشان شه شهیدانی  
 غبار غم او جالوب دوتدی اوج اعلانی  
 قویوب تُرابه جبینون ابوتراب اوغلی  
 دیلینده کلمه حمد رحیم رحمانی  
 دیردی سجده عشق اوسته یارحیم الله  
 باشا یتوردی حسینون ازل کی پیمانی  
 دیر رضاً بقضائک، لِأمرک تسلیم  
 باسودی جان کیمی آغوشه هر بلایانی  
 رضایتیله ائدر جانینی فنا فی الله  
 آلاز قبالبده قیمت وصال جانانی  
 یاتوب بو قانلو تُراب اوسته قانلو پیکریله  
 ائدر بو حاليله بیدار خلق دنیانی  
 باش اهل بدعته اکمز وئدر جدایه باشین  
 ائدر جهاندا سرافراز اهل ایمانی  
 جهانیانه وئروور درس مشی آزادی  
 جهانده ائده آزاد اهل قرآنی

باخوب فراته سوسوز جان وئروور فرات اوسته  
 بو دشته یارادور موج خون طوفانی  
 او موج خوندا ائدر غرق جان سفینه سینی  
 که ساحله یتوره ملّت مسلمانی  
 قیزیل قانیله وئدر گلشن شریعته سو  
 بهار محض اولا دین حق گلستانی  
 بو من بو قاتل خونخوار بو بلا دشتی  
 بو حنجریمده کی خنجر بو قتل میدانی  
 او اکبریمدی دوشوب تشنه قانیله غلطان  
 اولوب قانیله گلستان بو دشت دامانی  
 او اصغریمدی دولوبدور قانیله قونداقی  
 او حلق ناز لطیفینده زخم پیکانی  
 او قاسمیدمی یاخوب قان حناسی اللرینه  
 بو قانلو معرکه نی لاله زار ائدوب قانی  
 او قارداشیمدی اولوب جسمی گل کیمی خندان  
 گلوبدی شوره اونون بلبلان خوشخوانی  
 کنار نهره دوشوب سرو قامتی قولسوز  
 باتوب عزایه نچه قمریان نالانی



او قیزلاریمدی گلوب خیمه لرده فریاده  
 دوتوبدی ناله لری گنبد مُعلانی  
 او زینبیمدی الی باشدا وا اخی دیوری  
 گل جماله آخار اشک چشم گریانی  
 یقین خبر آپاروب باغ جتّه جبریل  
 بو سرزمینه گتورموش بلالی زهرانی  
 گلوبدی زینبه سس وئرماقا بو صحرا ده  
 که چوخ سُور او بلاکش اوزار نالانی  
 قدی خمیده دلینده حسین آدی آغلار  
 الینده ساچلاری حیران گزر بو صحرانی  
 دوتوب بوغازدان آخان قانیمی ملالیه  
 یاخوب خضاب ائدر کیسوی مُطّرانی  
 نه عهد ایتیموشیدیم من بوگون باشا وئردیم  
 یتوب کماله داخی قالمیوبدی نقصانی  
 سنون یولوندا نیمم واردی ایلدیم قربان  
 فقط بو باش قالور اولسون یولوندا ارزانی

اونودا منتظرم نیزیه وورا دشمن  
 تلاوت ایلیه قائلو لبیله قرآنی  
 خدا شفاعت امت منه تمنا دی  
 بو حاله ایله برآورده بو تمنا ی  
 بوگونه سنده تمامه یتور ئوز احسانون  
 منه عزا دوتانا وعده ایله غفرانی  
 قورا جهان ده هرکس منه عزاخانه  
 اونا حرام ایله عقباده نار نیرانی  
 خطاب ائتدی حبیبه او وقتده محبوب  
 که ای منای محبّته عشق قربانی  
 سن اولما امت مرحومه دن داخی نگران  
 بغیشلرم سُوه هرکس سنی حسین جانی  
 ولیک شرطی بودور عارفاً به حق اولسون  
 گر اولماسا بیله دوتموش طریق نفسانی  
 منیم یولومدا که سن ماملکدن ال اوزدون  
 سینه عطا ائدرم امتیاز شایانی

جزاده تاج شفاعت سنه اولور مخصوص  
 من ایلدیم سنی بو نشأتین سلطانی  
 سنی او معرکه ده صاحب اختیار ائدرم  
 آپار یانونجا بهشته هامی احبانی  
 سنه عزا دوتانین اجرینی ئوزوم وئرم  
 اولاردی ساخلار ایاق اوسته شرع غرانی  
 بهشت عدن ده ییغ باشه آغلیانلاریوی  
 نشاط و شوریلده دولدور بهشت اعلانی  
 بو شرح حاله که سن «تائب» قلم ووردون  
 بولن او نوحه سرا مصطفی اولوب بانی  
 او یرده جمعی دی نچه حسین عزاداری  
 اولار سزیلدادی یازدون بو غملو عنوانی  
 حسین زیارتینه بیر برات اخذایله  
 آپار مزارینه اوردا اولان مُعزّانی  
 آناسی فاطمه دلشاد اولار آپارسان اگر  
 او قبره آغلیانی آغلادان نوا خوانی

زبان حال رازونیا حضرت سید الشهدا علیہ السلام

بو قوری یر بو لب عطشان الهی  
 نه ره باخوب من وئرورم جان الهی  
 آلدی یرین روز ازل باغلادیقیم عهدیله پیمان الهی  
 ❖❖❖❖❖  
 روز ازل باغلاموشام عهد و پیمان  
 بوردا ائدم عشقیمی عشاقه اعلان  
 کرب و بلانی ایلم بیرگلستان  
 قانیم آخوب ائندی گلستان الهی  
 عهدیمیدی اکبر اول غرقه درخون  
 پیرهنین ایلده ئوز قانی گلگون  
 هجری ائده لیلی نالانی مجنون  
 تشنه لب ائدیم اونی قربان الهی  
 عهدیمیدی قاسم اول پاره پاره  
 گلمیه جسمینده کی یاره شماره  
 آغلار آناسی سالا باشه قاره  
 گلدی بیانه او عنوان الهی

عهدیمیدی آهیله کونی یاخام من  
 اوخلانا اصغر یانایانه باخام من  
 اُتوگونه زلفینه قانین یاخام من  
 اُتوگی زلفی اولوب الوان الهی  
 عهدیمیدی قانینه عباس باتسون  
 باش باشا اوخلار وجودینده چاتسون  
 قانلو قوم اوستونده نازیله یاتسون  
 جسمی اولوب گل کیمی خندان الهی  
 عهد ایلمیشدیم که قانیم سوتک آخسون  
 سوز عطش قلبیمی بوچولده یاخسون  
 حسرتیله گوزلریم نه ره باخسون  
 تشنه سو اوسته وئورم جان الهی  
 عهدیمیدی بیله که جانان دو یام من  
 مهر جهان رختینی تندن سویام من  
 سجدۀ عشقه یارالی باش قویام من  
 عهدۀ وفا ایلدیم اعلان الهی

عهد ازل تاپدی بو صحرا ده پایان  
 بسته پیمانم ئوزوم قانه غلطان  
 شیعه لره سنده عطا ایله غفران  
 لطفیله ای صاحب احسان الهی  
 یتدی ندای حق یکتا حبیبیم  
 غم یمه فکر ایلمه اصلا حبیبیم  
 هر نه دیسن ایلرم اعطا حبیبیم  
 سس وئررم سن دیسن هر آن الهی  
 ساخلاسا هرکس سنه صدقیله ماتم  
 قویمارام اصلا آلا بوی جهنم  
 شاد اولوب عرض ایلدی اول شاه عالم  
 اولدی شهادت منه آسان الهی  
 «تائب» ائدوب وعدۀ غفرانی یزدان  
 شرطی بودور شیعه اولاصاف مسلمان  
 دائم ئوزون ایلیه محکوم قرآن  
 سویلیه احسان ایله غفران الهی

رازونیا ز امام حسین علیہ السلام

یارب ئوزون نه ایلسن احسان او یاخشیدور  
 گورسن نه لر حسینووه شایان او یاخشیدور  
 عهد آلموسان بو دشته قربان دین اوللام  
 آلسا یرین او عهدیله پیمان او یاخشیدور  
 آغلار گوزوم سودا سو کنارینده تشنه لب  
 جانانیمین یولوندا وئرم جان او یاخشیدور  
 قانیم آخا فرات یاندا فرات تک  
 سیراب اولا بو قانلو بیابان او یاخشیدور  
 صحرای عشقی گلشن توحیده دوندره  
 آچسا گل بهشت بو بستان او یاخشیدور  
 تسلیم محض امریوه جان و دلیله من  
 هر امرون اولسا ای حق متان او یاخشیدور  
 واردی هامو قضایه یولوندا رضایتیم  
 چون که رضایتوندی بو رضوان او یاخشیدور

سندندی هر نیم وار، امانت سنون کیدی  
 ردّ امانت اولسا کماکان او یاخشیدور  
 هر جانه جان وئرن جان آلان سنسن ای خدا  
 گئتسه یولوندا بو باش و بو جان او یاخشیدور  
 بیر قامتی که کوی وفا خاکساریدور  
 گوهر تک اولسا قانینه غلطان او یاخشیدور  
 بیر کشتی وفا که جوموب بحر رحمته  
 دائم گوره تلاطم طوفان او یاخشیدور  
 بو شوره زار کرب و بلانی آخان قانیم  
 ائتسه صفالی صحن گلستان او یاخشیدور  
 سیر و صفای گلشنیمه شیعه لر گلوب  
 دله حسین اولسا نواخوان او یاخشیدور  
 جسمی که یاره لر گوز آچوب یار ئوزون گوره  
 هر قدر آلسا زخم فراوان او یاخشیدور  
 قویماز نمازی فوت اولا صون دم شهید عشق  
 عاشق اولا نمازه مسلمان او یاخشیدور

سو یوخی دستماز آلام قانیله بوگون  
 آب وضو شهیده اولا قان او یاخشیدور  
 فرش اوسته جانماز ائدرم آنیمون قانین  
 سجاده شهید اولا قاندان او یاخشیدور  
 گورسم که وقت تنگ دی دورت رکن دن بدل  
 تک بیرجه سجده ایلم عنوان او یاخشیدور  
 بو سجده گاه عشقه قانلو دوداقیله  
 ذکر اولسا نام حضرت سبحان او یاخشیدور  
 بیر درده سالموسان که دواسی ئوزونده دی  
 ائتسن ئوزون سون کیمی درمان او یاخشیدور  
 گلسه یولوندا هر نه بلا جان قاجیتمارام  
 درد و بلانی گوندره جانان او یاخشیدور  
 قانلا وجود صفحه سی قرآن فداسینون  
 تذهیب اولا چو صفحه قرآن او یاخشیدور  
 گلشن دولوسی قرمزی گل یوللادیم سنه  
 اولسا قبول درگه سلطان او یاخشیدور

گوردوم او گل لرله نگاریم حضورینه  
 ائتسم روانه غنچه خندان او یاخشیدور  
 تقدیم یار اصغری می ایلدیم دئدیم  
 اولسا هدیه غنچه عطشان او یاخشیدور  
 ائتدیم فدا نییم واریدی بیر بو باش قالب  
 بو باشد اولسا فدیة یزدان او یاخشیدور  
 بو باش بدنده وار ن قدر نقص عهد دور  
 یتسه کماله عهده پیمان او یاخشیدور  
 سن سوموسن بو حاله دوشم منده دوشموشم  
 دلبردن آلسا دلشده فرمان او یاخشیدور  
 آتدیم محبتونله بو دنیا محبتین  
 دل وئرسه بیر محبته اسکان او یاخشیدور  
 ئوز نازدانه قیزلاریمی ترک ائتموشم  
 تک دوشموشام سنی سنه قربان او یاخشیدور  
 بو سمتده سیزیلدوری جسمیمده یاره لر  
 ایلر او یاندا عترتیم افغان او یاخشیدور

گوز گوز اولوب بو یاره لر آغلار بویاندان  
 قیزلار او یاندا دیده سی گریان او یاخشی دور  
 قانلو لبیله من ایدرم ذکر یا رحیم  
 احسن دیر او حالیمه رحمان او یاخشی دور  
 قانیم آخا بو قانلو چوله دلدہ یا رؤف  
 یرده یازا شعائر قرآن او یاخشی دور  
 بو باشیم اوسته زینیله قیزلاریم گلوب  
 وا عَمَّتَا دیسونله پریشان او یاخشی دور  
 واعمَّتَا دینده اوشاقلار او سمتده  
 زینبده واحسین دیه گریان او یاخشی دور  
 یول گوزلورم آنام گله زینب هرایینه  
 زینبله ائتسه چاک گریبان او یاخشی دور  
 بوللم بلا گورن باجیمی چوخ سَور آنام  
 درد دل آلسا نازلی قیزیندان او یاخشی دور  
 هم ناله اولسالار باشیم اوسته آنا بالا  
 شیونله دولسا صحنه میدان او یاخشی دور

بیرده دوتوب اوغول قانینی یاخسا زلفینه  
 آغ ساچلارینی ایلَسه الوان او یاخشی دور  
 عمر و مدہ آختاران گونی بوگونه تاپموشام  
 لطف ائتموسن منه بیله امکان او یاخشی دور  
 باشه یئتوبدی دلدہ اولان آرزولریم  
 عهد ازل تاپوب بیله پایان او یاخشی دور  
 صون دمده لیک شیعه لرین ناگرانیم  
 ائتسن بلالی شیعه احسان او یاخشی دور  
 منظور اولان خدا منه غفران شیعه دور  
 وئرسن بوگونه وعدۀ غفران او یاخشی دور  
 سس یتدی یا حسین کیمی سوسن بغیشلرم  
 قلوبنده ذرّه قالمیا حرمان او یاخشی دور  
 بخصوص عارفانه سنه آغلیان لارین  
 روز جزاده گورمیه نیران او یاخشی دور  
 حق سوز مدام دفتره ثبت ایله «تائباً»  
 دولسا کلام حقیه دیوان او یاخشی دور  
 برهانی اولمیان سوزی یازما کتابده  
 هر یازدیقون سوزه اولا برهان او یاخشی دور

## زبان حال حضرت زینب کبریٰ (علیها السلام) در غارت خیام

گل پتیش هرایه گورنجه، خیمه ده قیامتدی حسین  
لشکر تو کولوب خیمه لره، ظلم الیه غارتدی حسین  
خیمه ده قیامتدی حسین



غم شریکی یوخ زینبوه، غم گونونده شرکت ایلسون  
وار نه هاشمی جوانلاریم، دوره ده حراست ایلسون  
هم الیم ئیلمدن اوزولوب، وارکیمیم حمایت ایلسون  
گل ئوزون حمایت ائت منه، موسم حمایتدی حسین  
ایلدوقجا اشار عرب، بو بلالی چولده هلهله  
وحشت ئوز وئورور ای یارالی، اهل بیت زار و خوندله  
هولدن چیخوب بالالارون، وحشتیله یوز قویور چوله  
کربلاده سرگشته قالان اهل بیت عصمتدی حسین  
بعضینی ووروب یخوبدیلار خسته دلدن آه و زار ائدر  
بعضی نون دوتوب اود آتکی، یانماقینی اختیار ائدر  
بعضی سی گورور آتلو گلور، اضطرابیله فرار ائدر  
بعضی یخیلوب ضعف ایلیوب، بی قرار و طاقتدی حسین

بعضی سی قاجوب ایاق یالین، آبله گورور ایاقینی  
پاره ایلیوبدی برملا، قورخی بعضی نون دوداقینی  
گوشوار آلانلار ایلیوب، پاره بعضی نون قولاقینی  
ئوزگه بیر عوالمدی حسین، ئوزگه بیر قیامتدی حسین  
بعضی سی هرایه عصمت، کبریانی سسلور آغلوری  
بعضی سی نجف یولون دوتوب، مرتضانی سسلور آغلوری  
بعضی یوز دوتوب مدینیه، مصطفانی سسلور آغلوری  
نینوا دولوب نوائیله، حشردن علامتدی حسین  
بیر طرفده اهل بیت دین، شوروشیونیه آغلاشور  
جام دیده لر موج وورور، شدتیله گوزیاشی داشور  
بیر طرفده خرداقیزلارون، بیر بیرین تاپور قوجا قلاشور  
وحشتیله چوللره دوشن، عترت رسالتدی حسین  
خیمه گاهیوه اود وورولوب، سینه لرده وار شراره لر  
اهل کین آجی دیل لر یله، دللره ووروللا یاره لر  
شوکتون تالاندی ظلمیله، غارت اولدی گوشواره لر  
یوزدن آزدی جبراً، سویولان مینلر اهل غارتدی حسین

هیچ ایتیرمیوب اوز اُزومی، گرچه دوشموشم فشاره من  
 چون سَمندر ای جان جهان، وورموشام اُزومی ناره من  
 اود ایچیندن عابدینوی، تنز چخاتموشام کناره من  
 وئرموشم بروزه من او کی، اهتمام و همّتی حسین  
 حاج جواد بلورچی یازدیروب، تائبا بو شرح غارتی  
 دست خالی اولماسوز، سوزون وار خدا یاندا قیمتی  
 بو رفیقویله بیر دَهه، ایسته کربلا زیارتی  
 آل برات گیت قبرینه (دی) نه گوزل زیارتدی حسین

### غارث خیام دین در روز عاشورا

او ساعتی که شهید اولدی شهریار حجاز  
 گلوب جسارته حقّی دانان سپاه مجاز  
 او دمدّه امر ائلدی ابن سعد بدفطرت  
 حسینون ایلیه لر خیمه گاهینی غارت  
 سپاه کوفه او ساعتده فکر غارتیله  
 توکولدی خیمه لره شیوه شقاوتیله  
 وورولدی نار، خیام بنات زهرایه  
 کبوتران حرم چخدی قاچدی صحرایه  
 ز بسکه وحشت ائدردی بنات پیغمبر  
 داغیلدیلار چوله وحشته یوزده اشک بَصَر  
 دینمَرَم گورن اولدی خانم لارین یوزونی  
 بو قدر وار که ایتیرموشدی جمله سی اُزونی  
 اولوب حسین باجی سی دادخواه عترتینه  
 اُزون یتوردی خانم قیزلارین حمایتینه



شرار مهر و وفاده آلیشدی یاندی خانم  
 چو عندلیب سراغ گله دولاندی خانم  
 گئردی صاق و صولا دیلده ناله و شیون  
 یغاردی قارداشینون نازلی قیزلارین چولدن  
 نه نوع کیم گل آلا بلبلی بوداقینه  
 ائله آلاردی خانم قیزلاری قوجاقینه  
 سیلردی هر بالانین اشکیله دولان گوزونی  
 اُپردی رأفتیله گل کیمی سولان یوزونی  
 دیردی آغلما ای گوزلریم ضیاسی بالا  
 وفالی قارداشیمین سویگولی بالاسی بالا  
 بو نوع حسرتیله گوزلرون دولاندرما  
 یانقلی سوزلریله بو فگاری یاندرما  
 ایدوم نه چاره عمون صاق دگول هرایه گئدم  
 بو ماجرادن او کان وفانی حالی ائدم  
 عمون صاق اولسا اگر بو بلالی صحراده  
 وفالیدور دُوژه بولمَز قیزیم یتر داده

اگر قالیدی قیزیم باوفا عمون عبّاس  
 بیزه جسارت ائدنمزدی فُرقة ختّاس  
 گرک تحمّل ایداخ جور اشقیایه قیزیم  
 ویراق کچیکلی بویوکلی رضا قضایه قیزیم  
 خیام غارت غارتگران شام اولدی  
 بنات حیدره گوندوز دولاندی شام اولدی  
 دگوبله بیر بیره یکسر ثوابت و سیّار  
 گوروندی خیمه ده حشر عظیمدن آثار  
 گلوبودی حضرت زینب حضور سجّاده  
 دئدی که قارداشمین یادگاری قطب مدار  
 وورولدی خیمه اود، خیمه اود، دوتوب یاندی  
 بویور که یانمالیدور اوددا عترت اطهار  
 بو گیرودارده، یا واردی اوزگه بیر تکلیف  
 بویون بلاسین آلوم ای مه سپهر وقار  
 بویوردی حضرت سجّاد ای عمّه اهل حرم  
 دایانماسونلا بو اود ایچره ایلسونله فرار

اودم که امر عَلَيکنَّ بالفَرار اولدی  
 خيام طاهره دن چخدی ديشره خرد و کبار  
 داغیلدیلار چوله چوخ اضطراب و وحشتيله  
 رمیده آهو کیمی آل احمد مختار  
 قاچاردی تک تکی مین هوليله او صحراده  
 سالاردی آرديجا آت کینه ئيله نچه سوار  
 يتوب و وراردی سوياردی او زار و نالانی  
 آلاردی الدن اونون هر نه زیب و زیوری وار  
 گوروب بیر آتلو که بیر نازدانه قیز قاچوری  
 آتکلری اود آلودور او نازدانه یانار  
 خیال ائدوب ائده خاموش او نار سوزانی  
 پیاده قیز داليجا آت سوروب او مرد سوار  
 او نازدانه گوروب آرديجا سواره گلور  
 تمام قدرتيله هولدن ائدردی فرار  
 رمیده آهودی گویا اولوبدی اوچیه توش  
 قاچور بیر آز یورولاندا ایاق سالور ناچار

دُنور باخور دالیه بیرده چیگنی اوستوندن  
 که گورسون آتلو گلور ائلسون اوزونی کنار  
 گورور سواره گلور تئز دوشور گنه قاچاقا  
 او خسته دل قاچوری هر قَدَر که قدرتی وار  
 قاچا قاچا دیوردی گلمه آتلو گلمه دایان  
 سویولموشام نه زریم وار، نه جامه زرتار  
 بی بیم سویوندوروب آلدی تمام زیوریمی  
 بو چولده وئردی سیزه ای جماعت بی عار  
 فقط قالان بو عبادور که سالموشام باشیما  
 اونودا آلمان منی قویما باش آچوخ زنهار  
 اوستری وئرمم ئولسمده فاطمه قیزیام  
 آنامدی فاطمه جدّیمدی حیدر کرّار  
 یورولموشام منی چوخ قوغما یورما گل ال چک  
 اماندی حقّه باخ ائتمه بو قدر ظلم اظهار  
 دیر که آتلو يتوردوم او نازدانه قیزی  
 سلام وئردی ادبله منه او کان وقار

که یعنی منده مسلمانم اهل قرآنم  
 حجاب اهلیم عصمت منیم ایچوندی شعار  
 غرض که آتش دامانین ایلدیم خاموش  
 گوروب بو رافتی بیر چکدی آه آتشبار  
 دئدی نجف یولونی وئر نشان هرایه گیدوم  
 هراییمه یشتیر اوردا حیدر کرّار  
 دئدیم نجف چوخ اوزاقدور دئدی امان یا شیخ  
 کنار علقمی گوستر ائدوم او سمته گذار  
 عموم وار اوردا گیدوبدور بیزه گتورسون سو  
 منی سُوَر اونا از دردیمی ائدوم اظهار  
 دئدیم بالا نه دی دردون (دی) من علاج ائلیوم  
 دئدی که چوخ سوسوزام هیچ سویا گمانون وار  
 او نازدانیه بیر جام سو یتوردوم من  
 آلوب او جامی آله دولدی مثل ابر بهار  
 سو ایچمدی سویا باخدی ایکی دولی گوزیله  
 دئدیم ندن سویی میل ائتموسن نجیبه زار

دوباره باخدی منه دولدوروب ایکی گوزونی  
 دئدی که خردا باجیم وار سوسوزدی چوخ زنه ار  
 اجازه وئر آپاروم ایلیم اونی سیراب  
 قبول ائدر سنون احسانوی حق دادار  
 دئدیم داخی قدغن سندی اولماسن نگران  
 اولاردا ایمدی ایچه لر سو ای حمیده شعار  
 حرامیدی سیزه سو تا سنون آتان واریدی  
 شهید اولدی آتان گیتدی بو قرار و مدار  
 بابان حسین که شهید اولدی سو مباح اولدی  
 نه قدر سو ایچوسن ایچ بلالی زار و فکار  
 دئسم غلط دگی سسلندی جان سوسوز بابا وای  
 او سودان ایچمدی اول نازنین ماه عذار  
 دئدی نئجه بو سویی من بولوم مباح ئوزومه  
 گوزون قالوب بو سودا ای امام عرش وقار  
 شهید ائدوبله سنی تشنه لب فرات اوسته  
 نه آبرو سودا ای آبروی اهل وقار

ننجه ایچوم بو سودان کیم قالب گوزون بو سودا  
 گوزون سودلم دلیوه تشنه لیق سالوبدی شرار  
 بئله وفالی بالا عالمه گله هیهات  
 اُزی صغیر بئله لیک اولافا کردار  
 حسین تربیتون درک ائدن اوشاق آری  
 بولر اصول مواساتی بو عفیفه اولار  
 تمام قیل سوزیوی تائب اختصار یله  
 الونده گوزله کتاب اود، دوتار، بو خامه یانار  
 توجّه اولدی سنه اُز لریندن البتّه  
 بئله سلیس و روان دوشدی نظمه بو اشعار

کوچ اهل بیت عصمت و طهارت از کربلا  
 زبان حال حضرت زینب علیها السلام در سر نعلش برادر

آخان کوی وفاده، سو تک قانی حسینیم  
 ائدن گلشن توحید، بو صحرانی حسینیم



بو پیکردی حسینیم، دوشوب قانینه غلطان  
 و یا قرمزی گلدور، اولوبدور بئله خندان  
 بو میدان بلانی، ائدوب طرفه گلستان  
 صفاخیز ائلیوب، بو بیابانی حسینیم  
 اولان طیتی نور، بهشتیله سرشته  
 دئسم بو یره گلشن، تاپار نقص بو رشته  
 سنون گلشن عشقون، وورار طعنه بهشته  
 گورن ترک ایلمز، بو گلستانی حسینیم  
 سنون قتلگهون تک، صفالی چمن اولماز  
 ائله گل لر آچوبدور، که حشره کیمی سولماز  
 بئله صحن گلستان، گوزل عطریله دولماز  
 دوتوبدور ائله عطرون، بو صحرانی حسینیم

هانی بیر چمن اولسون، بو اندازه صفاسی  
 هانی سن کیمی بیر گُل، اولای بوی وفاسی  
 هانی من کیمی بلبل، اولای بیله نواسی  
 آلوب عطر گل اوللام، نواخوانی حسینیم  
 بو پیکردی دوتوبدور، بیوتون کاری جراحت  
 بو قامتدی دوشوبدور، و یا شور قیامت  
 نه گل تک بدنوندن، نشان وار نه علامت  
 ائدوبلر ائله پرپر، بو اعضانی حسینیم  
 بو گل جسمده واردی، عجب منظره قارداش  
 بو سینونده کی اوخلار، چاتوب بیر پرده قارداش  
 بو زخم تنون اوخشار، گل پرپر قارداش  
 ائدوب بلبل شیدا، بو نالانی حسینیم  
 بو گلزار وجودون، آچوبدور گل توحید  
 اوخور دوروبرینده، نچه بلبل توحید  
 حجازی نغمیله، آچوبلار دیل توحید  
 توکلر یوزه گوزدن، جگر قانی حسینیم

حسین باغلادون اول، بئله عهدیله پیمان  
 بو جانون ائده سن سن، فدای ره قرآن  
 و ثروب باشوی ائتدون، ازون دینوه قربان  
 گوزل باشه آپاردون، او پیمانی حسینیم  
 ره دین خداده، رئیس الشهادسن  
 خدا ثارینه دلبند، ازون ثار خداسن  
 ازون تاج شهانسان، شه کرب و بلاسن  
 ندن بستر ائدوبسن، بو میدانی حسینیم  
 و ثروب عهدیوی باشه، او مقصودیوه چاتدون  
 گوزل قانونی سن بو، گوزل توپراقا قاتدون  
 دوشوب یاره لی یاتدون، یاتان لاری او یاتدون  
 یاتانماز ایشیدن بو، قضایانی حسینیم  
 او قارداش باجیوخ، ای گل گلشن طاها  
 که نازیله بیوتموش، بیزی سینه ده زهرا  
 بو زینب دونه سندن، دویا آیریلای حاشا  
 باجون دویمادی سندن، حسین جانی حسینیم

نه دور چاره سی وار نه، علاجی نیده زینب  
 ئورک دوزموری هرگز، سنی ترک ائده زینب  
 نئجه آیريلا سندن، کناره گئده زینب  
 ستمله آیروللار، بو نالانی حسینیم  
 اگر ممکنیم اولسا، بو یرده قالارام من  
 بو صدپاره وجودون، کناره آلارام من  
 یووب یاره وی مرهم، الیمله سالارام من  
 ولی زینبویین یوخ، بو امکانی حسینیم  
 اویان رخت محبت، بو اطفاله گیندور  
 سنق دل لرینه وئر، صفا لطفیله دیندور  
 گیدور شامه عیالون، ازون ناویه میندور  
 سوار ائت یولا سال، بو صبیانی حسینیم  
 مسیحای بلاسن، بیر اعجاز نشان وئر  
 بو روحیله ئولموش، ازون روح روان وئر  
 کوچور قافله بوردان، دور آردینجا اذان وئر  
 دعا ایله بو جمع، پریشانی حسینیم

باشون ایتمدی تعظیم، حسین اهل جفایه  
 جدا اولدی بدنن، گچوب نوک جدایه  
 سالوب نوک جدادن، سر زینبه سایه  
 او ساینده دولاتام، بو دنیانی حسینیم  
 شهادت سودی وئرموش، ازل دایه زینب  
 بو سایون اولار آرتار، بو سرماییه زینب  
 او سایونده جهانی، دوتار سایه زینب  
 بئله عزتین اولام، ثناخوانی حسینیم  
 بو سایون منه یاخشی، وئر سیر مقامات  
 بو اطفالیله اوللام، حسین عازم شامات  
 همان سیرده قیللام، سنون حقوی اثبات  
 یتوررم هامی خلقه، بو عنوانی حسینیم  
 اولان عمده منظور، بودور اهل عناده  
 که حقه چکه پرده، گئده قانون آراده  
 قیام ایلیوب ایله، نشان ویررم اراده  
 گیده قویمام آراده، همان قانی حسینیم

گزوب کوفه و شامی، من ای شاه فداکار  
بیاناتیله قیللام، سنون حقّوی اظهار  
ائله صحبتیم ایلر، یاتان ملتّی بیدار  
که قویماز یاتا، خلق مسلمانی حسینیم  
ازل اولمادی امکان، آتام حیدره قارداش  
دئسون شامده حقّی، اونا حقلره قارداش  
مریض اوغلون او یرده، گیدر منبره قارداش  
اولار اوردا شریعت، سخرنانی حسینیم  
او منبرده او اوغلون، ائدر بیر ائله غوغا  
وورار بیربیره خلقی، سالار محشر کبرا  
اولار زاده سفیان، داخی شامده رسوا  
ائدر هامّی ملامت، او نادانی حسینیم  
گورر زاده سفیان، که بیدار اولوب افکار  
سوزه پرده چکنمز، ائدنمز حقّی انکار  
قالار چاره سیز آخر، ائدر حق لوقون اقرار  
أزی منتشر ایلر، بو اعلانی حسینیم

وئرر دشمن جانی، سنه حقّ مسلم  
آدون شامی مسخر، ائدر ایشه عالم  
همین شامده ووررام حسین آدینا پرچم  
ائدر شهره او پرچم، او سامانی حسینیم  
بو سوزده سنه «تائب»، بیر انگیزه لی دم وار  
بو انگیزه لی دمدّه، بو طغیان قلم وار  
بو طغیان قلمده، بئله اودلی رقم وار  
دیوب باجی سی سو تک، آخان قانی حسینیم

زبان حال حضرت زینب علیها السلام  
در سر نعلش برادر در حال کوج از کربلا

ای اولان سو اوسته دینین تشنه قربانی حسین  
ئولدون احیا ائلدون احکام قرآنی حسین  
❖❖❖❖❖  
باشه وئردون عهدون اول باغلانان پیمانیه  
دین و قرآندان حمایت ایلدون ایمانیه  
گلشن توحیده سو وئردون بو چولده قانیه  
سولمیان گل لر وئر دینین گلستانی حسین  
گوردون اسلام عالمینده وار خطرلی منظره  
بیر قیام ائتدون یتوردون حق سوزون ناحق لره  
ظاهراً مقهور اولدون سن یزید کافره  
باطناً مغلوب قیلدون آل سفیانی حسین  
سن یتشدون عین منظوره نه کامه یتمدون  
زیر بار ظلم استبداده هرگز گتمدون  
دست بیعت وئرمدون زندیقّه تعظیم ائتمدون  
گرچه کسیدردی الون دین اوسته اول جانی حسین

سن مقدّس نهضتونده کونی حیران قویموسان  
صفحه تاریخ کفره خطّ بطلان قویموسان  
هر مرام اوسته که سن باش وئرموسن جان قویموسان  
بیزده تعقیب ایلروخ عیناً او عنوانی حسین  
بیر بلوک ماتمزده وئروخ بو یولدا ال اله  
ناخوش و سالم گتورروخ عین منظورون اله  
سلطنت ارکانینه ساللوخ یزیدین ولوله  
قویماروق ائتسون حکومت جهل و نادانی حسین  
گون کیمی عالمره حقّون پدیدار ایلروخ  
هاردایر مدهوش غفلت واردی هشیار ایلروخ  
قویماروق یاتسون مسلمان خلقی بیدار ایلروخ  
تا مسلمان لار بوله معنای قرآنی حسین  
ظاهراً حقّه مسلط باطل نااهلدور  
باطناً منکوب اولان عالمده اهل جهلدور  
ئولماق ئولدورماق اسیر اولماق بو یولدا سهلدور  
فخر ائدر سجّاد اوغلون اولسا زندانی حسین



گه اسارت حالتیله عالمه غوغا سالی  
 گه گیدر دار جفایه گاه زنداندا قالی  
 رأینه تغیر وئرمز از سوزون آلماز دالی  
 بولمز اسلامه خلیفه نامسلمانی حسین  
 سن شهید اولدون دئدون مرگونه دین احیاسی وار  
 من اسیر اولدوم که اوندا حقین استعلاسی وار  
 بو اسارت ظاهری دور آیری بیر معناسی وار  
 یخماقا عنواندی بیر زندیق دورانی حسین  
 گلسه دین اوسته بلا ابرومی من خم ائتمرم  
 صبریم آرتار غصه گورسم صبریمی کم ائتمرم  
 درد دینیم دردیمون درمانیدور غم ائتمرم  
 دردیمون یوخ درد دیندن اوزگه درمانی حسین  
 من بو قان دریاسینی ترک ایلرم نوحیم قالور  
 غرقه قان دریاده دوشموش نوح مجروحیم قالور  
 بو بلالی چولده گتسمده منیم روحیم قالور  
 جبریه روحیمدن آیرللام حسین جانی حسین


من وفادارم آنام اوغلی وفا دریاسیم  
 دخت زهرایم وقارین صورت و معناسیم  
 زینبم زین ابم کرب و بلا زهراسیم  
 حفظ قیللام هر نفسده وقر زهرانی حسین  
 بو بلالی چولده سن یات سینهده سانسیزیارا  
 من اولوم سردسته بو مظلومه قارداشسیزلارا  
 باشون آردینجا دوشوم چکسه منی هاردان هارا  
 یا حسین دلدله گزوم گوز یاشلی هریانی حسین  
 سن روان عاطفتسن معدن مهر و وفا  
 سن اوسان اسمون دوادور سینهده عشقون صفا  
 ترنبون خاک شفادور صحبتون ذکرون شفا  
 سنده دور هر دردمندین درده درمانی حسین  
 من وفا رختین وجودیمدن وفالی سویمارام  
 سیر تکمیل وفاده ذره نقصان قویمارام  
 آغلارام دلدله حسین وای آغلاماقدان دویمارام  
 سالمارام دلدن آدون عمرومده بیر آنی حسین

آغلاماق درد دل آسگیلدر اودور من آغلارام  
 آغلاماقدان بهره برداری واریم دل داغلارام  
 بو شکسته حالیمیله دین شکستین باغلارام  
 جمع دینی قویمارام گورسون پریشانی حسین  
 شوریله جاری یوزه اشک روان بخش ایلرم  
 شوریم آرتار نفسیمه من امر لاتخش ایلرم  
 آغلارام خلقی یغوب جان بخش سوز بخش ایلرم  
 زنده جاوید قیللام نوع انسانی حسین  
 باشون آردینجا دولاننام چکماقا باش عالمه  
 بولدورم بولسون هامی تا سوز اولا فاش عالمه  
 گلمیوبدور منله سن تک باجی قارداش عالمه  
 تا اله گلسون وفانین قدر و میزانی حسین  
 قیزلارون دوروبریمده دلدۀ جوش و زمزمه  
 دالالاننام سایۀ لطفونده صابر هر غمه  
 من سنون ساینده قارداش سایه ساللام عالمه  
 سایۀ زینب دوتار ساینده دنیانی حسین

بیر شکست واقعی وئررم یزید جانیه  
 حقون اثبات ایلرم هم عالیه هم دانیه  
 پرچم توحیدی ووررام شامده ویرانیه  
 پرچم توحید ائدر آباد او ویرانی حسین  
 پرچمون اعلان ائدر هر حق جو هر حق گو  
 سینماسون گر اولسا اهل باطلیله روبرو  
 سن گندن راهی دوتوب گئتسون گرکدور سوبه سو  
 وار بو یولدا حقّه نایل اولماق امکانی حسین  
 «تائب» شوریده نین باشدا حسینی شوری وار  
 زنده دلدور خانۀ دلدۀ ولایت نوری وار  
 دیلده بیر شیرین بیانی گوزده اشک شوری وار  
 دلدوروب شور حسینیلۀ بو دیوانی حسین  
 لیک مظلوم که چون روشن عزادارم سنه  
 قالموشام شهریمده حسرت اجتماع روشنه  
 حق سوز اوسته هر طرفدن حمله ایلرلر منه  
 صبر قیللام حقدن آلام اجر شایانی حسین

### زبان حال حضرت زینب علیها السلام خطاب به برادر

سن قیام ائتدوں حساب اوسته کتاب اوسته حسین  
منده نهصت باشلادیم حفظ حجاب اوسته حسین



ایتماقا روشن که مسئولیت انسان نه دور  
دین نه دور احکام دینیله دولان قرآن نه دور  
دینده قانون نه دور برنامه نسوان نه دور  
شرحه شرحه قانیله یازدون تراب اوسته حسین  
سن ازون قرآنه قربان ائتدوں ای عالی جناب  
تا حیات جاودان تاپسون کتاب مستطاب  
سعی قیللام منده قالسون زنده آیات حجاب  
جاندا گیتسه خوشدی ابقای حجاب اوسته حسین  
از آتامدان آموشام نطق و خطابین درسینی  
از آتامدان آموشام حفظ حجابین درسینی  
ائتموشم تحصیل سندن انقلابین درسینی  
ایلرم احیا حجابی انقلاب اوسته حسین  
وار ازلدن بیز ایکی قارداش باجی پیمانیمیز  
دین دور قرآن دور بو تاروپود جانیمیز

قانیمیز بیر جانیمیز بیر، واردی بیر عنوانیمیز  
پای بندم من او پیمان صواب اوسته حسین  
خلق ائدوب دنیانی نظم اوسته خدای لاینام  
ایلیوب کشف حجابی عورته مطلق حرام  
گر حجابی دانسالار بر هم اولار نظم نظام  
خلق اسیر نفس اولار بو اختراب اوسته حسین  
کشتی قرآنه لنگردور حجابین آیه سی  
گوهر دریای دیندور عفتین پیرایه سی  
بی حجابین دینی نون پادروادور پایه سی  
استوار اولماز بنا هرگز حباب اوسته حسین  
جدیمه نازل اولوبدور بو کتاب مستطاب  
درج اولوب احکام اوندا نکته نکته باب باب  
آرتوروب پیرایه سین اون سگیز آیات حجاب  
بو حجاب آیاتی نازلدور حساب اوسته حسین  
وار نه صحبتلر حجاب اوسته حساب الله دور  
عین عنوانی اونون متن کتاب الله دور  
رد ائدن بو امری مشمول عتاب الله دور  
بی حجابین وار عقابی بو عتاب اوسته حسین

غارته لشکر گلنده اولدی دل لر مُرتَعَش  
 آتدیلار هر زیب و زیور وار بنات ماهوش  
 معجر اوستونده ولیکن ائتدیلر چوخ کشمکش  
 آلدیلار جانہ جفا ستر و نقاب اوسته حسین  
 سن کیمی دینه یانان دین خدا دلسوزلارون  
 چرخ عصمتده اولان شرم و حیا اولدوزلارون  
 درس آلان کانون عفتدن عفیفة قیزلارون  
 دوردولار حکم کتاب مستطاب اوسته حسین  
 ائتدیلر اعلان (بیان) حکم کتاب اولسون گرک  
 یعنی اجرا حکم قرآن باب باب اولسون گرک  
 تابع قرآن اولانلار باحجاب اولسون گرک  
 آیه نازلدور حساب اوسته کتاب اوسته حسین  
 هایهویله ائدوب جاهل عربلر هلهله  
 ووردولار اود سالدیلار خرگاه دینه ولوله  
 امر سجّاديله قاچدی نازنین قیزلار چوله  
 آز قالوب ئولسونله هول و اضطراب اوسته حسین

خرداجا بیر قیز رمیده رشگ آهوی تتار  
 بیر سواره آردیجا گوردی دوشوب ائتدی فرار  
 گه قاچوب گاهی دونوب پشت سره ایلوب نظار  
 پا پیاده صید، صیادی رکاب اوسته حسین  
 حفظ ائدوب حکم حجابی غنچه باغ ارم  
 بیر سلام ائتدی که من ذریّه پیغمبرم  
 باشد کی بو معجری ئولسمده هرگز وئرمم  
 زجر گوردی دوزدی عالی انتخاب اوسته حسین  
 چوخ دوگولدی گوردی ظلم آل سفیان برده سین  
 دوردی داغ تک ساخلادی باشینده عفت پرده سین  
 ایلدوخ تحسین او دامان حیا پرورده سین  
 یتدی احسن هشت باب و نه قباب اوسته حسین  
 وئردی بو رمزیه نسوانه شریعت درسینی  
 اهل وقر و عصمته توقیر و عصمت درسینی  
 ایلدی تعلیم هر انسانه عفت درسینی  
 اهل عفت یول گئده بو احتساب اوسته حسین

مرحبا ائتدی خجل ایمانیه ایمان سیزی  
حفظ قیلدی عفتین خورشید عفت اولدوزی  
عصمتین گتدی بیانه عصمت کبرا قزی  
مینلریله باب صحبت وار بو باب اوسته حسین  
عورته یعنی حجابی زیور و زینتدی بس  
غنچه نشکفته تک هم وقر و شخصیتدی بس  
گر حجابی ردّ ائده، بی وقر و بی قیمتدی بس  
وقرینی الدن وئرر فکر خراب اوسته حسین  
وار یادوندا دوتدی اعمادن یوزون زهرا آنام  
سویلدی بو مرد اعمادور بابام خیرالانام  
عرض ائدوب زهرا، اونا باخماق حرام اولموش حرام  
وار بو سوز قرآن علام الغیاب اوسته حسین  
وار یادیمدا ائتدی قطامه نه ظلم بی حساب  
اوندا کی داندی حجابی ایلدی کشف حجاب  
بیر باخشدا ائتدی ابن ملجمی خانه خراب  
باتدی قانه مرتضا کشف حجاب اوسته حسین

جلب ائدر نامحرمی غمزه یله نسوانین گوزی  
بیرده کشف اولسا اونون نظار اولان یرده یوزی  
بیرده لبخندی یخار ایمان ائوین یوخدور سوزی  
خلق اولار گمراه ایمان خراب اوسته حسین  
امر دیندور چادر آتدا گیزلده عورت اُزون  
هاکذا گوسترمیه نامحرمه هرگز یوزون  
گورسه نامحرم مقابلدن گلور یومسون گوزون  
حُکم یَفْضُضْنَ گلوب حقدن خطاب اوسته حسین  
گوزدی یوزدی لب وئرن عورتلره زیبا عیار  
گر اولا بی پرده نامحرم لری ایلر شکار  
گر ائده خلقی شکار افکار اولار بی بندوبار  
دین اولار پامال بیله فتحباب اوسته حسین  
ایلسه هر کس حجاب آیاتینی زیر و زبر  
اُز خیالیه اولوب بو بارهده صاحب نظر  
حکم قرآن و خدادن بی خبردور بی خبر  
ضربه اسلامه وورور بو ارتکاب اوسته حسین

رو برو کشف حجابیله اولاً گر جامعہ  
فتنه هر یاندان یا غار ایجاد ائدر چوخ فاجعه  
فاتحه اسلام و قرآنه او خور بو ضایعه  
درده گللم بیله امر ناصواب اوسته حسین  
ایلوری قرآن زبان حالیه فریاد و داد  
گر حجاب اولسا رعایت رخنه تاپماز عدل و داد  
بی حجابی گر تاپا رونق فساد ایلر فساد  
خلق جهله جلب اولار بو انجلااب اوسته حسین  
وای او اهل دین و قرآنه قویوب دینی کنار  
آد مسلمان لیک اوزی کافر کیمی بی بندوبار  
ردّ اندوب حکم حجابی دلدہ اسلامی شعار  
دین گیدور صحبت گلور اسلام ناب اوسته حسین  
وئردون ای قرآن ناطق امت قرآنه درس  
وئردون ای انسان کامل زنده دل انسانه درس  
منده وئرم عفتیمله سربه سر نسوانه درس  
تا دولانسونلار خانملار احتجاب اوسته حسین

بیز بنی هاشم که محکم دور بیزیم آهنگیمیز  
خاندان عفتوخ تغیر تاپماز رنگیمیز  
سازش ائتمز بی حجابیله بیزیم فرهنگیمیز  
عطف اولور روی سخن هر شیخ و شاب اوسته حسین  
من باشون آردینجا قارداش عزم شامات ایلرم  
قید عشقونده گزوب فخر و مباحات ایلرم  
قولاً و فعلاً حجاب احکامین اثبات ایلرم  
باشلارام صحبت همین فصل الخطاب اوسته حسین  
من حسینی زینب وار زینب شهرتیم  
هم شریکم نهضتونده وار حسینی همّتیم  
هر یره یتسم حجاب اوسته اولار هر صحبتیم  
ایلرم صحبت بیان بو تراب اوسته حسین  
اولدی یعقوب حقیقت بو کلامه خواستار  
یازدی تکلیف اوسته «تائب» بیله شعر آبدار  
هم یازان هم نوحه خوانه موقف روز شمار  
حیّ سبحان دان ثواب ایستر ثواب اوسته حسین

احوالات کوچ اهل بیت از کربلا  
زبان حال حضرت زینب علیها السلام خطاب به شمر لعین

کوچ ایلینده شامه طرف دخت بوتراب  
گویا اندردی شمر شیریه بیله خطاب  
ای شمر شوم ساخلا بلا کاروانینی  
هر بیر اسیر غم گوره آرام جانینی  
بیر دسته قول قانادی سنق عندلیب زار  
سیر ایلسونله کرب وبلا گلستانینی  
هر عندلیب یوز قویا بیر گل بوداقینه  
هر گل چکه کنارینه از نغمه خوانینی  
هر بیر آنا بالاسینی تاپسون بو دشته  
ائتسون سبیل نعشینه اشک روانینی  
قارداش جنازه سین گوره هر مهربان باجی  
هر باغریقان گزوب تاپا از باغریقانینی  
اکبر آناسی شامه گندر قولدا قید کین  
ائتسون وداع اکبر تازه جوانینی

آرام جانیدور ال اوزور جبراً آیریلور  
آلسون کناره جان کیمی آرام جانینی  
اشکیله قانینی یووا، هم خشک بند ائده  
زلف تریله زخم تن خون فشانینی  
قاسم آناسینون گوزی اوغلون چوخ اختارور  
تاپسون بو قانلو چولده او روح روانینی  
طوی دو تمیوب عروس الینه وئرمیوب الین  
بو حسرت و غم الدن آلودور توانینی  
بیر اوخشیوب دویونجا او ناکام اوغلونا  
آشفته زلفینه یاخا شوریه قانینی  
قلبینه دردی اسگیله هم گوز یاشون توکوب  
آتش نشان ائده گویول آتش فشانینی  
دیدار قالدی محشره فرقت زمانیدور  
گورسون رباب اصغر غنچه دهانینی  
گهواره ترابده یورقون دوشوب یاتوب  
آلسون قوجاقه صودامر ناتوانینی

گورسون دوشوب نه حالته نشکفته غنچه سی  
 اوّل بهارده یـتـور وبلر خـزانـینی  
 اُپسون بوغازدا تیر سه شعبه بیچن یری  
 آلسون مشامه غنچه تر ضیمرانی<sup>۱</sup>  
 عباسیمین یرینده گنجه پاسبان اولان  
 کلثوم تاپسون اهل حرم پاسبانی  
 وئرسون خبر که اهل حرم کوچ ائدوب گیدر  
 سالسون یولا ازی بو وفا رهروانی  
 بیر کاروان که نازینی دائم چکوب ازی  
 گورسون او جمعین ایمدی پریشان زمانینی  
 بسکه آغیر سفردی سفر اهل بیت دین  
 قطع ایلیوبدی تار اُمید امانینی  
 تیتزر رقیّه ناقه ده برگ خزان کیمی  
 اطرافده گورنده جفا ساربانینی

بیر دلستانه زینب مظلومه دل وئروب  
 دل داده دور سراغ ائدر اُز دلستانینی  
 ایستگلی باجیدور سَور ایستگلی قارداشین  
 اولماز که گورمیوب گنده اوز مهربانینی  
 وقت اولمیوب حسینی دویونجا گورنمیوب  
 گورسون دویونجا پادشه انس و جانینی  
 آلسون کناره نعشینی شوريله اوخشاسون  
 همنا له ایلسون اُزونه دخترانینی  
 هیهات و هات باجی تاپا بیرده قارداشین  
 باری امان وئرون کسه مهريله یانینی  
 گل تک گل بهشتینی بیر اُپسون ایگله سون  
 آلسون مشام جانه شمیم جنانینی  
 عریان دی گون ائوینده او گل پیکر اوستونه  
 آچسون چو ابر زلف سیه سایبانینی  
 گل صاحبین گل اوزلی رقیّه سراغ ائدر  
 فرصت وئرون تاپا یارالی باغبانینی



گل باغبانان آیریلالی آل تاپودی خار  
 ظلمیله سولدورودی رخ ارغوانینی  
 از باغبانینه دئمه لی دردی وار اونون  
 ائتسون بیان اورکده کی درد نهانینی  
 قارداش بالاسی عمه ووراق بوردا آل آله  
 باشه ییغاق سپهر حیا اخترانینی  
 گودال قتلگاهی عزاخانه ایلایق  
 تاریخلر یازا بو عزا داستانینی  
 مظلوم اولان حسینیمه من روضه خوان اولوم  
 دیلندنیروم تازا دیل آچان نوحه خوانینی  
 بیر نوحه باشلاسون دل دنیانی داغلاسون  
 گورسون رقیه مون هامی شیرین بیانینی  
 یانسون یانقلی سوزلرینه هر قولاق وئرن  
 گلسون فغان و داده گورنلر فغانینی  
 گوز یاشلو بیر دوشنسون او صدپاره سینی  
 قویسون بوغازینا لب گوهر فشانینی

ایستکلیدور حسینیمه حسرتله آیریلور  
 یاخسون بالاجا تلله خون روانینی  
 هر کیمسه گورسه قانه باتان تل لرین بولر  
 زلفینده ساخلیوب آتاین خوش نشانینی  
 قول بوینونا سالوب دیه خوش دیلرله دیل  
 بیربیر سایا بلای نهان و عیانینی  
 بلکه آتا محبتی داشسون آچوب قولون  
 آغوشه جان تک آلسون او شیرین زبانینی  
 بو قانلو چولده نچه دقیقه قونا قیدور  
 گویلون آلوب یولا سالا از میهمانینی  
 عطر وصال آلوب او بالا آیریلان زمان  
 ترک ایللیوب گیده یارالی میزبانینی  
 هامو گیدور ولیک بونون چوخدی نسکلی  
 ذکر اولسا نسکلی آلی دللر توانینی  
 بوللم بو کربلاده یاتان پاک نفسلر  
 عالی مزار ائدر بو محبت مکانینی

چون عرش بیر مزار دوشر آلتی گوشه‌لی  
 الله بولر جلالتینی عزّ و شانینی  
 اوردا یاتار حسینیم آلا ر سینه اوستونه  
 بیر شیرخوار حلقی اولان اوخ نشانینی  
 شهزاده اکبره ایاقی آتدا یرویر  
 چوخ چوخ سُور او دینه فداکار یارینی  
 بیر گون اولار او قبره گتوررم زیارته  
 شاماتدن بو درد و بلا کاروانینی  
 اما دوشر بو نازلی بالام شامده قالار  
 قربان ائدر خرابه‌ده جانانه جانینی  
 دردین دئمز ئولنده بو شوریده سربالا  
 ساخلار ئورکده درد و غم بی کرانینی  
 «تائب» بو یازدوقون سوزون اجری اولار فزون  
 گتدون اله بو سوزده حسین امتنانینی  
 مطلق حسین رضایتی الله رضاسیدور  
 الله رضاسی اوسته ائدوب ترک جانینی

زبان حال امام حسین علیه السلام  
 خطاب به حضرت رقیه در قتلگاه کربلا

سینه‌مه گل گوزل بالا نازلی رقیّم آغلاما  
 بیله یانوب سیزیلداما نازلی رقیّم آغلاما  
 ❖❖❖❖❖  
 قید جفایه بسته‌سن، اهل جفا اسیری‌سن  
 غصّه یوروبدی خسته‌سن، درد و بلا اسیری‌سن  
 ظلمیله دلشکسته‌سن، کرب و بلا اسیری‌سن  
 باخما بو نوع صاق صولا، نازلی رقیّم آغلاما  
 گرچه چتیندی بلبله، صحن چمنده آیريلا  
 ترک ائده گل بوداقینی، سرو و سمنده آیريلا  
 یعنی سنون کیمی بالا، جبريله مندن آیريلا  
 لیک نه چاره وار بالا، نازلی رقیّم آغلاما  
 سوگولوم عادت ائتموسن، دائماً اِعتِنا قیّمه  
 لیک بو گون جفائيله، توش اولوسان فراقیّمه  
 سینه‌مه سال اُزون آلوم، بیرده سنی قوجاقیّمه  
 ایلمه نی کیمی نوا، نازلی رقیّم آغلاما

غصه لی سن ز بس دولوب، ابر بهار تک گوزون  
 چوخ سنی انجیدوبدیلر، واردی ئورکده چوخ سوزون  
 گتمه لیسن علاجسیز، سینه مه بیرده سال ازون  
 دردیوی (دی) ائدوم دوا، نازلی رقیّم آغلاما  
 من شه مشرقینیدیم، ظلمیله قانه باتموشام  
 ئولدوروب از رعیتیم، عالمی گوزدن آتموشام  
 پیکر چاکچاکیله، قانلوقوم اوسته یاتموشام  
 سینه یارا بدن یارا، نازلی رقیّم آغلاما  
 ایله بیان گوروم ندن، سن بئله حاله قالموسان  
 خرداجا سنّیله دله، بیر بئله غصّه آلموسان  
 ای گل ناز گلشنیم، بیله ندن سارالموسان  
 رنگون اولوبدی کهربا، نازلی رقیّم آغلاما  
 سن بالاسینه داغلموسان، سولموش اوزون نشان ویرور  
 داغلو دلون یانور گوزون، جامی عذاره قان وئورور  
 غملریوی بو گوز یاشون، سولموش اوزونده سان وئورور  
 نسکلوه جهان فدا، نازلی رقیّم آغلاما

آغلاما آل عصمته، نازلی عزیزه سؤگولی  
 شاخ حیا و عصمتین، شور و نوالی بلبلی  
 سولما سارالما ای گوزل، گلشنیمین گوزل گلی  
 آغلاما سینه داغلاما، نازلی رقیّم آغلاما  
 حالوی هر گورن اولور، دردیه یولداش آغلوری  
 حسرتیله توکور یوزه، گوزلری قانیاش آغلوری  
 ایله یانقلی آغلموسان، حالوه داغ داش آغلوری  
 سنله اولورلا همصدا، نازلی رقیّم آغلاما  
 باخما دوتوبدی اهل کین، جبریله صاق صولون قیزیم  
 طی ائله آیریلان زمان، مهر و وفا یولون قیزیم  
 قوی دوداقون بوغازیما، بوینوما سال قولون قیزیم  
 اخذ ائله توشه دوش یولا، نازلی رقیّم آغلاما  
 من بولورم رقیّه جان، سن نه قدر وفالیسان  
 من کیمی سینه داغلیسان، سنده ئورک یارالیسان  
 منده باشی بلالیم، سنده باشی بلالیسان  
 دُز (دی) بلالره بلا، نازلی رقیّم آغلاما

من نئجه قانه باتموشام، قانیمه سنده بات قیزیم  
آتموشام استراحتی، سنده او فکری آت قیزیم  
من قوری یرده یاتموشام، سنده یر اوسته یات قیزیم  
ایله ثبوت ادعا، نازلی رقیّم آغلما  
«تائب» اگر کمک ائده، قدرت لم یزل ازی  
دفتره یازدوقون اولار، جمله سوزلرین گوزی  
یاخشی گلوبدی دفتره، ثبت ائله بیرده بو سوزی  
سینه مه گل گوزل بالا، نازلی رقیّم آغلما

### خطاب حضرت رقیه علیها السلام به ساربان

من بو یارالی جسمدن، ای ساربان آیریلمارام  
بیر عمر قاللام بوردا گر، اولسا امان آیریلمارام  
وورما منی بی جا یره، شرم ائت اوتان آیریلمارام  
ای ساربان آیریلمارام



بو جسمه من دلبستهام، صبر دلیمدور بو بدن  
بیر بلبل پرستهام، خندان گلومدور بو بدن  
جانیمدن آرتوخ ایسترم، چون سؤگلومدور بو بدن  
أز سؤگلومدن دونمرم، ظالم اینان آیریلمارام  
من بیر گلم بو بسلیوب، دائم بوداقینده منی  
پرورده ائتموش نازیله، عزّت اطاقینده منی  
گاهی ال اوسته ساخلیوب، گاهی قوجاقینده منی  
بو حسرتیله ترک ائدوب هرگز بو آن آیریلمارام

وورما بلالی بیر قیزام، ترک وفا من ائتمرم  
گئتسم دوباره وصلینه، واردور یقینیم یتمرم  
هرگز بابامدان ال ازوب، شاماته بوردان گئتمرم  
قلیمده یوخ هجرانینه، تاب و توان آیریلمارام  
باشی بلالی بیر قیزام، خوشدور بو صحراده قالام  
بیر دیل آچام درد دله، دلدن بابام دردین آلام  
زلفیمله قانین پاک ائدوب، هم زخمینه مرهم سالام  
بوردا دویونجا ائتمه سم داد و فغان آیریلمارام  
یرده قویوب جسمین نئجه، از قانینه غلطان گندوم  
خندان گلی گوزون سالوب، بلبل کیمی نالان گندوم  
قانيله قاره زلفیمی، قوی ایلیم الوان گئدوم  
گر اولماسا باشدا بابام، قانی نشان آیریلمارام  
اهل محبت ایستوری، مهر و وفا رسمین بوله  
بو رسمدور عاشق اولار، بلبل گله گل بلبله  
من عاشقم بلبل کیمی، عالمده بو خندان گله  
خندان گل اوسته ایلرم محشر عیان آیریلمارام

ظالم اگر اسلامسن، اول باخبر قرآن دن  
عالمده مؤمن سن اگر، اولما کنار ایمان دن  
شرم ايله قورخ اللهدن، ال چک بو باغریقان دن  
جبراً آیرما گل منی، ای ساربان آیریلمارام  
بسدور یتیمه قالموشام، گل باغریمی قان ایلمه  
قهر خدادن قیل حذر، ظلمونده طغیان ایلمه  
چوخ وورما قمچی روحیمی، اینجیتمه نالان ایلمه  
بی کس بابامدان واردی، تا جانیمده جان آیریلمارام  
سن بولموسن بی کس بابام، آرام جانیمدور منیم  
باغ حیاده بیر گلم، بو باغبانیمدور منیم  
چوخ مهربانم من بونا، بو مهربانیمدور منیم  
از مهربانیمدن دُئوب، من مهربان آیریلمارام  
روحیمدی بو هاردان اولار، پیکر رواندان آیرıla  
اولماز روا ای کینه جو، گل گلستاندان آیرıla  
هر گل طراوتدن دوشر، گر باغبانندان آیرıla  
بو باغبانی ترک ائدوب، من باغریقان آیریلمارام

من دلشکسته بیر قیزام، ای ظالم شوم و دنی  
 بو حالده وئررم قسم، گوزیاشلی اللّٰه سنی  
 سیندیرما سنموش قلبیمی، اینجیتمه بیر بیله منی  
 گر اینجیسمده بو چولی، قیللام مکان آیریلمارام  
 «تائب» جهانی یانديرور، چوخ بو قیزین نسل لری  
 هر بیر گوزی گریان ائدر، نسللی شیرین دیل لری  
 قان ایلوری بو نوحه، جانسوزی آهن دل لری  
 هرگز بو شیرین نوحه دن، من نوحه خوان آیریلمارام

### زبان حال حضرت زینب علیها السلام خطاب به سربرادر

باشون ایلوری قرآن تلاوت آنام اوغلی  
 سالور کوفه ده شور قیامت آنام اوغلی



عجب لعل دوداقلار اولور لعل و گهربار  
 عجب گرمی بازار اولوب خلق خریدار  
 سسون خوابدن ایلور یاتان ملّتی بیدار  
 سچوللر ندی حقّ و حقیقت آنام اوغلی  
 سوسوز کسدیله باشون سنون ای شه خوبان  
 که بیرده یر اوزونده بقا تاپمیه قرآن  
 او قرآنی دیریتدون جداده سنه قربان  
 کسیک باشیله ائتدون قرائت آنام اوغلی  
 گوزل لحنیله باشون اوخور نیزه ده قرآن  
 سالور حیرته خلقی ائدور عالمی حیران  
 باجون زینب او صوته او لحنه اولو قربان  
 آلور گوگلومی بو خوش تلاوت آنان اوغلی

اوخی بلکه ندامت تا پا حقی آتان لار  
 حیا ایلیه دینی بو دنیایه ساتان لار  
 آتوب غفلتی بیدار اولا بلکه یاتان لار  
 داخی یاتماز آیلسا جماعت آنام اوغلی  
 اوخی آیه کھفی سن اعجاب نشان وئر  
 از اعجابوی گوستر جهانه هیجان وئر  
 عجب راق او عجب دن دانش خلقه تکان وئر  
 اولا نقل مجالس بو صحبت آنام اوغلی  
 انداخ گل باجی قارداش بو هنگامه ده شرکت  
 سن ائت نیزه ده قرآن آنام اوغلی تلاوت  
 وئروب سس سنه منده اندوم ناقه ده صحبت  
 سالاکفره تزلزل بو شرکت آنام اوغلی  
 حسین اگمدی باش بو باشون اهل جفایه  
 عجب اولدی سرافراز گندوب نوک جدایه  
 سالوب امت قرآن باشی اوستونه سایه  
 بو ساینده یاشالار بو امت آنام اوغلی

آلوب جانہ یولوندا باجون درد کثیری  
 آتوب فکرینی باشند اولوب عشقون اسیری  
 اندر سیر دالونجا بو وحشتلی مسیری  
 چکر هر طرفه بو مودت آنام اوغلی  
 اولان ای یوزی چرخ وفا بدر کمالی  
 ندن مُنخَسَف اولموش بو رخسار یارالی  
 دوتوللام بئله دوتقون گورنده بو جمالی  
 بو حال اوزگه غم ایلر حکایت آنام اوغلی  
 او باش که ازی مصداق اولا آیه نوره  
 ائده نیزه نی نوری مثل نخله طوره  
 حیا ائتمدی خولی اونی قویدی تنوره  
 دلینده نه قدر وار شقاوت آنام اوغلی  
 نقدری باشوین وار بو عالمده بلاسی  
 اولور گه یری مطبخ گهی خصم جداسی  
 گنه وار باجون ئولسون باشون تازه یاراسی  
 نه دور بو تازا قان بو جراحت آنام اوغلی


قالار زینبون اودلی دلینده نئجه طاقت  
 گوزه سجده گهونده سنون تازه جراحت  
 دُزوب یارمیه باشین قالا باشی سلامت  
 دگول رسم وفا و محبت آنام اوغلی  
 وفامی ائدرم من حسین عالمه اعلان  
 یاروب باشیمی قیللام بو شهر اهلینی حیران  
 بو باشیمدن آخان قان ائدر زلفیمی الوان  
 باتار قانه یوزون تک بو صورت آنام اوغلی  
 دئم من آنام اوغلی دانیشدیر بیزی دیندیر  
 ائدوب ناله بو دیلدن دوشن دلسیزی دیندیر  
 آلوب گوگلونی باری بو خرده قیزی دیندیر  
 اولار شاد سن ائتسن عنایت آنام اوغلی  
 نه تک خرده اوشاقلار یوزه گوز یاشی باغلار  
 بالا آغلار آنالار یانار قلیینی داغلار  
 پوزار دشمنی بو قیز باخار اوزگه لر آغلار  
 گلور نالیه گورنه جماعت آنام اوغلی

سزیدللا گورنده عیال علوینی  
 و حال آنکه پوزوبلار جلال علوینی  
 آلوبلار الیمیزدن رجال علوینی  
 نه بهره وئیرر ایمدی ندامت آنام اوغلی  
 آیلسیدیله اوّل یاتانمازدیلا قارداش  
 دوشونسیدیله حقّی آتانمازدیلا قارداش  
 بو ناحق قاپولاردا دولانمازدیلا قارداش  
 آپارمازدیلا بیله خجالت آنام اوغلی  
 داخی ختم ائله «تائب» بو محنتلی بیانی  
 اگرچه قلمون وار الونده جریانی  
 (دی) زینب دلیجه توک یوزه اشک روانی  
 باشون ایلوری قرآن تلاوت آنام اوغلی



## خطبہ حضرت سید سجاد علیہ السلام در کوفہ

ای جماعت من حسینون اوغلی فخر الساجدینم  
عروۃ الوثقای دینم زاده حبل المتینم



باخمیون دست جفانین بستہ زنجیریم من  
شیری زنجیره چکلر شیر داور شیریم من  
از بابام شیر خدا تک دین حق شمشیریم من  
حضرت زهرا آنامدور سبط ختم المرسلینم  
باخمیون من بیر مریضم خستہ جور و جفایم  
مصطفیٰ دلبندیم بیر صاحب صدق و صفایم  
هر مریض و دردمنده شافیم روح شفایم  
جان نثار راه قرآن جان فدای شرع دینم  
من مریض عشق دینم هر دم اوزگه حاله قاللام  
نسخه دکتر الیمده هر دیاره شور ساللام  
در دیمین قطعی دواسین شام بازاریندن آلام  
اوردا وار چوخ درده درمان منده درمان آفرینم

ای گروه پست فطرت صِبغتِ الله اوغلیام من  
هاشمیه غیرتیم وار غیرتِ الله اوغلیام من  
بیر امام یر یوزونده حجتِ الله اوغلیام من  
حجت برحق حسینہ برگزیده جانشینم  
سبز حسینہ نامہ یازدوز ای گروه سست ایمان  
دعوت اتدوز اول غریبی کوفہ میشومه مهمان  
سویانندا تشنه یخدوز قانینی توکدوز لب عطشان  
من او مظلومین قرار قلبی زین العابدینم  
سیزلر ای اهل جنایت قوم جانی اهل شر سوز  
آبروزی وئردوز الدن مایه ننگ بشر سوز  
کور باطن حق دانان سوز اصل حقدن بی خبر سوز  
حق شناسم حق پرستم من حقیقت حق بینم  
سیزلره ایتمز پیمبر روز محشرده شفاعت  
ئولدوروب پیغمبر اوغلون چالموسوز طبل بشارت  
من امام بونوما سیز وورموسوز قید اسارت  
سانموسوز ای قوم عاصی من شفیع المذنبینم

جرموز ای جانی جماعت چوخ سیزون سنگیدی سنگین  
صفحه تاریخلرده آدلاروز ننگیدی ننگین  
آل هاشم قانلاریله اللرور رنگیدی رنگین  
منده باخدوقجا او حاله باغریقانم دل غمینم  
آغلیون ای باشلاریندن شور قرآنی آتانلار  
دینده بدعت قویانلار باطله حق قاتانلار  
قهر یزدانی آلانلار دینی دنیاچه ساتانلار  
آغلیون از حالوزا سیز من بو حاله دل حزینم  
آغلیون چیگنوزده بوینوز مین غموز بیر باشوز اولسون  
آغلیون آغلار گوزیله گوز یاشوز یولداشوز اولسون  
آغلیون تا وار حیاتوز سیز اولون گوز یاشوز اولسون  
سیز اسیر نفس جانی من اسیر اهل کینم  
خون ثارالله توکنلر بس نه چون دل داغلاماقلار  
نه نتیجه یوزلره بو اشک حسرت باغلاماقلار  
جرموزه جبران ائدنمز بو هدفسیز آغلاماقلار  
من هدف اوسته اسیر دست قوم مشرکینم

من علی بن حسینم تک منه قرآن هدفدی  
گوهر دینم آنامدا بحر عصمتده صدفدی  
چون هدف عالی هدفدی بو هدف عین شرفدی  
سیز بولون ای قوم جانی من امام راستینم  
سانمیون قول باغلیام من آل سفیان دستگیری  
حق رضاسی قیدیم اولموش اولموشام بو عشق اسیری  
هر یانا چکسه سورونم سیر قیللام هر مسیری  
دل لره فرمانروایم عبد رب العالمینم  
گلستان کربلادن ائتموشم من اخذ توشه  
پنج تن قانی گلوبدی پیکر پاکیمده جوشه  
اولموشام آماده بیله نهضتی جوش و خروشه  
نفسیمه وار اعتمادیم روح ایمان و یقینم  
چوخ سوزوم واردی ثورکده اهل دل ایسترسوز آلسون  
گوش هوشیله ایشیتسون صورته معنای سالسون  
بوردا فرصت آزدی اصل صحبتیم شاماته قالسون  
نطق ائدوم گورسونله اوردا طرفه فخرالتاطقینم

شور نهضت وار باشمدا بير مدير كاردانم  
انقلابی كاروانه من امير كاروانم  
يخماقا كاخ يزیدی ایمدی شاماته روانم  
محو ائدن ارکان کفری دین ایچون رکن رکینم  
اولماز آزاد اهل قرآن گر یزیدی سخماسام من  
اولماز ارشاد اهل عصیان منبر اوسته چخماسام من  
اولمارام آسوده بیر آن ظلم ائوین گر یخماسام من  
زاده قلّاع کفر و مارقین و قاسطینم  
ایسترم اولسون آتامون تا جهان وار زنده قانی  
شرحه شرحه شرح قیللام انقلاب کربلانی  
ایلرم رسوای عالم دهرده سفیانانی  
تا اولّا ثابت جهاندا حجت روی زمین  
ماه دینم همقطارم بو ایشیق اولدوزلاریله  
همدم اونلاره اونلار حسرت جانسوزلاریله  
هم مرامم من حسینون نازدانه قیزلاریله  
شامده ویرانسراده عمّه میله همنشینم

فخر دور ویرانه یرده رونق دین اوسته یاتماق  
گوشه ویراندا یاتماق اهل دنیانی اویاتماق  
مجمع نوع بشرده روح انسانی یاراتماق  
خانقاه عارفینده من چراغ عارفینم  
«تائبم» یکرنگ و یک رو من دورولردن کنارم  
لطف ائدوب حق دین حقه حامیم خدمتگزارم  
افتخاریم وار حسینون سفره سینده ریزه خوارم  
خرمن آل عبادن بهره مندم خوشه چینم

سرمبارك امام حسين علیه درنوڪ سنان

چرخ نى ده گورونوب شمس فضایل گندورى  
 باشد اون سگيزه دين ماه شمايل گندورى  
 وار او آى لار آراسيندا بير ايشيقلی کوکب  
 ديه سن شامه طرف بدردى کامل گندورى  
 اولوب اون سگيز آى اولدوز او گونه جزء جلال  
 شامى فتح ائتماقا شوریده و عاجل گندورى  
 ئوز مسيرينده سالور لمعه توحيد يوزى  
 اثر شرکى ائدور سیرده زایل گندورى  
 يعنى شرک اهلينى توحيد طرف دعوت ائدور  
 حق قبالينده سينور مشرک باطل گندورى  
 کيمدى بو چهره توحيد سرپاک حسين  
 حق طلب ليقد ائدور طى مراحل گندورى  
 انقلابى لرى آردينجا سالوب شوريله  
 ظلم ائوين يخماقا اول خسرو عادل گندورى

انقلابى نئجه بير سلسله اگننده قرا  
 قيد قرآنيله قوللاردا سلاسل گندورى  
 انقلابى نئجه قارداشسيز اوغولسوز آنالار  
 او يارالى باشا هم مسلک و همدل گندورى  
 انقلابى لره زهرا قيزى سرسلسله دى  
 سر مذبح حسين اونلا مقابل گندورى  
 باش بدنسيزدى ولى واردى همان شور اوسته  
 هدف پاكيه اولماق ليقا نايل گندورى  
 هدف پاک شرفدور که هدفسيز ياشيان  
 طى اولور عمرى شرفسيز ئوزى غافل گندورى  
 قاتل آردينجا دوشوب رأسى سرافرازانه  
 اونا منظوردى سرکوبى قاتل گندورى  
 اوخورى آيه قرآن وئرورى خلقه تکان  
 روح نهضت يارادور خلقه او قاتل گندورى  
 هيچانى هامى فردى هيچانه گتورور  
 نعمت لطفين ائدور هامويه شامل گندورى

پای تختینده یزیدین اموی مجلسینی  
پوزا قانونین ائده باطل و عاطل گئدوری  
«تائباً» سنده حسین خطینی دوت عالمده  
گئت او یول که او ائدور طیّ مراحل گئدوری  
باخما کوتاه نظرلر سنی تنقید ایلر  
تک تک اونلار یول آزوب راه تجاهل گئدوری

شکواتیه دختر حضرت سید الشهدا علیه السلام در اسیری

ای سلسله محنته سر سلسله عمّه  
چوخ اینجیدوری قوللاریمی سلسله عمّه  
❖❖❖❖❖  
عمّه نه روادور قالا چارم یولی باغلی  
اولسون صغر سنّیله سینم دولی داغلی  
دل داغلی گوزوم یاشلی ستمله قولی باغلی  
قول باغلی ئوزوم همدم اولام آهیده عمّه  
بو قلبیم اینانموردوم ای عمّه یانا بیله  
یا قید جفائیله قولوم باغلانا بیله  
مغلول و مقید چکه لر هریانا بیله  
دشمن ائده هر ظلم الیندن گله عمّه  
هر چند که آفاقیده پرورده نازم  
ئل سوگولوسی دختر سلطان حجازم  
لیک ایمدی اسیر ستم اهل مجازم  
من آغلارام آغلار منه بیر سلسله عمّه

من دختر شیرین دیل سلطان بلایم  
 بیر قلبی سینیق نی کیمی معتاد نوایم  
 خار اوسته قوغوبلار منی چوخ آبله پایم  
 منلن بو ایاق‌لاردا سز یلدار بيله عمه  
 آرامیمی گه فرقه کین الدن آلوبلار  
 گه شیشه صبر دلیمی داشه چالوبلار  
 گاهی منی ظلميله ووروب یولدا سالوبلار  
 احوالیمی بیر کیمسنه اولموب بوله عمه  
 یوللاردا یخاللار گهی نار غمه یانام  
 گه پای پیاده گئدرم گاه دایانام  
 خار اوسته اوزون یوللاری گوز یاشلی دولانام  
 گوز یاشی گوزومده ایاقیم آبله عمه  
 من بیر گل نورسته گلزار وفایم  
 صاحب گل آتامدور منه دارای صفایم  
 افسوس بابامدان صورا پامال جفایم  
 پامال اولی بی صاحب اولان گل بيله عمه

دنیانی بابامدان صورا عمه نیدرم من  
 دل بسته سیم سانما اونی ترک ائدرم من  
 گتسه باشی هر یانه دالینجا گئدرم من  
 آسان سانارام سالسالا هر مشکله عمه  
 اولسا بابامون باشی جداده هارا عازم  
 آردینجا وارام عشقی کناریمده ملازم  
 من تار وفا بسته سیم قید نه لازم  
 بیهوده ووروبلار قولوما سلسله عمه  
 من جام بلایائيله مستانه عشقم  
 سرگشته دوشن چول‌لره دیوانه عشقم  
 شمعی بابامون باشیدی پروانه عشقم  
 یانام سالارام اود بيله جان و دله عمه  
 «تائب» بو قیزین سینه ده درد دلی واردی  
 داغلار ئورکی ايله یانقلی دلی واردی  
 سرمطلعی یاز بیرده که چوخ نسکلی واردی  
 چوخ اینجیدوری قوللاریمی سلسله عمه

## خطبه حضرت زینب علیها السلام در مجلس یزید

شامده بیر گون یزید کفر کیش و بدشعار  
 قوردی بیر شاهانه مجلس باشدا تاج زرنگار  
 دوروبرده ئیلچیان روم و اتباع یزید  
 کُرسی زرین لر اوسته دوتدولار یکسر قرار  
 عترت حبل المتینی چکدیلر اول مجلسه  
 قوللاری باغلی ئورکلر داغلی گوزلر اشکبار  
 گه گولوب گه طعن ائدوب گاهی ائدوب کبر و غرور  
 گاه سیندیردی شکسته دل لری اول نابکار  
 اوچ امامین محضرینده گاه میل ائتدی شراب  
 گه اولوب سرمست شطرنج اوینادی گاهی قمار  
 می زده اولدی ایتیردی ئوز ئوزون آزدی سوزون  
 اییلدی بی پرده ئوز کفر نهانین آشکار  
 خیزران ووردی حسینون گه لب و دندانینه  
 باخمادی اوپموش او لبلردن رسول تاجدار  
 سویلدی اشیاخ بدر اولسونلا بو مجلسده کاش  
 اولموشام عالمده گورسونلر نه صاحب اختیار

آلِ موشام آلِ پیمبردن نه یاخشی انتقام  
 ئولدوروب پیغمبر اوغلون اولموشام من کامکار  
 سویلسونلر شاد دل یاخشی آلویسان انتقام  
 اللرون شل اولماسون ای تاجدار شام تار  
 غیرت اللّٰهین قیزی زینب اثیبتجاق بو سوزی  
 جوشه گلدی غیرتی قالموب دلینده اصطبار  
 دؤزمدی دوردی ایاقه اول جنایتخانه ده  
 اعتناسیز چوخ شهامتله بتوله یادگار  
 حضرت زهرا کیمی بیر خطبه ایراد ایلدی  
 خطبه نه خطبه نه صحبت فیض بخش و فیض بار  
 سویلدی مختصّ دور یزدان ایچون حمد و ثنا  
 ذات پاکی عالمینه خالق ذوالاقتدار  
 بعد صلوات و سلام ئوز جدینه اولادینه  
 هادی دین مقدّس دور رسول کردکار  
 دوندی بی پروا یزید کافره دوتدی یوزون  
 ثمّ کان آیه سین ائتدی قرائت باوقار

یعنی فرمان خدادن چیخدیلار آیاتینی  
 دانیدیلار آخر اولار مَسْکَنَلَری دارالبوار  
 فکر ائدورسن یا یزید ایمدی بیزه بو یر گوی  
 تنگ قیلدون دستگاه ظلمیله وئردون فشار  
 دستگیر ائتدون دولانیدردون ستمله شهر شهر  
 یا بو نوعی ائلدون آواره دار و دیار  
 عزّت آلِ پیمبردن اولوندی کاسته  
 حشمتون آرتدی سنون یا ای لعین بدشعار  
 تاپدون اللّٰه قرابت یا چوخالدى عزّتون  
 بو جهتن ایلوسن بئله تکبر آشکار  
 اوینادورسان چیگنوی ای پست فطرت زشت خو  
 شاد اولورسان اولموسان بالمرّه صاحب اختیار  
 گه وورورسان سینه وه ای تیره دل دست غرور  
 صاق صولا مغرور و مسرورانه ایلورسن نظار  
 سلطنت فکر ایلورسن یکسره چاتدی سنه  
 نه دگول بئله دوشون بیر هوشه گل اول هوشیار



یا یزید اولما فراموش ائتموسن امر حق  
 آیه قرآنیه ایلوب بیان پروردگار  
 ائمه سونلر اهل کفر البتّه بیلر گمان  
 کیم اولاره وئرموشوخ مهلت آپارسون سود اولار  
 بلکه مهلت وئرموشوخ عصیانین آرتورسون اولار  
 مژده اولسون وار اولاره بیر عذاب جان شکار  
 بو عدالتدندی ای نسل طلقاً نطفه سی  
 کیم تاپا پرده دالیندا اهل بیتون استتار  
 لیک پیغمبر عیالی چون اسیران حبش  
 سیر قیلسونلار دولانسونلار ئورکلر داغدار  
 عدلدن دور هتک قیلدون محترم لر حرمتین  
 پرده دن بی پرده ائتدون ای جفا پیشه کنار  
 عدلدن دور دشمنی ائتدون موکل بیزلره  
 کوچ وئردیردون منازلدن سن ائتدون رهسپار  
 عدلدن دور گوز قباقینده دولاندیردون یزید  
 یانلاریندا نه پرستار و رجال غمگسار

۱- وَلَا يَحْسَبَنَّ الَّذِينَ كَفَرُوا أَنَّمَا أُمْلِيَ لَهُمْ خَيْرًا لَّأَنفُسِهِمُ الْخ

هندین اوغلوندان نه امید نجابت ایلماق  
 نه دریغ ایلر جفا سیندن اوسر فوج شرار  
 پرورش خون شهیدانندان تاپوب، قانون، آتون  
 عدل و انسانیتته یوخ سندن اصلا انتظار  
 بسلیوبسن عقدّه کینه ئورکده بدردن  
 ایلوسن کینه گوزیله سن بیزه دائم نظار  
 سن بدون اینکه ئوز حقونده جرم احساس ائدوب  
 شعر خوان لوق ایلوسن مجلسده ای بی ننگ و عار  
 ذکر ائدورسن لِأَهْلُوا وَاسْتَهْلُوا فَرَحاً  
 ثُمَّ قَالُوا يَا يَزِيدُ لَا تَشَلْ أَي بى وقار  
 لعل لب لر که ائدردی بوس جدیم مصطفی  
 خیزرانیه ائدورسن بی مروّت زخم دار  
 یوخسا غافل سن ایشوندن یا فراموش ائتموسن  
 کیم ائدوبسن بیزلری مجروح دل ای نابکار  
 توکدوروبسن کربلا دشتینده ناحق قانلاری  
 قانلاری که ایلوب کرب و بلائی لاله زار

دانموسان اِلَّا الْمَوَدَّةَ لَفَظِیْنُونِ مَعْناسِینِ  
 ئولدوروبسن بیر حسین تک شهر دینه شهریار  
 آل هاشم که یرین اولدوزلاری مشهور دور  
 رشته سین قیردون هم ائندون انتظامین تار و مار  
 ایمدی مغرورانه ئوز آشیخون ایلورسن ندا  
 تئز اولارسان ملحق ئوز اشیاخووه اول بردبار  
 اوندای سویلرسن اولیدی اللیم ای کاش شل  
 ایتمیدیم تا بیله جور و جفای بی شمار  
 لال اولیدیم ایتمیدیم صحبت بیهوده من  
 بهره وئرمز لیک او گونده بو ندامت زینهار  
 یوز دوتوب درگاه حقه یادگار فاطمه  
 عرض ائدوب ای منتقم وی مالک یوم شمار  
 بیزلره هرکس ائدوب ظلم آل اولاردان انتقام  
 دست عدلیله گتور تئز روزگاریندن دمار  
 حامیان اهل بیت دینی هر نفس شقی  
 ئولدوروب ئولدوتدوروب ایله عذابه تئز دچار

ایله حالیه مناجات ایلدی زهرا قیزی  
 مجلس اهلین آغلادوب رقتله ائتدی اشگبار  
 ائتدی فرمایش آیل آند اولسون الله یزید  
 ائتموسن ئوز نفسووه هر ظلم ائدوبسن آشکار  
 تئز اولار ساخلار قباقینده سنی جدیم ئوزی  
 سندن ایستر قانین ئوز اولادینون اول شهریار  
 امر حقیله یغار اطرافینه ذریه سین  
 حقلرین سندن آلاز ای پست فطرت بدشعار  
 یا یزید اون لار که حق اوسته وئروبلر باشلارین  
 فی سبیل الله اولوبلار قانه غلطان جان نثار  
 سن گمان ائتمه ئولوبلر ئولمیوبلر بلکه بول<sup>۱</sup>  
 رب اربابین حضورینده اولور مرزوق اولار

۱- وَلَا تَحْسَبَنَّ الَّذِينَ قَتَلُوا فِي سَبِيلِ اللَّهِ أَنَّهُمْ مُتَّكِلُونَ عَلَى اللَّهِ ۚ إِنَّهُمْ يَرْزُقُونَ

سنله دیوان ائتماقا کافی دی ذات ذوالجلال  
 دشمنون جدیم اولار اول سروره جبریل یار  
 تنز اولار آنلار او کسلر که سنه ائتدی کمک  
 گردن خلق مسلمانہ سنی قیلدی سوار  
 حقّی داندی دینی ساتدی آلدی دنیا جیفه سی  
 سندن اتری ایلدی باطل خلافت برقرار  
 نہ عقوبت نہ مذمت واردی ظالم لر ایچون  
 ہم بولرسن، سن، سنه مسکن اولاندا قعر نار  
 پست فطرت، سن لیاقتدن ایله بی بهره سن  
 موعظه ائتمز سنه تأثیر ای بی بندوبار  
 بولمرم شایسته سنله گرچه صحبت ائتماقی  
 ایلدیم ایمدی تکلّم علت اصلی سی وار  
 مسلمینی دیدہ گریان ائلیوب بیر اودلی غم  
 حادث اولموش بئله بیر امر عجیب ناگوار  
 فوج شیطانین ایله جند حق مقتول اولوب  
 قان توکنلر اللریندن قانیمیز مطلق آخار

چوخ بیزی پوزقون گوروب ائتمه تفاخر یا یزید  
 فخر اولار بش گون اولارسان ذلّته آخر دچار  
 عزّت دنیا فنادر خاصّه ظالم عزّتی  
 یعنی بو صوری خلافتدور سنه ناپایدار  
 هر عمل که باش وئروب اخذ ایله سن پاداشینی  
 حاش لّله ظلم ائده مخلوقینه پروردگار  
 یا یزید ایمدی نه مکرون واردی سن قیل جابجا  
 هر عداوت واردی ایله حقیمیزده آشکار  
 سن نه اندازه چالیشان ذکرلردن دوشمروخ  
 هکذا اولماز سعادت عزّتی بیزدن کنار  
 آدیمیز نه صفحه تاریخ عزّتن گئدر  
 آریلار سندن نه ننگین داستان نه ننگ و عار  
 هم نبوت هم رسالت هم امامت بیزده دی  
 وحی نازلدور بیزه بیز عترتوخ والاتبار  
 سلطنت دورون چوخ آزدور ای لعین بدگھر  
 عزّتون الدن گئدر مطلق سنی ذلّت تاپار

اوندا که سسلر منادی لعن حق کافرلره  
اوندا جمعوندور پریشان روزگارون تنگ و تار  
حمد لله اوّل و آخر سعادت بیزدهدی  
آگنیمیزده وار شهامتله لباس افتخار  
ذات حق ائسون شهیدان وفا اجرین فزون  
اولسون اونلاره خلافت جاودان و پایدار  
ذات حق کافیدی هر بیر امرده مطلق بیزه  
هم وکیل نیک و افضلدور ئوزی ذوالاقتدار  
منطقیله ایلدی سفیانانی مفتضح  
وقردن سالدی یزیدی بانوی مهد و قار  
لرزه اندام یزیده سالدی زینب خطبه سی  
اولدی ناراحت او دم ساکت باخوب بی اختیار  
زینبه ائسون سیاست بولمدی هرگز صلاح  
ایستدی جاری ائده بو امرده بیر اعتذار  
سویلدی عورتلرین بئله اولار چوخ نوحه سی  
بیله بیر سوزلر دئسه باجادی هر دل داغدار

حاضرین مجلسیله دوندی ائتدی مشورت  
ائسون آل اللهله نه رفتار او شوم نابکار  
وئردیلر رأی آل طاهانی بو ساعت امرویر  
ائلسونلر طعمه شمشیر تیز و آبدار  
حضرت باقر آتوب آغوش مادردن ئوزون  
بین مجلسده وقاریله گلوب دوتدی قرار  
گلدی گفتاره ائدوب حمد و ثنای ذوالجلال  
بعد یوز دوتدی یزیده آچدی لعل در نثار  
ائدی فرمایش سن ائتدون مشورت بو جمعیله  
وئردیلر آل پیمبر قتلینه رأی استوار  
برخلاف رأی اهل مجلس فرعون اولور  
امر هارونیه موساده بو شورا زینهار  
قتل هارونیه موسایه اولار حکم ائتمدی  
رأی برعکس آلدیلار اما بولار بیر سرّی وار  
سرّینی دوندی خبر آلدی یزید بی حیا  
گوئیا وئردی جوابین پنجمین هشت و چار

مجلس فرعون دون اهلیدی اولاد حلال  
 بو جماعتدور ولی نسل حرام ای حیلہ کار  
 انبیانی انبیا اولادینی ائتمز قتیل  
 اولماسا هر کس زنادن وار سوزومده اعتبار  
 ای هامی جانلار فدا بیر خاندان عزّته  
 کیم اولار صاحب بیان دور تک به تک خُرد و کبار  
 حضرت باقر که سنّیدی ایکی ایل نچه آی  
 حق بیاناتیله سیندیردی یزیدی ائتدی خوار  
 دوندی قصد ائتدی او مجلسده آنا آغوشینی  
 قائلین بو یرده بیر عقله باتان تحقیقی وار  
 اهل بیتون سینه لرده موج ووردی ایستگی  
 یرلریندن دور دولار گوزلر دولی بی اختیار  
 آدیلار آغوشه جان تک یوز گوزوندن اوپدولر  
 وئردیلر الدن اله گل تک اونی پوزقون قطار  
 سوز غلط دوشمز دئسم بو حالده زهرا قیزی  
 سویلسون عَمَن سنه قربان اولای گُل عذار

نه گوزل عنوانیله سن حقی اثبات ایلدون  
 آل هاشمده بولوندوردون که وار نه اقتدار  
 هم یزیدی هم اونون اطرافیانون تک به تک  
 آبرودن سالدون ائتدون ئوزلریندن شرمسار  
 چنگ وور «تائب» حسین بن علی دامانینه  
 هر نه دردون وار دی درمان ایلسون اول شهریار  
 نوکرین سالماز گوزوندن بو پیمبر اوغلی دور  
 عزّت دارین وئر هرکس اولای خدمتگزار

## بهارتہ گریز بہ خرابۂ شام

بهار فصلی یولوم دوشدی صحنهٔ چمنه  
 بیر اوزگه منظره یوز وئردی صحنه سینده منه  
 گوپیول قرارینی وئردی او منظره باده  
 گورنده هر گلی سالدیم بیر اوزگه گل یاده  
 او یرده سینه هر بلبللی آلوب بیر گل  
 ائدردی هر گلون اوستونده ناله بیر بلبل  
 او گلشن اولدی منه آه و ناله عنوانی  
 نظرده اولدی مجسم بلا گلستانی  
 ائدنده جلوه او گلشنده لاله حمرا  
 گوروندی دلدہ اولان داغ حسرت لیلا  
 گورنده گلشن آرا باش وئروبدی سنبل تر  
 دوشوب خیالیمه زلف تر علی اکبر  
 مجسم اولدی گورن وقتده قزل گلی من  
 گوزومده پیکر خندان قاسم ابن حسن  
 نظر سالاندا او گلشنده سرو آزاده  
 دوشوبدی حضرت عباس قامتی یاده

گل بنفشه نی گوردوم اولوب غمیمه سبب  
 مُمّثل اولدی منه سربدوشی زینب  
 نشان وئرنده آزون گلستاندا نیلوفر  
 اولوندی بازوی زینب او یرده مدّ نظر  
 گورنده غنچه دوشوب یاده صودامر اصغر  
 مجسم اولدی سوسوزدان سولان او غنچه تر  
 گورنده گلشن آرا نرگس خمار گوزون  
 مجسم ائتدی ربابین سرشکبار گوزون  
 گورنده هر ساری گل دل چو نی فغان وئردی  
 رقیه نون سارالان عارضین نشان وئردی  
 همین رقیه که گلزار عصمتین گلیدی  
 مدینه بلبللی شاه حجازه سؤگلیدی  
 خرابه ده اوتوراردی شکسته حالیه  
 دولوب بولود کیمی آغلاردی های هائیه  
 دیدی نولدی ای عمّه بیزیم او عزتیمیز  
 ندن داغیلدی جهاندا جلال و شوکتیمیز

جهاندا سن بولوسن من حسینه سؤگلولیم  
 ریاض عصمت و ناموس شاخنین گلیم  
 بویور ای عمّه منه من هارا خرابه هارا  
 گوزومده گوز یاشی بو اودلانان دلیمده یارا  
 وطن اوزاق تل آرالی گوزوم قالب یولدا  
 نچه قراگیین صاقدا نچه سی صولدا  
 آنام رباب باخار گوز یاشین گوزوندن الر  
 بالاسی اوخلانان آهو کیمی همیشه ملر  
 منی بو یرده ندن یاده سالموری اکبر  
 و حال آنکه منی چوخ سُور او مه منظر  
 دیوم صبا یلینه ایله کربلایه گذر  
 دی اکبره که رقیّه سنون یولون گوزلر  
 دوشوب نه گون لره گل گور علی بلالی باجون  
 یاخوندی درد فراقون ائده خیالی باجون  
 نولور بلالی باجون بوردا یادیه سالاسان  
 ئورکده چوخدی غمی گوگلونی گلوب آلاسان

گلوب باجون گوره سن گوزده اشک دل داغلی  
 خرابه توپراقین اوستونده قوللاری باغلی  
 اُزون بولورسن علی من دُز نمر سنسیز  
 بولک نمرم دوزوسن سن نه نوعيله من سیز  
 علی خرابه شاماته تئز یتور اُزیوی  
 ئولور باجون گوره بیر صون نفسه گل یوزیوی  
 روادی دلدن علی سالمیام سنون سوزیوی  
 ئولم بو حسرتيله گورمیم گوزل یوزیوی  
 دوتاردی گه یوزونی زینب پریشانه  
 دیردی بو دیلیلن سوزلرین یانا یانه  
 بونی بولورسن اُزون من وفالیم عمّه  
 وفا یولوندا باشی ماجرالیم عمّه  
 بابام محبتینه وئرموشم ازل گون دل  
 همین سوز اوسته واران چون وفالیم عمّه  
 بابامدان آیریلالی سند یرو بلا قلیمی چوخ  
 شکسته نی کیمی دائم نوالیم عمّه

ایم اوزولموش آتام دامن وصالیندن  
 فراق ائوینده یاتوب آه و والیم عمّه  
 وطندن آیری قیلم اوزاق الیم چاتمور  
 بو غربت الکهده ئلدن آرالیم عمّه  
 اُزوم اسیر گوزوم یاشلی دور یوزوم یرده  
 ئورک یارا گونی باشی قرالیم عمّه  
 بو شامده منه چوخ چوخ ووروبلا دل یاراسی  
 سنوبدی قلبیم ئورکدن یارالیم عمّه  
 نه دور علاجی اسیرون امان اسارتدن  
 ائدوم نه چاره اسیرم بلالیم عمّه  
 باشیم اشاقه دی باشمده یوخدی چون معبر  
 یوخاری قوزامارام باش خیالیم عمّه  
 دوگولماقون منه درسین وئروب آنام زهرا  
 آنام بتوله دوگولماقدا تالیم عمّه  
 من آغلارام ولی اعدا گولر شماتت ائدر  
 شماتت اهلی دیمزله عزالیم عمّه

جلالیمی داغیدوب ظاهرأ یزید امّا  
 جلال کشورینون ذی الجلالیم عمّه  
 یزید تختینی آخرده ایلرم تابوت  
 صغیر سنّیله قدرت نمالیم عمّه  
 مراد دینه مریدم خرابه ده یاتارام  
 بئله بولولله که من لابلیم عمّه  
 بابام که گلشن اسلامه باغبانلوق ائدوب  
 او گلستانده وُرد صفالیم عمّه  
 او باغبان منه مدّتی لیک باش چکمز  
 جفای خار جفا پایمالیم عمّه  
 گئجه گونوز بابامون انتظارینی چکرم  
 اونون همیشه پریشان خیالیم عمّه  
 منی سالوبلا خطا دیده اوچولار دامه  
 خیال ائدوبله که چین و ختالیم عمّه  
 خطا گئدوبله خطایه سالوبلا اوزلرینی  
 نه چون مدینه و بطحا غزالیم عمّه



او بلبلم که او چارديم رياض عزّتده  
 قفسده دست جفا بسته باليم عمّه  
 منيم قاناديمي آچماز ئولونجه صياديم  
 قفسدن ايلمز آزاد حاليم عمّه  
 گرک مني بو قفسدن اجل ایده آزاد  
 که سسلرم اجلی خوش صداليم عمّه  
 بابام حسين که چرخ شهادته گونودی  
 اونون دالينجا گزن مه جماليم عمّه  
 او کربلاده باتوب منده شامده باتارام  
 خرابه‌ده ياتارام گنج عاليم عمّه  
 بو شهر شامده ووررام خرابيه بيرق  
 جهانہ نشر ائدرم کربلاليم عمّه  
 او پرچمی گورن احساس ائدر بو شام ايچره  
 بلالی شاهه سفير بلاليم عمّه  
 بولله جد کباريمدی فخر آل الله  
 همين پيمبر محمود آليم عمّه  
 او نازنين ديليجه ياز دوباره سن «تائب»  
 وفا يولوندا باشي ماجراليم عمّه

### زبان حال حضرت رقیه رضی اللہ عنہا در خرابه شام

عمّه خرابه یرده من غمله اقامت ایلرم  
خرداجا سنّیله بویوک غملره طاقت ایلرم



حالیمی اهل دل سچر باخسا شکسته حالیمه  
دردیمه سان وئرر باخان یوزده کی اشک آلیمه  
اوندا بولر گلور نه لر عمّه منیم خیالیمه  
یاده دوشر کئچن گونوم حسرت عزّت ایلرم  
وار یری تیر حسرتیم هر گوره نون دلین یارا  
آغلامیشام او قدر اولوب بو دولی گوزلریم یارا  
من هارا قید کین هارا عمّه خرابه یر هارا  
شه قیزیام خرابه ده لیک اقامت ایلرم  
آهیم اودوندا بی سبب سانما که وار شراره لر  
من او بلالی بیر قیزام وار ئورکیمده یاره لر  
طعن و شماتت اهلی بو قلبیمی گونده یاره لر  
دل یارا تاب و طاقت طعن و شماتت ایلرم

بستر قو که عادت طول و دراز اولوب منه  
 گاه منام سینه شاه حجاز اولوب منه  
 ایمدی خرابه توپراقی بستر ناز اولوب منه  
 بالیش خشته چاره‌سبز بوردا قناعت ایلم  
 ظلمت غمده گوزلریم ماه منور آختارور  
 گاه بشیک سراغ ائدور که علی‌اصغر آختارور  
 گاه بابامی گوزلیوب گاه علی‌اکبر آختارور  
 بیر باخشيله مین غمه عمه اشارت ایلم  
 گل نئجه سینده وئرریر او نوالی بلبله  
 ایله آلوب قوجاقینه گر بابام اصغرین گله  
 دیندیررم او صودامر قارداشیمی گوله گوله  
 اوندان قاناد لانا منه منده محبت ایلم  
 رخت فراقی من اگر خسته وجوددن سویام  
 صودامر اصغری آلوب سینه‌مه یوز یوزه قویام  
 بوینونا قول سالوب اونی بیر اُپم ای گلیم دویام  
 اوندان خرابه‌نین یرین حسرت جنت ایلم

ظلمت غمده گر تاپام عمه او ماه‌پارهنی  
 گر بشیکه سالا آنام بیرده او شیرخوارهنی  
 قویمارام اوزگه یانه‌من گوزدن او گاهوارهنی  
 لای‌لایلان یاتیردارام من اونی راحت ایلم  
 اُتوگوننی اُزوم یووب بوینونا ساللام اصغرین  
 هم اُپرَم او غنچه‌وش لبلرین اول گل ترین  
 هم دارارام او مشکبو خرداجا قاره تل‌لرین  
 عمه خرابه گوشه‌سین غرقه نکهت ایلم  
 گاه او عندلیبی من گل بوداقیمده ساخلارام  
 گاه سولان دوداقلارین اُز دوداقیمدا ساخلارام  
 که دیزیم اوستونه سالوب که قوجاقیمدا ساخلارام  
 جمله نازینی چکوب جانیمه منت ایلم  
 اُز دلجه دانشدیروب دیندیررم او خسته‌نی  
 بیرده سؤال ایلم آتدون علی ندن منی  
 بو نچه مدتی هارا بس آپاروب بابام سنی  
 بولموری یوخسا گل یوزون گورماقا حسرت ایلم

یادینه سالموری ندن اکبریم از عزیزینی  
 نار فراقینه یانان روز و شب اشکریزینی  
 از باجیسی رقیه‌نی یعنی کچیک کنیزینی  
 گلسه ازی بولور چکوب نازینی خدمت ایلرم  
 باشیمه دائماً سالوب فکر و خیالین اکبرین  
 گوزده مجسم ایلرم خوش خط و خالین اکبرین  
 لوح دلیمه نقش ائدوب عکس جمالین اکبرین  
 بیر ائله طرح نقشده عمه قیامت ایلرم  
 بیر گون اگر خرابیه یول سالوب اکبریم گله  
 دامن وصلینی سالام بیرده بو یرده من اله  
 جان کیمی باغریما باسوب نازیله باشلارام گله  
 حالیمه قارداشیم یانار من ائله صحبت ایلرم  
 بیر نچه ایل دایانموشام اکبریمون فراقینه  
 گلسه سفردن اول جوان یوز قویارام ایاقینه  
 مرحمت ایلسه اگر آلسا منی قوجاقینه  
 منده اونون یوزون اُپوب چوخ اونا رأفت ایلرم

شام فراق گرگیده هم یته وصل گوندوزی  
 یوز یوزه قویسا اکبرین گر ساتاشا گوزل گوزی  
 گورسه نه حالته قالار سیلی دگن لطیف اوزی  
 فکر ایدرم نئجه دوزر من نئجه طاقت ایلرم  
 فاش اولار اوندا راز دل سینه‌می غمله داغلارام  
 درده گلوب ثورک‌کنوب اشکی عذاره باغلارام  
 یوزده کی اشکیمه باخوب اکبریم آغلار آغلارام  
 شرکت ائدر غمینده او من اونا شرکت ایلرم  
 باغ وفاده بیر گلم روح صفانی گوزلرم  
 یوزده سرشک صاحب باغ وفانی گوزلرم  
 یعنی یولا باخوب شه کرب و بلانی گوزلرم  
 یوللارینا نظاره هر لحظه و ساعت ایلرم  
 لطفیله گر بابام منی وصلینه نایل ایلیه  
 بوینوما بیرده قوللارین عمه حمایل ایلیه  
 یوز یوزومه قویوب منیم دردیمی زایل ایلیه  
 بوینونا منده قول سالوب شکوه فرقت ایلرم

دیندیره خوش دیلیله گر دختر باو فاسینی  
 دلده کی دردینه یتوب آرتورا دل صفاسینی  
 بیرده سوروشسا باشیمین غصّه لی ماجراسینی  
 اوندا ئورک لئوب اونا عرض شکایت ایلرم  
 داغلی دل اوسته گر آلوب بو دل داغداریمی  
 سیلسه کمال لطفیله دیده اشکباریمی  
 باخسا قابار ایاقیمه گورسه کبود عذاریمی  
 علّتی نی آلا ر خبر منده حکایت ایلرم  
 عرض ائدرم قوغوب منی آت قابا قندا اشقیا  
 خار باتوب ایاقیمه آبله پایم ای بابا  
 گون بو لطیف عذاریمی یاندوروب ایلیوب یارا  
 یوزده ایاقدا دائماً سیر جراحت ایلرم  
 آهیمی آتشین ائدوب دلده کی آتش غمیم  
 شعله آهیمه یانوب زلف سیاه و خم خمیم  
 گوز یاشیم ایسلادان یانوق زلفدی قاره مرهمیم  
 عارضیمه سالوب اونی اونلا طبابت ایلرم

بیرده سوروشسا سویله سن دردیوی هانسی همدمه  
 ناز ائده سن جهان ده هانسی وفالی محرمه  
 عرض ائدرم همیشه من ناز ائدرم از عمّه مه  
 نازیمی از بی بیم چکر خیلی رضایت ایلرم  
 گر دئسه قالموسان ندن بیله شکسته حاله سن  
 طرّه مشکبولرون درهم اولوب قیزیم ندن  
 عرض ائدرم وورانمارام زلفیمه بیرده شانه من  
 ای بابا آه و ناله دن هاردا فراغت ایلرم  
 گر تاپام از بابامی من بوردا مرامیمه چاتام  
 دامن وصلینی دوتوب فکر فراقینی آتام  
 قویمارام از عزیزه سون ترک ایلیوب گنده آتام  
 ساخلارام احترامینی بوردا رعایت ایلرم  
 عشقیمی ایلرم بیان عمّه بو بیر سوز اوسته من  
 چوخ سورم بابامی چون یر وئرم گوز اوسته من  
 زلفیمیه یوزون سیلوب باشین آلوب دیز اوسته من  
 قویّام اونیه یوز یوزه من ایله رحلت ایلرم

گرچه رقیّه عالمی گوزدن آتار خرابه‌ده  
 توپراق اسیر ائدر ولی کامه چاتار خرابه‌ده  
 رسم جهاندى دائماً گنج یاتار خرابه‌ده  
 بیر گُهرُم خرابه‌نی صاحب قیمت ایلرم  
 بوردا یزید کافرین نشر ائدرم رذالتین  
 درهم و برهم ایلرم سلطنت و حکومتین  
 دست حقیقتیم یخار جور و جفا عمارتین  
 لیک خرابه‌نین یرین عالی عمارت ایلرم  
 ئل آرالی وطن اوزاق غربت اولور وطن منه  
 طایفه یوخ یانوندا قاز بوردا مزار سن منه  
 قبره قویاندا ایله اوز معجریمی کفن منه  
 روز جزاده من اونی چادر عصمت ایلرم  
 گورسه گوزون یوزومده گر نقشه سیلی عمّه‌جان  
 قولدا طناب کین یری جسمیمی نیلی عمّه‌جان  
 سن بوله‌سن وفاتیمین وار نه دلیلی عمّه‌جان  
 اُز آناوا بو باره‌ده یاخشی وراثت ایلرم

من بولورم که عمّه‌جان چوخ سوه‌سن رقیّه‌نی  
 گتسن اگر مدینه گوزلرون آختارار منی  
 شامه دوباره جلب ائدر مهر و محبتیم سنی  
 گلَسَن اگر بو شهره سن من سنه حرمت ایلرم  
 عمّه علاقمند اولار «تائب» خوش‌بیان بیزه  
 نوحه یازار ائدر نوا شوريله هر زمان بیزه  
 قبریمون اوسته چوخ سور بیر اولانوحه‌خوان بیزه  
 من اونی نوحه‌خوان‌لیقا جمعیله دعوت ایلرم

## خرابه‌شام

بنابه گفته اقبال اردبیلی مطلع شعر از مرحوم عطار اردبیلی است. با پیشنهاد ایشان مابقی سروده شده است.

ای عمّه منیم حالیمه ویرانه‌لر آغلار  
خاموش اولونان شمعیمه پروانه‌لر آغلار



بیر بلبل شیدا که اونون لانه‌سی یوخدور  
گلزاری گندوب غارته کاشانه‌سی یوخدور  
جبرا وطنیندن قوغولوب خانه‌سی یوخدور  
غربتده اونا دردیله همخانه‌لر آغلار  
بیر غمزده که غملری همخانه‌سی اولسون  
بیر دلشده که قان دل ویرانه‌سی اولسون  
بیر شمع که بیر سلسله پروانه‌سی اولسون  
آغلار اونا پرسوخته پروانه‌لر آغلار  
بیر قیز که قویوب یوز هامی غملر اونا ساری  
بیر قیز که جانیندان دویوروب رنج و فشاری  
ایلر ئولوموندن اتوری روز شماری  
آغلار اونیه یار اولی بیگانه‌لر آغلار

هر آغلیانون آشناسی وار هم یادی واردی  
زهرا قیزیام منده اوتانجاق آدی واردی  
گیزلینجه حزین آغلارام آیری دادی واردی  
دیوانه اولار حالیمه فرزانه‌لر آغلار  
توختار شرفه یر اوتوران‌لار شرفیندن  
گنجم دل ویران‌دا حسینون طرفیندن  
گوهر دوزرم عارضیمه گوز صدفیندن  
باخدیقجا منه شوريله دُرانه‌لر آغلار  
من باغ وفانین گل ریحانیم عمّه  
من صدق و صفا شمعینه پروانیم عمّه  
مردانه حسینون قیزی مردانیم عمّه  
دنیا بویی دائم منه مردانه‌لر آغلار  
خُمخانه توحیدی گورن باده پرستم  
انگیزه‌لی مخموره صهبای السّتم  
پیمانه بو دولموش ایکی گوزدور ائله مستم  
دولدوقجا بوشالدیقجا او پیمانه‌لر آغلار

من هم نفسم غصّه لی دردانه لریله  
 بو باغلی قالان ائولری، بی خانه لریله  
 رنگی سارالان گل کیمی ریحانه لریله  
 من نالیه گلدوقجا بو ریحانه لر آغلار  
 هر چند برابردی دقیقم بیر ایللیه  
 راحتدی منه چون که وaram اهل دلیله  
 آخر یخارام کاخ یزیدی بو ئلیله  
 فرزانه اولار شاد، اونا دیوانه لر آغلار  
 چون جان حسینه منی جانانه یازالار  
 اشراری یخان ساکن ویرانه یازالار  
 دنیا بویوجا آدیما افسانه یازالار  
 افسانه یازانلار یازار، افسانه لر آغلار  
 ابر آغلار اگر دیده گریانیمی گورسه  
 داغلار آریر بو ارین جانیمی گورسه  
 شانه دولانوب زلف پریشانیمی گورسه  
 تل تل دایانار شانه ده دندانه لر آغلار

الفت ایلیوب منله دؤزوم من دؤزومیه  
 دردیم منه مشغولدی من ئوز ئوزومیه  
 دائم بابامی گوزلرم آغلار گوزومیه  
 یوللاردا قالان نرگس مستانه لر آغلار  
 رؤیاده بویوردی بابام اول خسرو عالم  
 کیم نازیوی من سیز چکر ای غملره همدم  
 عرض ائتدیم اونا نازیمی دائم چکر عمم  
 رأفت الی دائم باشیمی شانه لر اعلار  
 اقبال اوخودی مطلع عطاری پوزولدی  
 «تائب» ائشیدوب آغلادی افکاری پوزولدی  
 تعقیب ائلدی مطلع اشعاری پوزولدی  
 گور دفتر غمه ائدر انشا نه لر آغلار  
 بو تائبین الله جریان وار قلمینده  
 اقبالیه آغلالا بو شهزاده غمینده  
 قسمت ایله تکرار ایلیاق ئوز حرمینده  
 ای عمّه منیم حالیمه ویرانه لر آغلار



## زبان حال حضرت زينب كبرى (عليها السلام)

## خطاب به برادر در وفات حضرت رقيه (عليها السلام)

گل جان و ثروب رقيه ويرانسراده قارداش  
يوخ دفن ائدن قالوبدور نعشى آراده قارداش



واردى بير ئوزگه عالم ويرانه ده بو ساعت  
بير بيرلره دگوبلر بو اهل بيت عصمت  
خردا اوشاقلار ايلر اما حسين قيامت  
محشردى زينبه بو ويرانسراده قارداش  
آلموش جنازه دورين اطفالون آغلاشوللار  
باشه سپولله توپراق گوزلر دولوب داشوللار  
گه يوز يوزه قويوللار گاهى قوجاqlاشوللار  
گه شوريله گلوللر فرياد و داده قارداش  
بو شامده كيميم وار ايمدى يته هرايه  
زينب عزا نشيندور كيم وار گله عزايه  
بير اوخشيه منيله بو نازنين بالايه  
شرکت ائده منه بو دارالعزاده قارداش

عمّه باجى سيزيلدار، دللرده دل ياراسى  
ويرانه نى دوتوبدور، ايواى بالام صداسى  
بير ئوزگه حالتيله آغلار غريب آناسى  
آغلار گوزى قالوبدور نازلى بالاده قارداش  
واردور كيميم گلوب بير، بو امره ناظر اولسون  
تا جلوه گر گوزونده، بيله مناظر اولسون  
ائتسون منه حمايت، تشييعه حاضر اولسون  
تا قويماسون جنازه قالسون آراده قارداش  
يوخ بوردا آل هاشم دل ياره مى بيتورسون  
مشكلده قالموشام من، گلسون بير ال يتورسون  
يرده قالوب جنازه، يردن اونى گوتورسون  
وئرسون منه تسلى، بو ماجراده قارداش  
وار عرض مُجمليّمده، شرح غم مفصل  
نه واردى ئيل قبيله، نه بير يره چاتور ال  
سن بارى مرحمت قيل، الله كفن گتور گل  
چوخ خوش دوشر گر ائتسن، بيله اراده قارداش  
آيا روادى بلبل دلدن دوشه چمنسيز  
وئرسون وطن عزيزى غربته جان وطنسيز

ویرانه گوشه سینده جسمی قالا کفنسبز  
 خاصه اولاً مَوْقَر بیر شاهزاده قارداش  
 واضحدی یو خدی حاجت بو یرده کشف رازه  
 تأکید واردی شرعاً تنز دفن اولاً جنازه  
 یو خودور وسیله دفن دخت شه حجازه  
 دفنی یوباندی اولدی دردیم زیاده قارداش  
 اوللام ئوزوم مباشر بو امره ای برادر  
 یردن ئوزوم گوتوررم قویمام اولاً مکدر  
 قیللم کفن الیمله بیر کهنه قاره معجر  
 سالسون باشا گلنده روز جزاده قارداش  
 قبر اصغره قازوبدور سجّاد کربلا ده  
 دفن ایلیوب یارالی اول تربت شفا ده  
 منده قازوب رقیّه قبرین بو غم سراده  
 دفن ایلرم الیمله ویران سراده قارداش  
 «تائب» کتابت اولدی چوخ دلنشین بو مطلب  
 ذکرینده بو کلامون گوزلر دولار لبالب  
 (دی) آغلا بو کلامی عنوان ائدوبدی زینب  
 گل جان وئروب رقیّه ویران سراده قارداش

### احوالات کوچ اهل بیت از شام

بنا به پیشنهاد حاج اسماعیل وثاقلی نوشته شده است.

کوچ ائدور ای شامین اهلی، شامدن عصمت قطاری  
 قالدی بو شهرورده مهمان، بیر حسینون یادگاری



میزبان تک سیزده اولسون، شیوه مهمان نوازی  
 سالمیون شام ایچره گوزدن، بو مه چرخ حجازی  
 دله چو خودور دردی واردور، دلستانه چوخ نیازی  
 وار ثوابی گوگلون آلساز، آسگیلر دلدن شراری  
 بسکه حسرت چکدی قلبی دردیله دولدی بو یرده  
 باغرینی دوندردی قانه گل کیمی سولدی بو یرده  
 عاقبت دوشدی ایاقدان غصّه مرگ اولدی بو یرده  
 خوابگاه ائندی رقیّم بو خراب اولموش دیاری

بوردا بو روح روانیم غم لره توش اولدی قالدی  
 دیل دئدی، درد یله دائم بو هم آغوش اولدی قالدی  
 نطقدن شیرین زبانییم دوشدی خاموش اولدی قالدی  
 لاله تک دوندردی قانه بو دل زار و فکاری  
 گوهر دریای عصمت معدن وقر و ادب دور  
 عزت و شأن عجم دور دختر شاه عرب دور  
 هم گوزی زهرا باخیشلی هم ئوزی زهرا نسب دور  
 بوردا بیله یادگاری قویدی زهرا یادگاری  
 شربتیی اشک تر اولدی خون دل دائم غذاسی  
 ناز ائدن وقتینده اولدی درد و غم لر آشناسی  
 شمع عیشی سوندی الدن گئندی ایستگلی آتاسی  
 بو بالام قالدی یتیمه یاندی قلب داغدار  
 نسکلی چو خودور ئورکده جان وئروبدور زار و خسته  
 شامده ئلسیز دوشوبدور بو بلالی دلشکسته  
 بیرکسی بو شهرده یوخ چوخ گلون سیز قبری اوسته  
 قویمیون باتسون غباره بو قیزین پوزقون مزاری

گون لرین باشه یتوردی غم لر یله نسکلیله  
 قلبینی یاندوردی یاخدی اود توکن آه دلیله  
 دل یاران سوزلر دیردی دم به دم شیرین دلیله  
 لعل لبلردن ائدردی صحبت جانانی جاری  
 ئل قبیله یوخ یانیندا حلقه ماتم قورون سیز  
 اوخشیون ویرانسرانی شیونیه دولدورون سیز  
 قبری اوسته لیل جمعه شمع ماتم یاندورون سیز  
 قویمیون ظلمتده قالسون بو مزار غصه باری  
 بو قیز آز عمر ائندی اما چوخ بلا اولدی یاشیندا  
 یوز قویوب دیواره حالین شرح ائدردی گوز یاشیندا  
 آغلیوب مرگ آرزوسی ایلیردی اوچ یاشیندا  
 مستجاب ائندی دعاسین عاقبت پروردگاری  
 یاد ائدون دُردوز داشاندا سیز او غم لر مبتلا سین  
 چوخ مجرب دور ائدر تئز اولسا هر دردوز دواسین  
 قبرینه سالسا آلار سوز هر مریض اولسا شفاسین  
 چیخماسون هرگز یادوزدان قبرینون بوس و کناری

آرتورون سیز احتشامین سیزلره حشمتدی قبری  
 ساخلیون هم احترامین بیر بویوک نعمتدی قبری  
 دردمند اهل شامه کوکب حاجتدی قبری  
 ایلیوب روشن بو مدفن شام تیره روزگاری  
 بو قیزین هجرانی قویماز صبر اودلی دلدۀ بوللم  
 یثره گئتسم دوباره بوندان اتری شامه گللم  
 سو سپوب اشگیله گرد قبرینی زلفیمله سیللم  
 قبرینه اوللام مجاور کسب قیللام افتخاری  
 «تائب» گئب سنده شامه گور مزار مشک خیزین  
 باغرووا باس بیر ضریح شور خیز و عشق ریزین  
 شوقیله ائله زیارت شاه عطشانین عزیزین  
 تا صفای باطنیله پاک اولاقلبون غباری

### احوالات اربعین

ای صبا دی کربلایه حضرت زهرا گله  
 وقت اولوبدور اربعینه زینب کبرا گله



حسرتیله گونلرین شاماتده وئرموش باشا  
 بیر ئورکده مینلریله دردی چاتموش باشا  
 جمع ائدوب نچه عزالی قاره معجرلی باشا  
 کربلایه قصد ائدوب اول عصمت صغرا گله  
 طرح ائدوب شام ایچره زینب اربعین برنامه سین  
 قسمت ایلوب هر اسیره بیر شهیدین جامه سین  
 امّ لیلایه وئروب دور اکبرین عمّامه سین  
 الدۀ عمّامه او قبر اوسته خانم لیلا گله  
 وقت اولوب حسرتله دولموش دلر اولسون کامیاب  
 شوریه سالسون حجازی لر عراقه انقلاب  
 اصغرین قانه بویانموش ائوگی الدۀ رباب  
 اوغلونا لای لای دیماقه دلدۀ واویلا گله

وقت اولوب قاسم آناسی دل یارا باشدا قرا  
گل ایتورموش بلبل شیدا کیمی دلدۀ نوا  
تاپماقا قاسم مزارین الدۀ بیر شمع عزا  
وای جوان نامرادیم وای اولوب گویا گله  
وقت اولوب دور ام کلثوم ملول و دل غمین  
الدۀ بیر قائلو علم قلبینده آه آتشین  
دوتماقا عباسه نهر علقم اوسته اربعین  
قبری اوسته دیلده ذکر و ابولفضلا گله  
عزم ائدوب سرخیل آل فخر اولاد خلیل  
بی طیب و بی دوا بیمار اطبایه دلیل  
دوشماقا دارالشفا کی بیمارۀ دخیل  
بیر گوزل قبر اوسته دلدۀ قصد استشفّا گله  
عزم ائدوب شاماتدن ظلمه دؤزن لر دسته سی  
قید دشمنده شامت لر گورن لر دسته سی  
دین یولوندا اوغلی قارداشی ئولن لر دسته سی  
تک به تک درد دلین ائتماق لقا افشا گله

عزم ائدوب درد و بلائیلۀ اولان همخانۀ لر  
چوللرۀ عشق حسینیلۀ دوشن دیوانۀ لر  
شعلۀ شمع محبتلۀ یانان پروانۀ لر  
بال و پردۀ داغ، دار عشقۀ بی پروا گله  
دُزلر ویرانۀ ده غم مخزنیدن آیریلوب  
خستۀ بلبل لر مصیبت گلشنیدن آیریلوب  
شامده نازلی رقیۀ مدفنیدن آیریلوب  
مرقد شش گوشۀ اوستۀ دیلده وا اختا گله  
آیریلان قیزلار دل ویرا نیه شیون سالوب  
گوردولر جبراً رقیۀ قالماقا تصمیم آلوب  
کاروان کوچ ایلور آردینجا گوزی حسرت قالبوب  
عشقی وار همراه اولای یوخ قدرتی اما گله  
بیر اوزون مدت اگرچۀ اشگۀ خون دل قاتوب  
عاقبت شام ایچرۀ چرخ عصمتین ماهی باتوب  
گنج تک ویرانۀ ده مدفون اولوب یورقون یاتوب  
وئرمیوب مهلت اجل منلن او مه سیما گله


خواهش ائدی جان وئرنده زینب مظلومه دن  
 باشد اکی ئوز کهنه قاره معجرین ائسون کفن  
 حشرده باشد ا همان معجر او مظلومه ئولن  
 سالماقا میدان حشره محشر کبرا گله  
 آل هاشم اولمادی آرتوردی زینب حسرتین  
 قبرینی قازدی ئوزی گُستردی عالی همّین  
 قبره تاپشوردی حسینون دختر با عفتّین  
 بیله باجی عالمه وار دور گمان آیا گله  
 کربلا ده شه الینده اوخلاناندا شیرخوار  
 قبرینی قازدی غلاف تیغیله اول شهریار  
 قازدی زینبده الیله اوردا بیر خرده مزار  
 تا شراکتده باجی قارداش یله همّا گله  
 عمّه سیندن خواهش ائتموشدی چون اول شیرین سخن  
 تاپشوراندا قبره قاره معجرین ائدی کفن  
 گوتدی آغلار گوزلی بیر صدپاره قانلو پیرهن  
 سالماقا قبر حسینه دیلده وا اُمّا گله

رسم عالم دور آنا قیزدان چتین الفت کسه  
 گل شریک اول سنده بو غمده او یاسلی بی کسه  
 وئر حسینون قبری اوسته زینب یله سس سسه  
 خوش دوشر قارداش سیزا سس وئرمّا ثکلا گله  
 «تائبا» ئوز خدمتونده وئر نشان صدق و صفا  
 ایسته درگاه خدادن آل برات کربلا  
 اوردا گئت بو شاه بیته ذکر قیل دلده نوا  
 ای صبادی کربلا یه حضرت زهرا گله

## زبان حال حضرت امام سجّاد علیه السلام

## درس رَقبر امام مظلوم علیه السلام

دوشندی قبر حسین اوسته عابد نالان  
 ثورک غمین بو دلیله ایدردی شرح و بیان  
 ناخوشام قبرون بولوب خاک شفا گلیم بابا  
 آختراروب ئوز دردیمه تاپدیم دوا گلیم بابا



هر کیمه بو رَسمدور عالمده غم اولسا نصیب  
 آخترار ئوز دردینی کشف ائتماقا یار و حبیب  
 منده دلخسته مریضم سن منه حاذق طبیب  
 مدفن پاکون بولوب دارالشفا گلیم بابا  
 شکر لله ای بابا عمروم منه ائتدی وفا  
 ئولمدیم اولدی نصیبیم بو مزار باصفا  
 ای مسیحایه وئرن دم بو مریضه وئر شفا  
 ناامید ائتمه سنی بولدوم رجا گلیم بابا

من بابا بوردان گئندنه ناخوش و تباریدیم  
 خسته حالیه اسیر فرقه اشراریدیم  
 بیلّه سانما بی دوا و بی غذا بیماریدیم  
 شربتیم اشک اولدی خون دل غذا گلیم بابا  
 بو سفرده من بابا غمدن فراغت گورمدم  
 دشمن بی شرمندن رحم و اعانت گورمدم  
 گون قاباقینده قالب بیر استراحت گورمدم  
 سایه الطافوا دلده نوا گلیم بابا  
 شام شومین یوللاریندا پیکریم تباریدی  
 ساربانیم سنگدل بی رحم و بدکرداریدی  
 یول اوزاق گون لر قباقی ناهه بدرفتاریدی  
 جانه عریان ناهه اوسته برملا گلیم بابا  
 همره ائتدیم بو سفرده اهل بیت بی کسی  
 اولدی قارداشی ئولن اوغلی ئولن هم ناله سی  
 آغلادی یوللاردا از بس قیزلارون باتدی سسی  
 یاندی سینم نالیه من بینوا گلیم بابا

یا تدی اصغر سینون اوسته‌ای شه والا جناب  
 اللری قوینوندا شامه گئندی بی‌چاره رباب  
 شامدن بو شیرخواره قبری اوسته دلکباب  
 گتدیم آغلار گوزلی بیر صودسوز آنا گل‌دیم  
 هم مزار اولدی بو چولده مظهر طاه‌ا سنه  
 اولدی عریان ناقه اوسته همسفر لیلا منه  
 آغلاداردی آل طاهانی گلنده شیونه  
 گتدیم اونلان نِچّه ثکلا همصدا گل‌دیم بابا  
 نهر علقمه یاتوب سرلشکرون ای شاه دین  
 قبری اوسته اولمیوب ممکن گله ام‌النبیّین  
 مهربان عمّم گلوب عبّاسه دوتسون اربعمین  
 منده گتدیم الدّه بیر قائلو لوا گل‌دیم بابا  
 گرچه دفن ائتدیم سنون جسمون یر اوسته قویمادیم  
 جسمدن اما بابا حسرت لباسین سویمادیم  
 قبرون اوسته آغلادیم یورقون یارالی دویمادیم  
 ایمدی جبران ائتماقا من بینوا گل‌دیم بابا

اولدی سنسیز مهربان عمّم بلا هم‌خانه‌سی  
 چولره دوشدی آدین قویدی حسین دیوانه‌سی  
 ایمدی شمع قبریوین گلموش اولا پروانه‌سی  
 منده اولدوم عمّمه بیر رهنما گل‌دیم بابا  
 بو سنون قبروندی بیله صبریمی الدن آلوب  
 بو منم نار فراقون سینه‌مه آتش سالوب  
 قبردن دور گور خانم عمّم نه احواله قالوب  
 سّری وار دور دیلده من وا زینبا گل‌دیم بابا  
 یولنا طیّ ائتدی بی‌بیم مهر و وفانین یوللارین  
 ساربان‌لار قیزلارین دوتموشدی صاق و صوللارین  
 قیزلارا قمچی ووراندا حایل ائتدی قوللارین  
 قولدان عمّم من آلوب دلدن یارا گل‌دیم بابا  
 زاده مرجانه بیر گون کینه بنیاد ایلدی  
 قتلیمه بیر قان توکنّ جلّادی ارشاد ایلدی  
 دؤزمدی عمّم منه مجلسده امداد ایلدی  
 مانع اولدی مرگدن اولدوم رها گل‌دیم بابا



اینجیدیم گرچه بابا دروازه ساعاتده  
 قویمادیم نقصان ولی اکمال تبلیغاتده  
 ایلدیم رسوا یزیدی مسجد شاماتده  
 ثابت ائتدیم کیمدی لایق مُقْتدا گلدیم بابا  
 هامی بولدی من مسلمانم مسلمان اوغلیم  
 اهل قرآنم ئوزوم معنای قرآن اوغلیم  
 بیر امام اوغلی امام شیر یزدان اوغلیم  
 ایلایوب احیای شرع مصطفی گلدیم بابا  
 گاه قالدیم دست بسته کوفه غمخانهده  
 آشنای قید ظلم اولدوم ید بیگانهده  
 گاه یاتدیم گوشه زنداندا گه ویرانهده  
 من گندوب دین اوسته گور هاردان هارا گلدیم بابا  
 اذن رجعت اولدی تا منلن نچه یولداشیمه  
 دوشدی سنلن کربلانی شور عشقی باشیمه  
 خون دل قاتدیم یول اوستونده آخان گوز یاشیمه  
 گه دلیمده وا حسین گه کربلا گلدیم بابا

نچه مدّتدور مصیبتله هم آغوش اولموشام  
 یاسلیم زلف رقیّن تک سیه پوش اولموشام  
 کربلا زوارینه یوللاردا چاووش اولموشام  
 خسته زوآرون گتوردوم جابجا گلدیم بابا  
 قلبیمی تیر غمیله گرچه قیزلار دلایلر  
 لیک غم یورقونلاری کامه چاتوب دنجلدیلر  
 قبرون اوسته دلشکسته حالی پوزقون گلدیلر  
 بیر رقیّه شامده اولدی جدا گلدیم بابا  
 بیزدن آیریلمازدی هرگز گر اولیدی چاره سی  
 باغریقان ائتدی ز بس شاماتده دیل یاره سی  
 غصّه مرگ اولدی او غربت کش وطن آواره سی  
 اوردا دفن اولدی او شیرین دیل بالا گلدیم بابا  
 عالمه نسکلدی غربتده وطن سیز قالماقی  
 بلبل شیدا کیمی باغ و چمن سیز قالماقی  
 داغ چکدی سینه مه سن تک کفن سیز قالماقی  
 صبریم اولدی اودلانان دلدّه فنا گلدیم بابا

گوشه ويرانه ده دفن اولدى اول شيرين سخن  
 قبرى چوخ نسلکلى دوشدى اى يارالى بى کفن  
 حالينى احساس ائدر اول خرداجا قبرين گورن  
 آيريلاندا توکدوم اشک پربها گلديم بابا  
 «تائب» اولموشدى يازاندا بو سوزى غم مونسى  
 وئردى دم بو سوز يازيلسون اولدى همدم مونسى  
 ايسته گلسون قبريوه تائبه با هم مونسى  
 سسله سون ئوز درديمه تاپديم دوا گلديم بابا

### زبان حال حضرت زينب كبراء عليها السلام در سرقبر برادر

شامه تک قارداش گندوب ترويج دینه گلیمش  
 اده قانلو کوينگون بو اربعينه گلیمش  
 من اربعينه گلیمش



ایمى کى بیگانه یوخدور اده وار فرصت منه  
 دلدن اودلاتام حسین باخدیقجا بو پیراهنه  
 عطرون آلام کوينگوندن آغلارام قارداش سنه  
 همدم اولموش ناله بو زار و حزینه گلیمش  
 نسلون قارداش دئمه دلدن فراموش ایلرم  
 کوينگون تا وار حیاتیم زیب آغوش ایلرم  
 آغلارام سوز دل سوزانى خاموش ایلرم  
 ورد اولوب وای قارداشیم بو دل غمینه گلیمش  
 خودسرى بیر اربعين ترک ائتمیوب زينب سنى  
 قبرون اوسته وئرمیوب فرصت گلم قوم دنى  
 بو یوبانماقدا ئوزون معذور دوت قارداش منى  
 ایمى من فرصت تاپوب بو سرزمینه گلیمش

تیر حسرت سینه مجروحیمی شان شان ائدوب  
کوچ ائدن اوضاعیمیز دل صبریمی تالان ائدوب  
دشمن اطفالون سوار ناقة عریان ائدوب  
گه دوشوب یولدا رقیّه گه سکینه گلیمیشم  
کوفه ده گوردوم باشون گلدی جدا اوسته دیله  
صبریمی آلدی الیمدن حسرت آرتوردی دله  
شوره گلدیم باشیمی ووردوم ستون محمله  
من اولوب باشدان سنيله هم قرینه گلیمیشم  
چوخ جفا و ظلم گوردوم کوفه و شاماته  
بنددیدوخ روز روشننده شب ظلماته  
خارجی فرض ائتدیلر دوازه ساعاته  
دوزموشم جور و جفای اهل کینه گلیمیشم  
نیزه باشیندا ائدردون خلقه تبلیغاتووی  
بیر عجوزه غرفه دن گورجاق او معلوماتووی  
آتدی بیر داش قویدی قارداش دیلده حق آياتووی  
قلیمی ایلوب یارالی اول لعینه گلموشم

شامده وئرمزدی بیرکس حقّه ناحقندن تمیز  
چکدیلر بزم یزیده بیزلری اهل ستیز  
ایستدی عصمتلی قیزلاردان بیرین شامی کنیز  
گوزلریمدن قان آخوب اشکیم یرینه گلیمیشم  
محضره اهلون یزید کینه بنیاد ایستدی  
زینبوندن شُرب بزمینده آلا داد ایستدی  
قصد قتلیمله همان مجلسده جلاّاد ایستدی  
بیر نچه یرده دوشوب جلاّاد الینه گلیمیشم  
چوخ دولاندوخ شامده قورتولدی طیّ راهیمیز  
کوچه و بازاری گزدوخ دله سوز آهیمیز  
اولدی بیر ویرانه یر آخر نشیمن گاهیمیز  
سرپرستم جمع ویرانه نشینه گلیمیشم  
قبرون اوسته شامدن گلدی بو پوزقون کاروان  
گلمدی بو اربعینه حیف بیر نازلی بالان  
فرقونده آغلادی وئردی خرابه یرده جان  
قازموشام مدفن ئوزوم اول نازنینه گلیمیشم

سن رقیّه قالما قوندان ایلمه مندن گله  
یوخ قصوریم ذره جه تقدیر ایشی سالدی بئله  
وئرمدی مهلت اجل منله او شیرین دل گله  
اودلانووب دلدن او طفلین نسکلینه گلیمیشم  
«تائبین» قلبی اولوب پاره شها تاپماز رفو  
دم بهدم آغلار توکر اشکین عذاره جوبه جو  
ایسته گلسون قبریوه چوخداندی ایلر آرزو  
سسلنه بو قبله اهل یقینه گلیمیشم

### زبان حال حضرت زینب علیها السلام در سر قبر برادر

زینب یارالی قارداش نه گوزل سعادت اولدی  
 گلدی قبر پاکون اوسته قسمتی زیارت اولدی  
 اهل بیت دلشکسته گلدی قبر پاکون اوسته  
 قالدی شامده رقیّه، زینبون خجالت اولدی



سندن آیریلان زماندان دلدّه واریدی بو حسرت  
 ئولمیم اجل وئره بو زار و دلفگاره مهلت  
 بیر گلوب ائدم من آلتی گوشه قبریوی زیارت  
 شکر اولا که بو زیارت بو فگاره قسمت اولدی  
 آلتی گوشه قبردن تا عطرون ای یارالی آلدیم  
 جوشه گلدی دلدّه مهریم من بیر ئوزگه حاله قالدیم  
 اختیارسیز بو قبرون اوستونه ئوزومی سالدیم  
 دلدّه حسرتیم آزالدی کسر درد و محنت اولدی  
 آرزومیدی که تندن رخت حسرتی سوییديم  
 یول سالوب بو توزلی قبره روی زردیمی قویديم

شیونیه او خشییدیم قارداش آغلیوب دوییدیم  
ایمدی او خشارام یارالی آغلاماقه فرصت اولدی  
بو یر ای یارالی قارداش قتلگاه کربلادی  
عطریله دولوب سراسر یا که گلشن صفادی  
قبر دور بو آلتی گوشه یا که عرش کبریادی  
یوخ دگول بو عرش بلکه عرشه رشک و حسرت اولدی  
رسم و شیوه وفانی بیله سانما من ایتوردوم  
عالم وفاده بلکه باشه عهدیمی یتوردوم  
قبرون اوسته اهل بیت دلشکسته وی گتوردوم  
قالدی شامده رقیه زینبون خجالت اولدی  
دوشمزیدی مندن آیری گر بالان تاپیدی چاره  
لیک سینه ده واریدی چوخلی حسرتیله یاره  
اولدی غصه مرگ آخر شامده او ماه پاره  
باتدی توپراق آتدا یاتدی یورقونودی راحت اولدی  
سوزلری چیخار یادیمدان حاش لله ای برادر  
نسکلی گندر ثورکدن یوخ اولوبدی سرّ مضمّر  
گوزده دم به دم شکسته حالتی اولور مضمّر  
قالدی زلفی تک پریشان چوخ شکسته حالت اولدی

اولدنا ردی دل گورنده سینه سینده آه سردین  
گل سولاردی سیر ائیدی گل یوزونده رنگ زردین  
بسکه چوخ مؤدبه یدی هیچ کیمه دیمزدی دردین  
دلده قالدی دردی گیزلین حسرتیمه علت اولدی  
او باخوب منه دولاردی من باخوب اونا دولاردیم  
گل کیمی یوزی سولاردی سولماقین گوروب سولاردیم  
باغریقان لیقین بولردیم منده باغریقان اولاردیم  
یاندی آغلادی همیشه ناله سینده شدت اولدی  
سویلدیم دی بیر دانش گول غنچه وش دوداق لاریله  
گوگلون ایستوسن آچیلسون دور دولان اوشاق لاریله  
سویلدی نچه دولانیم، بو قابار ایاق لاریله  
آبله ایاقه باخدی غرق درد حسرت اولدی  
گه قابار ایاقلارا گه باغلانان قولا باخاردی  
گوزلرین دولان دیروب گه صاقه گه صولا باخاردی  
ورد ائدوب آدون همیشه گوزلری یولا باخاردی  
روز و شب او باغریقانه انتظار عادت اولدی

سینه مه سالاردی آتش سینه دن یانوب یاخشیدا  
 گوز یاشیمی قان ائدردی اشک حسرتی آخشیدا  
 اختیاریمی آلاردی بیر نظر دولی باخشیدا  
 هر باخشیدا دردیم آرتدی دلدی سلب طاقت اولدی  
 داغلانان دلیم اویولدی تیر غم دلین اویاندا  
 جانه دویدوم اوردا جانه نازنین بالان دویاندا  
 یوخلینده خسته یورقون توپراق یوزون قویاندا  
 یاندیم آغلادیم او حاله بو گویولده حسرت اولدی  
 نازنین باشون گلنده تیر وصل قلبین اوییدی  
 داشدی ایستگی ئورکده آغلادی یورولدی دویدی  
 اختیارسیز آگیلیدی بیر دوداق دوداقه قویدی  
 آتدی عالمی نظردن سنله گرم صحبت اولدی  
 ائله صحبت ائتدی سنلن اهل بیت قلبی یاندی  
 بیردن آغلادوق صدای ناله میز گویه دایاندی  
 ائله شور و شیون اولدی شامده یاتان اویاندی  
 هامی اضطرابه دوشدی سلب استراحت اولدی

قصد ائدوب خرابه سمتین ناله سمتینی بولنلر  
 دو تدولار خرابه دورین ازدحامیله گلنلر  
 گوردولر بیر ئوزگه عالم آغلادی هامی گولنلر  
 اهل بیت همصداسی جمع اولان جماعت اولدی  
 جلب ائدوب نظاره اهلین دلنشین صحبتیله  
 ثابت ائتدی معنویت صورت شکایتیله  
 نقشه یزیدی پوزدی مختصر اشاریتله  
 باطل اهلین ائتدی رسوا جلوه گر حقیقت اولدی  
 یاندی خلق درد عشقین شرحینه بیان وئرنده  
 داده گلدیلر گویرمیش قوللارین نشان وئرنده  
 آغلادی یارالی باشون سیه سینده جان وئرنده  
 ئوزگه بیر عوالم اولدی ئوزگه بیر قیامت اولدی  
 وئردی جان یوزی یوزونده زینبون قرارین آلدی  
 باشلارا سپیلدی توپراق ناله لر گویه اوجالیدی  
 اولمادی قویان مزاره حسرتیم ئورکده قالدی  
 اول صغیره دردی قارداش بیر بویوک مصیبت اولدی


دفن و کفینه مباشر اولدوم اوندا من یارالی  
 تاپمادیم کفن چوخالیدی سینه ده محن یارالی  
 یانه یانه ایلدیم ئوز کوینگین کفن یارالی  
 شه قزیدی کهنه کوینگ دفن اولاندا خلعت اولدی  
 نه وفا یولون ایتوردوم نه طریق مهری آزدیم  
 لیک صفحه دلیمده نکتۀ وفانی یازدیم  
 اولمادی ئلیم گلیدی ئوز الیمله قبر قازدیم  
 ئوز الیمله قبره قویدوم اختتام زحمت اولدی  
 اودلیدور بو اودلی سینم واردی عمده بیر دلیلی  
 گورموشم لطیف ئوزونده ئوز گوزومله نقش سیلی  
 گیمیشیدی ئوز آنام تک آگینه لباس نیلی  
 چوخ گوزل وراثت اولدی چوخ گوزل شباهت اولدی  
 حسرتیله آتین اوپدوم تاپشوران زمان مزاره  
 سویلدیم منی بو یرده یات گوزتله ماه پاره  
 بو خرابه شامه گللم سندن اتری من دوباره  
 بوللم عمه سین او گوزلر خواهشیم اجابت اولدی

نه رقیه سیز دایاتام نه فراقینه دؤزوم وار  
 باشدا نه مدینه فکریم دلده نه وطن سوزوم وار  
 بیرده شامه عازم اوللام چون رقیه ده گوزوم وار  
 ایستدوب ئوزون منه چوخ جلب ائدن او الفت اولدی  
 طاقتی آلا ر ئورکدن نسکلین خیاله ساللام  
 قبرینه گئدوب دوشتم دردی چوخدی دردین آلام  
 فخریله مجاور اوللام حشر اولونجا اوردا قاللام  
 هامو بولسون عشق زینب عشق معنویت اولدی  
 گرچه تنز خزانه دوندی اوردا عمرینون بهاری  
 لیک اولار بهار قارداش دائماً اونون مزاری  
 بیر گل آلدی سینه اوسته اول خرابه نین حصاری  
 دوندی گلستان عشقه رشک باغ جنت اولدی  
 «تائب» ایلدون بو سوزده واقعاً عجب قیامت  
 صفحه کتابه یازدون بیله دل یاران مصیبت  
 ئوزلری ائدوب عنایت سوزلرون تاپوب لطافت  
 چوخ گوزل چکیلدی نظمه چوخ گوزل کتابت اولدی



زبان حال حضرت زینب علیها السلام  
 درس مزار حضرت سید الشہداء علیہ السلام

سن شهید اولدون من عالی انقلاب ائتدیم حسین  
 نهضتیمده روح دینی کامیاب ائتدیم حسین



ایلدون ایفا او گون که باغلانان پیما نه سن  
 نیت پاکیه دین اوسته بو یاندون قانه سن  
 قانیله برنامه یازدون زینب نالانه سن  
 من همان برنامه اجرا باب باب ائتدیم حسین  
 سن شهید اولدون منیم باشلانندی قارداش خدمتیم  
 ایلدی تحریک احساسات عالی نهضتیم  
 اولدی شایان ستایش نهضتونده شرکتیم  
 سن شهادت من اسارت انتخاب ائتدیم حسین  
 سن شهید اولدون که هند اوغلی مراره یتمه سون  
 ملت اسلامه کافر لر حکومت ائتمه سون  
 منده نهضت باشلادیم قانون آرا ده کئتمه سون  
 حقون احیاسینده بیر فکر صواب ائتدیم حسین

ساکت اگلشما قدا گوردوم واردی قرآنه خطر  
 هم اولورسن چکدوقون رنج و ریاضت بی ثمر  
 لازمه بولدوم ائدم شامه قولی باغلی سفر  
 بیر بلوک یاسلی او یولدا هم رکاب ائتدیم حسین  
 کوفه ده گوردوم که بولمور خلق اصل مطلبی  
 آل بوسفیان ائدوب تضعیف دین و مذهبی  
 آتشین نطقه او دم آچدیم لسان زینبی  
 کوفیانه اسکوتا امرین خطاب ائتدیم حسین  
 سس یاتوب ساکت دایاندی کوفه نین جمعیتی  
 ئوز آتام شیر خدا تک باشلادیم من صحبتی  
 حاله گتدی صحبتیم غفلت زده بیر ملّتی  
 ایله فیض صحبتیمدن فیض یاب ائتدیم حسین  
 خلقه آندیردوم سیزی اغفال ائدور سفیانیان  
 ئولدوروب روحیه زی بی حال ائدور سفیانیان  
 دینوزی قرآنوزی پامال ائدور سفیانیان  
 انتباه مسلمینه فتح باب ائتدیم حسین

دلنشین نطقیم ایله تسخیر افکار ایلدی  
 جنبه گتدی هامی مدهوشی هشیار ایلدی  
 وئردی بیر روحیه یاتموش خلقی بیدار ایلدی  
 هر آیلیموش بیر گوزی محروم خواب ائتدیم حسین  
 مطلبی خلقه یتوردوم شرحه شرحه موبه مو  
 نه جنایت گردی کشف اولدی یزید کینه جو  
 قالمادی رسوا زده سفیانیان دا آبرو  
 روی مطلبدن ائله ردّ حجاب ائتدیم حسین  
 ایلدوقجا خلقه من شرح مطالب باب باب  
 بیر بیر سویلردیلر بو دلیل لر یله شیخ و شاب  
 کیمدی بو صحبت ائدن وار بوندا نطق بوتراپ  
 صحبتیمده یاد نطق بوتراپ ائتدیم حسین  
 صحبتی آخر آنام اوغلی یتوردوم بیر یره  
 بولدولر اسلامه کفر اولموش محیط دایره  
 بیر تشنج گورسنوب دگدی جماعت بیر بیر  
 کوفه نی آماده بیر انقلاب ائتدیم حسین

خلقه ثابت اولدی قرآندان یزید اولموش بری  
 توکدوروب از بسکه ناحق قان اولوب خلقه جری  
 تشنه کام ئولدو تدوروب ذریّه پیغمبری  
 گوزلری بو سوزده غرق اشگ ناب ائتدیم حسین  
 یاندی دلر بو سوزومده بیزده سینه داغلادوخ  
 خلقد بیزده یوزه سیل سرشگی باغلادوخ  
 سس سسه وئردی جماعت آغلادی بیز آغلادوخ  
 اشگیله هر بیر گوزی رشگ سحاب ائتدیم حسین  
 سویلیم وئرمز ثمر ایمدی عزایه باتماقوز  
 حقّی مظلوم ایلوب دنیایه دینی ساتماقوز  
 باعث قتل حسیندور غفلتیه یاتماقوز  
 باشوی دوندوم نشان وئردیم خطاب ائتدیم حسین  
 ای جماعت بو امام نشأتینون باشیدور  
 روح زهرا مرتضایه نور عینون باشیدور  
 مصطفی دلبندی قارداشیم حسینون باشیدور  
 خلقه منظر رأس رشگ آفتاب ائتدیم حسین

نیزده قارداش منه باشون حمایت ایلدی  
 لحن شور انگیزیه قرآن تلاوت ایلدی  
 شور سالدی کوفهده برپا قیامت ایلدی  
 من او شوروندان سنون شور اکتساب ائتدیم حسین  
 باشداکی یارهن منی سوق ائتدی دلتنگ اولماقا  
 بیر یول آختاردیم سنه قارداش هم آهنگ اولماقا  
 اولدوم آماده یاروب باش سنله همرنگ اولماقا  
 باش یاروب قانیله گیسومی خضاب ائتدیم حسین  
 گرچه دولموشدی تماشاچیه کوفه سربه سر  
 پرده سیز محملده آل عصمت ایلردی گذر  
 ایستدی هرکس سالا محملره قارداش نظر  
 غیظیه باخدیم آجیق لاندیم عتاب ائتدیم حسین  
 بولدی بو حالی گورن بیز خاندان عصمتوخ  
 اهل قرآن شرح معنای حیا و عفتوخ  
 تابع حکم حجابوخ عصمت ماهیتوخ  
 حق بولوندی ایله رفع یرتیاب ائتدیم حسین

مجلسینده زادهٔ مرجانهٔ بی‌ننگ و عار  
 بعضی گفتار یله ائتسون زینبون ایستردی خوار  
 سینمادیم وئردیم نشان مجلسده بیر دنیا وقار  
 چوخ شهامتله زیاد اوغلون مجاب ائتدیم حسین  
 سویلدیم من یابن مرجانه دایان گئتدون خطا  
 زینبم اولموش آتام شائینده نازل هل اتی  
 آیه تطهیره معنادور بنات مصطفی  
 حفظ حق عترت امّ الکتاب ائتدیم حسین  
 ظاهری جاه ایلمیشدی کور چون باطن گوزون  
 گورمدی حقّی ائتیردی ئوز ئوزون آزدی سوزون  
 من دئدیم فاسقدی هم بی‌دین امیرون هم ئوزون  
 اصلینی نسل خبیثه انتساب ائتدیم حسین  
 قلبینه اودلی بیاناتیم ز بس سالدی شرر  
 ئوز یریندن دوردی قصد ائتدی منی اول بدسیر

روبرو مجلسده دوردوم منده اولدوم حمله‌ور  
 آتش قهریمله نار محضی آب ائتدیم حسین  
 قتل سجّاده ائدنده امر او سرخیل نفاق  
 دؤزمدیم دوردوم منه باخدی اسیر عورت اوشاق  
 دوردولار بیردن ایاقه متّحد بالاتفاق  
 قیزلارونلا منع امر ناصواب ائتدیم حسین  
 ائتدیم اعلان خلق بولسون اتّحادین قدرتین  
 اتّحاد الدن آلا هر بدنهادین قدرتین  
 اتّحادیم یخدی فرزند زیادین قدرتین  
 اتّحاده دعوت هر شیخ و شاب ائتدیم حسین  
 جرأتیمله من زیاد اوغلون ائله سیخدیم او گون  
 ئوز جنایت‌خانه سین ئوز باشینه یخدیم او گون  
 فتح و نصرتله او مجلسدن دوروب چخدیم او گون  
 قولاً و فعلاً گوزل فصل حساب ائتدیم حسین

سالدیم آی اولدوزلاری گون آردیجا ای شهریار  
 کوفه دن شاماته گیتدیم گه پیاده گه سوار  
 قورخولی چوللرده یول اوستونده هر بیر لیل تار  
 مه یوزوندن اکتساب ماهتاب ائتدیم حسین  
 وارد اولدوخ شام شومه بیز، او احساساتده  
 کشف معنای حقایق ائتماقا شاماته  
 گرچه چوخ اینجیتدیلر دروازه ساعاتده  
 داشمادیم قرآن یولوندا صبر و تاب ائتدیم حسین  
 هر بلایتدی یولوندا سهل ساندیم شامده  
 دیل یاراسی ووردولار دؤزدوم دایاندیم شامده  
 قیزلارونلا بیله هر سمتی دولاندیم شامده  
 حکم دینیه مراعات حجاب ائتدیم حسین  
 عاقبت حَبْلِ الْمَتْنِ اولادی قوللاردا طناب  
 اولدی دین احیاسی اوسته وارد بزم شراب  
 چیگون اویناتدی یزید تیره دل مست و خراب  
 قوخمادیم هر سوز دئدی ردّ جواب ائتدیم حسین

ساخلامور گوردوم او ظالم حرمت قرآن و دین  
 محو قرآنه تقلّا ایلور اول شوم و لعین  
 باشلادیم اثبات حقّ اوستونده نطق آتشین  
 اوردا احیای کتاب مستطاب ائتدیم حسین  
 حقّووی خلقه یتوردوم چوخ گوزل عنوانیله  
 اولدادیم قلب یزیدی آتشین تبیانیه  
 کفرینی اثبات قیلدیم آیّه قرآنیه  
 نقشه آمالینی نقشی بر آب ائتدیم حسین  
 سویلدی اشیاخ بدر اولسونلا کاش ایمدی تمام  
 بیرجه گورسونلر حسیندن آلموشام نه انتقام  
 سویلسونلر اولماسون شل اللرون ای میرشام  
 دؤزدیم ردّ جوابینده شتاب ائتدیم حسین  
 سویلدیم یاابن الطُّلُقَا منده قیللام آرزو  
 بیر گله بدر و حنین اشیا خون ای بی آبرو  
 نه عقوبله دیسونلر بول اولوبلار روبرو  
 جلوه گر چشمینده نیران و عذاب ائتدیم حسین

تا پموشام یول یخماقا گوردوم که کفرین خانه سین  
یاخشی موقع دور پوزام اوردا او دین بیگانه سین  
ایله پوزدوم برهم ائتدیم مجلس شاهانه سین  
هندین اوغلون من دچار اضطراب ائتدیم حسین  
سویلدیم دین اوسته ئولموش اوغلو موز قارداشیمیز  
فرط احساساتدن جاری اولور گوز یاشیمیز  
باشدا وئرساخ آل سفیانه اگیلمز باشیمیز  
کبر دزیانین گنجیتدیم بیر حباب ائتدیم حسین  
بیر دوداق لار که اُپردی جدّون ای جان جهان  
باشلادی قرآن همان مجلسده ای معجز بیان  
تا او لعل لبلر وندن اُپدی چوب خیزران  
لعل آرا سیر سنان دُر خوشاب ائتدیم حسین  
بولمدیم جایز تقیه ایله بیر مجلسده من  
بیر تقلاً باشلادیم قرآن دین الله سون  
نخل آمال یزیده تیشه ووردوم ریشه دن  
کاخ استبداد شاماتی خراب ائتدیم حسین


چوخ حقارتله آپاردیم من یزیدین آدینی  
بیریر اهل مجلسه سایدیم هامی ایرادینی  
ایلدیم رسوا او ملعونین ئوزون اجدادینی  
وقردن سالدیم دچار پیچ و تاب ائتدیم حسین  
ایلدیم شامی مسخر ای شه گردون حشم  
پیشگاه شهریاره عزم قیلدیم تا گلم  
شامده ویرانیه ووردوم حسینی بیر علم  
عالمه اعلان سنی مالک رقاب ائتدیم حسین  
گرچه بیرق ووردو قوم یر غملی بیر کاشانه دور  
لیک کاخ کفری ویران ایلین ویرانه دور  
دولت حق جانبوندن بیر سفارتخانه دور  
نه گوزل دارالسفاره انتخاب ائتدیم حسین  
چون که مأموریتیم قورتولدی ای شاه کبیر  
کربلایه گلملیدیم شامدن من نساگزیر  
جانبوندن شامده گوردوم گرک اولسون سفیر  
بیر سفیر اوردا سه ساله انتصاب ائتدیم حسین

نه سفارتخانه مُشْرِف بارگاه کفریله  
 نه سفیر اولموش مبارز دستگاه کفریله  
 ایلین دائم تقلّا پادشاه کفریله  
 من سنون منظورون اجرا بالغیاب ائتدیم حسین  
 نه سفیر آدی رقیّه سن مؤثردن اثر  
 کوری چشم عدویه پرچمی اوردا اسر  
 هر بیر اسدیقجا پوزار کفرین اساسین سربه سر  
 خیمه کفره عجب فکر نهاب ائتدیم حسین  
 نه رقیّه مدفنِ باغ جنانی یاد ائدر  
 نه رقیّه شامده ویرانه نی آباد ائدر  
 آل سفیان تخینی تابوت، ائوین برباد ائدر  
 یاخشی دارالظلمه فکر اختراب ائتدیم حسین  
 شیعه لردن گئتسه هرکس شام محنت خانیه  
 یول سالار اوّل رقیّه دفن اولان کاشانیه  
 آستانیندن اُپر وارد اولار ویرانیه  
 آغلار عرض ایلر عجب کسب ثواب ائتدیم حسین

دشمنین قصری گورر ویران اولوب پامالدور  
 لیک اولوب ویرانسرا آباد با اجلالدور  
 شوکتی پاینده دور دارای استقلال دور  
 عزّتین تضمین تا روز حساب ائتدیم حسین  
 قیزلارون گوتدوم گلوب کرب و بلایه یول سلام  
 آلتی گوشه قبریوی آغوشیمه جان تک آلام  
 قالمالیدی شامده ویرانه ده قالدی بالام  
 نفسیمی گلدیم اونا نایب مناب ائتدیم حسین  
 «تائباً» تأیید ائدوب لطفاً سنی الله ئوزی  
 سوزلرونده بعضی سوزلر وار اولوب سوزلر گوزی  
 بو او سوزلردندی ذکر ایله دوباره بو سوزی  
 سن شهید اولدون من عالی انقلاب ائتدیم حسین

ذکر ولادت حضرت زینب کبری علیہا السلام

دنیا یه قویانندان قدمین حضرت زینب  
از گولدی و لیکن چوخ اولوب محنت زینب



جبریل اولوب محضر پیغمبره نازل  
عرض ائتدی که ای علم لره واقف و کامل  
زینب قوی آدین بو قیزیوین خالق عادل  
ایستور اولا ظاهر شرف و عزت زینب  
زین اب اولوب زینب آدی وار بونا علت  
دین اوسته دوزوب یتدی نئجه رنج و ریاضت  
قویموب هدر اولسون آتاسی چکدوقی زحمت  
واقعه اولوب دینینه چوخ خدمت زینب  
یثرب شغف و شور و سرور یله دولان گون  
گل لر او گله رشگ آپاروب جمله سولان گون  
یعنی آناسی فاطمه دن زینب اولان گون  
گوستردی بیوک رمز طفولیت زینب

آغوشینه آلدی باباسی شاه ولایت  
آلدی یوزونی اُپدی حسن ائتدی محبت  
گوردی قاپویه چوخ باخوری گوزلری حسرت  
قالدی هامو حیران که ندور نیت زینب  
ناگاه حسین گلدی باجی مقصده چاتدی  
آلسون باجی سین اللرینی قارداش اوزاتدی  
زینب ئوزونی قارداشین آغوشینه آتدی  
ایسلاندی گلایله گل صورت زینب  
جوش ائتدی وفا گوزلری خونایله دولدی  
هر کیم بو یولی گئتمه سه بولمز که نه یولدی  
قارداش باجی آغلار گوزیله قول بویون اولدی  
به به نه گوزل وقتیدی بو ساعت زینب  
وئردی آناسی سود اونا پستان وفادن  
آیریلما دی بیر عمر اودور درد و بلادن  
هر تیر بلا اولدی رها شست قضادن  
ئوز سینه سینی ائتدی سپر حضرت زینب



بش ایل یا شادی خرم و خندان گل زهرا  
اونندان صورا مفتوح اولونوب باب بلایا  
گوردی آناسی فاطمه نی دوگدوله اعدا  
بولدی بو دوگولماق اولاجاق قسمت زینب  
اول آناسی ئولدی قرار دین آلدی  
گل عارضی باد غمیله سولدی سارالدی  
یاندی آنا تابوتینی آغلار یولا سالدی  
دنیا بویی حسرتدی بو بیر حسرت زینب  
باشدان یارالی گوردی خانم گه ئوز آتاسین  
شوریله اوجالدوب گویه فریاد و نواسین  
آغلار گوزیله باغلادی شمشیر یاراسین  
مشق ایلدی اولدی بو عمل عادت زینب  
گه تعزیه دار شه خیبر شکن اولدی  
گه گتدی حسن تعزیه دار حسن اولدی  
دنیا اونا زهرا کیمی بیت الحزن اولدی  
اولدی غم ایامیله انسیت زینب

هر لحظه خم غصه ده بیر رنگه بویاندی  
اود دوتدی یانان قلبی شرار غمه یاندی  
پرگار صفت دایره عشقی دولاندی  
تخمیریدی گویا غمیله طینت زینب  
قارداش لب لعین گوروب آلقانیله الوان  
غمدن صدف چشمینه دولدوردی قیزیل قان  
قارداش لبی تک دوزدی یوزه دانه مرجان  
یاقوت جگر یوزده اولوب زینت زینب  
بیر آز دایانوب سایه سرو و سمنینده  
قویموبلا ولی قالسون او بلبل چمنینده  
ایش بیر یره یتدی قالا بولموب وطنینده  
یثربدن اولوب ئوزگه یره هجرت زینب  
وئرمیشدی بلی روز ازل لفظ بلایه  
باغلیدی اودور تاردلی تار و فایه  
گوردی که بلا شاهی گیدور کرب و بلایه  
بولدی گرک اولسون او شه شرکت زینب

پای دلینی بستہ تار محن ائندی  
 قارداش داليجا دوشدی وفاسین علن ائندی  
 صدیقہ کبری قیزی ترک وطن ائندی  
 باشلاندى بیوک بیر آلم و محنت زینب  
 بیر یر که او یر مأمّن اولا خلقه جهاندا  
 زینب او یری مسکن ائدوب سخت زماندا  
 صد حیف که قویموبلا قالا دار اماندا  
 اول دار اماندا چوخالوب وحشت زینب  
 وحشتلی گوروب بسکه خانم دار امانی  
 اوردان چیخوب ئوز قویدی چوله دلدہ فغانی  
 گلدی یتیشوب ائندی مکان کرب و بلانی  
 اولموشدی بلا دشتینه چون دعوت زینب  
 تاقانہ دونن نہر فراتین سویون ایچدی  
 وار کرب و بلادہ نہ بلا رمزیلہ سچدی  
 اوغلانلارینا اوتدی کفن شوقیلہ بیچدی  
 تا قارداشا نہضتدہ اولا شرکت زینب

اوغلانلارینی ائندی ئوزی عازم میدان  
 تا جان بہ کف ایتسونلہ اولار خدمت قرآن  
 قرآنہ گوزل جانلارینی ائتدیله قربان  
 گلگون کفن اولدی ایکی گل صورت زینب  
 گوتدی قدم مثبت او قول ازلیلہ  
 ائندی نہچہ قارداشی کفن پوش ئوز الیلہ  
 جنگاہہ روان ایلدی مین شور دلیلہ  
 روحیہ سین ئولدورمدی هیچ حضرت زینب  
 دین اوستہ باتوب تشنہ قیزیل قانہ حسینی  
 دوشدی یارالی صفحہ میدانہ حسینی  
 باش وئردی وئروب عہدینی پایانہ حسینی  
 دین اوستہ یتوب خدمت ایچون نوبت زینب  
 باغلاندى قولی دوشمہدی اما ہیجاندان  
 دین اوستہ گئچوب قارداشی تک باشیلہ جانندان  
 قارداش قانینی قویمادی دوشسون جریانندان  
 افراشته اولدی عَلم نہضت زینب

باشه بالا قیزلاری یغوب دختر زهرا  
 هر شهره یتوب سالدی اورا شوريله غوغا  
 هند اوغلونی یخدی ایلدی دهرده رسوا  
 چوخ قابل تقدیردی بو همت زینب  
 هر سیل قباقینده خانم داغ کیمی دوردی  
 شاماتی آلوب شأن و شرف مجلسی قوردی  
 ویرانه شاماته حسین پرچمی ووردی  
 اوردا اسوری پرچم حریت زینب  
 ایستوب که وئره عزت پاینده حسینه  
 هم مسلک اولا ملت آینده حسینه  
 قویدی بالاسین اوردا نماینده حسینه  
 بولسونله حسین دولتیدور دولت زینب  
 خواهش ایلدی بیر نچه ارباب محبت  
 استاد حسینی ایده بو شرحی کتابت  
 بو «تائب» شاگرد ائدوب استاديله شرکت  
 اولدی بو کتابتده بیر آز صحبت زینب

زبان حال حضرت زینب علیها السلام در دم واپسین

گل قارداش حسین گور نئجه دل خسته دی زینب  
جانان یولونی گوزلوری جان اوسته دی زینب  
ئیلدن آرالی جان وئروری قلبی شکسته  
گل صون نفسینده باشینی آل دیزون اوسته



غربتده وطنسیز ئولورم آغلیانیم یوخ  
حسرتله یانوب سینه سینی داغلیانیم یوخ  
جان اوسته منیم گوزلریمی باغلیانیم یوخ  
گل آغلاموشام من سنه، سنده منه آغلا  
قارداش ئوزون آغلار گوزومی لطف ایله باغلا  
من بیر گلیدیم باد جفائیه سارالیدیم  
لاله کیمی بو داغلی دله داغ دل آلدیم  
بانوی حجازیدیم عجب گونلره قالیدیم  
دوشدوم اوزاقا طایفه دن خویش و ئیلمدن  
بیر کیمسنة یوخ حالی اولاد درد دلیمدن

یانندی ئورگیم بسته تار محن اولدوم  
بیر پایه ده مظلومه دور زمن اولدوم  
ائتدیم وطنی ترک جلای وطن اولدوم  
سالدی منی جبریه عدو داغ داشا قارداش  
چوللرده من ئوز عمرومی وئردیم باشا قارداش  
بو رسمیدی غم یولداشی یولداشینی گوزلر  
رخساره توکر گوزلری گوزیاشینی گوزلر  
جان اوسته عیاندور باجی قارداشینی گوزلر  
درک ایله باجون زینب مظلومه وئرور جان  
گل زینبون اولسون او گلن یوللارا قربان  
مشکل او گوزل مصرعوی گوزدن آتیدیم  
یا مدفنوی باغ و گلستانه ساتیدیم  
عشقیم واریدی منده جواروندا یاتیدیم  
دنیا بویوجا مدفن پاکوندا قالیدیم  
تا عالم محشر او گوزل عطرون آیدیم

قارداش باجی گل بلبلیدوخ بیرجه بوداقه  
 بیر عشق و علاقه بیزی آلموشدی قوجاقه  
 آیریلماقا قویمازدی همان عشق و علاقه  
 افسوس سنی امر قضا مندن آییردی  
 آیریلمازیدیم جبر منی سندن آییردی  
 غملر ایلوب گرچه منیم روحیمی خسته  
 اما دل اولوب مهر و وفا تارینه بسته  
 پیراهن صدچاکون آلوب سینه مین اوسته  
 گیزلینده اولان شوری حسین فاش ائدرم من  
 جان نقدینی بو کوینگه شاباش ائدرم من  
 ئوز عشقیمی عشاقه نشان وئرم حسینیم  
 رمزیه اونا شرح و بیان وئرم حسینیم  
 پیراهنون آغوشده جان وئرم حسینیم  
 تا عشق و علاقم اولا عالمره اعلان  
 بولسونله هامی قارداشا اولدی باجی قربان

من سندن اُتور قارداش حسین دیل لره دوشدوم  
 آسان سانادیم هر نئجه مشکل لره دوشدوم  
 قارداش آدی دیلده یارالی چوللره دوشدوم  
 هر کیمسه گوروب آنلادی دیوانه عشقم  
 سن شمع وفا من سنه پروانه عشقم  
 دؤزدوم ستم قوم ستمکاره یولوندا  
 زلفیم آغاروب اولدی گونوم قاره یولوندا  
 ووردی آجی دللر دلیمه یاره یولوندا  
 ایله یارا که واردی نه مرهم نه دواسی  
 جان یولداشیدور زینبه دلده او یاراسی  
 من سندن اُتور گیدیم ئوزوم رخت اسارت  
 ووردوم بئلیمه همّتیله دامن همّت  
 دؤزدوم نقدر ایلدیلر طعن و شماتت  
 باشون دالیجا هر یری گزدیم سنه قربان  
 حقّون ایلدیم گون کیمی عالمره اعلان

من سندن اُتور گوزدن ئوزوم عزّتی آتدیم  
 باشسيزلاری یغدیم باشا ویرانده یاتدیم  
 ویرانده یاتدیم هامی دنیانی اویاتدیم  
 خلق آنلادی قرآن مبین اوسته ئولوبسن  
 تشنه بویانوب قانوه دین اوسته ئولوبسن  
 سن قانوه غلطان یخیلان وقتده خسته  
 من دؤزمبدیم اول حالته ای قلبی شکسته  
 گلدیم او یامان گونده سنون باشوین اوسته  
 گل زینبی یاد ایله همان گوندیم آخر  
 درک ایله بو ساعتده یامان گوندیم آخر  
 لازم دگی حالیمدن ائدم من سنی آگاه  
 عالمسن ئوزون قلبی سنیق دور باجون ای شاه  
 واضحدی بو نکته که سنیق دلده دی الله  
 الله دان اُتور ایله قدم رنجه برادر  
 بو گوگلومی آلماق اولی بیر عمره برابر

ای کاش کناریمده شه ناسیم اولیدی  
 صاق صولدا جوان اکبريله قاسم اولیدی  
 بیرده او وفا صاحبی عبّاسیم اولیدی  
 سن لطفاً آلیدون دیزیوه باشیمی قارداش  
 عبّاس سیلیدی ئوزی گوز یاشیمی قارداش  
 یوخ طایفه ئیل واقف اولا بیر بيله رازه  
 عزّتله منه ایلیه تشیع جنازه  
 صف باغلیه لر نعشیمون اوستونده نمازه  
 گل نعشینی تشیع ایله بانوی حجازین  
 دفیننده قیام ائت قیل ئوزون بوردا نمازین  
 «تائب» سنه حق لطف ایلیوب طبع روانی  
 بو طبعیله الده قلمین وار جریانی  
 گیزلتمه گِلن نعمت بی مثل خدانی  
 یاز دفتریوه حق سوزی قیل دینوه خدمت  
 پاداش وئّرر خدمتوه قادر قدرت

## ذکر وفات حضرت زینب علیہا السلام

ائدنده زینب مظلومه ترک دنیانی  
 یانیندا اولمادی جان اوسته یار و اعوانی  
 دوتوب کنارین اونون حال احتضارینده  
 آلیدیلر ئورگیندن غم فراوانی  
 گوریدی لر نئجه قارداش محبتی دلدہ  
 جهانی ترک ائدر اول رافت و وفا کانی  
 آلودی سینه سینه پاره پاره بیر کوینگ  
 او کوینگی که آلور اوندان عطر جانانی  
 دولی گوزیله باخور حسرتیله صاق و صولا  
 عیان اولور که اونون واردی درد پنهانی  
 مداد اشک ملالیه خامه مژگان  
 یازاردی صفحه رخسارینه بو عنوانی  
 حسین حسرتیله جان وئورور بلالی باجون  
 وطندن ئیلدن اوزاق دلدہ آه سوزانی

اندوبدی لوح دله حکّ نقش تصویرون  
 باخور ئورک گوزی گوزدن آخور جگرقانی  
 عیاندی قارداشی گوزلر باجی ئولن ساعت  
 خصوص او باجی که قارداش اولا اونون جانی  
 حسین ئوزون بولوسن گوزلریم قالب یولدا  
 گل ای گلن یولون بو بلالی قربانی  
 او زینب چوله دوشدوم یارالی سندن اُتور  
 هامی مصیبت وقف ایلدیم قوری جانی  
 سنون یولوندا بلالی باشیمی یاردیم من  
 قیزیل قانا بویادیم طرّه مطرانی  
 سنون یولوندا منه چوخ وورولدی دیل یاراسی  
 ایله یارا که نه وار مرهمی نه درمانی  
 سنون یولوندا منه خارجی دئدی اشرار  
 سنون یولوندا منی دوگدی دشمن جانی  
 سنون یولوندا آغاردی باشیم قرالدى قولوم  
 سنون یولوندا قد سرویم اولدی چو کانی

سنون یولوندا ایله داغلانوب منیم ئورگیم  
 که لاله اوندان آلایدور او رنگ حمرانی  
 سنون یولوندا من اولدوم حسین خرابه نشین  
 بهشت فرض ایلدیم کنج بیت الاحزانی  
 همین خرابه ده بیر گوهر ایلدیم مدفون  
 آدی رقیّه گلستان دین نواخوانی  
 نجه رقیّه سارالموشدی بیر ساری گل تک  
 خزانه گئتدی اونون عمرینون گلستانی  
 سنون یولوندا حسین درده مبتلا اولدوم  
 او درد سالدی ایاقدان بو خانه ویرانی  
 یارالی منده سنون تک یارالی جان وئروم  
 بو عمر عاریه مین ختم اولوبدی دورانی  
 بو صون نفسده گئنه سالمارام آدون دلدن  
 بو یرده صورته ساللام تمام معنایی  
 بو کوینگون باسوب آغوشه عطریوی آلارام  
 جهان نشر ائدرم بیر محبت اعلانی



بو قانلو پیره نون سینم اوسته جان وئرم  
 بوله هامی باجی قارداشین اولدی قربانی  
 حسین بیرجه نولور ایله سن قدم رنجه  
 وئرنده جان سالاسان یادیوه بو نالانی  
 یانیمدا یوخد ی آنام اوغلی آل هاشمدن  
 سالالا یاده بو آغ زلفی تک پریشانی  
 جنازه می ائده لر حمل قبر ایاقینه  
 عزیز دفن ائده لر یادگار زهرانی  
 یادوندا وار که وئرنده یارالی جان یارالی  
 ائدنده قانویله لاله زار میدان ی  
 گلوب او دم باجی قارداش محبتی جوشه  
 ائدوبدی جلب او محبت دل شکیبانی  
 دؤزنمدیم باشون اوستونده حاضر اولدوم من  
 دیلیمده ناله وای قارداشیم وای عنوانی  
 گل ایمدی منده سنون تک یارالی جان وئرورم  
 بو گلماقوندا یقین وار رضای ربّانی

اله گتور یارالی زینبون سنیق ئورگین  
 شکسته دلده دی الله یوخد ی کتمانی  
 باجون سور بولوسن چوخ صدای قرآنون  
 تلاوت ایله ئوزون باشیم اوسته قرآنی  
 حسین محبتی دلده آلبودی سینه سینه  
 او پاره پاره اولان کوینگی چیخوب جانی  
 یوموب او گوزلری که قتلگهی گورموشدی  
 سرشگیله سولاموشدی او قانلو میدانی  
 یوموب او گوزلری که گوردی چوخلی یاره ووران  
 آلوب آرایه وورالار شه شهه میدان ی  
 یوموب او گوزلری کی گوردی ئولدورولله سوسوز  
 کنار نهرده اشرار شاه عطشانی  
 یوموب او کوزلری کی گوردی شمر شوم و شیر  
 حسینی ذبح ائدوری الده تیغ برّانی  
 بو ئولدی چولقادی آفاقی ظلمت حسرت  
 گلونجه منتقم اولماز دوباره نورانی

بولنمورم که وئروب غسل کیم ائدوبدی کفن  
 ترابه کیم تا پوشوردی او سر کبرانی  
 ولیک واردی یری غسلینی وئرن یانسون  
 گورن زماندا همان نیلفام اعضانی  
 شماریه گتوروب تازیانه یرلرینی  
 ائده مجسم اونون چکدوقی بلایانی  
 گلوب دیله باشی اوسته یانقلی دللریله  
 بیر اوخشیه آنالار تک او مهد علیانی  
 قویوب مزاره ائده ثبت قبرینون داشینا  
 بو بیر خانمدی ائدوب غمله ترک دنیانی  
 بو بیر عقیده شمس هدایتین باجیسی  
 سپهر عصمتین عالمده ماه رخشانی  
 طلوع ایلدی یثریده باتدی غربتده  
 جهان عصمتی ائتدی غروبى ظلمانی  
 بو بیر خانمدی که قارداشدان اتری دوشدی چوله  
 دیلینده قارداش آدی گزدی کوه و صحرانی

مقام عشقه دیوانه حسین اولدی  
 گزوب او عشقیله دیوانه وار هریانی  
 جفا الیله ائدوبلر اونى جلای وطن  
 غریبه ئولدی مکان ائتدی تحت غبرانی  
 بو بیر خانمدی یزیدین پوزوبدی سلطنتین  
 ائدوبدی مفتضح عالمده آل سفیانی  
 بو بیر خانمدی که گوز یاشی آتشین نطقى  
 دیریتدی حشره کیمی حکم دین و فرانى  
 بو بیر خانمدی نشان وئردی همت عالی  
 جهاندا نشر ائدوب اثبات حق اعلانی  
 بو بیر خانمدی نه تک شامی ایلوب تسخیر  
 گتوردی تحینه بلکه تمام دنیانی  
 بو بیر خانمدی که خدمتدن اولمادی خسته  
 ائدوب حمایت دین تا واریدی امکانی  
 بو بیر خانمدی وئروب دل اسارته اما  
 ائدوبدی قیددن آزاد اهل ایمانی

گنده علی ولی شامه تاپمادی امکان  
 که حقّدن ائده آگاه او اهل سامانی  
 بو بیر خانمدی که ال تاپدی شهر شاماته  
 آپاردی منبره زین العباد نالانی  
 او منبریه تاپوب قدرت یزید شکست  
 یزیده ایلدی وارونه تخت سلطانی  
 بو بیر خانمدی یزیدی شهامتیه سیخوب  
 ضعیف ایلدی روحیه دن او نادانی  
 بو بیر خانمدی که شاماته ووروب بیرق  
 بیان ائدوب شرف اهل بیت طاهانی  
 بو بیر خانمدی بولود تک دولان زماندا گوزی  
 ائدردی گوز یاشی شرمنده موج دریانی  
 بو بیر خانمدی که حسرتله خویش ئیلدن اوزاق  
 ائدوبدی ترک بو دنیای محنت افزانی  
 بو بیر خانمدی بو کوب بار غم قد سروین  
 اوجاتدی پرچم اسلام و شرع غرّانی

بو بیر خانمدی که قارداش جنازه سی اوسته  
 ایله سیزیلدادی آغلادی قوم اعدانی  
 دئدی آتام اولا قربان یارالی قارداشیما  
 که ایکی نهر آراسیندا آخوب سوسوز قانی  
 منیم آتام اولا ایله مسافره قربان  
 اونون قاییتماقینون یوخ دوباره امکانی  
 آتام فدا اولا بیر زخم دار جان وئرنه  
 که لاله زار ایلوب قانی بو بیابانی  
 آتام فدا اولا بیر شاهه گون ائوینده دوشوب  
 قالبودی قانلو قوم اوستونده جسم عریانی  
 آتام فدا او حجازی شه حصاره دوشوب  
 اولوب بو دشته اهل عراق مهمانی  
 آتام فدا اولا بیر تاجدار مذبوحه  
 که پیکرینده اونون یوخ یاراسینون سانی  
 آتام فدا اولا بیر پاره پاره گل بدنه  
 دوتوب بلا چولونی عطر و روح و ریحانی

آتام فدا اولاً بیر زخم داره قتلگهی  
 نشان وئورور گورنه گلستان رضوانی  
 آتام فدا او غریبه که غصه لی ئولدی  
 گتوردی نالیه جنتده روح زهرانی  
 آتام فدا اوناکی چاکچاک اعضاسی  
 وئورور نشان او گل برگ برگ خندانی  
 آتام فدا او شهه خرده بارماقیندا وئورور  
 وئورنده اهرمنه خاتم سلیمانی  
 آتام او یوسفه قربان که یوخدی پیرهنی  
 دوباره قسمتی اولماز مدینه کنعانی  
 اولوبدی منزل طوریده بو سوزه بانی  
 بیر اکبر آدلو شه تشنه لب نواخوانی  
 دوزوبدی رشته نظمه بو گوهری «تائب»  
 توکوب یازاندا یوزه اشک چشم گریانی  
 خدا نصیب ایله بیر قبر زینب اوسته گنده  
 همی بو جمع همی سوز یازان همی بانی

### ذکر وفات حضرت امام زین العابدین علیهما السلام

ای صبادی کربلا ده شهریار کربلایه  
 فخر ساجدین وئروب جان گل مدینه ده عزایه  
 آل هاشمه بو ساعت  
 وارمدینه ده قیامت  
 گل ئوزونده ایله شرکت  
 وئر تسلی مصطفایه



گور نجه امام باقر علیهما السلام حسرتیله سینه داغلار  
 گوزلری دولوب بولود تک گوز یاشین عذاره باغلار  
 چیگینه قویوبدی بوینون آغلدار جهانی آغلار  
 ال لری ئورک باشیندا نی کیمی گلوب نوایه  
 باقر اوغلوون ئوزون گل دردینه شراکت ایله  
 وئر اونا تسلی دل رفع درد حسرت ایله  
 یاسلیدور سنیقدی قلبی گویلون آل محبت ایله  
 خوش دوشر وئره تسلی مهربان آتا بالایه

دوزدی حالینه یانان وار لیک سن تک ئوزگه یانماز  
 دوزدی قیدینه قالان وار سن تک ئوزگه لر قالانماز  
 دوزدی دردینی آلان وار سن تک ئوزگه لر آلانماز  
 مبتلا ائده مداوا خوشدی درده مبتلایه  
 جدیوین مدینه سینده حشر اهل بیت دیندور  
 حضرت امام باقر علیہ السلام یاسلیدور عزا نشیندور  
 جان وئرن امام ساجد علیہ السلام یعنی فخر ساجدیندور  
 بیر امام ساجدی کیم چوخ دوشوب باشی بلایه  
 بو همان امامدور کیم گوردی خیمه لر تالاندی  
 خیمه لر اولاندا غارت قالدی اود ایچینه یاندی  
 صبر قیلدی هر جفایه هر مصیبه دایاندی  
 هر بلا یتیشدی دلدن شکر قیلدی لایرایه  
 استقامتیه دؤزدی یوز چوورمدی بلادن  
 گردنینه غلّ جامع شامه گئتدی کر بلادن  
 دؤزدی هر جفا او شاهه یتدی قوم اشقیادن  
 دین یولوندا همّتیه صبر قیلدی هر جفایه


گاه کوفه ده او سرور زار و خسته دلشکسته  
 صدقیله امید تارین ایلوب خدایه بسته  
 ایله خطبه ائتدی ایراد دست بسته ناقه اوسته  
 بهت آپاردی کوفه اهلین باخدی حجت خدایه  
 گه آپاردیلار او شاهی بزم زاده زیاده  
 منطقی جواب وئردی اول خبیث بدنهاده  
 غیظیه زیادین اوغلی ائتدی قتلینه اراده  
 ستمادی ره شهامت ائتدی طیّ پایه پایه  
 عمّه سی دؤزنمدی بو ظلم فرقه نفاقه  
 دوردی دفعه یول آچدی اتحاد و اتّفاقه  
 زینبه باخوب حرملر دور دولار هامی ایاقه  
 بو خطر سووشدی اما دوشدی آیری بیر بلایه  
 گئتدی مجلس یزیده ائتدی بیر خطابه ایراد  
 قتلینه ائدوب اراده اول شقی کینه بنیاد  
 توکماقا امام قانین ایستدی او بزمه جلاّد  
 نقشه اولدی نقش بر آب یتمدی او مدعایه

افتخار و عزتيله گیدی جامه اسارت  
گوستروب اسارتینده شهرلرده چوخ شهامت  
لیک شام مسجدینده بیر گون ایلدی قیامت  
حق اهل حق یکسر ثابت ائتدی ماسوايه  
حق و باطلی آییردی تک قیام نهضتینده  
نهضته گتوردی خلقی حالت اسارتینده  
ایلدی یزیدی رسوا منبر اوسته صحبتینده  
آبروی آل سفیان گئتدی سربه سر فنايه  
شامدن اگرچه آزاد اولدی اول شه ولایت اولدی  
دائماً ولی وطنده پای بند حسرت اولدی  
همدمی سزیتلی اولدی مونسی مصیبت اولدی  
یاده سالدی ئوز آتاسین گلدی نی کیمی نوایه  
هارداسو گوریدی اول شه آغلیوب گلردی داده  
ئوز آتاسینی سالاردی اول مریض امام یاده  
جان وئروب بابام دیردی تشنکام کربلاده  
وئرمیوبله سویانندا سو امام مقتدایه

قرخ ایل آغلادی حسینه روز و شب او زار مهموم  
غمله باشه وئردی عمرین چشمی اشکبار مغموم  
عاقبت هشام الیله اولدی اول امام مسموم  
ترک ائدوب فنا جهانی گئتدی عالم بقایه  
غسلینی وئروب ئوز اوغلی دفن ائدوب او باغریقانی  
یغدی قبری اوسته باشه قوم و خویش و اقربانی  
لیک او شاه دفن ائدنده شهریار کربلانی  
قبری اوسته قالدی حسرت قوم و خویش و اقربایه  
«تائباً» حسین غمینده صدق ئوزیله آغلایان سن  
مجلس عزالرینده دائم اول چکیلمه یان سن  
آغلا پرچم حسینون سایه سینده دالدالان سن  
باشووه سالار او پرچم موقف جزاده سایه

احوال حضرت موسی بن جعفر علیهما السلام  
در مجلس هارون الرشید

گذر بغداده سال ختم رسالت یا رسول الله  
ایله موسی بن جعفر دن عیادت یا رسول الله



اولوب دشمن اسیری قیدینه نه بیر قالان واردی  
قالوبدور کوشه زنداندا نه یاده سالان واردی  
گلوبدور خاطری درده نه بیر گویلون آلان واردی  
نه واردی ایلین حالین رعایت یا رسول الله  
قبیله یوخ یاندا طایفه دوشموش اوزاقینده  
دولار اشکیله آغلار گوزلری ئیل اشتیاقینده  
اولوبدور همدی زنجیریه کنده ایاقینده  
عجب مونس تاپوب ایلوبدی الفت یا رسول الله  
وطن آواره سی بی اقربا دلده غم غربت  
اولوبدور مسکنی ایلر بوی مطموره ظلمت  
قالوب گون نورینه گوندوز گنجه آی نورینه حسرت  
گوزونده بیردی گوندوز لیل ظلمت یا رسول الله

خیال اوستن خیال ایلر گلوبدور خاطری درده  
بسان غنچه باغرین قان آلبودور پرده به پرده  
ئورک باشینده قالموش اللری سولموش یوزی یرده  
توکر رخساره گوزدن اشک حسرت یا رسول الله  
سینوب قلبی دلینده نی کیمی دائم نوا واردی  
آریتموش زحمت زندان وجودیندن نما واردی  
باخان زندانه بیله فرض ائدر بیر تک عبا واردی  
ایله جسمین ضعیف ایلوبدی زحمت یا رسول الله  
اگرچه مسکنی دائم اونون زندان ظلمتدور  
دیر راز نیاز ائتماقلیقاً نه یاخشی فرصتدور  
یانیمدا یوخدی بیگانه گوزل دارالعبادتدور  
ائدوبدر محبسی دارالعبادت یا رسول الله  
ائدر گوندوزلرین آخشام هامو گوندوزلرین صائم  
وئرر ئوز عمرینی باشه گونوز صائم گنجه قائم  
گورر هر بیر باخان اول شهریاری سجدهده دائم  
قوروب جانانیه بیر بزم خلوت یا رسول الله

اولوب خسته وجودی ناتوان افسرده حالتدور  
 نوزی ناخوش قوری یرده دچار رنج و زحمتدور  
 رطوبی یر او مظلومه محلّ استراحتدور  
 قویا ای کاش دشمن اوردا راحت یا رسول الله  
 دیسم دشمن دُور شرم ایلورم بو ذکر صحبتدن  
 یوزوم ایلر عرق بیر بیله سوزده فرط خجلتدن  
 دیسم یوخ اصلی سوز خارج اولار متن عبارتدن  
 زیارتنامهده وار بو عبارت یا رسول الله  
 سلام اولسون او شاهه سالدیلار تاریک زندانه  
 او قدر اینجیتدیلر زنداندا دویدی عاقبت جانه  
 هامی جور و جفا بیرانه سندی ظلمی بیرانه  
 نه عرض ایلوم که ائتدی نه جسارت یا رسول الله  
 بو قدری وار او بد فرجامی هر ساعت گورر تیتَر  
 نه ظلمه وار اونون قصدی ائدر مدّ نظر تیتَر  
 خزان پیراقی تک سندی هراسیندن اسر تیتَر  
 وئروب ازبس او مظلومه اذیت یا رسول الله

امامی جبريله مسموم ائدوب سندی کج اندیشه  
 سالوب هارون ملعونی همین بو امر تشویشه  
 قوروب مجلس ائدوب حاضر طبیب اول شوم بدیشه  
 ائده بیر نحویله تا رفع تهمت یا رسول الله  
 طبیب ائتدی سؤالات اول غریبون ماجراسیندن  
 دیه بولموب عیان باشدا اولان درد و بلاسیندان  
 طبیبه اوجونی وئردی نشان دشمن هراسیندان  
 گوروب که زهردن واردی علامت یا رسول الله  
 دُئوب باخدی طبیب اول مجلسه چشم پُرآبیله  
 دئدی مسموم ائدوبلر بو غریبی چوخ عقابيله  
 وجودین سمّ آلوب دلدن یانور بو التهابيله  
 بولوندی سوز ندور بولدی جماعت یا رسول الله  
 ایاقه دوردی مجلس اهلی تا سوز بو یره یتدی  
 قالوب بیر سند بیر اوغلون او مجلسدن هامی گئتدی  
 نئجه عرض ایلوم سند اوغلووا اوندا نه ظلم ائتدی  
 نوزون آگاهسن ائتدی نه جرأت یا رسول الله



دیمم ائتدی نه جرأت اوغلوون گل عارضی سولدی  
 دیمم تولدی یانان قلبی اونون خوناییله دولدی  
 بو قدری واردی اول مظلوم حقینده اولان اولدی  
 گوزل راقدور صراحتدن کنایت یا رسول الله  
 سالوبدور نوزگه بیر حاله او مظلوم زمین گیری  
 اولوب محبوس ایاقدا کُندهسی بوینوندا زنجیری  
 ایاقدان سالدی بو حالیه آخر زهر تاثیر  
 ائدوب سوز دلی هر لحظه شدت یا رسول الله  
 دونوب صاقدان صولا صولدان صاقا اول حجت دادار  
 دیر جانه یتشدیم ظلم الیندن ای خدا زنهار  
 منی بو دشمن بی رحم الیندن رحم ایله قورتار  
 اولوب وردی او سوز ساعت به ساعت یا رسول الله  
 دوتار گاهی بقیعه یوز دلینده ذکر واویلا  
 دیر یاندیم امان یا جدّتی یا اُمّ یا زهرا  
 گهی آغلار گوزیله سسلنر گل داده یا جدّا  
 بالان مسموم اولوب گل قیل عیادت یا رسول الله

غریبی گوشه زندان ده بیر یاد ائدن اولماز  
 نه دور دردی تفحص ایلوب دردین بولن اولماز  
 وئرنده جان غریبون باشی اوسته بیر گلن اولماز  
 نوزون گل قیل بالان حالین رعایت یا رسول الله  
 دوتوب حقّه طرف یوزگاه حیّ ذوالمنی سسلر  
 گهی زهرا آناسین گاه حسرتله سنی سسلر  
 گهی اوغلی رضانی گه قیزی معصومه نی سسلر  
 ائده هر تک تکی دردینده شرکت یا رسول الله  
 ائدوبدور منزلینده جمع سبکی نچه احراری  
 اولار بانی اولوب «تائب» یازوب بو غملو اشعاری  
 گویولده واردی بو حسرت اولاق بیر وقفه زواری  
 گوزل قبرین ائداخ با هم زیارت یا رسول الله

رازونیا ز حضرت موسی بن جعفر علیه السلام

ای خدا عشقونده زندان باغ جنتدور منه  
 گوشه زنداندا جان وئرماق سعادتدور منه  
 ❖❖❖❖❖  
 تاپموشام بو یرده ئوز آختاردیقیم دلخواهیمی  
 ائتموشم دلخواهیمه بسته دل آگاهیمی  
 قیلیموشام روشن بو ظلمت ایوده شمع آهیمی  
 شمع آهیم ظلمت رائو شأن و شرافتدور منه  
 صفحه عشقه لوای فتحی یارب وورموشام  
 باده عشقیله بو دل جامینی دولدورموشام  
 ائتموشم ترک علایق بزم خلوت قورموشام  
 گوشه زندان عجب بیر بزم خلوتدور منه  
 شمع عشقه یانماقا پرواسیزام پروانه دن  
 وصل جانان آختاران عاشق ائدر پروانه دن  
 بزم راز عشقی خالی ائتموشم بیگانه دن  
 آشنا بو یرده بو عشقی محبتدور منه

ای خدا حسرت چکردیم بیله خلوت منزله  
 تا او خلوتده یته نقصان عهدیم کامله  
 سالموشام آختاردیقیم خلوت یری ایمدی اله  
 عمردن آختاردیقیم ساعت بو ساعتدور منه  
 کنج زنداندا اولوب بیر بو گنجیله گوندوزوم  
 نوش جاندور ساغر صهای غم یوخدور سوزوم  
 ورد و ذکریم یا هوالمحبوب دور یرده یوزوم  
 گوشه زندان دگول دارالعبادتدور منه  
 خوش دوشر معنای عشقی صورته بوردا سالام  
 سودوقونجا ایلیوب یارب عبادت کام آلام  
 دشمنیم قویمور ولی ئوز حالیمیله من قالام  
 فکری هر ساعتده اظهار خصومتدور منه  
 اولموشام چون طایر بی پر گرفتار قفس  
 یوخدی بیر کیمسه منه فریادرس ای دادرس  
 بو سیزیلتیم دم به دم اولموش منیله هم نفس  
 همنشین دائم بو یرده رنج زحمتدور منه

گوشه زندان نه مدتدور مڪانيمدور منيم  
هر نفسده هم نفس سوز نهانيمدور منيم  
كنده و زنجير اياقدا هم زبانيمدور منيم  
همدميم محتدى مونس درد حسرتدور منه  
واردى سينمده منيم بى حد نسل يارهسى  
بيريانا بو نسلليم بو اودلانان دل يارهسى  
طعن اندور سندی ابن شاهك چوخ وورور ديل يارهسى  
هر مصيبتدن چتين طعن و شماتتدور منه  
قورتاران اى يوسف صديقى قعر چاهدن  
حر نارى دور ائدن جدیم خليل الله دن  
قيل منى آزاد شر دشمن گمراه دن  
بو حياتيمدن گوارا حال رحلتدور منه  
خوشدى يارب جان و ثروب من قرب جانانه چاتام  
اسوا للهي مقام قريده گوزدن آتام  
وخ يوروب ظلميله دشمن قبرده راحت ياتام  
بيله قالماقدان ثولوم واقعه راحتدور منه

ئيل آزالى گوشه غربتده جان وئرزم خدا  
نه قيزيم معصومه واردى دردىمى دلدن آلا  
گوزلريم يولدا قالوب دور گلدی نه اوغلوم رضا  
قول بويون اولماق او نيله عمده نيئتدور منه  
«تائبم» خدمتگزار خاندان حيدرم  
صدقيه سيز خاندانه كمترين بير نوكرم  
بير برات بيت حق آل حقدن اى كان كرم  
ائده آليم دله بير وقفه زيارتدور منه

شرح ولادت حضرت علی بن موسی الرضا عليه السلام

عنایت ایلسه خلاق قادر و قهار  
اولار الیمده قلم دُرْجی لعل و گوهر بار  
طریق احسنیله زینت کتاب ائدرم  
همین او سوز که اولوب لوح دلدہ نقش و نگار  
بیان و شرح ائدرم بیر شهین جلالتینی  
که شأنینی اثشیدن وقت محو اولور افکار  
آدی علیدی اونون بوالحسن کُنیّه سی دور  
اولوب رضایه ملقب او سید ابرار  
غریب خطّه بغداد دور غریب آتاسی  
جفا الیله اولان اون بیر ایل بلایه دچار  
ایاقدا کنده سی زندان دا جان وئرن موسی  
وطنندن ئلدن آرالی غریب دار و دیار  
آناسیدور او شهین نجمه طاهره مشهور  
اونون کتابده امّ البینّ کنیه سی وار

ایله عفیفه ایله مؤمنه یدی اول خاتون  
که بهترین زنان او عصر اولوب تذکار  
وئروبله بو سوزی موسی ابن جعفره نسبت  
بیله بویورموش ئوز اصحابینه او شاه کبار  
که بیر گئجه ایلدیم خواب ناز نازیله  
یوخوما گلدی آتام جدیم احمد مختار  
اولاریلان واریدی بیر حریر پارچه ای  
توهم ایلدیم اوندا وار ئوزگه بیر اسرار  
حریری آچدیلا گوردوم حریر کوینکدور  
اونا بو جاریه نون صورتی اولوبدی نگار  
منه بویور دولا رؤیاده ئوز آتام جدیم  
بو جاریه اولاجاقدور سنه حرم زینهار  
خدا بو جاریه دن بیر اوغول عطا ایلر  
که شهرتیه دولار تحت گنبد دوار  
او دور جهانده سندن صورا ستوده ناس  
آدین علی قوی او مولودین ای حمیده شعار

او دور سپهر امامت یوزونده شمس شمس  
 اونی امام تانور قائلین هشت و چهار  
 او بیر وجوددی مشهور اولار امام رؤف  
 او دور مجسمه عدل و رحمت دادار  
 خوشا او کیمسیه کیم حقینه اولار عارف  
 او نفسه وای اولا که حقینی ائدر انکار  
 همین بو جاریه نی اختیار ایلمدیم  
 مگر به حکم خداوند قادر و قهار  
 روایت ایلوری هشام او شیعه فاضل  
 که گوتدی بیر گون ازیله منی او شاه کبار  
 محلّ برده فروشانه عزم ائدوب یتدوخ  
 نه گوردوق ئوزگه بیر عالمی گرم دور بازار  
 ولیک برده فروشی گلوبدی مغربدن  
 اونون باشیندا کنیز و غلام وار بسیار  
 نچه کنیز گتوردی پسند ائتموب امام  
 بویوردی آیرسی واردور گتور ائدوب انکار

دئدی امام که وار آیرسی گرکدی گورم  
 جواب وئردی فقط بیر کنیز وار بیمار  
 اونی بویوردی گتور مایل اولمادی گتوره  
 قیتدی اوردان او شاهنشاه فلک دربار  
 صباح اولاندا بویوردی منه که ای هشام  
 گنت آل او جاریه نی اولسا هر نچه دینار  
 گئدوب معامله ده راضی ایلدیم آلدیم  
 ولی او برده فروش ائتدی بیر سوز استفسار  
 سؤال ایلدی بو نوعیله که ای هشام  
 دون سنیه گلن کیمدی قیل منه اظهار  
 دئدیم او بیر نفر اولاد هاشمی دندور  
 سوروشدی سلسله سین ائتمدیم داخی گفتار  
 دئدی بو جاریه اقصای غربدن آلینوب  
 ئوزی کنیزدی خاتون لقا لیاقتی وار  
 زنان اهل کتابین بیری دیوبدی منه  
 که بو کنیزی عزیزه ائدوب حق دادار

اونا تصاحب ائده بهترين خلق کرک  
 که وار همین او تصاحبده بیر بیوک اسرار  
 گلر بو جاریه دن بو جهانہ بیر مولود  
 جلالتیلہ دولار سربہ سر اونون اقطار  
 غرض او جاریہ نی ایلدی تصاحب امام  
 وئروب او ائوده باشا بیر زمان لیل و نہار  
 یازار او جاریہ قولونجا بیلہ شیخ صدوق  
 کہ منده تا گورونوب وضع حملدن آثار  
 ئوزومده ائتمزیدیم حمل ثقلتین احساس  
 گلردی بطنده نطقہ بالام شہ اختیار  
 یاتان زمان ائشیدردیم بالام دیور تسبیح  
 ولی ائشیتمزیدیم من اولان زمان بیدار  
 او ساعتی کہ بالام قویدی بو جهانہ قدم  
 منور ایلدی نوریلہ عالمی یکبار  
 قویوب یر اوستونہ کفینینی او ساعتہ  
 دوتوب سپرہ یوزون اول مہ سپر وقار

دگردی لعل کیمی لبلری بیرى بیرینہ  
 ائدردی کلمہ توحیدہ گوئیا اقرار  
 آتاسی موسی جعفر گلوب او ائناده  
 او نور دیدہ سینی آلدی ائتدی زیب کنار  
 بویوردی صاق قولاقینہ اذان اقامہ صولا  
 او شاہ ایستدی آب فرات بیر مقدار  
 اونون فرات سوییلہ دماغینی گوتدی  
 فرات گلدی دلہ سلب اولوندی دلہ قرار  
 ہمین فرات کناریندہ جدّ مظلومی  
 آلوب ال اوستونہ بیر شیرخوار ماہ عذار  
 اودا سو ایستدی اما جوابین اوخ وئردی  
 آلور قراریمی الدن او شرح رقت بار  
 نئجہ دیوم نئجہ شرح ایلیوم نئجہ اوخودی  
 محرّرين وقایع اونى سه شعبه یازار  
 هدف لطیف بوغاز اوخ سه شعبه یااللہ  
 اوخی آتان بیلگی قوہلی جفاکردار

کماندن قوتولوب اوخ هواده سسلندی  
 او شیرخواریه ووردی ندای استحضر  
 اولان او دست حق اوستونده مرغ دست آموز  
 قانادلانوب اوخا صیادینه اولاندا شکار  
 ایله اُپوب سولی پیکان سوسوز بوغازیندان  
 رباب اُپماقا قالوب بوغازدا بیر آثار  
 دولاندیروب او گوزل گوزلرین دولی گوزیله  
 غریب آتاسینا بیر حسرتیله ائتدی نظار  
 که یعنی حرمه سو وئردی من خداحافظ  
 داخی سو ایستمورم ای غریب دار و دیار  
 دایانما ساخلاما قیتر منی غریب آناما  
 خیامده یولومی گوزلور انتظار و فگار  
 امام چکدی اوخی اصغرین بوغازیندان  
 سپلیدی قان بالا رخسارینی ائدوب گلنار  
 مبارک اوجونا دوتدی او سودامر قانین  
 آتوب سپهر برینه طرف او قطب مدار

یره قایتمادی قاندان دوباره بیر قطره  
 قالوبدی گویده به عنوان یادگار اوتار  
 دئدی بو قانی سنه تحفه یوللادیم یارب  
 بو قان منیم کیدی توکدی بو لشکر خونخوار  
 قویوب یره قوزی قربانینی وقاریله  
 نماز شکر قیلوب شهریار بی غمخوار  
 یوزون دوتوب گویه ئوز دامنی نی سیلکله دی  
 که یعنی واردی نیمم ایلدیم یولوندا نثار  
 قالوردی بیرجه بو غنچه گلوم بوداقیمده  
 بودا سولوب الیم اوستونده سالدی قلبه شرار  
 دوباره گوتدی باسوب باغرینا او سودامری  
 گزردی قانلو چولی دلدۀ آه آتشبار  
 خیال ائدوب آپارا خیمیه گورردی رباب  
 کسوبدی خیمه قاباقین به دئده خونبار  
 اوغوشدوروب ئورگین اصغرین یولون گوزلر  
 اولاردی شرم اونا مانع سالا خیامه گذار

الینده سودامرین قایترداری میدانہ  
 باخوب گوزرداری کہ دشمنترین شماتتی وار  
 بالاسی اللری اوسته گزرداری میدانی  
 گوزونده اشکتری دل غمین و زار فگار  
 گندوب صاقا صولا سسلرداری گل علی اکبر  
 الیمده اوخلادیلار اصغریمی قوم نقار  
 دیردی گاه او شه هارداسان اوغول قاسم  
 سسیمه وئر گله سس ای جوان لاله عذار  
 گهی ائرداری ندا باوفا کمک لرینی  
 دیردی بی کسم الغوث ایها الانصار  
 باخاردی گاه فراته دیردی یا عباس  
 الیمده قالدی بالام گل هراییمه زنهار  
 نه بیر الیمدن آلان وار بو قانلو قونداقی  
 وئرہ منیم سسیمه سس نه واردی بیر دیار  
 اوتانورام آناسیندان گئدم خیامه طرف  
 خجالت ائتدی منی بو سپاه بدرفتار

گیدنده جانب میدانہ اهل کوفه گولر  
 شماتت ایلوری طعنیه فرقه اشارار  
 دیمزله سودامریم اوخلانوب الیم اوسته  
 شکسته دور ئورگیم قالمیوب دلیمده قرار  
 بو قانلو دشته قالدیم غریبه سرگردان  
 هارا گندوم کیمه ئوز دردیمی ائدوم اظهار  
 اولیدی شیعہ لیریم کاش ایمدی یانیمده  
 اسفلی حالیمه شوريله آغلییدی اولار  
 گوریدیلر که نئجه اوخلیوبدیلر بالامی  
 لب فراتده لب تشنه قوم کینه شعار  
 آلیدیلر بالامی ایلیدیلر مدفون  
 اگرچه قویمیه جاق قبر ائوینده قوم شرار  
 سوزیوه خاتمه وئر «تائباً» داخی بسدور  
 سوزون مسیری عوض اولدی گوزله گئتمه کنار  
 واروندی درد دلون دوت بو سودامر اتگین  
 خدایه یالوار ائدر چاره قادر قهار  
 دوشنده مشکله ایش اصغره توسل ايله  
 آچار او مشکلو سیمن هشت و چهار



خطاب به ارض طوس

ای جان جهان مدفنی وی خاک خراسان  
 جان لار سنده سنده کی جانانده قربان  
 بی جادگی دنیا بویی دیل لرده قالوبسان  
 آغوشه جگر گوشه زهرانی آلوبسان



درد اهلینه آفاقده سن دارشفاسن  
 سن خوابگه ناز غریب الغریاسن  
 سن درگه امید شهنشاه و گداسن  
 نازيله یاتوب جان جهانین ئوزی سنده  
 علّت اودی وار اهل جهانین گوزی سنده

سنسن فلکه شأن ده مین ناز ساتان یر  
 سنسن هامی زوآر گلوب کامه چاتان یر  
 سنسن ضعفا ملجاء و امیدی یاتان یر  
 شافی دی شفا وئرمه سه ناخوش یولا سالماز  
 بیر سائلی عالمده الی بوش یولا سالماز  
 بیر بقعه دوشوب سنده وئره فیض نفوسه  
 نه بقعه که جان مغربی دور شمس شموشه  
 اول بقعه وئروب شأن و شرف خطه طوسه  
 باش شرقدن ایستر که سحرکه وئره خورشید  
 هر گون دوشنر خاک درینده یره خورشید  
 ای خاک خراسان سنون احوالووه طوبا  
 واقعه اولوبسان نه گوزل عزته دارا  
 مدفون اولونوب سنده جگر گوشه زهرا  
 باس باغریوا جان تک او گوزل جان عزیزی  
 مسموم دی انجیتمه او سلطان حجیزی

بیر شاه یاتوب سنده که مسموم جفادی  
 ئوز آدی علیدور لقب پاکی رضادی  
 وار دلدۀ وطن دردی غریب الغریبادی  
 ئیلدن آرالی دوشدی ئورکده سوزی قالدی  
 جان وئردی غریبانه وطنده گوزی قالدی  
 بیر شاه یاتوب سنده اسیر محن اولدی  
 دنیا اونا ایل لر بویی بیت الحزن اولدی  
 جبراً وطنین آتدی جلای وطن اولدی  
 بیر سینه ده مین لرله غمی باش باشا وئردی  
 دلدۀ غم غربت گونون عمرین باشا وئردی  
 بیر نوگل فردوس سولوب سنده سارالدی  
 گلچین اجل ذوق و صفادن اونی سالدی  
 چوخلی دیمه لی دردی اونون سینه ده قالدی  
 نه محرم راز اولدی که کشف ایلیه دردین  
 نه تاپدی او مظلوم دل اهلی دیه دردین

غربتده او مظلومی ز بس گتدیلده درده  
 ظلمت گنجه تک گوندوزی تار اولدی نظرده  
 اودلی ئورگی باغلادی قان پرده به پرده  
 هر لاله دلینده که اولار داغلی علامت  
 ایلر اویانان سینه ده کی داغی حکایت  
 بیر شاه یاتوب سنده غمی دللره دوشدی  
 نسکل لری نسکل لی سوزی دیللره دوشدی  
 قارداش آدی دیلده باجی سی چوللره دوشدی  
 افسوس که وصلت گلینی درمدی ئولدی  
 ایستکلی باجی قارداشینی گورمدی ئولدی  
 بیر شه دی که عالم لر اونون باج و خراجی  
 علم الله اولوب فرق شریفینده کی تاجی  
 جان اوسته یانندا نه آنا اولدی نه باجی  
 سورتدی ئورگین توپراقا اول سینه یارالی  
 جان وئردی او شه طایفه دن ئیلدن آرالی

یثرب یری فریاد و نوائیله دولان گون  
 بطحا گلی ظلمیله خراساندا سولان گون  
 موسایه جگر گوشه سی مسموم اولان گون  
 جان اوسته دونوب گوزلری صاق و صولا باخدی  
 حسرتله اوغول آدی دیلینده یولا باخدی  
 عرض ائتدی خدا زهریله اودلاندی فؤادیم  
 جان اوسته چیخار عرشه منیم ناله و دادیم  
 نه گلدی باشیم اوسته گوزوم نوری جوادیم  
 نه گلدی باجیم منله شریک محن اولدی  
 قویدی منی حسرت نه یانندان گلن اولدی  
 بولم غم هجریم باجیمون صبرینی آلدی  
 بولم ئوزونی مندن اُتور چوللره سالدی  
 درک ائتدی اجل دلده اونون حسرتی قالدی  
 قم شهرینه تایتدی باجیم گون کیمی باتدی  
 قارداش یوزونه حسرت اولوب قبرده یاتدی

قمد او باتوب گون کیمی بوردا باتارام من  
ئوز تربتیمی تربت طوسه قاتارام من  
قبر ایچره باجیم حسرتی دلدۀ یاتارام من  
زوار گلر بوردا منه قلبینی داغلار  
گاهی منه که غصه لی معصومیه آغلار  
یارب نولی بو «تائبه» بیر دعوت اولیدی  
بو سینه ده رفع کدر حسرت اولیدی  
اُپماق او مزاری منه ده قسمت اولیدی  
یوللاردا غباره بورونوب منده گلیدیم  
زواریلۀ باهم سورونوب منده گلیدیم

## زبان حال حضرت امام رضا علیه السلام

به درخواست مرحوم حاج علی اکبر مارالانی نوحه خوان به رشته نظم درآمده.

فراقوندا دونوبدور گوگل قانه اوغول گل  
چوخ ایستور سنی گوگلوم خراسانه اوغول گل  
او بیمار غریبم که مشتاق طبیبم  
باشیم اوستونه سنده طبیبانه اوغول گل



وئروب زهر عداوت منه دشمن جانی  
داخی سالموش ایاقدان بو رنجور بلانی  
بو حاليله ياخوندور ائدم ترک جهانی  
باشیم اوسته بو ساعت یانا یانه اوغول گل  
منیم قیدیمه بوردا نه بیر کیمسه قالان وار  
ئلیم یوخدی غریبم نه بیر یاده سالان وار  
نه بو دردی می دلدن محبتله آلان وار  
شریک اولماقا درد فراوانه اوغول گل  
قضایه دوزوموم وار شه ملک رضایم  
علیدور آدیم اما ملقب به رضایم  
نه اندازه ده درد و بلا گلسه رضایم  
رضانین باشی اوسته صمیمانه اوغول گل

اوغول صبریمی الدن غم هجرون آلودی  
 بیر اود، دورکه یانار اود، دل و جانه سالوبدی  
 دلیمه گوزل آدون گوزوم یولدا قالوبدی  
 وصالیله علاج ائت بو هجرانه اوغول گل  
 اوغول درد غریبی بولورسن بولن اولماز  
 وطن آیری تل آیری اونی یاد ائدن اولماز  
 باشی اوسته غریبین یامان گون گلن اولماز  
 یامان گوندیم آخر بو سامانه اوغول گل  
 گلر بو باشیم اوسته قبیلیم ئیلیم اولسا  
 آلاز دردیمی دلن نه درد دلیم اولسا  
 بو دلده آزالار هر غم و نسکلیم اولسا  
 ئلیم یوخ باشیم اوسته شفیقانه اوغول گل  
 گوزوم نوری جوادیم اولان جانیمه جانان  
 یتوبدور باشا عمریم یاخوندور که وئرم جان  
 ئوزون ایله تلاوت گوزل لحنیله قرآن  
 فدا بیر ایله لحنه او قرآنه اوغول گل


ائدوب عشق مریضی منی محنت هجران  
 او درد ایلیوب اودلی دلی غنچه کیمی قان  
 طبیبم سن او درده گل ائت وصلیله درمان  
 فدا ایله طبیبه او درمانه اوغول گل  
 غریبم وطن عشقی منیم هم نفسیمدی  
 دوداقه یتشوب جان بو آخر نفسیمدی  
 ئولن وقتده گورسم یوزون بیرده بسیمدی  
 ئوزون اولماقا همدم بو نالانه اوغول گل  
 غمیله وئرورم جان غریبم وطنیم یوخ  
 یانار حالیمه کیم لر منیم یاد ائدنیلم یوخ  
 دوتاشام غریبان کیمیم وار گلنیم یوخ  
 ئوزون طوسده شام غریبانه اوغول گل  
 اوغول حسرتیدیم من که معصومه گلیدی  
 باشیمدا نه بلا وار او مظلومه بولیدی  
 گوزوم یاشینی گوزدن محبتله سیلیدی  
 گله اولمیوب امکان او گریانه اوغول گل

باجیم کاش گلیدی کناریمده قالیدی  
 نه دردیم وار ثورکده او مظلومه آلیدی  
 قولون بو ینوما مهر و محبتله سالیدی  
 ئوزون اولماقا عامل او عنوانه اوغول گل  
 اگر مهلت اولیدی او رنجور و فگار  
 منی گورماقا حتماً گلردی بو دیاره  
 قویوب یوز یوزه اشگین آخیر داردی عذاره  
 اجل قویمادی یتسون او جانانه اوغول گل  
 گلوب قارداش ئولنده گوزون باجیسی باغلار  
 هامی آغلیر اما باجی چوخ گوزل آغلار  
 باجیم یوخ باشیم اوسته بو غم سینه می داغلار  
 ئوزون قورماقا بوردا عزاخانه اوغول گل  
 یقین شوق وصالیم باجیم صبرینی آلدی  
 آیردی وطنیندن اونسی چوللره سالدی  
 گلوب یوللاری قمدای وفات ایلدی قالدی  
 گله بولمدی ملک خراسانه اوغول گل

خزان آفتی پوزدی اونون عمر بهارین  
 آلوب سینه سینه قم یری جسم نزارین  
 گندوب ایله زیارت اونون غملی مزارین  
 گتور عطرون ئوزونله بو سامانه اوغول گل  
 خراساندا گوزومدن جهانی آتارام من  
 اولوب دینیمه قربان مراره چاتارام من  
 باجیم قمدایا توبدور بو یرده یاتارام من  
 یانار شمع مصیبت چو پروانه اوغول گل  
 منیم حالیمی شیعه کماکان بوله جاقدی  
 به عنوان زیارت بو طوسه گله جاقدی  
 یووب اشگیله قبریم غبارین سیله جاقدی  
 ازل اولماقا زایر بو نالانه اوغول گل  
 اولوب قاسمیان بو همین سوزلره بانی  
 یازوب «تائب» آخوبدور یوزه اشک روانی  
 گلوب مدفنیمه ذکر ائده لر بو بیانی  
 فراقوندا دونوبدور گوگول قانه اوغول گل

زبان حال حضرت معصومه عليها السلام خطاب به برادر

قم دیارینده باجون معصومه قارداش جان ویرور  
ورد ائدوب قارداش آدین مهر و وفا اعلان ویرور



شوق وصلون باشدا قارداش ایلدیم ترک وطن  
سندن اُتری چوللره دوشدوم من ای شاه زمن  
سنسبز اولدوم حیف اولا غربتده پابند محن  
عکس آمالی نتیجه گردش دوران وئورور  
سالدی تقدیر قضا دامه بو زار و مضطری  
ائتدی بازار محبّتده بلا سوداگری  
ئیل قبیلمدن اوزاق غربتده اولدوم بستری  
جام دل شربت یرینه کاسه کاسه قان وئورور  
عالم مهر و وفاده تیر غم آماجیم  
پای بند عشق و لطف و عطا محتاجیم  
سن بولورسن من نئجه قارداش وفالی باجیم  
گوزیاشیم پوزده کتاب عشقیمه عنوان وئورور

شوق وصلون هجر ائوینده قویمیوب دلده دؤزوم  
آیریلان گوندن وصالون آختارور دائم گوزوم  
نه علاقم وار سنه بیرسن بولورسن بیر ئوزوم  
بو علاقه بو وفایه گوز یاشیم میزان وئورور  
هچ باجی دؤزَمز اونی گر سالسا گوزدن قارداشی  
خاصه من تک باجی قطع اولموب گوزونده گوزیاشی  
گل آدون ورد ائتموشم بیر عمر دور هر سوز یاشی  
ایسترم قارداش سنی مهрім نقدر امکان وئورور  
چوللره دوشدوم وصاله دوندرم هجرانوی  
ایلیم قارداش زیارت عارض رخشانوی  
درک ائدم جان اوسته بیرده نغمه قرآنوی  
جان سپاره نغمه قرآن تازا بیر جان وئورور  
هارداسان معصومه نین جانی اولا قربان سنه  
اولما راضی اشکیم آخسون گوزلریمدن دامنه  
گل دلون قربانی جان اوسته اوخی قرآن منه  
روحیمه لذت ئولن دم نغمه قرآن وئورور



آخر عمری مدی قارداش وار ثورکده چوخ سوزوم  
 نه یته بولدوم وصاله وار نه هجرانه دؤزوم  
 جان وئرن وقتیمده یول لاردا قالوب آغلار گوزوم  
 گوزلریم دولموش بولود تک بارش باران وئورور  
 نقش اولوب عکس جمالون دلده کی آئینه مه  
 دؤزموشم مهر و محبت گوهرون گنجینه مه  
 آلموشام آخر نفسه نامه وی ئوز سینه مه  
 نامه وین عطری منه جان اوسته تازه جان وئورور  
 فکر ائدنده حال و قال حضرت معصومه نی  
 ایلوری گوزده مجسم زینب مظلومه نی  
 سینه ده قارداشینون قانه باتان پیراهنی  
 وای حسینیم وای دیور قلبینده حسرت جان وئورور  
 اولدی بانی «تائب» بیر اکبر آدلی نوحه خوان  
 سنده یازدون ایلدون بیر خدمت عالی عیان  
 سیز وئرون ئوز خدمتوزده خدمت عالی نشان  
 اجروری حتماً جزاده خالق سبحان وئورور

غزل

عطر ای صبا او خاک در یاردن گتور  
 آل دل غمینی مژده او دلداردن گتور



یارین دیلینجه روح ویرن نکته قیل بیان  
 جان بخش نامه عالم اسراردن گتور  
 چوخ ایسترم که لطف شمیمونله عطر آلام  
 بیر شمه نفخه نفس یاردن گتور  
 زنجیر و بنده بو دل دیوانه گلموری  
 بیر حلقه تار طره طراردن گتور  
 جانبازلیق طریقی دگول خام و ساده لیق  
 گیت بیر خبر او دلبر عیاردن گتور  
 آزاده سن چمنده گیت ای طایر چمن  
 مرغ اسیره مژده او گلزاردن گتور  
 صبریم چوخ اولدی یتدی آجی کام جانیمه  
 لبخند شهد او لعل شکرخواودن گتور

ای نفس من وساوس شیطانی نیلرم

سعی ایت نوید جانب داداردن گتور

اول خاکسار گوئلره گوندر غباریوی

خلقه خبر ثوابت و سیّاردن گتور

هر انجمنده عدل و عدالتدن اولسا سوز

سن اوردا نام حیدر کّراردن گتور

جان نقدی الده گیت سر بازار یوسفه

آل «تائب» او یوسفی بازاردن گتور

### فرزانه اول

گر حیات عاقل ایستورسن بیر آز دیوانه اول

عالم دیوانه لیقدا سیر ایله فرزانه اول



بادّه کبر و حسادتدن بوشات دل جامینی

دول شراب عشق یاریله دولی پیمانه اول

آشنا ایله ئوزون ذات خدا فرمانینه

خواهش نفسه باشارسان هر قَدَر بیگانه اول

گوشوار شوخ لر هم صحبت رخسار اولار

بَسْله ایله عارض و گوشتی دولان دُرْدانه اول

گیت اوخی افسانه عشقی ئوزون ایله فنا

سال آدون دیلدن دیله دنیا بویی افسانه اول

بیر محبّت بسدی بیر دلده گوزوم اولما دو دل

مشق آلوب پروانه دن ئوز شمعوه پروانه اول

سعی قیل مهر و محبّت عالمینده وور قدم

اهل عشقیله وفا شهرینده گیت همخانه اول

ایچ آییق قلبیله صهبای ولایت عشق ایله

مست عشق دوست دوش بیر عاشق مستانه اول

قفل اولار میل هوا هر قلبی تعطیله چکر

سن ئوزون مفتاح ایله مفتاح ایچون دندانه اول

یار گوسترسه یوزون آئینه تک دول جلوه دن

دلبر آچسا زلف پر پیچ و خمین سن شانه اول

گاه سن ارکان دن سن گاه و گه حیوان سن

ایمدی گر جان اولموسان جانان تانی جانانه اول

ایتدی حَتّانه ستونین نور پیغمبر خلاص

کَم دگولسن چوبدن حَتّانه اول حَتّانه اول

وار طریق مهدوی دوت راه و رسم مهدوی

ایله ترک کجروی فرزانه اول فرزانه اول

بحر علم اولساندا تائب داشما بلکه چون صدف

بی صدا گوهر فروش گوهر یکدانه اول

### اندرز

گونوز اوروج گئجه لر صبحه تک نماز ایده سن  
بقصد حجّ یوزون جانب حجاز ایده سن



مدینه دن باش آچوخ پابره نه کعبه دین  
ایکی دوداقوی لبیک دیلده باز ایده سن

مساجد یله معابدده اعتکاف یله

تمام فعل مناهی دن احتراز ایده سن  
صبح اولونجا نماز اوسته هر شب جمعه

خدای دن طلب حاجت و نیاز ایده سن  
چوخ اجری وار ولی اونداندا چوخ اولار اجری

امیدسیز یوزونه باب بسته باز ایده سن  
اماندی زاهده «تائب» دیمه آغیر تکلیف

قاچاق یولون اونا سن قورخورام فراز ایده سن

بوراخ عبادتین ایتسون قیرار قاچار بی شک

اگر او مؤمنی آگاه سوز و ساز ایده سن

ایدر عبادت او بولمز که درد جامعه وار

اونون یانیندا مبادا که کشف راز ایده سن

## ولادت حضرت ولیعصر (عج)

وئر خبر منتظرین فرجه  
 کوری چشمی اتباع لجه  
 صاحب العصر گلوب دنیا به  
 عجل الله تعالى فرجه



صاحب تاج کرامات و کرم  
 مهدی دین خدا غوث امم  
 نکته کفره ووران نقش عدم  
 صبح صادقده قویوب کونه قدم  
 صاحب العصر گلوب دنیا به عجل الله تعالى فرجه  
 گلدی نوریندن اولان گون خیره  
 گلدی افکاری سالان تسخیره  
 هامی نیرویه قواسی چیره  
 زمره جهلی چکن زنجیره  
 صاحب العصر گلوب دنیا به عجل الله تعالى فرجه

شأنه باخ با قلم قدرت حق  
 صاق قولوندا یازیلوب جاء الحق  
 زَهَقَ الْبَاطِلُ باعث مطلق  
 گلوری بو سوزه صدق صدق

صاحب العصر گلوب دنیا به عجل الله تعالی فرجه  
 گورنه دنیانی دوتوب بهجت و شور  
 عالم شیعه ده وار عیش و سرور  
 چشم بدخواه تشیع اولار کور  
 سربه سر عالمه سلطان غیور

صاحب العصر گلوب دنیا به عجل الله تعالی فرجه  
 صورتاً حسن پیمبر بدلی  
 اَمْلَحُ النَّاسِ گوزلر گوزلی  
 صبح صادقده او نور ازلی  
 سالدی بو عالمه بیر نور جلی  
 صاحب العصر گلوب دنیا به عجل الله تعالی فرجه

آرتوران منزلت قرآنی  
 دولدوران عدلیله بو دنیانی  
 شائینون عالم اولان حیرانی  
 جانینون جانلار اولار قربانی

صاحب العصر گلوب دنیا به عجل الله تعالی فرجه  
 گرچه بیر عده دوتوب راه خطا  
 وورار عالمده دم از باب و بها  
 ئوزلرینه اولار ایلولله جفا  
 دیوروخ بو سوزی با بانگ رسا

صاحب العصر گلوب دنیا به عجل الله تعالی فرجه  
 صیت و آوازه سی عرشه اوجالان  
 عالم کفری یخوب لرزه سالان  
 نچه ایل پرده غیبتده قالان  
 جدی مظلوم حسین قانین آلان  
 صاحب العصر گلوب دنیا به عجل الله تعالی فرجه

و قريله كعبه كنارينده دوران  
بیربیره هیأت كفاری ووران  
جدی محمود یرینده اوتوران  
عدل تشکیلینی عالمده قوران  
صاحب العصر گلوب دنیایه عجل الله تعالی فرجه

دولدوران یر یوزونی احسانی  
نعمت لطیفین ائدن ارزانی  
گوسترن خلقه ره انسانی  
فخر دین شیعه لرین سلطانی

صاحب العصر گلوب دنیایه عجل الله تعالی فرجه  
برکیدن دین خدا پایه سینی  
ایلین پایه لی سرمایه سینی  
آرتوران زینت و پیرایه سینی  
سر اسلامه سالان سایه سینی  
صاحب العصر گلوب دنیایه عجل الله تعالی فرجه

سینه سی علم خدا کانونی  
حسرت سرو، قد موزونی  
گل لرین رشکی رخ گلگونی  
یغان عالمده غلط قانونی  
صاحب العصر گلوب دنیایه عجل الله تعالی فرجه

ئوزی دور معنی دین صورت دین  
شرف و عزت دین غیرت دین  
نفسی شخصیت و حیثیت دین  
حامي ملت دین امت دین

صاحب العصر گلوب دنیایه عجل الله تعالی فرجه  
ظلم ائوین عدلیله برباد ایلین  
دین و قرآن ائوین آباد ایلین  
شیعه نی غصه دن آزاد ایلین  
دوتولان دل لرینی شاد ایلین

صاحب العصر گلوب دنیایه عجل الله تعالی فرجه

«تائباً» کس هامولاردان گوزیوی  
سال در صاحب عصره ئوزیوی  
آیری دربارہ چویرمه یوزیوی  
اوجا آوازیله دی بو سوزیوی  
صاحب العصر گلوب دنیاہ عجل الله تعالی فرجه

### تممة الكتاب

به یاری حضرت پروردگار و در زیر سایه حضرت  
ولی عصر عجل الله تعالی فرجه الشریف جلد سوم  
جوهر المصائب تائب با ملحقات از چاپ درآمده و در  
دسترس عموم قرار می گیرد.

التماس دعا

ذرة بيمقدار: تائب

### فهرست کتاب

شرح	از صفحه	تا صفحه
نام کتاب	۱	۱
شناسنامه کتاب	۲	۲
مقدمه کتاب	۴	۵
توحید	۶	۱۱
احوالات حضرت رسول ﷺ	۱۲	۳۰
شهادت امام حسین ﷺ	۳۱	۲۲
احوالات حضرت علی ﷺ	۳۲	۴۸
احوالات حضرت زهرا ﷺ	۴۹	۷۷
احوالات امام حسن ﷺ	۷۸	۹۰
ولادت و شخصیت و زیارت امام حسین ﷺ	۹۱	۱۱۰
حضرت مسلم علیه الرحمة	۱۱۱	۱۱۵
احوالات حضرت علی اکبر ﷺ	۱۱۶	۱۳۹
حضرت قاسم ﷺ	۱۴۰	۱۴۲
حضرت قمر منیر بنی هاشم ﷺ	۱۴۳	۱۶۵
حضرت علی اصغر ﷺ	۱۶۶	۱۸۰

## فهرست جلد سوم جوهر المصائب

شرح مطالب	ردیف	از شماره	الی شماره
ازوداع امام حسین علیه السلام تاشهادت	۱۶	۱۸۱	۲۰۶
غارت خیام	۱۷	۲۰۷	۲۱۷
کوچ اهل بیت از قتلگاه کربلا	۱۸	۲۱۸	۲۵۲
حضرت زینب و خطبه حضرت سجاد ع س در کوفه	۱۹	۲۵۳	۲۶۳
راه شام	۲۰	۲۶۴	۲۶۹
خطبه حضرت زینب ع س در مجلس یزید	۲۱	۲۷۰	۲۸۴
خرابه شام	۲۲	۲۸۵	۳۱۷
اربعین	۲۳	۳۱۸	۳۵۶
از ولادت تاشهادت حضرت زینب ع س	۲۴	۳۵۷	۳۸۱
حضرت سجاد علیه السلام	۲۵	۳۸۲	۳۸۶
حضرت موسی ابن جعفر علیه السلام	۲۶	۳۸۷	۳۹۵
حضرت علی ابن موسی الرضا ع س	۲۷	۳۹۶	۴۲۷
حضرت معصومه علیها سلام	۲۸	۴۲۸	۴۳۰
متفرقه	۲۹	۴۳۱	۴۳۶
حضرت ولی عصر امام زمان عج اه فرجه الشریف	۳۰	۴۳۹	۴۴۶
فهرست کتاب	۳۱	۴۴۷	۴۴۸